

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

PL	Yalcin, Huseyin Cahit
248	Hayal icinde
Y26H27	

4136

18/778

حسین جاہد

خیالِ محسوس

Yalçın, Hüseyin Cahit

Hayāl içinde

معارف نظارت جلیہ سنک وخصتیہ

استانبول — عالم مطبعہ سی


مارت ، ۱۳۱۷

PL

248

Y26 H27





فياں محمد

— ۱ —

بر بازار کونی ایدی . ساعت دو قوزی هنوز کچمش
ایکن تپہ باشی باغچہ سی ، بو کونکی کل یورطیسی مناسبتیلہ ،
غلبہ لق اولغہ باشلیوردی . باغچہ نک آشاغی طرفہ طوپلانمش
غارصونلر طاتلی مصاحبہ لرندن آیرلغہ آراتق راضی
اولہ رق توزلو ماصہ لرہ حشود سزلقلہ باقان مشتریلرک
امرلرینی آلمق ایچون مراجعت ایدیورلردی . نشان
باراقہ سنک ، آتلی قاراجہ لرک یانہ ندہ بیریکن دادیلر
چوجوقلری سربست براقمشلردی . قاپی جہتہ ندن گاہ
مقاطع و بطی ، گاہ متہ اجم و سریع برجریان آغاج آلترینہ
بعضاً ظریف برقاج قادین حالندہ نازک بردمت براقیور ،
بعضاً بازارہ مخصوص قیافتلریلہ اصناف چراقلری حالندہ

بر قاج دیکن آتیوردی . اوتده بر چوجوق بوش اسکملر
 آره سنده چنبرینی چویره رک رفیقه سنه یتشمکه چالیشور ؛
 تا اوزاقده یولک کنارینه ییغیله قالمش قاری قوجه ایکی
 خرابه حیات اوکلرندن کچن متبسم چوجوقلره ،
 بوتون کلنجلره بوش بر نظرله باقیورلر . اورتیه یرده ،
 کوشکک یاننده یکنسق البسلرله محار چالغیچیلر بالخاصه
 چوجوقلرک پک زیاده مراقفی جلب ایدیور . ماصه لر
 برر برر دولیور . باغچه یه بر حیات کلیور . اشاغی یوللاردن
 بعض قهقهه لر ، شورادن خفیف مناقشه لر ایشیدلمکده ؛
 آراده صراده بر تراموای دودوکی ، آرابه شاقیرتیلری
 بولنره انضمام ایدیور . تهاجم کیتدکجه آرتیور ...

چوق کچمه دن قانی طرفنه اصابت ایدن جهتک
 ماصه لری هپ اشغال اولوندی . ینه تک توك پیاسه ایدنلر
 بولونیور . آرتق یر انتخابی بر پارچه کوچلمشدی . شوراده
 آچیق سمائی ژاکتلی مادامک قارشیسنده اوتوره بیلیمک
 قابل دکل ؛ فقط ینه بر از آشاغیده کوزل برسیاهلی بولنه .
 بیللیور ؛ غلبه لق یاواش یاواش آرقه جهتلره دوضرو
 یاییلیور .

بوصرده اک بویوکنه یکر می ایکیدن زیاده یاش تخمین
 اولونه میه جق اوج کنج باغچه دن ایچری کیرمه لردی ؛

بویو کیله کوچو کسک بوکبی یرلره یابانچیلق کوس-ترن
 شاشیرمش حاللرندن یر انتخابنه اوقدر اهمیت ویرمدکلری
 آکلاشیلیوردی. فقط خفیف صاری بیبقلی اورتانجه لری
 نه طرفه یورویه جکئی بیلنلرده کوورولن بر اعتماد ایله
 آرقداشلرینی سوق اییدیوردی. نشان باراقه سنی دوندیله
 چالغیجیلره مخصوص کوشکک آرقه طرفه کلمش-لردی.
 بوراده صاری بیبقلی کنج ائردقت کوسترمکه باشلادی.
 آغاچلرک یان-دن کچ-دکجه یاواش-جه «بودکل» دییه
 سویله نیوردی. نهایت یولک کنارنده کوچوک بر مشروبات
 تعرفه سی آسیلی بویو کجه بر آغاچک آلتی بوش کورونجه
 منوینتله :

— بوراسی !

دیدکن صوکره بوتنها، قاپیدن کیرنلرک کوزوکه دیکی
 طرفده اوتورمه نك معناسنی آکلایه میان رفیققرینه :

— نه کزه لازم ، سز اوتورکز ، آکلار سکز .

دیدی ، اوتوردیلر . صوکره صاری بیبقلی کنج ،
 کوچوک رفیقنه صوردی :

— ناصل ، نزیه ، باغچه بی بکندکمی ؟

نزیه شمدی یه قدر کورمدیکی بومنظره نك ویردیکی
 حیرتلرله دولو کوزلرینی یانلرندن کچن شیشمان بر آلفته نك

کیرلی ، ایپکلی انکارندن مخاطبئک چهره سنه قالدیردی .
ساده جه :

— یمان ! دیدی . صـ و کره دیگر رفیقنه دوندی :

— سن نه دیرسک شکری بک ؟

— دور هله شیمدی . بر کونشسزیر بولیم ده .

بزم ضیا بک افندی ترده مناسبتسز برشی وارسه اونی یاپار .

شیمدی شو جانم قاپی طرفنی براق ده بورایه کل .

ضیا آلائی ایتدی :

— دارلمه آجانم ، کونش کوزله کلیر .

صو کره نه ایسته یه جکئی بیلمه یین زیه بک قارشیدنده

صومورتمش چهره سسیله جان صیقنتیسی اظهار ایدن

غارصونه :

— اوچ بیرا !

دیدى وموافقتلرینی آلمق ایچون رفیقلرینک یوزینه

باقدی . شکری ، کونشسزیر بوله مامقن متولد بر حدتله

آرقه سنی آغاجه دایایه رق صوصیوردی . زیه سس

حیقارمادی . اوشیمدی حریص بر تجسسله اطرافنه کوز

کزدیر مکده ایدی . بو اوزون طارانش صاچار یله ، ساده

اثوابلریله غوغا اتمه دن ، عارسزلق کوستر مه دن ، کندیلرینی

شـ اشیرمه دن او یون اوینایان ، قوشوشان ، چنبر چویرن

چو جو قنر ، بوتازده ، خندان توانلر یله اطر افلرینه
 طراوت بخش اولان قیزلر ، قابنده ، فکرنده مشوش
 بر طاق حسیات اویندیان بللی قادینلر اونک ایچون یك
 یکی ایدی .

اوبو کون ، یك قولای بولدیغی عائله امتحانی ایچون
 چالشمه ، لزوم کورمیه رك ، بایزیدر کی خله زاده لرینه قدر
 اوزامشدی . اوراده آفشامه دوغره ، بوتون بوتون سون
 بر محاوره نك اکلنجه تحری ایتدیرن صیفه تیسی ایچنده ضیا
 تپه باشی باغچه سنه کیدلمنی تکلیف ایتمش . ایشته بونک اوزرینه
 قالقوب کلمه لردی .

نزیه بوراسنی هیچ بیلمیوردی ، یالکیز آرادده صیراده
 نراموایله چکرکن باغچه یی طیشندن کورمش ، غزته لرده
 بعض ضیافت توصیفاتی اوقومشدی ، ذنوب شباب قبیاندن
 برقچ حکایه یازهرق بونلرک طبعنده موفق اولدیغی جهته
 کندیسنده وهم ایتدیکی وظیفه تحریر ایچون بوکی اکلنجه
 محملارینی اوکر نهمی الزم عدایدیوردی . ایشته ضیا بوکون
 تپه باشی باغچه سنده کورمیکده اولدیغی بر قیزلردن بحث
 ایدرک بر چوق ایچنی چکدیکی ، هله بک اوغلی حیاتی
 حقنده معلومات فروشانه بر چوق تفصیلات ویردیکی زمان
 نزیه — اوده قالهرق یرد بایه جقلاری کاغذ اوزرندده هیچ

سس چیقمایه جق صورتده زار آتمنی توصیه ایدن شکرینک
 اصرار لرینه رغماً — بک اوغلنه کچمه یی ترجیح ایتشدی .
 بانچه یه بردنبره کیرنجبه کندیسنی بو قدر غایب — لغک
 تکمیل انظار تدقیقنه معروض قالمش ظن ایدرک
 صیقلشمش ، بر محرر اولدیغنی ، بوراده کی آدم لک هپسینه
 یوکسکدن باقاسی لازم کله جکنی بیهوده یره دوشونمش ،
 محجوب وحیران ، یورو مشدی .

شیمدی یاواش یاواش ایلمک حیرتدن فیکرینی
 قورتاریور ، هب بردن ، بالاتفرعات کوردیکی غایب — لغی
 آری آری تدقیق ایدم یلیوردی . فقط فرقنده اولمادیغنی
 حالده مفکره سنی مستغرق ایدن موسیقینک آهنگی ایچنده
 بو اون یدی باش قلبنک حسیات خیال پرورانه سی انکشاف
 ایتشدی . صوکره بوکا بر رومانچینک درین دوشونمسی
 لازم کله جکی حقنده کی فکر تصاف — پرورانه سی ده انضمام
 ایدرک کندیسنی ، اوکندن کچن چو جو قلمری استقبالده
 کویا بکله یین فلاکتلر حقنده تفلسفه ، بویالی یوزلو بللی
 قادیلر حقنده ناممحل بر ترجمه سوق ایدیوردی .

بوصرده ضیانک شدتلی شدتلی اوکسورمه سی ،
 یانلرنده بوش دوران ماصده کی اسکملرک اشغال ایدیلمه —
 لرندن متحصل کورولتو ، نازک برقاج قهقهه نزیهی اطرافنه
 باقعه مجبور ایتدی .

اوبوش ماصهیه شیمدی اوچ کینج قیز ایله براختیار
قادین ، برده سکز دوقوز یاشلارنده بر قیز چوجوغی
اوتوریوردی .

نزیه ، آلافرانغه هوالرك كورولتوسندن بوتون بوتون
حدتانن شكرينك قواني دورتدی ، کینج قیزلری کوسترەرك :
— آل ، دیدی ، کونشك آجییی چیقادی .

صوکره ، اسکملهسی اوزرنده اوتورامایان ضیالک
غریب حالندن برشی سزەرك صوردی :
— بونلر کیم ؟

— ایشته آکلاتدیغم دیاپولولر .

هیچ کیمسه دن چکینمهیهرك قهقهه لرله کولوشن ،
کندی باغچهلرنده بولنیورلر کبی سربستانه حرکت ایدن
بوکینج قیزلرك پرطراوت چهره لرینه تلذله ممزوج بر
حیرتله انصب نگاه ایتمش اولان نزیه قیصه جه :

— صحیح ، دیدی ، پک کوزل شیلر !

اونلر ، بویله بر تقدیر قازاندقلرینه اهمیت ویرمیهرك
آرقیه دوغرو برماصه اوته دهکی ، کندیلرخی کورمیورکبی
داورانان ایکی ارککه سسلانیورلردی . صاریشین ، ماوی
کوزلوسی گورهک ، اینجه برسسله چاغیردی :

— فرانسوا !

بوسس ، بوهیچ بیتمه یین قهقهه لر ، بوتون بونلر براز
 بریده هپ کندیلارینه متوجه اولان بر کنج قلبك هوای
 آمالی ایچنده پك درین اهتزاز ایدیوردی . شیمدی اوچ
 رفیق ، باخاصه نزه ايله ضیا ، بوقیزلردن باشقه بر شیئه
 دقت ایتیورلردی . « فرانسوا ! » خطابنه نائل اولان
 سیلندیر شایقه لی کنج ، قیزلری یکی کوریورمش کی
 تهالکله دوندی ، سلاملادی ؛ محاوره امتداد ایده مدی .
 فقط فرانسوا ايله رفیق غالباً کوزل بر وسیله مکالمه
 بولدیلر که ینه اوماوی کوزلو صاریشین قیز فرانسوزجه :
 — او ! بر مکتوب ، چوء چوء چوء ...

دیور ، بوتون یوزینه شدتلی بر پنهانک ویرن قهقهه لر
 آره سنده باشی معنیدار بر سر زنشله صالایوردی .
 دلیقانلیلر ، اللرنده کی کاغذك اهمیتی بر شی اولمادیغی
 تأمین ایدر طورلرده بولوندیلر . برشیلرده سویلیورلردی .
 نزه چالغینك کورولتوسی ایچنده بوجوابی ایشیده مدی .
 یالکز کیتدکجه ملذذ اوله رق ، کیتدکجه دالهرق اوکنده کی
 منظره ی سیر ایدیوردی . ینه اوماوی کوزلو قیز حلقه
 شکلنده قامش صاپلی شمسیه سنی اوزاتدی ؛ دیندن بری
 قیزلری سکونته دعوت ایتدیکی حانندن آکلاشیلان اختیار
 قادین ، دیشسز بر آغزك حیقاردیغی پلنك سسیله :

— حاجت یوق ، دیوردی ، مراق ایتبورز .
 اختیار قادینک بواعتراضنه ، بواسطه اتقاله نه ماوی
 کوزلو قیز اهمیت ویردی ، نه فرانسه-وا . مکتوب دنیان
 کاغد ، بو وسیله ملاطفه ، شمشیه ک اوچنه ایلیشدرلدی ؛
 سوکره اوچ قیز طرفدن قاپشیلهرق تدقیق اولوندی ؛
 عینی صورتله اعاده ایدلدی .

آرا یرده کی ماصیه بر قاچ کشینک کلمی محاوره ک
 دوامنه مانع اولدی .

تزیه ، بو سر بسته کله ممزوج ظرافت عشوه بازانه دن
 سرمست اولمشدی . شکری حدتک یاریسنی غائب ایتمش ،
 ضیانک بر جوشش درونی ایله اعطا ایتدیکی تفصیلاتی تزیه
 کی اهمیتله دیکلیوردی .

ضیا ، کوستردیکی اثر تقدمدن مفتخر اولدیغنی اظهار
 ایدن بر طور تفوق ایله ایضاحات ویریوردی :

— کوردیکزیا ، بو قیزلر ایشته بویله در . کیمی
 کورسلر قورته ایدرلر . کندیلرینی بک اوغلنده بیلمه یین
 آدم یوقدر . فرانسه ادبیه سسلندکاری حریف دمنجک
 بونلرک اوتوردیغنی ماصه ده ایدی . اورایه کیمسه کلمسین
 دییه بکلیوردی . قیزلری اوزاقدن کورنجه قالقدی ،
 ارقداشنک یاننه کیتدی .

صاریشین ، ماوی کوزلوقیزدن نظرینی هییچ ایرمازکن
 بوبراق ماوی کوزنرک بر ثانیه جک تقابل ناکهانیسندن
 وجودنده حس ایتدیکی تیترومه یی ، باشنه هجوم ایدن قاننک
 قولاقلرنده کی اوغولتوسنی اونوته میان ، او بر ثانیه ایچنده
 شیمدی یه قدر طانیادیغی حار بر لذتله صارصلمش اولان
 نزیه بو قدر جق معلومات ایله قناعت ایده میوردی . ده
 زیاده ، ده ازیاده ، هر شیئی او کرمک ایستیوردی .
 صورتی :

— بورایه کله جکلرینی نه دن بیلییوردک ؟
 — هراقشام بورایه کلیرلر . هییچ یرلرینی دکشدر-
 منزلر . قاق اقشامدر کلیورم ، کندیلرینی هپ بوراده
 کوریورم . هر وقت بویله شن دورورلر . اوچی ده قاردشدر .
 — بونلر کیمک نه سی ؟

— بابالری یوق ظن ایدرم . فرانسه تیاتروسنده
 آقتیس ایمشار . محمود بك او یله سویله دی .

آقتیس ... بر کنج چوجوق نظرنده بر قادی
 اوتوزندن زیاده یه چیقارمیان ، هر وقت کوزل عدایتدیرن
 بو پرفسون کله نزیه شیمدی قیزلری ده ا جالب ، ده
 لطیف کوستریوردی .

ساعت اونى کچمش ، باغچه پک زیاده غلبه لق اولمشدی .

آرتق نزیه ذی حیات بر دالغه کبی اطرافندن آقوب کچلمه
 او قدر بقیوردی . آزده صرعه بو متحرک حلقه ایچمه
 تقریق ایتدیکی بر ایکی قادینی بلا اختیار قارشیمسندکی
 کنج قیزلره مقایسه ایدیور ، بوتون بو مقایسه لرندن
 چیقان نتیجه نی کنج قیزلر ، نهایت یاروم یافرانسز اولوق
 اوزره تخمین ایتدیکی بو کوزل آقتریسار ایچون مساء
 بولویوردی .

فی الحقیقه ، بو ارچ همشیره بو کون شو باغچه ده کی کوزل
 قادینارک هپسینه مسابقه حسنه کیریشمکده بر شی غائب
 اتمه یه جک بر اضافه مانیکدیلم . یکنفازده همشیره اولدقاری
 حکم ایدیله یایردی . کوزلرک رنگنجه اوچنده ده اختلاف
 اولقله برابر هپسندده او خندان نظرلر پنبه ، اوزون
 چهره لرینه جاذب بر نور شبابت سرنیوردی .

مکلف کینه مشاردی . اوچنکده آرقه سند قردم
 رنگلی برر باصمه فستقان واردی . فقط یان ظرفه
 اکدکاری حصیر شایقه لرندن سوزولان ضیای شمس ایله
 یالیزلانان چهره لرندن ؛ ایچمه ، او قدرکه قوپه جق ظن
 اولونان بلارینک فوقده بر تمو نظرکریز ایله دالغالانان
 نازک وجود لرندن او یله بر ثروت حسن و آن تصاء
 ایتمکده ایدی که کاغد یاپازهلری شوخ بر آهنگ ایله

صالایان کوچوک اللرده کی دیوه نلرک ، قیصه جه اتکلردن
 دیشاری چیقان مینی مینی ، آفاجان آیاقلرده کی صاری
 اسقارینلرک اسکجه اولماسی هیچ ده نظر دقته ایلشمیوردی .
 هله نزیه بونلری حس ایده بیله جک برحاله دکلدی .
 او ، کنج مخیله سنک ، مفتون کوزلری اوکنه چکدیکی
 پرده شعر آلتندن کوزل آقتریسلری تماشایه ، تخیه
 دالمشدی . بعضاً اولردن بریله ، شو کوچک قیزک سره
 دعوتلر ایدیور کبی باقان قاره کوزلریله ، هله دها زیاده
 اوماوی کوزلو صاریشین قیز ایله نظرلری تقابل ایتدیکی
 زمان قباحت ایدرکن طوتولش کوچوک بر چوجوق
 کبی قیزاریور ؛ بوجسور ، مستهزی نظرلرک صدمه سنه
 مقاومت ایده میوردی . طبیعتنده کی اجتناب ، قورققلق
 کیتدجکه ، قیزلرده کی میل استهزایی کوردجکه آرتیور ؛
 آرقه سنده پک بایاغی بولدیغی شا کرد البسه سیله ، باشنده
 قالب سنک براز بوزوق اولدیغی شیمدی تخطر ایتدیکی
 فسه سیله ، هله یکی کسيلمش صاچلریله کولونج اولمقدن ،
 بر خنده تزییف جلب ایتمکدن قورقیوردی .

لکن قیزلرک شوقارشیلرنده — اوکنده کی بیرا بارداغی
 اراده بر عظمت مردانه ایله دوداقلرینه کوتوره رک
 کندی کندیسنه جسارت ویرمک ایسته یین — مکتبلییه

هیچ اهمیت ویردکاری حس اولونموردی . اونلرک باشقه اشتغال ایدم جک شیلری ، باشقه اکلانه جک موضوعلری واردی . کیتدجکه صیقلاشان پیاسه دائرهمی اولاره هر آدیمده بر نمونه تمسخر عرض ایدیوردی . بو ، گاه اوموزلرینه باصان سنین حیاتی آق ساچلری ایچنده صاقلایه رق غریب موده لرله کینجاشمک ایستین بر قادین ، گاه بویون باغیسی یاقه سندن یوکسلمش بر شیق اولوردی .

اووقت تزیه کندیسنک پک کوزل کینمش بولدیفی قادینلرک ، ارککلرک نه معنیدار قول دورتوشلرینه . انک زیانسز تصور ایتدیکی طورلرک ، حرکتلرک نه مستهزی دوداق بوکوشلرینه ، بعضاً نه سربست قهقهه لرله محل ویردیکنی کورنجه توزلو اسقار پلرینی صاقلایه جق یر بولامیور ، بوتون اوواهی عظمت نفس اوزونتولریله مضطرب اولیوردی .

بوصرده قیزلرک بویوکی ایله اورتانجه سی پیاسه یه قالقدیلر .

تزیهک ویردیکی اهمیتدن ، کوسه تردیکی تقدیردن کیتدجکه مفتخر اولان ضیا هر شیئه دقتی ایما ایدر بر وقوف ایله آرقداشلرینه دوندی :

— براز اول ، دیدی ، شوراده کی فرنکلرده قالدی .
اونلر بو طرفدن کیتدی . قیزلر شورادن دولاشدی .
شیمدی لاق باشنده بولوشمشلردر . اوراده قورته
ایدرلر .

نزیه نا کهانی بر حس تجسسه قاپله رق :

— هایدی ، دیدی ، بزده کیدلم .
شکری قالمادی . اوزاتا اسکمله لری بکله مک ایچون
اوتورمغه مجبور ایدی . رفیقلرینک آرقه سندن یالکیز :
— الله عقلار ویرسین ! دیمکه اکتفا ایدی .

ضیا ایله نزیه غلبه لغک آره سندن سرعتله کچمک
ایچون اوتو کینه بریکنه چارپه رق ایلر یلورلردی . تیاترونک
کوشه سنی دوندیلر . حوضک یاننه اینن انجه یوقوشه
صاپدیلر . بوراده ماوی کوزلو ، صاریشین قیز ایله
فرانسوا درین بر محاوره یه دالمشلردی . نزیه ، بر نظریه
کندیسنی بوقدر تشویش ایدن شو کوزل قیزی بویله
لاقر دیسنه باغلا یه جق قدر مهم شیلر حکایه ایدن کنج
آدمه خصمانه بر غبطه ایله باقه رق کچدی .

آشاغیده بویوک قیز ایله فرانسوانک رفیقی کندیلرنجه
بک تحف بولدقلری برشیئه کولیورلردی . یورودیلر ؛
حوضک یاننه کلدیلر . بوراده چوجوقلر بیریکمشلر ،

دولاشانلردن بعضیلری تنفس ایچون دورمشلردی .
ضیا ایله نزیه قیرمزی بالیقاره ، قاپلومبغله لره ییه جات
آتان، اللرنده کی دکنکلرله حوضی قاریشدران چوجوقلرک
آره سنده ، صویک سطحندنه کی نباتات مائییه سیر ایدهرک
بر آرقالایلر . ضیا ، قیزلرک یانندن بردها کچمکی تکلیف
ایتدی . بو ، نزیه ایچون جانه منت ایدی .

یورودیلر . کنج قیزلرینه عینی نقطه ده ، بوتون
اطرافلرنده کی انسانلره لاقید، قونوشیورلر، کولوشیور-
لردی . بودفعه نزیه ایله ضیا کندیلرینه پک دقتلی باقدیلر .
نزیه ده مکتبایلره مخصوص عزیزلک حسیاتی اویانمشدی :
— راحت ویرمیهلم ! دیدی .

یانلرندن اوقدر کچدیلر ، بوپرھوس چفتلری اوقدر
معذب ایتدیلرکه اولر نهایت یرلرینی دکیشدیرمکه مجبور
اولدیلر . فقط بریکیلر یانلرندن کچمکده ، دقتله یوزلرینه
باققده ، دوروب سیر اتمکده اصرار ایدیورلردی .

بردفعه اوماوی کوزلر نزیهک شدتله پارلایان سیاه
نظریله چارپیشدی . بونلرده کوردیکی افاده حدت
وتکدیر نزیهی محجوب ومنقاد ایتدی . اوتانه رق :
— آرتق براقلم ، دیدی ؛ شیمدی بکا باغچینی

کزدیر .

نزیه توزلو طفلانلری ، صوسزلقدن ص-ارارمش
 چیچکلی ، نیم قوملو یوللری هپ خارق العاده بولیور ،
 هر آدیم باشنده دالغین برطور ایله :
 — جداً لطیف ، حقیقه کوزلیر !

تقدیرلرینی اسراف ایدیوردی . آرایرلرده کی
 کوچوچک حوضلرک فیسقیه لری ده آچلمشدی . بونلرک
 ویزلیدی ، سوقاغک کورولنوسی ، ایشیدیلن اورکستره ،
 آشاغیده قایدیراق اوینایان چوچوقلرک حایقیرشمه لری ،
 یوللرده س-ورونن ایپکلی اتمکلرک فروفرولری
 باغچه یی نزیه ایچون اویوش-دیریحی بر ولوله املا ایله
 ایدیوردی .

ایکی آرقداش پک کوزل ، پک ماهرانه ترتیب
 ایدلمش بولقلری یوقوشجقلردن اینه رک ، آلچق کوپرونک
 آلتدن کچه رک ، کندی کنیدیلرینه راحت راحت اوینایان
 چوچوقلرک یاننه ایندیله . قونوشمق ایچون بوراسنی
 دها مناسب ، دها تنها بولمش چفتلره ، دادیلره برر
 نظر تدقیق عطفندن ص-وکره آتلی قاره جهلرک یاننه
 چیقیدیلر . نشان باراقه می اوکنده بر آاز دوره رق تفک
 دولدوران قادینک بیاض بیلکلیرینی سیر ایتدیلر . نهایت ،
 کنیدیلرینی سوروکله یین آقتی ایله یرلرینه کلکلیری زمان ،

نزیه ایلاک دفعه اوله رق کوردیکی بوتون بوکوزل . بو
مکمل شیاره مفتون ، تقدیر خوان ، شاشقین قالمشدی .
آراق قیزلرده ککشلر ، یرلرینه اوتورمشاردی .
شکری کندیلرینه برخبر ویریوردی : قوجه قاری نرده
قالدقلرینی ، نیچون کجیکدکارینی صورمش ، اونلرده
« شویله بردولاشدق » دیمشله .

بواختیار قادین کیمدی ؟ بو آقریسار کیمدن
چکینه بیلیرلردی ؟ بلکه والدلری ایدی ؛ فقط نزیه بو قدر
کوزل قیزلره بویله چرکین بروالده یاقیشدیره میوردی .
شکری ساعته باقوب بیرا قدخنده قالمش صوک
یوتومی ده ایچهرک :

— ای ، دیدی ، ساعت اون بری یکرمی کچبور .
آراق قالقم . آقشامه بابالغی یینه باغیرتیرز .
ضیا تأسفله یرندن قالقدی . باغچه نك اصل اضافی
بوندن صوکره اولدیغنی ادعا ایدیوردی . نزیه اعتراض
ایتمدی . بوکون کوردیکی شیلر کندیسسی ایچون اوقدر
فوق المأمول ایدی که بو کثرت احتیاسدن سرسم اولمشدی .



تنفس طامبوری یکی چالمش-دی . مکتبک امتحان
 و قتلرندہ آزالان طلبہ سی س-نہ نہ-ایتلرینہ مخصوص بر
 انتظامسزلقلہ باغچہ یہ چیقیورلردی . اوکونکی کت-ابت
 امتحانک تحریری اولہرق اجرا ایدلمس-نی محقق عد
 ایتدکلرندن اوچنچی صنف شا کردانی ساعت اوچدہ
 ہپ طوپلانمش-لردی . کیمیمی مکتب ملکیکہ باغچہ-سفی
 تربہدن تفریق ایدن دیوار دینہ دیزیلی صرارہ اوتورمش ،
 کیمیمی اوتہدہکی صوندورمہنک آلتنہ چکیلمش ، جیغارہنی
 فدا ایدمہینلر تنفسخانہدہ قالمشلردی .

امتحان و قتلرینہ مخصوص برفہ-الیت خصوصہ

مکتبک بکنسق حیاته برار جان ویریوردی . شوراده
 باغچنک مدیریت او طه سنک آتنده کی قسمده ایلرنده کی
 دوترلری ، مکتبک لیصوغرافی مطبعه سندن چقمش
 فورمه لری یوکسک سسله او قویه رق برقچ چفت حیزلی
 حیزلی پیاسه ایدیور . قانی یاننده بر قاج ایکنجی سنه
 افندیسی ایکی کون صوکرده کی هندسه امتحانک شکلرینی
 دیواره چیز یور . بریده بر اعتراض ، بر مناقشه باشایور .
 برون سنه ایچنده کتاب باراقلرینی کسمه ییلره بیله بر
 غیرت عاطلانه گمش . بویله لری بر طرفدن یانلرنده آلائی
 ایدن چالیشقان رفیق لرینی اولدجه خاطرلی بر کفر ایله
 تبعیده چالیشیرکن دیگر طرفدن شیمدی علی العجله تقریر ،
 تکرار ایدیلان درس لردن بش نومرو آلاحق قدر خلاصه
 قالمق ، زحمتسزجه او کرمک ایستیور لر برشی . اوده بر قاج
 آرقداش شوا کری چام اغاجنک آلتنده طوپلانمش ،
 مبصر لریک ایشیدیه بیله جکنه پک اهمیت ویرمه دن ترکی
 سوبلیور لر . صوکرده اوقق بر لاقردی بو آه کی بوزیور .
 صحیح بوسنه مکتبدن کیمسه چیقما یه حق . اعدادی یه ، عالی یه
 بررسنه ضم اولانیور . بو ، بدتمز توکنمز مباحثه لره یول
 آچیور . هله ایکی سنه فضله اوقومغه اک زیاده طرفدار
 چیقانلر بیله مسابقه امتحانی قبوله هیج یا اشمیور .

برطاقم ترکیلر هواده اوچیور: تعمیم معارف، سربستی
 تدرس... کوچوک برقول ضربیه سی، اوتهدن مبصر، او
 هپسنی ییلدیران حاجی ابراهیم کندیسینی کوسترمشدر.
 شیمدی بربرلریله اختلاط ایدن صنفلر آیرتیلیور. ر
 قاج توقیف یاغیور. صوکره محاوره بوتون بوتون باشقه
 جهتلره کیدیور. شیمدی بریسی ایلک کیردیکی سینه
 حاجی ابراهیمک کندیسینه فصل آبدست آلدیردیغنی،
 ایلک توقیفی فصل ویردیکنی آ کلاتبرکن لاقردی صنفده
 قالغه، خواجهلرک هانکیسی مرحمتلی اولدیغنه تعینه
 دونیور. بوتون شایان استهزا حاللری صایلیور، سسلر،
 طورلر تقلید ایدیلیور، صوکره بردنبره یینه درس
 مذاکره سی، ترکی، اکلنجه تصورلری باشلیور.

تزیه ده کتابت دفترینی برالنده طوته رق آرقداشلرندن
 ودادک قولنه کیرمش، قوجه باغچه یی بویدن بویه کزدکلری
 صروده رفیقنه تپه باشی باغچه سنده کوردیکی قیزلری
 حکایه ایدیوردی. بونی کچن امتحان کونی آ کلاته جقمش
 فقط وداد کاغذینی ویرر ویرمز، بکله مه مش کیتمش.
 ابتدالری ایشه پک اهمیت ویرمه یین و داده تزیه شیمدی
 برباران تفصیلات یاغدیریوردی. باغچه حنفردکی
 احتیاساتندن قیزلرک کندی یانلرینه ورودلرندن گاه

اراده بویوک برجهله معترضه آچهرق ، اوتهدن بریدن
 بجمله باشلایهرق فرانسوادن نعل کاغذ آلوب ویردنکاری
 صوکره لاق باشنده نعل بولوشدقلرینی عنعنه سیله حکایه
 ایدیور ، هیچ برشی اونوتمیور ، لافردی نهایت
 قیزلرک کوزلاکننده قرار قیلیوردی .

— حتی ، دیبوردی ، دون اقسام یینه اوراده ایتم
 امان کورمایسک ، و داد . او قدر کوزل ، شوخ شیارکه
 تعریف ایدم . هله اورتاخمسی ، او ماوی کوزایسی ...
 فقط بیلمم ، آرامزده بر آنتپان وار غالباً . شیمدی او
 بنی بایلتان برقهقه ایله کولرکن کوزی کوزمه راست
 کلدیمی ایجه قاشلرینی شویله برچاتیور ... انسانک طاب
 عفو ایچون همان اوکنه دیز چوکه جکی ...

— و ... دیدی و داد ، بوراده تزیهک --وزینی
 کسه رک . صوکره کولدی ، دوام ایتدی : سنک
 معده سزلککی ، حسن طبعینک اولمادیغنی بیلیرم . مادام که
 بوقدر مدح ایدیورسک بواقشام برابر کیدم .

— مژده ، مژده ...

آرقه لرندن جیلین بر سس تزیه ایله و داده دوغریاقلا-
 شەرق بویله حایقربوردی . یکی کلن ، آیاقلرنده مکتبک
 ویردیکی اسقارپنلرک بر قاج سنهک امکداراق ایله یوزی

آغارمش معلولیتلرینی سوروكله يهك و دادك قولنه كیردی .
 — مژده ، دیدی ، کتابت امتحانی شفاهی اولیور .
 صوكره جواب بکله مەدن علاوه ایتدی : اولور آ . هرشی
 اولور .

وداد نزیه دوغرو اکیلهرک :

— شو صوغوغی صار ، اه عشقنه دیدی .
 قیزلردن آرتق بحث ایدمه یه جگنی اکلایجه جانی
 صیقلمش اولان نزیه یکی کلنه دوندی :
 — سنی ، دیدی ، دمینجك ماطوس آریوردی .
 مکتوبك وار ظن ایدهرم . کوردکی ؟
 و داد ، ایکی طرفه صاللانهرق مکتوبنی آرامغه کیدن
 ارقداشنك آرقه سندن باقدی :

— شوکنیدی سندن هیچ خوشالنامادیغمی بیلیریا ،
 عنادینه کلیر ، قولمه کیرر ، بویله چوجوق هیچ کورمه دم .
 — یا افندم قولکه شو اقتریسلر کی قیزلر کیرسه یدی
 سس چیقـارمازدك دگلی ؟ هله بواقشام برابر کیده لم .
 باق حقم وارمی یوقی آکلارسك ؟

وداد آلا ی ایدهرک نزیه یوزینه باقدی .

— قورقارم ، دیدی ، عاشق اولدك نزیه !

— عاشقمی ؟ کیم او ؟ کیم او ؟

— او ! رؤف بك !

شیمدی و داد ایله نزه کولهرك يانلرينه ياقلاشان
رفیقلىرىنىڭ اوزون صارى بيقارنى چكەك انجون
اوغراشيور ، و داد برطرفدن قولنه آصلييور ، اوتەكى
جدیته چويرمك ايستهيه چكى براطيفه ایله :

— دورك جانم ، دييوردي ، اطرافدن برنجى
سنه لر ، چوجوقلر باقيور . بونلرك ياننده ياپمايك ،
صوكره لاقردىنى چويرمك ايستهدى :

— بنى بورايه خيري يوللادى . كيت ديدى نزه ایله
و داد كيزلى شـيار قونوشـيورلر . بن يانلرينه كيتدم بنى
باشلردن آتديلر ديدى . نه قونوشيورديكز باقهيم ؟ كيم
عاشق اولان نزيهيمى ؟

نزه جدی برطورله اعتراض ايتدى :

— بنى بدلامى عدايديورسك بك افندى حضرتارى ؟
سنىك شوصوغوق شيرين مقالاك حكايه لرندەكى فھرمانلر
كبي اوف ياندم ، آمان اوليورم ، بويله مى ؟ عشق بر
خوليادر كوزم ، بوكا آلدانانلرده بدلادر .

— وای ، كيم او باقهيم عشقى انكار ايدن ؟

— هاه ، ايسته فيلوزوف كلدى .

رؤف ، سترەسنىك دوكمەلرى قوپوش . كوسەمى

بر چوجو غك قولندن چكرك كوسه تریوردی :

— ایشته آرتق مباحثه ایدیه بیلیر سگزر ...

روؤفك سهوزینی دهشتلی بر کورواتی ، قوجه مان

بر قهقهه کسیدی . نزیه هیج باشنی چویرمه دن :

— هاه ، دیدی ، ایشته قهقهه افندی ده کلدی .

شیمدی بونلره ضعیف ، اوزون بویلی بر رفیق لری

دها التحاق ایتیمدی بوده باغچه یی چینلاتان قهقهه لری

آراسنده :

— آفرین خیرییه ! دیدی . بکا تام وقتنده خبری

ویردی ، بر لاقردی وار ، قوش سنی چاغریور لر دیدی .

یوزی تنفس خانه قایدینه متوجه بولان و داد نزیهك

قولندن چكرك :

— آمان ، دیدی ، واقف بك ده کلیور . شیمدی

آتماسیونلره باشلار ، هیج چکیلمز . بوخنیر خبری بوتون

صنفی باشمزه طوپلایه جق .

فی الحقیقه کندی لرینه دوغرو بر غایهلق کلیوردی .

بوصرده خیرینك جیر تلاق سسی ، مستهزی بر انعكاس

ایله تنفس خانه دن باغچه یه چیقیوردی :

— اوتوز درت ! اوتوز درت ! امتحان باشلا یور .

اوتوز درت ! هایدی چاغریور لر .

امتحانہ مباشرت خبری اوزرینہ طار دوندیار ، یالکر
 نزیہ ایله و داد ورؤف ایله فیلسوف قلمشیدی ، مباحثه
 ینه باشلادی . فیلسوف ، صول الیک شهادت یرماغی
 طیرناغنی ایصیرمغه اوغراشدینی صروده :

— سن عشق انکارمی ای دیورسک ، نزیه ؟ دیدی ،
 نزیه ، بر چوق مستمع بولیورمش کبی جدی بر
 صورتده جواب ویردی :

— اوت ، بوکون رومانلرده کوردیکمز کبی عشق
 یوقدر . اوله یانوب طو تشمه لر ، سودیکی قادینی کورده مدیکی
 ایچون دلی کبی اوله لر بولر هپ رومانجیلرک
 اویدرماسیونیدر .

فیلسوفک مقام اعتراضده الی قالدیردینی کورده رک
 بوکا میدان ویرمهدن دوام ایتدی :

— هایدی بو غلیان حسانی قبول ایدلم . فقط
 بوندن دائمی اولسون ؟ آرهدن اون بش کون نهایت
 بر آی کچرسه اوتیج بیتر کیدر . رومانجیلر ، عاشقی
 ایشندن کوجندن محروم ایده جک ، اوکا باشقه هیج
 برشی دوشوندیرتمه جک قدر غلبه ایده جک قوتی عشقه
 حمل ایده جکلرینه بونی عاشقده تربیه نک نقصانه حمل
 ایتسه لر ده ها دوغرودر . فیلسوف بودفعه نزیه ک
 ممانعتنه باقیه رق ایچ صیقنتیسیله حایقیردی :

— لیکن هزیان سویایورسك نزیه! شیمدی عاشق لرك
هپسینی تربیه سزمی عدایده جکز ؟

مناقشه نك كیتدجكه كسب شدت ایتمه میانی کورنجه
ایشی بر غوغایه منجر ایدرك اوزاقدن سیرجی قالمی
تضمیم ایتمش اولان رؤف :

— اویله یا ، اویله یا ! دیدی .

نزیه اعتراضه مقابله ایتدی :

— باردون ، آکلاتهیم . اکر بر آدم دوشونه جك
اولسه كه عشق یالاندر ، بوكا اهمیت ویرمه ملیدر ، روما-
نجیلرده بزه کوسترسه كه حال بویله در ، اووقت شیمدی
بزده کندی میزی آلداتمه قالمایز ، عاشق قلغك شرطی
بوایمش دیبه آهله اوفلره باشلامایز . تربیه ده نقصان
دیدیکم شی بونی بیلمه مکدر .

فیلسوف مسئله یی کی باشقه جهیدن فصله چالیشه رق :

— پکی، دیدی، برار ککك برقادیندن خوشلان دیغنی ده

انکار می ایده جکك ؟

طوریله نزیه فكرینی تصویب ایتمه ده اولدیغنی ایما
ایدن و داد کوله رك رؤفه باقدی :

— ایشك ایچنه رؤف بکی ده داخل ایدیکزده :

قورقما یكز ، بوخوشلانمق فعانی تعمیم ایدیکز

— و داد قولی قوپاریم !

نزیه کورولتویه اهمیت ویرمه دی ، رفیقنه سقا-
ایتدی :

— یو ! بونی تسلیم ایدرم . فقط باق شیمدی .
برارکک برقادیندن نیچون خوشالانیر ؟ حظوظات
حیوانیه سنی استیفا ایچون دگلی ؟ بوکا اعتراض ایدرمیسک ؟
خایر . شیمدی بونک قابل اولمایه جغنی عقل کسر سه .
نیچون اوغراشملی ؟ قادینلرک هپسینی سوملی ، هپسینه
عاشق اولمالی ، فقط هیچ بریسی ایچون نه راحتی فرا
ایتملی ، نه عادتلی . سوزمه اینان والاهی . قادینلرک بر
برندن هیچ فرقی یوقدر . اوسنک دنیالره دگیشمه یه جکک
سوکیلکک ماهیتی ده بردر ، شوصاتیلق قادینلرک ده .
هم بیایرمیسک ، برچوق خولیارلر قوروب قوروبده
صوکره ، سودیکمز قادینک ده باشقه لرندن فرقلی اولادیغنی
اکلامق انسانه نه فاکلیر . آلفونس قارک قادینلر دییه
برکتبانی وار . کچن کون اوراده او قویوردم . اینی
خاطر مده قالماش اما ... عاشقلرله سیاحلر ایچون دییور
بویوک برمصیبت واردر . اوده هر وار دقلری مملکتک
دیگر مملکته ، هر سودکلری قادینک دیگر قادینلره مشابه
اولدیغنی آکلامقدر دییور . باق بنم فکریم نه در : بر

قادرین انسانك كوزی او كیندن غائب اولونجه خاطره سندن
 قلبندن ده غائب اولمازسه او آدم مسعود اولماز . ایشه بن
 اولنجه به قدر بوفکری مدافعه ایده جکم . نه قدر رومان
 حکایه یازسه م بونی اثباته چالیشه جنم .

بوراده و داد تقدیر ایله اللرینی چیریدی :

— براوو تزیه .

درسخانه یه عودت ایچون طامبور چالغیه باشلامشدی .
 فیلسوف مدافعه یه وقت بولامادی . ایله اشارت ایده رك :
 — ناه ، دیدی ، ش—وطامبورك ایکیمزدن زیاده

حقق واردر .



اواقشام تپه باشی باغچه سنده و داد نزیك حسن طبیعتی
 آراتی تسلیمه مجبور قالدی. اوچ همشیره دن اور تاجمه سنك،
 ماوی كوزلو صاریشین آفتریسك هپسندن كوزل . يك
 كوزل اولدیغنی اوده اعتراف ایتدی . قیشین فرانسز
 تیاتروسنه بول بول کیتك ایچون نصورلرده بولونمغه
 باشلا دیلر . نزیه ، بازار کونلری مکتبدن اذن آلا بیلیمك
 ایچون دهاشیمیدین حیللر دوشونمور؛ و داد الیه بالکك
 جینه اورارق :

— ولیمك مهری ایشته بوراده بن قورقام !
 دیوردی. صوکره ، صحنه ده قوانه اولدقلری حالده ده

چیقمه لری ایجاب ایددجک بو کوزل آقتریس لرک اومکلف
توانلر ایچنده چیپلاق سینلر ایله کیم بیایر نه قدر یمان
اوله جقلرینی تصور ایدیورلردی .

بوتصـورك ویردیکی جرأتله قارشـیلرندـه خـندان
ومستیزی ، مشغول اولان کنج قیزلری نظارلریله صومغه
باشلادیلر . بر آرهلق نزیه او قدر جوشدی که :
— و داد ، کوز قیرپه جغم ، دیدی .

صوکره و دادک بونی جدی طن ایدـرك :
— آمان نزیه ، نه قدر آلایحی اولدقلرینی کورمیور -
. میسک ؟ بویله مناسبـتـسـزلک ایتـه . اوئی قندیل کیجه لرینه
صاقلا !

دیدیکنی کورنجه اصراره ، آلایه باشلادی . آیشمامش
نظارلرینی بررنک احتشام ایله قاماشدیران شو باغچه ده ،
آکلامادقلری حالدـه خوشلرینه کیدن اورکـسـترـنـک نواز -
شلی ، یانلرنده کی قیزلرک اوجذب ایدیچی ظرافلرندن
سریلن هوای حار ایچـنـده دردی تجـاـوز ایدن بیرا
بارداقلرینک ویردیکی نشـئـه ایله کندیلرندن ، باغچه دن ،
حیاتدن او قدر خوشلانـدیـلر که شیمدی یه قدر بیلمدکلرینه
تأسفلر ایتدکلری بورادن هر اقشام کلاک عنم قطعیسـیـله
چیقـدیـلر .

بو ، اویله قولای برنی دگادی . درسده ، قوزمو .
 غرافیانک ، حکمت طبیعیه نك ، مئائتک او حشین دسانیر
 واشکانی بر ساعت مدت تعقیب ایله ذهن یوره جقلری ،
 دیش صیقه جقلری یرده خواجه نك نظر دقتدن قورتولاق
 ایچون اولک صرهدده کی ارقراشلرندن برنی سپر آلهرق
 مونته پنلرک ، ریشه بورلرک ، ژول ورنلرک ، اونلرک
 بوتون المارینه چکن کتابلری دور ایتکی ترجیح ایله
 بوش بوشنه کچیردکلری سنه درسیه نك عطالتی
 جبر ایتک ، توزیع مکافات جدوانده اولکی سنلر اشغال
 ایتدکاری موقعلردن دوشمه مک ایچون شیمدی شوامتجان
 آرملرنده صباحدن اقشامه قدر چالیشمغه ، اونانمام
 دفترلرک ، براسان اجنبی ایله کندیلرینه باقان دستورلرک .
 کتابلرک قارشیسینده شیفرلر حل ایتکه مجبور ایدیلر .
 نزیه سلسله اثباتی قاجیر مامق ایچون بوتون دقتی بر
 مسئله اوزرینه طویلامغه چالیشیرکن متبسم چهره لری ،
 قیرمزی یناقلری ، او ظریف ، نازک توالتلری ایله اوچ
 خیال اونی بوجان صیقیجی حقیقتلردن چوق اوزاقلره
 کوتوریوردی . اووقت کتاب یاواشه جه الندن قایور ،
 کوزلری بونی دها ای کورمک ایچون قاپانیور ، باشی
 آرقه یه دایانیور ، بتون خواهش شبایله باغچه حیاتی

تکرار یاش-ایوردی . ساعت دو قوز اولوبده باغچهده
 اورکستره نك چالغه ، ماصه لرك بر بر دولغه باشلا دیغنی ،
 چوجوقلرك تازه فریادلرله باغچه یی شطارت اینچنده براقده
 قلرینی ، هله کوزل آفتریسلرك هر زمانکی یرلرینه کلوب
 کویا یانلرنده کی ماصهده نزیهی کوره مینجه بر چین اغبرار
 ایله قاش چاقدقلرینی دوشونه رك کنج مخیله سنك ویردیکی
 اطمشان ایله بو عتابی محقق عد ایدنجه حالا کتابك اوکنده
 قالمق اوکا بر کورک محکوم-ك آرزوی فرارینی ویریر ،
 صیجاقلرده انسانی بوتون بوتون یوران ، اولدیرن درسلردن
 قاجیق ، اوراده خفیف بر روزکارله سرینله یین تپه-باشی
 باغچه سنك ، اوزرنده صوغوق بیراقدی دوران بر ماصه سی
 باشنده ، خلیجك آیقلر آلنه سریان منظره سندن آلنه جق
 انشراح ایله موزیقه یی دیکه مک ، اویناشان چوجوقلری ،
 کزن خاقی سیر ایتک ، هله اوکوزل آفتریسلری بردها ،
 دائما کورمك ایستردی .

حال بوکه اوتیدن ، آتجق نصفی ، اوده امتحانندن
 چیقار چیقماز اونوتولمق اوزرد شویله علی العجله اوگرده -
 نیلمش کتابك ، دفترک لقای جدیسی اوکا بر عتاب صامت
 ایله امتحان صوکنك محجوبیتی آکلاتیردی . اوزمان
 اوافق برحما که ، براعتذار باشلاردی : امتحانده کندیسنه

سره کچ کلیوردی . صباحین پک ایرکن قالقنجه .
 کوندوز ساعت سکزه قدر ... بواون ساعت ظرفده .
 اوت ، ساعتده اوتوز خیفه دن ... او ! وقت آرتیور .
 حتی برده ها تکراره بیله مساعد ... هم ذاتا صباحین
 بری چایشیور . قاج کوندن بریده ذهنی یورولمش ...
 حفظالصحه تنزهی ، استراحتی توصیه ایتیمورمی ؟

نزیه ، بو طرفدار عامی نی ده بولونجه هان کینیر ؛
 زیرک یوقوشنی علی العجله ایندکدن سوکره آلتیجی دائر
 اوکنه چیقان او قوجه یوقوشی خیالاتنه مستغرق برحالد
 پک حس ایتهدن ، قطع ایدر ، ترینی سیامکک الحق وقت
 بولارق باغچه کیرردی . بوراده آراق بنه دکاری ماصده
 یاو و دادی بولوردی ، یاوداد سوکره کلوب اوئی بولوردی .
 اوراده ، یالکیز نظردقتی جاب ایتهمک ایچون اذاندن
 اول اوه عودت ایتک مجبوریتندن بر پارچه معذب اوله رقی ،
 کچیجی ، اهمیتسز بر تقابل نظری بویوک بر النفات
 ایدرک یکی بر هوسله بیرالریخی ایچرلر ، بواوزاقدان حس
 ایتدکلی بک اوغلی عالم ذوقنه دالمق ایچون تحسرلرده
 بولونورلردی .

ایمکن نزیه اذاندن اول سراجخانه باشنده کی اولرینه
 کلوب ده قیصه دانی ، بصرف سزانی مناسبیله اختیار ایتدیکی

زیرک یوقوشی یورغونلغی آلمه دن اوداسنده قانایه نك
اوزینه اوزاندینی زمان ، ایشته او وقت ، نادم اولان
آیاقلرندن دویدینی اعلک سوقینه بدینلکه قابیلیدی . قیزلرک
کندیسنه دقت بيله ایتدکارینی ، اولره بوقدر زنکیملرک ،
شیقلرک ، کوزلارک محبت کوسترمه لری طبیعی ایکن کمدی
کبی بر مکتبلی یه هیچ اهمیت ویرمیه چکلرینی دوشونور ،
نظرلری تقابل ایتدکجه صاریشین قیزده کوردیکی ، یاخوه
کورییورم ظن ایتدیکی حاللرک پک طبیعی بر مقصددن ، انفاتدن
عاری حاللردن اولایلمسینه حکم ایدر ، مضطرب اولوردی .
باخصوص بوکون استانبولده ، یارین کیم بیلیر نرده اولان
بر آقتریسک ، هله شوخ ، مستهزی برفرانسز آقتریسک
کندیسندن هیچ برشی آلامیه جغنی دوشونجه قلبنده ،
عظمت نفسنک جریحه دار اولماسندن متولد برحس
ناخشنودی پیدا اولوردی . فقط بو ، ینه اونی باغچه یه
مداومتدن منع ایتزدی . یاواش یاواش بو بر عادت ، بر
احتیاج حالنه کیریوردی .

بر اقشام ینه و داد ایله تپه باشنده بولوشدیلر . ساعت
اونی بش کچدیکی حالده قیزلر هنوز کله مشلردی . بوتأخر
ایلک دفعه وقوع بولیوردی . و داد کوزل آقتریسلرک
بوقصورلرینی عفو ایدمه یه رک :

— اولم ز ، کندیلرینه بر جزا ترتیب ایتلی یز ، دیبوردی .
 تزیه جزای تعین ایتدی : قیزلرک اوچنک ده کوزلرندن ،
 یانلرندن اوچر کره اوپه یی کنه دیسی ، یانلرنده کی
 قوجه قاریدن ایستدیکی قدر بوسه چین اولمائی ده و داد
 ایچون مناسب بولایوردی . و داد بوکا کله مدی :

— باق شیمدی ، دیدی ، بن نه دوشونیورم : وقت ،
 بحر ، کوزل بر ساحل . ساحلک بر طرفی اورمانلق .
 بورادن بابل سسلری کلیور . کونش دوغیور ، ایلک
 نیلاری دگزرده بیقانیور . بو قیزلردن اوچی ده — قوجه
 قازی نی مکته بدی کی بزم رؤف بکه براقه رق — بورایه
 کوتورمشز . الک دقتلی فام دوشامبرلر کی کوزلجه صویمش ،
 دگزه صوقمشز ...

و داد دوام ایده مدی . تزیه ، یانلرندن کچهرک براز
 اوتده کی ماصیه برایی آرقاشیله برابر اوتوران برکنجه
 سلام ویریوردی . و داد ، بویلاشیق چهره سیله ، سیوری
 بولمش کستاخ اینجه بیقلریله خوشه کیتمه یین کنجه باقهرق
 تزیه ، صوردی :

— کیم بو مناسبتمز ؟ اکثر اقشاملری بوراده
 کوریورز ؟

تزیه استخفاف ایله جواب ویردی :

— بزم ضیانت اوزاقدن بر احبابی . بنده کندیسيله
بر کره یاقونوشدم ، یاقونوشمادم اسمی ، دورباقیم ، محمود بک
ظن ایدرم ، صولونک بری .

اوتیکی ، تقوبه معارفیه زورله بر وسیله بولمق ایچون
قیزلرک بوش دوران اسکملرینی اشارت ایدرک :
— شیمدی کلیورلر ، دیدی .

فی الحقیقه ، اطرافده کی ماصه لر هپ اشغال ایدلدیکی حالده
کویا بر اتفاق ضمنی ایله اونلرک ماصه سنه کیسه دوفونماشدی .
بوهر زمان بویله اولیوردی . و داد یازاشجه نزیه :
— اشته بوتکلیف سزلکدن هیچ خوشلانمادم ، دیدی .
بزم قیزلری بکله دیکمز اونک نه سنه لازم ، کندیسنه
صوردقی ؟ .. فقط چاغیر بر کره ؛ اونلره دائر بر معلوماتی
اولمالی .

نزیه ، مجبوری بر نزا کتله محمود بکی چاغیردی . او ،
امید ایتدیکی بودعوته جان آتدیغنی کوستر بر مسارعتله
کله رک ، قیزلر حقنده ایجه معلومات آلمق ایچون هیچ
هیچ برشی بیلمیورکی داورانان ، کیمک نه لری اولدقلرینی
صوران نزیه ، کال ممنونیتله بر چوق شیلر آ کلاتیوردی :
— بابلری ، دییودی ، یالکوز موسیو دیاپولودر .
شوزاتی اجزاخانه سنک یانندن اشاغییه دوغره برسوقاق

صاپار ، اوراده اوتورورلر . گدیاری دومدر . آتی
یدی قاردش ، ایکی دانه بویوک قیز قاردشلی وار . اونلر
اولی . ارکاک قاردشلی ده وار . آنلری مانلی ده اقساملری
باغچه یه کلیرلر اما اونلر باغچه فاملیا کبی آیری اوتورورلر .
بوقیزلر بویله مرییه لریله کزدرلر . نلر یاپارلر ، نلر !
هاله قیدشین فرانسیز تیآروسنه کلدکاری زمان ایسه یلار
پیشلرینی هیچ براتمازلر .

بوصرده نزیه باغچه یه ایلمک کلدکی کون فرانسه وانک
یاننده کوردیکی کنج آدمک یقینه کی برماصیه یراشدیکنی
کورنجه وقعینی حکایه ایتدی . محمود ، تمید محاورده یه
سبب اولان بو حکایه نی دیکله دکن صوکره هر شینه وقوفی
اعلان ایدن بر معلوما تفر و شمله :

— ها ، بیلیرم ، دیدی . اسمی زومولاتودر . مکتب
سلطانیده بر پارچه بولوندی . صوکره پارسه کیتدی ،
آنژنیور کلدی . کچن کون پیس حریفله آزدها بوغاز
بوغازه غوغا ایده جکدک . بزم یعنی بک کندیسنک یوزینه
باقوب کولش ؛ نه یه کولدیکنز دییه یانمز کلمی ؟ .. صوکره
نه ایسه صاودق .

قیزلری کورده مە مکن ، خوشلانمادینی بر آدمک
— کندی تعبیرنجه — بوملرینی دیکله مکن صیقیلان

وداد، بر آلاي چيقارمق آرزوسنه قابله رق بر مکتبلی
 لا قید لغیلله زومولاتونک یوزینه دقتلی دقتلی باقوب کولمکه
 باش-لادی. تزیه ده بو حرکتی پک تحف بولور دی.
 بوسره ده قیزلر کلدی. اطرافده کی ماصه لک هپس-نده
 اوافق بر حرکت، بر ممنونیت تبسمی پیدا اولدی. محمود
 بک آرتق آریله جفی صره ده تزیه صوردی :

— اسملرینی بیلومیسکنز ؟

— هپسنگ بیلیمورم .

اور تانجه سنک ؟

آلیس .

آلیس ، نه کوزل اسم . اوخ ، آلیس ... آلیس ...

وداد ایله تزیه آرتق تپه باشی باغچه سنک اک وفاکار
 مداوملرندن صاییله بیلیرلردی . امتحاندن چیقار چیقماز ،
 امتحان آره لرنده فرصت بولور بولماز تپه باشی باغچه سنه
 کندیلرینی آتارلردی . اکثر با بوراده باشقه آرقداشده
 بولورلردی . ایلك شدت تماالی غائب ایتمش ارلان ضیا
 آره ده کوزو کیور ، ایشدن خبردار اولان مکتب رفیق لرنندن
 رؤف ، دائم ، چوق و حیزلی کولدیکی ایچون تزیه ک قهقهه
 افندی نامنی ویردیکی سعید بعضاً باغچه یه اوغریورلردی .
 ذاتاً مکتبده ده باشلیجه مدار مباحثه بو قیزلر اولورلردی .

آرتق آفترباس اولمادقلری آکلامشیر ، تخمه ده ده قوتنه
 کورمک امیدندن بالضروره واز سیکمشلردی . اوصردلرده
 فرانسز اوپرا و اوپرتلرینه پک مراق ایتش اولان سحر
 نریمه مکتبده کوردکجه : « بوکیجه سیککیلری کوردم »
 مژده سنی ویرر ؛ مادموازل دیاپولولردن . باشده کوزل
 آلیسدن دائمی صورته بحث ایدلمسنی آرزو ایدن نریمه ،
 کندیسنی اوزمک ایچون لاقردی نی بیک نازیله سویله بن
 سعیدک قولنه کیرر ، باغچده برابر دولاشدقلری ائشاده
 هرشیئ حکایه ایتدیرمک ایسته یه رک نهایت سعیدک جاتی
 صیقنجه یه قدر اوغراشیردی .

شیمدی نریمه ایله ودادی بر اندیشه استیلا ایدیوردی .
 قیزلر علی العاده دوقوز ایله اون آرمسندک کلیرلرکن یاواش
 یاواش کجیککه باشلامشلردی . ایشته بونک سببی تعین
 ایده مدکلرندن دورلو احتماللره وجود ویره رک ، مضارب
 اولیورلردی . عجبا قیزلر کندیلرندن راحتسز اولویورلرده
 ایرکن دوندکلرینی ده بیلدکلرندن باغچیه کلک ایچون دفع
 اولمالرینمی بکلورلر ؟ یوقسه ، ینه بر اقشام محمود بکک
 آکلاتدینی کبی ، آرتق مالتیه ده کی کوشکلرینه کیده جک کرده
 اونک ایچونمی کجیکه ورلر ؟ وداد ایله نریمه بوکاده چاره
 بولیورلر ، امتحان بیتر بیتمز ایلمک جمعه کونی مالتیه

کیتیمکه نیت ایدیورلردی . و داد شمندوفرله استانبولدن
کلیردی ؛ نزیه ده ، بوسنه بویوک آطیه صیفیه کیدن ضیانک
بویوک برادرینه مسافر اولور ، اورادن ضیایله صنداله
بینه رک مالتپیه کچرلردی . اوراده قیزلری علی الغفله
باصدیره جق اولورلر سه کیم بیلیر نه قدر متعجب اوله جقلر ،
نه قدر کوله جکلردی .

بوسعاده نائل اولونجهیه قدر شیمدیکی حالد برطاقم
زحمتلره تحمل ایتک لازم کلیوردی . چونکه برکون
اون بره چاریک قالنجهیه قدر قیزلری بکله یوب آرتق ورود-
لرندن امیدنی کسمه سی اوزرینه باغچه دن عودت ایدن نزیه ،
براز صو کره قیزلرک کلدیکنی ایرته سی کون و دادایله دایم دن
دوینجه آرتق ایرکن عودت ایده من اولمشدی . قیزلر
شیمدی ساعت اون برده کلیورلردی . بو حالد نزیه کندیلرینی
آنجق یاریم ساعت قدر کوره بیلوردی . حالوکه اون بر
یچمده باغچه دن قالدق ورق تونله بینوب کوپرویه اینک ،
اورادن تراموایله بازیده چیقماق ، صو کره سراجخانه
باشنه قدر کیتیمک ایچون یاریم ساعت کفایت ایتزدی .
بناء علیه اون قپانی طریقنی انتخاب ایتک ضروری بولونیوردی .
نزیه آرتق بویوله آیشمش ، از برله مشدی . باغچه دن
چیقنجه حیزلی یورویه رک اطرافه باقما هیچ لزوم کورمه دن

اون دقیقه ده اسکی کو پرویه اینر ، کو پرویی بش دقیقه دو سکر ،
 اورادن زیرک یوقوشنه قدر درت دقیقه صرف ایدر ،
 نهایت یوقوشک آلت باشندن تمام اون بر دقیقه ده آوم
 وارردی . فقط فرنگ کو ماکنک ، پامپولونک ، یانکاک ،
 ژاکتک ، تری صباحه قدر بیله ایجه قورویا وارردی .
 او قدر یورولیوردی .

باغچه یه کیتیمک اینچون کندیسندده شدید برخواست
 حس ایدن نزیه ابتداری ، بو قدر شدتله دوامک نهدن
 نشأت ایدیکنی تعمیق ایتیمک ایسته ییجه بونی عادی بر آرزوی
 تنزه دییه تفسیر ایتیمکدن چکینمزدی . صرف قیزلر اینچون
 اورایه کیتیموردی یا ؟ قیزلر اولماسدهده او باغچه یه یینه بویله دوام
 ایدردی . البته ، کینجدی ، رومانجی اولمق ده ایستیوردی ؛
 بویله یرلری مطلقا کوره جک ، اوایلرله دوام ایدم جک ،
 احوال بشر حقنده تبعاتده بولونه جقدی . قیزلر باغچه یه
 کندیلک لرندن کلیورلردی . نزیهی کیدوب اونلری آرایور ،
 بولویوردی ؟ برکوزل قادینه باقق هیچده اوکا عاشق
 اولمق دکلدور .

نزیه دوشونیور ، حرکتنده ادعالرینه مخالف برجهت
 بوله میوردی . نزیهک بو عشق خصوصنده مفقود برنجربه
 اوزرینه مؤسس غریب فکرلری وارردی . عشقی جیج

نفس ایله وجوده کتیر یایر ظن اییدیور ، عشقک بریالاندن ،
 رومانجیلرک توکنمز بر سرمایه سندن عبارت اولدیغی
 فیکری نشر ایدلسه هر کس بوندن واز کچر قیاس ایلیوردی .
 بوتون بو ناقص مطالعه لر نتیجه سنده کوزینک اوکندن
 غائب اوله جق بر قادین او آنده همان قلبه سندن ده غائب
 اولورسه مسعود اوله بیله جکنه حکم ایتمشدی . ایشته بونک
 ایچون بوتون قادینلری سومک ، فقط هیج بریسی ایچون
 راحتنی فدا ایتمه مک ایستردی . لیکن شیمدی بو اون بر
 بوچوقلره قدر باغچده قالوبده ، مع هذا پک مساعده
 داورانان پدرینک :

— نره لرده قالیورسک ؟ تپه باشی باغچه سنه کیتمک ،
 اعلا ؛ فقط و قیله اوه کل ، مراق اییدیورز . کبی بر
 اخطارینه میدان ویرمه مک ایچون صیجاقدده ترله یهرک ،
 یوریلهرق زیرک یوقوشندن علی العجله یایان چیقمق خصمه .
 صی نزیه مک اولیکی ادعالریله برپارچه ائتلاف قبول
 ایده میوردی . نزیه بورالریخی تعمیق ایتک ایسته میوردی ،
 پک یورولمقده اولدیغنی دوشونه جک اولدیغنی زمان
 حافظه سی اوکا کوزل آلیسنک برظریف بویون قیزمه سنی ،
 تبسم ایتمه سنی اخطار ایدر ؛ نزیه همان بوکوزی اوکنده
 جانلانا خیاله هرشی فدا ایدهرک اونک آغوش محرمیتده
 یاشاردی .

قربان بایرامی حاول ایتشدی . عرفه ایله بایرامک
 ایلک کونی باغچیه کیده میه جکلرندن بونک آیدی .
 چیتارمق ایچون ایکنجی کونی اوراده بولوشمق اوزده
 نزیه بر طرفدن ضیا وشکرییه ، دیگر طرفدن ووداده
 سوز ویرمشدی . اوکون کنیدیسنک بر ایشی یوقدی .
 ساعت دو قوزده اودن چیقدی . یاواش یاواش بک اوغانه
 کلدی . دها ایکن اولدیغنی بیلدیکندن براز دولاشدی .
 دخولیه آتونه بیاتلرندن برینی ویره ک باغچیه کیردی .
 باغچیه هنوز تنه ایدی . جان صیقتیس . یله همان ببرا
 ایصارلادی : صوکره بایرام اولدیغنی تحطارله مزه ایچون
 بر چه یروز ایسته مککی خوش کوردی . وقت کچبور ،
 نه ارقداشلرندن بری کلور ، نه قیزلر کورونیوردی .
 بوجان صیقتیمی ایچنده نزیه جبنده آلتش پاره بولندیغنی
 تحطار ایتدی . یا کیمسه کله جک اولورسه ؟ ذاتا ضیا ایله
 شکری بک قوی سوز ویرمه مشلردی . قوری چشمه ده
 قلم ممیزینه کیده جکلر ، ایرکن دونه بیلیرلرسه باغچیه
 چیه جقلردی . بو حالد و دادکده ایشی ظهور ایدر .
 نزیه جبنده آلتش پاره ایله ، ایچدیکی ایکی بیرانک برده
 چیروزک پاره سنی ویرمک مجبوریته نده قاله جقدی . کمال
 اندیشه ایله ساعته باقدی . اون بچغه کلدی . ضیا ایله

شکریڭ آرتق کلیه جککاری آ کلاشه یلیوردی . و دادده
 ساعت اونده بهمه حال باغچه ده بولنه جغنی سویله مشدی .
 اساساً محترز بر طبیعته مالک اولان نزیه صیقتیسنندن
 ترله مکه باشلادی . باغچه دن ناصل قوتولمایدی ؟ عجیپاره
 ویرمه دن صیویش - حق قابلمیدی ؟ ایرتسی کون ، کلنجه
 غارصونه متبسم بر چهره ایله :

— بن دون پاره ویرمکی اونو تمشم ...

دیبه رک ایکسینی بردن ویرمک ، برایکیلک ده بخشش
 براقق مسئله یی تعمیر ایده یلیوردی . فقط بوکون بورادن
 ردالتسز چیقہ بیلیمه نک قولایی نصل بولونه جقه - دی ؟
 اووقت نزیه ، غارصونلرک میدانده بولونما مسندن استفاده
 ایده رک صاووشمق فکرینه دوشدی . مترددانه قالقدی .
 پیاسه ایدیورکی دولاشیر کوروندی ، فقط هر آدمینی
 مترددانه آتیوردی ، صانکه آرقه سنندن غارصون :

— بک افندی ، پاره لری !

دیبه باغیرییه - وردی . هیج بر حادثه ظهور ایتمه دن
 قاپنیک یاننه کلنجه همان طیشاری آتیلدی . اوخ آرتق
 قورتولمشدی .

بوحرکتندن نزیه شاشیرمشدی . ایش بو قدر ساده
 ایمش ها ؟ او یله ایسه نه دن عجله ایتسین ؟ باغچه غلبه لقا لاشد قدن

سوکره بوسورتله چیتقمق البته ده-ا قولای اولوردی .
 آتونه قوجانندن بر بیات ده-ا قوپارمرق اینجری کیردی .
 کندیسنی بکله یین بیرا فدحک اوکنه مطمئانه اوتوردی .
 بواضطرا بدن قوروویان بوغازینک حرارتی بر صوغوق
 بیرا ایله تسکین ایتدی . آرتق نشئه سی عودت ایتشدی .
 چوق کچمه دن و داد بر آلا ی اعتذار ایله کلدی . بیروتلی
 برهمشهری یه راست گلش ده ، اوشویله سویله مش ده ،
 آزیحق بر یره اوغرا مشلرده ... بر از ص-وکره دایم ده
 یاننده یالکز کندیسنک طایفدنی بر احباب ایله کلدی .
 و داد ایله نزیه کورنجه عینی ماصیه اوتوردی ، نزیه
 آرتق بر کنیش نفس آتشدی . مع مافیه ساعت اون بری
 یکر می کچدیکی حالد قیزلر الا آن کله مشدی . باغچوده پک
 تنها ، پک طائسز کوزو کیوردی . نزیه :

— و داد کیده لم .

تکلیفده بولوندی . و داد مسارعتله جواب ویددی :

— اولور .

نزیه بونی « مصرفی کور » متاعنده سویله مش اولایایی
 حالد و داد آ کلامامش کبی دوریوردی . سکوت اینجده
 بش دقیقه کچدی . بودفعه و داد تکلیف ایتدی :

— نزیه ، کیده لم .

نزیه در حال قبول ایتدی :

— های های !

وداد حسابی تسویه ایتمکده استعجال کر-تر میوردی .
 نهایت نزیه اونک ده کندیمی کی اولدیغی آکلادی .
 دائمه تکلیف ایده بیلیدی ؛ فقط اونک یاننده کی یانجی
 ذات ؟ بو محجوبیته عرض نفس اتمک ضروری ایدی .
 یا دائمده یوقسه ؟ هر حاله بر کره س-ویله مک لازم
 کلیوردی . آلایه بوزهرق کولدی :

— هایدی دائم، دیدی ، آکلاندی ؛ و داد ده و کون
 نیم کی پاره طوتمیور . بن دمنیجک اوکا کیدلم دیدم ،
 اوده شیمدی بکا کیدلم دیور ، پاره بجشه هیج یاناشمیور .
 بو ، عمومی برقهقهه تولید ایتدی . دائمک معاوتی
 سایه سنده غارصونه برده « مرسی » دیدیرتد کن صوکره
 جبقدیله .

کوزل همشیره لری کورمک ، اوت ساده کورمک
 ایچون — چونکه باشقه بر شی یاپه بیلمک احتمالی تصور
 ایده میورلردی — بودرجه لره قدر اثر مجبوریت ابراز
 ایتدکاری حاله بر مکافات نائل اوله میورلردی . اوخندان
 چهره لری تماشا مدتی کیتدکجه تناقص ایدیورلدی .
 ماد موازل دیابولولر باغچه یه ، کیتدکجه کچ کلیورلردی .
 عجبا بونک او بردرلو کشف ایده مدکاری سببی نه ایدی ؟

است. هزارینه دوچار اولمق قورقوسیه بر مالتیه. بئلقده بولونماق لرندن امیندی لر .

بر بازار کونی نزیه ایله و داد ، باغچه یه گلین قیزلرک ماصه سنده ثقیل قادیناره لافیدانه باقه رق محسزلر ایدر لر . کن محمود بکک سلام ویرمک ایستر بر صوقولغاناقله یانلرندن کچدیکنی کوردیلر . نزیه ، قیزلردن بر خبر آلمق امیدیه کندیسنه آشاق ایدرک مادم وازلاری صوردی . محمود بک بوکا منتظر اولدیفنی کوستره جک بر تبسم منونیتله در حال اعطای تفصیلاته باشلادی :

— مالتیه کتیدیلر ، دیدی ؛ دوز سزیوقدیکز ، بورایه کلیدیلر . فوطوغراخی سباحه رسم چیقارتمش لر . کویا رسملرک آرقه سنده کی یازیلری اوقیورلر مش کی طوته رق یوز طرفی بزه چویردیلر . بوکون استمبوطله فانار کی ؛ اقشامه طراییه کیده جکار . اورادن مالتیه دونه جکار . و داد مالتیه حقنده نزیه معلومات ویردی :

— مالتیه ده ، دهها باشقه لری ده وار مش . کچن کون بزم بیروتلی ارقداش لر کیتمش لر ، نه لر باپمش لر . اوراده اولیه شیقجه آدم لر نادر اولدیغندن استانبولدن برنی کورورلر سه بوتون قیزلر ؛ قادینار پنجره لره ، قاپلره قو- شیورلر مش .

محمود بکن بوخبری آلدقن صوکره آرتق باغچهده
 دورمادیلر . نزیه ، سوکیلی آلیسنی کوردهمیهجکی ایچون
 متأثر اولور سهده دها آیک یاریمنده ایکن یازدهسنی بیتیرهش
 اولدیغنی ده دوشونهرک بدمما ، باغچهیه کیتیمیهجکاری
 جهتهله بودجهنی دوزلته بیلهجکنی ، درس-لره راحتجه
 چالیشهجغنی امید ایدیور ، بوندن برپارچه نمنون
 اولوردی .

بونکله برابرینه امید ایتدیکی کبی درسه باقامادی . اقشام
 اوزری ساعت اوزنجق اولنجه ایچنه برصیقتی کلیر ، اوده
 اوتوره ماز اولوردی . برشی باقمق ایستهردی ؛ نه یاپسین ؟
 باغچهیه کیتمک ؟ باغچهده آرتق نه واردی ؟ او باغچهیه روح
 ویرن قیزلر شیمدی مانتیه قیزینه برکوزل کلینجک کبی
 زینت ویریولردی .

اونلر استانبولده ایکن نزیه براقشام تپه باشنه کیده مسه
 غیب-وبتنک براغبرار ایله تاقی ایدیلهجکنی نخیل ایدهرک
 اوزولوردی . فقط ایشته شیمدی نزیه آماده زیارت
 ایکن اونلر ، اوکوزل قیزلر ، اودلفرب آلیسی ، استانبو-
 لده یوقدی . سرزنش صیراسی کندیسنه گلشیدی .
 فقط بوکا اهمیت ویریلهجکمیدی ؟ اونک شیمدی بویله
 استانبولک برکوشه سنده مضطرب ، مأیوس قالدینی تخطر

ایدیله جک میدی ؟ تزییهله اون بوچوقدن سوکره کتابارندن
 بوتون بوتون بیقهرق قاناپه سینه اوزانیر ، قارشیشدکی
 پنجره یی آچهرق دالاردی .

خیالی ، قومشونك افق قاپان قاره کیره میتلی دامنندن آشار ،
 هیچ بیلیمه دیکی مالتپیه قدر اوچاردی . اوراده آقسیا
 آغاچلریله سایه دار اولمق اوزره تخیل ایتدیکی اوزون برخیان
 آلتنده قوشهرق ، کولهرك تنزه ایدن قیزلری کورور ؛
 بربرلرینی قوغالارکن ، سوکره یورولهرق چنلر اوزرینه
 کندیلرینی آتارلرکن اونارمرفافت ایدر ؛ صیق صیق تنفسلرله
 قاپاران تازهمینه لرینك خاجاتی ، بوی مسکرینی دویاردی .
 فقط اوصاریشین کوزل ، آلیس نیچون وقت وقت ، اوکنده کی
 بحر لاجوردینك تا اوزاقلرینه نظارینی عطف ایدهرک
 دوشونیوردی ؟ اوراده ، ارض ایله سمانك اختلاط
 مپهنده ، حافظه سینه محکوک برخیالی کورمکمی ایستیوردی ؟
 بو خیال کیملدی ، تزیهکمی ؟ اوخ ، بونه امید اولماز
 سعادتی !.. سوکره تزیه ، آجی براحتمالی ملاحظه ایله
 بوسعادتلر ویرن خولیادن فراغت ایدردی . احتمال که قیز
 شیمدی ساده جه کوشکلرنده اوتوردرق یینه ، غیوره کی
 کبی ، فقط بودفعه هرخطر ایتدکاری ارککله . قادیله
 اکلہ نیورلردی . احتمال که بونلرک ایچنده محجوب حالی .

مفتون نظرلری ایله تزیه ده داخلدی ؟ بوتخی-المر تزیهی
ساعت یاریمه قدر اشغال ایدردی . کلوب یمکه چاغرماسه لر
دها دوام ایده جکی محققدی .

برکون سعیدک اوپه رامراقی بو خصوصده تزیهک پک زیاده
ایشنه یارادی . امتحانه کیرمک اوزره درس خانه نک قابیسنده
آیاقد تیره تیره یه بکله یه رک آداقلر آدایان ، صوکره درسی
ذهندن خلاصه اتمک ایسته یوبده هیچ برشی بیلمیور
کبی برکله سنی تحطار ایده مینجه شاشقینلغندن کتابک
یاپراقلرینی بیرتارجه سنه آچان ، آرده در دورارق ، کندی
کندیسنه اللریله ، باشیله اشارتلا ایدرک ، بورنندن نفسلر
آله رق معلم سکز آی اول فلان کون درسده کندیسینه
باقوب باشنی صاللامش اولدینی جهتله بو امتحانده مطلقا
دوندیره جکنی مبصره آکلاتمغه چالیشان خواجه رائفی
آله وله مکله مشغول سعید اوزاقدن تزیهی کورنجه بو آلایدن
آیرلمغه راضی اوله میهرق یالکیز :

— سنک کیلری دون کیجه باغچه ده کوردم .

دیبه سسلنمکله اکتفا ایتدی . باغچه ده ایمشلا ! صحیح

ایسه بونه بویوک بره ژده ایدی .

ایرته سی کون ساعت دو قوزده تزیه ، وداده خبر ویرمکه

وقت بوله دن ، تپه باشی باغچه سنه قوشه مشدی . دها باغچه یه کیر .

۴۰ دن پارماقافاك آرد سندن كندى بىرلرني كورمكك چالشمش ،
 نظارى قىزلره آصادف ايتمه نجه متاذى اولمشدى . محمديك
 انچريده يانكزجه دولاشيوردي . نزيه ، بوجوجو غاك
 محاضره سندن حس ايتديكى استكراهي ينهرك :
 — كمشلرها ؟

استفهاميله تقرب ايتدى . بىركى برحوادث آنبارى
 كى بر چوق شيلر بوشالتمغه باشلادى :

— اوت ، ديدى ، بوراده لر . آه ، دون كيجه اولمالى
 ايديكز . فرانسزلرك « قاتورز ژويه » يورطيسى واردى .
 نيم هيچ بر شيدن خبرم يوق ، تياترويه كشمدم . بوقاس
 واردى . مادام ساندرد پاقارك بوقاسى پك مشودر .
 تياتروني اويله بر دونامشلدى كه تعريف ايدم . قوجه مان
 بر آي سيلدز بامشلر ، بايراكلر آصمشلر ، عثمانلى ، فرانسز
 آرمه لرى ترتيب ايتمشلدى . مادام ساندرد ترجه مارش
 سويلدى . نه غلبه لقدى اللهم ، نه غلبه لقدى . فوتويد ،
 ستانده بر ير بولامادم . آنتره آلام . برده آرقه مدن بر
 فيصياتى ايشتمدم ، باشمى چويردم ، بزمكنلر دگكى ؟ باشلاديلر
 كولمكه . بر دانمى ياپازدى يوزينه قايامش ، ديانى
 چيقاريوردى . تووالترى ده او قدر مكملدى كه . آمان ،
 تحف بر شى ده اولدى . مادام ساندرد مارسه ييه زى

سویلرکن ایجه کورمک ایچون هرکس اس-کمله لره
 چیقمشلردی. بن ده چیقدم. آرقه مدده بونلر، نه اولورسه
 اولسون شونلردن بریسنک اوزرینه دوشه-سیم، دیدم.
 یاواش یاواش صالالاندیم. ایچلرنده بر باصیق یوزلورلی
 وار، اک بویوکاری؛ کافر، نیتمی اکلادی. تمام دوشه-جکم
 زمان الیه ایتدی. بن ده همان وسیله عد ایدرک «مرسی
 بیهن مادموازل!» دیدم. «سولانه ربیهن موسیو!» دییه
 جواب ویردی. باق دها صوکرده-می وار. پرده آرهلرند
 باغچه ده اشاغی یولده کزییورم. دوزکن باقدم که آلیس،
 تابورون بورونه کلدک. همان «ژومورپورتوا!» دیدم،
 کچدی. صوکرده دولاش-یرکن ینه راست کلدیم. بوسفر
 «ژاتان ده پونس ..» دیدم.

تزیه، صبر ایدمه-یرک صورتدی:

— نه دیدی، نه دیدی؟

— هیچ؛ کافر قیز کولدرک اوموزلرینی قالدیردی.

یوزینه بر حقائق ویردرک: دین! دیدی.

دین .. هیچ! .. عجیب! کنیدیسی ایچون ده بوکله-می

حاضر لاش-یدی؟ تزیه بونی دوش-وندرک فکری مالاله

دوغرو کیدرکن اوتکی دوام ایدیوردی:

— بن تکبیر فلان بکلیوردم؛ بو «دین» عادتا

التفات کبی کادی . هم مونشر . بونلرک بر طبعناری
 وارکه چوق انی . هیچ دارلیورلر . چن قیش تیاروده
 لیسسه لیلرک کندیارینه یامادقلری قالمادی . بله قاتارده
 بویوک برلوجهلری وار ، اورایه دولارلر . آراتق قیشین
 اوراده سیر ایدرز ان شاءالله .

ساعت اون بچغه دوغرو قیزلر ، یینه برنشئه ، کلدیلر .
 فقط بواقشام نزیه ایستوریدی که اونلرده ، هله کوزل
 آلیسده براز دهها جدیت ، برطور تفکر کورسون .
 هیات :

بوکوندن صوکره نزیه یینه باغچه یه دوامه باشلادی .
 فقط بونی وداده سویله میوردی . نزیه ، عزیزلکه هیچ
 قالمادیغنی ادعا ایدن وداده عزیزلک ایتک هوسی کندیسینی
 بوایونه سوق ایدیور ظننده ایدی . حتی امتحان کونلری
 مکتبده کوردکجه :

— وداد ، دیردی ، دون اقشام یینه باغچه ده ایدم ،
 بکله دم بکله دم ، کله دیلر .

وداد صحیح ظن ایدرک قیزیوردی :

— سنک کی ده آراتق بدلاق . محمود بک ، دویمادکی ،
 مالته یه کیتدیلر ، دیدی . بونک اوزرینه بن بردها باغچه یه
 کیدرمی یم ؟

سویلرکن ایجه کورمک ایچون هر کس اسکمله لر
 چیقمشلردی . بنده چیقدم . آرقه مدده بونلر ، نه اولورسه
 اولسون شونلردن بریسنک اوزرینه دوشهیم ، دیدم .
 یاواش یاواش صالالاندیم . ایچلرنده بر باصیق یوزلورلی
 وار ، اک بویوکاری ؛ کافر ، نیتیمی اکلا دی . تمام دوشه جکم
 زمان الیه ایتدی . بنده همان وسیله عدایده رک « مرسى
 بیهن مادموازل ! » دیدم . « سولانه بیهن موسیوا ! » دییه
 جواب ویردی . باقدها صوکرده سی وار . پرده آرملرنده
 باغچه ده اشغی یولده کزییورم . دوزکن باقدم که آیس ،
 تابورون بورونه کلک . همان « ژومورپورتوا ! » دیدم ،
 کچدی . صوکرده دولاشیرکن ینه راست کلدیم . بوسفر
 « ژاتان ره پوانس .. » دیدم .

نزیه ، صبر ایدمه یه رک صورددی :

— نه دیدی ، نه دیدی ؟

— هیچ ؛ کافر قیز کولارک اوموزلرینی قالدیردی .

یوزینه بر محفاق ویره رک : ریهن ! دیدی .

ریهن .. هیچ ! .. عجیبا کندیسی ایچونده بوکلمی

حاضر لاشدی ؟ نزیه بونی دوشه ونه رک فکری مالاله

دوغرو کیدرکن اوتکی دوام ایدیوردی :

— بن تکیر فلان بکلیوردم ؛ بو « ریهن » عادتا

التفات کبی کادی . هم مونشر . بونلرک بر طبعیتری
 وارکه چوق ای . هیچ دارلمیورلر . چکن قیش تیاروده
 لیسه لیلرک کندیلرینه یایمادقلری قالمادی . بل تازده
 بویوک برلوجهلری وار ، اورایه دولارلر . آراتق قیشین
 اوراده سیر ایدرز ان شاء الله .

ساعت اون یچغه دوغرو قیزلر ، ینه یرنشئه ، کلدیلر .
 فقط بواقشام نزیه ایستیوردی که اولرده ، هله کوزل
 آلیسده برازدها جدیت ، برطور تفکر کورسون .
 هیات !

بوکوندن سوکره نزیه ینه باغچهیه دوامه باشلادی .
 فقط بونی و داده سویله میوردی . نزیه ، عزیزلکه هیچ
 قاپامدیغنی ادعا ایدن و داده عزیزلک ایتک هوسی کندیسینی
 بو او یونه سوق ایدیور ظننده ایدی . حتی امتحان کونلری
 مکتبده کوردکجه :

— و داد ، دیردی ، دون اقشام ینه باغچهیه ایدم ،
 بکله دم بکله دم ، کله دیلر .

و داد صحیح ظن ایدرک قیزیوردی :

— سنک کی ده آراتق بدلاق . محمود بک ، دویمادکی ،
 مالتیه یه کیتدیلر ، دیدی . بونک اوزرینه بن بردها باغچهیه
 کیدرمییم ؟

اوح ، صـوکره و دادہ آلدان دیغنی ، قیزلرک ینہ ہر
اقشام باغچہ یہ کلدرینی سویلہ مک نہ آلا ی اولہ جقدی .
فقط بو آلا ی تاخر ایدیوردی . نزیہ بونی سویلہ مک
ایچون ہیچ بر فرصتی مناسب کورمیوردی . ذاتاً باغچہ
حیات یک یکنسق بر صورتہ دوام ایتکده ایدی . قیزلر
باغچہ یہ ورودلرینی اون بچقدہ قرار گیر ایتشلردی . نزیہ ،
اونلردن چوق اول یرینہ اوتورور ، نظری قانی یہ متوجہ ،
بکلردی . معین وقتہ قیزلر کلیرلر ، بر ایکی کرہ
دولاشیرلر ، صوکرہ قارش یہ اوتورورلردی . آرتق نزیہ
کندیسنہ عطف ایدیلن نظارلردن جسارتلر ، امیدلر آلہرق
مستغرق خیال قالیر ، کونشہ قارش ی شمس یہ آچہ لرینہ ،
آرہدہ بیرا ایچمہ لرینہ ، ہر شیلرینہ فوق العادہ بر ظرافت
اسناد ایدہ رک ، ہر حالارندہ کیتدجکہ جاذب بر لطافت
بولہرق متلذذ اولوردی .

بوصرہدہ امتحانلر بیتمش ، و داد شایان حیرت بر
عکس یلکہ ہندسہ و کیمیادن دونہ رک بر دہا استانبولہ کلہ مک
اوزرہ ممالکیتہ کیتمش ، نزیہ شایان حیرت بر تصادفلہ
موقعی محافظہ ایدہ بیلیمشدی . ضیادہ برادرینک یانہ ،
آطیہ یہ چکلیمشدی . نزیہ باغچہدہ یالکز قالور ، بوتون
خیالات ایچندہ مسعود اولیوردی .

یکنسق اولمغله برابر کندیسنی اصلاً بیقیدیر میان بو حال
 بردن بره دوچار تزلزل اولدی . براقشام ساعت اون بر
 بوچوغه قدر بکله دیکی حالدده آلیسنی کوردهده مشدی . حالا ،
 قیزلری کورمزسه پک تأسف ایتمه چکی ظننده ایدی .
 فقط بواقشام مایوس بر حالدده اوه عودت ایدرکن صانکه
 موجودیتندن بر شی اکیسلاشمش کبی ایچندهده مبهم بر
 راحتسزاق حس ایدیوردی . یاواش یاواش اندیشهدهده
 باشلا یوردی . عجبا خسته لاندیلرمی ؟

ایرتسی کون نزیه معناددن ایرکن باغچهده ایدی .
 آرتق باغچه نك طادی جداً قاجمشدی . اکثر مشتریلر
 صیفیه لره چکلمشاردی . باغچه یه براز جاذبه ویرن یچاره
 قادی نلرده ساعت سکیز بوچوق واپوری ایله حیدر پاشا
 دکر حمامنه کیدیورلری . هله عادی کونلرده نك توك
 بورایه اوغرایانلر ایسه هپ قانی طرفه طویلانداقلرندن
 نزیهك ، دیاپولولرک بولونداقلری جهت کاملاً خالی قالیوردی .
 نزیه باشنی آووچنه دایایه رق معذب دوشونجه لر ایچنده
 قیزلرک ورودینی بکلردی .

بوکونده ینه پک بیهوده بکله دی . ایرتسی کونده
 نومیدانه عودت ایتدی . آرتق اطرافنده بر لذت
 بوله میوردی . کندیسنده بر اکیسکلک واردی ؛ باغچه یه

هیچ علاقه دار اوله میوردی . اوراده قیزلردن دور
بولوندجه دلیک ایتک آرزولرینه مغلوب اولیوردی .
بودلیمکار ایچنده میانی اک زیاده جلبه موفق اولان ایچی
ایدی . براقشام سرخوش اولوق ایچون بربری آرقه سی
صیره بش بیرا کتیرندیکنی کورن غارصونک مرحمه
توصیه ایتدیکی اصوله رعایت ایدرک بیرانک ایچنه قونیاق
قاریش دیروب ایچمش ؛ بوندن ده ایستدیکنی آله مایچه
باشنی دوندیرمک ایچون آتلی قارده جه بینمشدی . اون
قبانی کوپرو سندن کچرکن نزیه باشنک آرزو سندن قات قات
زیاده دوندیکنی دویپوردی . اوده ، آغزینک قوقوسنی
حس ایتدیرمه مک ایچون کیمسه نک یاننه یاقلاشمیه رق ،
معدده سنه صیفمیان بیرلری کیمسه یه دویورمه دن اعاده
ایتمک ایچون او طه سنه قانوب غزته کاغذ لریله ایشنی
کوره رک کیجه یی کچیردی . صوکره ایرته سی کون بوزوق
بر معدده ، یکی بر امید ایله آرتق آله دیشنی یوقوشی
چیقه رق باغچه یه کیتدی . ینه مضطرب عودت ایتدی .
بواشکنجه بر هفته دوام ایلدی . نزیه ، قیزلری کرده مدیکی
کی خبر آله حق بر کیمسه یه ده راست کلیوردی .

نهایت تصادف کندیسنه مرحمت ایدرک محمود بکی
بایزیده قارشیسنه چیقاردی . هله شکر ! نزیه قیزلرک

آرتق بودفعه قطعياً مالتپەيە كېتىڭارىنى اوكرىدى . بونى
 اكلامق ايچون غەۋد بىك . كچن جەمە ارقداشلارپە ارىن
 كويندن مالتپەيە كېتىمك ايچون نەسل نيت اينىڭارىنى ،
 سوكرە ھوانك بردن برە قارارمىسى اوزرىنە غەزەتدن
 نەسل واز كچىڭارىنى اوزون اوزون دىكەكەكە نەسل لازم
 كەلشدى .

آرتق آتپەيە كېتىمكى قرارلاشدىرمق ايچون ضىيى
 كورمك اقتضا ايديوردى . او كىچە نزيە ضىيە كېتىدى .
 ضىيا اٹەدن يىكى عودت ايتىشدى . نزيە كورونچە ايتك
 لاقرديسى :

— سىنىككىلرى آتەدە كوردم !

• ژدەسى اولدى . ضىيا حيرتەدن دوداق بوكن نزيە
 افتاع ايچون تفصيلات ويريوردى :

— ھەركىچە اسەكلە باشنە كلىورلر . اورادە اسەكلە
 بابالرينە اوتورييورلر . اطرافلرينە ھەكس دوليور . بر
 قەھقەھ ، بر آلاى ، كورمىلىسەك . اورادە كىنىدىلرندىن
 كوزلار دەرە وار دەرە اونك ايچون پەك التفاتلى داورا ئيورلر .
 يانلرندە آز اختىيارجە بر قادين ايلە كزىيورلر . سەنىك
 فرانسووادە اورادە . فقط يوز ويرىڭلرى يوق .
 قىزلر ك آتەدە اولماسى نزيە ايچون بىوك بر نەست

ایدی . ایکی کون صوکره کی پنجشنبه کونی آطیه کیتمه
قرار ویردیلر . اوکیجه نزیه چوقدن بری محروم اولدیغی
طاطلی خوالار ایچنده اسه اطیری آطلر ، پرلر رؤیاسنه
طالیدی .

پنجشنبه کونی ساعت سکزده نزیه ، ضیائی آماق ایچون
محل مأموریتنه اوغرا مشدی . فنا بر خبر آلدی : ضیا
پارہ سی اولمادیغندن ، پدرینک برکیجه اول آطیه کیتمه سی
مناسبتیله پارہ ایسته مکی اونوتدیغندن بحث ایله کیتمک قابل
اولمایه جغنی سویلیوردی . هرمانعی همان ازاله ایتمک ایسته یین
نزیه کندیسنده ایکی مجیدیہ وارسه ده ، کتابجی یه اوغرایه رق
براقدیغی کتابلردن صاتلمش-لرینک بدانی ده آله جغنی ،
ذاتاً — انشته سی مادام که آطه ده در — کندیلرینه اصل
پارہ نک اطیه کیدمجه یه قدر لزومی اولدیغنی سویله یه رک ضیائی
اقناع ایتدی . آطه اسکله سنده اون واپورنده بولوشمق
اوزره سوزله شهرک ایرلدیلر .

نزیه ک ایکی ساعت بوش زمانی واردی . بو صبر سزلق
ایچنده وقتی ناصل کچیره جکینی بیله مدیکندن ، کتابجیدن
بر شی آلمقدن امید ی کسدکن صوکره ، بک اوغلنه
کچدی ؛ صاحب لرینی کسدیردی ، صوکره تقسیمه دوغرو
یورودی . زانینک اجزا خانه سی کورنجه قیزلرک اوسوقاقده

اوتوردقارینی فخر اییدی . اولرینی اوکر نك لازم
 دگییدی ؟ براز تردددن صوکره جسامت بولهرق
 اجزاخانهیه کیردی . بانکر موسیو دیپولونك خانه-سی
 صوردی ، اوکرندی . اشغی دوغرو اینرکن صول
 قولده کی برنجی سوقاغك صاغ قولده برنجی اوینی
 آرایهرق یورودی . بو ، یاننده کیلردن آچاق ، جبهه-سی
 مالطه طاشندن یاپلمش برخانه اییدی .

نزیه دقتله پنجره لره باقدی . پرده لر کاملاً ایندی-ر-
 لشدی . قاپییه کیم یایر نه وقت آصلامش چیچکدن بر
 اکلیل ، صاراروب صولمیش ، قورومشیدی . دیوارده
 کوچوک اسماعیل قومپانیه نك اسکی بر اعلانی یاپشدی رلمش ،
 ییرتلمه-دن دور یورودی . نزیه ، بو عادیجه منظره-سی
 ایچنده اوکوزل آلیس-نی حفظ ایتمش خانه نك اوکندن
 پك چابق آیرلماق ایچون دوروب ، اعلانی آکلامه-دن
 او قومنه باشلادی . ایسته یوردی که یوقاریکی قاتك پرده لری
 قیملدانه رق بر چفت چشم محب کندیسنه کولسون .
 بو آرزویه او قدر مجلوب اولدی که قیزلرک اطه ده اولدقارینی
 بیله اونوته رق بوکوزل ، بومتبسم کوزلری کورمك ایچون
 باشی قالدیردی . توزلو ، کیرلی جاملر آرقه-سند پرده لر
 مستهزی بر حرکت سزلک ایله کندیسنه برودت کوستری یوردی .



اون بر بوچوغه دوشرو آطيه باناشان نزهتیه دن
 آقان غلبهلق آره سنده نزه ايله ضیا علی العجلاه یول بولوب
 کچمک ایچون برخیلی اوغراشدیلر . نزهتک النده کوندوزلری
 وقت کچیرمکه مدار اولور فیکریله ترجمه ایچون یانسه آلدینی
 ژورژ اونهنک « ددت دوهن » یله برده کوچوک قاموس
 فرانسوی واردی . بونلری اوده براقوب اسکله باشنه
 دونمک فیکرنده ایدیلر . نزه شیمدی یه قدر بر چوق
 ستایشنی دویدینی آطهنک بوتون کوزللاکلرینی بردن کورمک
 ایستیه یور کبی هر طرفه باقهرق ، فقط هیچ برشیئی انی
 کوره میهرک ، کندیسنه اظه حقنده معلومات ویرن ضیانک .

یاننده ، یالکیز دیابولولره تصادفه اهمیت ویردک یوریموردی .
شیمدی ضیا دکز کنارنده برهام کوستره دك :

— باق ، دیدی ، بو هام قادینلره مخصوصدور ،
صبح ، اقشام دولارلر . هامك طیشاریسنه چیقارلر .
دكزك اوستی قیب قیرمزی کسایلر . بعضیسی چیرچپلاق
چیقیور .

نزیه ، بودكزك یوزینی قیب قیرمزی برحاله کنیون
قادینلره هییچ بر اثر تمایل کوستریموردی . او یالکیز
آایسنی ، یالکیز اونی ، دکزده دکل حتی قاردهده کورمه کله
منمون اوله جقدی .

اسکله باشنه عودتلرندن چوق کچمه مشدی که یوقاریدن
دوغرو قیزلرک ، ینه شوخ و خندان . کادکلیغینی کوردیلر .
یانلرنده قرق یاشنی چکیکنجه کورونن برقادین واردی .
هان قالقدیلر ، تصادف ایچون یورودیلر . نزیه مست ،
هرشیدنی اونوتمش برحاله اونلره باقیوردی . ابتدا
کوچوکلری ، قازه کوزلولری ، تزیی کردی ؛ خفیف
برقول ضربه سیله هم شیرمه نه . آایسه ، خبریوردی .
اوده کوزلرینی قالدیردی . کوچوک ، خفیف برتقال
انظار ؛ فقط بونزیه نلر زشار ، نصادتلر ویرموردی ؛
صوکره خفیف برقاش چایش ؛ احتمالکه علناً یوقدرار

دقت کوسترمه سنک جزاسی ، نزیه هر جزایه تحمل
ایده بیلیردی . او قول ضربه سی کندیس سنک طانندیغنی
آکلاتیور ؛ احتمال که بر آزده قیمتی ، حائر اوله رق
طانندیغنی امید ایتدیریوردی .

بویوک قاردش لریله یانلرنده کی قادین قازینویه اوتور -
دیلمر ، آلیس ایله کوچک همشیره سی دکر کیمارنده کی یولده
پیا سه ایدنلره قاریش دیلمر . نزیه ایله ضیا بونلری تعقیب
ایتدیلمر . یانلرندن کچه جککاری صرده ده نزیه ، کوچوک
قیزه چارپمق ایسته دی . فقط بریکی مقصدی حس ایتدی ،
براحتراز متبسم ایله چکیلدی ؛ نزیه آرقه سنندن ایشتمدیکی
سورکلی ، نازک برقهقهقه دن ، داریتامش اولدیغنی آکلادی ؛
جسارت بولدی . ضیا به :

— بردها ، دیدی ، راست کلیر سه هم چارپه جغم ،
صوکره باردون موسیو دیبه جکم ، هم باردونی ، موسیو نی
غایت قیا تلفظ ایده جکم ، آلالی اولسون .
ضیا تصویب ایتدی :

— پک خوش اولور . ذاتا اونلره تحفلق ایدوب
کولدی رملی . صوکره تأیید مدعا ایچون علاوه ایتدی :
— بوراده انسان تحف اولمالی . هانیا کلیرکن واپورده
سکا حصیر شاپقه لی برینی کوسترمشدم ؟ ایشته او حریفک

چاتمادی قادین یوق . ہپ اونک اطرافہ طویلانیورلر .
نہلر سویایور بیامم ؛ فقط قادینلرک ہپدی قانیہ جق کبی
کولیورلر .

بوصرہدہ صوک واپوردن چیقانلری کورمک ایچون
اسکله باشندہ ایکی صرملی برغبلہلق تشکل ایتشدی .
قیزلرکدہ بونلرک آراسندہ اولدقلرینی کورنجه قارشیلرندہ
دور دیلر . نزیہ ، اجتاب ایدہلرک یوزلرینہ پک باقمہ میوردی .
فقط ضیادن خبری آلیوردی :

— یاہو : بونلر سنی طانیورلر . صیق صیق باقیورلر .

اوخ ، بوخلجان ویرن مسرتلر !

نزیہک کوزی اوکندن هیچ کورمیدیکی بوتون
برغبلہلق کچکدن صوکرہ اورتہلق قاریشدی . شیمیدی
قازینودہکی اورکسترنک آہنکنہ دورلوسسلر قاریشیوردی :
ہرکس اولرہ داغیالمق ایچون استعجال کوستریورہ .
غبلہلق بربرینہ کیریوردی . نزیہ ایلہ ضیا ، آرتق شبہ سز
خانہلرینہ عودت ایدن دیابولولری تعقیب ایچون یوریہلرک
اونلری نظرلرندن قاجیرمامغہ چالیشیورلردی . قیزلر
بون مارشہیہ کیر دیلر . قاپینک اوکندن پک آیرلمادن پیاسہ
ایدن نزیہ ایلہ ضیا اونلرہ دائر قونوشیورلر ، برقرار ویرہ
میورلردی : مالتہدہ کوشکلری وار ، اورایہ کیتمیورلر ،

آطیه کایورلر ... کندیلری بوراده ، بابالری آنالری
یوق ... بوراده کیمده مسافرلر؟ .. عجبا محمود بک
سوزلری بوتون بوتون یالانمی ..

قیزلرک بون مارشده دن چیقدیغنی کورونجه ، کوزو-
که مک ایچون جاقومی جاده سنه دوغرو ایلریلرک اجزا-
خاننک اوکنده دوردیلر . نزیه ، قیزلرک ، واپورله کلیر
کن کوردیکی کوشکلردن برینه کیده جکلری امیدنده ایدی .
فقط بونده یا کلمشیدی . قیزلر ، اشکجیلره جمیع اولان
خراب فسقیه قارشیدینده کی دارسوقاغه دوندیلر . بریرسک
ویره رک صاپدینی جهتله چیقوب چیقما دینی آکلاشیله-
میوردی . نزیه ، بوزولمنی کوزه آلدرق یورودی . سوقاغک
دوندیکنی کورنجه ، تردد ایچنده غائب ایتدکلری وقتی
جبر ایچون ، بوقارا کلکی یرلرده قوشیدی . آرقه جادهیه
چیقیدی . خفیف غازیله الریله منور ، اولدجه غلبه لاق
جادهیه آنانغی یوقاری کوز کزدیردی . برشی کوردمدی .
فسقیه نک اوکنده کندیسنی بکلین ضیانک یانه مایوساً
عودت ایتدی .

نزیه ، یکه ده ضیانک انشته سنی کوردمینجه ، حیرتله
رفیقنک یوزینه باقدی . ضیا بونی آکلادی ، ساده جه :
— بواقشام کله مش ، دیدی .

یمنکدن سوکره قاینک اوکنه ، دکر کنارینه
 چیقدیار . ضیا نزیه یاقلاشهرق تأمین ایتدی :
 — مراق ایدیله جـك برشی دکل ، یوگون اشی
 بیتمه مشدر . بعضی پك کچ چقیورلر . کچن افشام اذاندن
 سوکره کادی ایدی ...

نزیه ایسترایستمز بودلیله قانع اولاجقدی . اندیشه .
 سی برپارچه سکون بولونجه اوکنده کی روحنواز منظره دن
 دها زیاده لذت آلمغه باشلادی . پندك اوزرندن یوکسان
 قر ، تا آیققرینه قدرشتان اولان قوجه دگری بریزش
 زرین انجمنه شوخ و بشوش قیلیوردی . افشام اوستی
 آطلره یاقلاشدقلمری وقت کندیلرینی کوکرته ده اوشوتن
 کون دوغروسى پك زیاده دوشمش ، یالکیز خفیف بر
 نوازش حالده نزیه برجهان غیر مرئیدن نشاط حیات
 کتیریوردی . آراده ، بالیق قایققرینهك برندن پارلایان
 ضیای شدید ، لاجوردی سمانی خط زرین ایله بیرتان بر
 شهابدن یاییلان انوار ، افقك ، سمانك قراگاق جهتلرینه ده
 برلمعه امید و مسرت نثار ایدیوردی . سوکره قارتالان
 آتیلان برهوائی فشنك ، قلوب عاشقیه یوکسکلردن کان
 امیدلری آکدیران شهابلرله هم آغوش اولق ایستور
 کبی ، پرامل ، یوکسلور ؛ عدم امکانی آکلامدن متولد

بر یاسک ویردیکی ترددله بر از دوریور : اعتراف عجز ایله
بر بویون بوکدکن صوکره حجابی دکزک ، طویراغلک
قارا کلقلرنده صاقلامغه شتابان اولیوردی . قارتال و مالنه
قییلرنده بر قاق فـنـر دکزک اوزرنده قیریق ، خفیف بر
عکس ایله تتریوردی .

نزیهک بوکنج روح متحسسی ، قمرک پدش ننگاشنه
سردیکی شهره خیالده هنوز قیرلماش قیادلریله اوچه رق
منتهای آمانه مواصات ایدیوردی . بوراسی سمانک بوتون
بار لاقلرندن دهـا پارلاق ، دهـا لطیف ایدی . بوراده
نورلرک نوازش محبی ایچنده برکنج قیزله برکنج آدم قول
قوله کزیورلردی . کنج قیز برطـور اعتماد و تسایمیت
ایله سودیکینک آغوشنه دایانمش ، کنج آدم سوکیلیسندن
بوکسه ان بوی محبتله سرمست ، یوریورلردی . بر نقطه یه
کلدیلرکه کنج قیز دوارق ، اوزافده بوتون بیاضلر ایچنده
پارلایان بر فراش زفافی بیاض النک ایجه پارماغیله کوسترـ
دی ، مهتر صداسیله صورتی :

— بنی دائماً سوه جکسک یا ؟ ..

ایشته اوقت بر بوسه ... اوخ ! خیالی ، درین ،
مغشی بر بوسه بوتون حیاتلرینی بر رابطه محبتله توحید
ایتدی . بوکنج قیز آلیس ، کنج آدم ده نزیه ایدی .
هیات !

ضیانك برادری ، یانده کی بره ساغرا بیه بوسرمده
 اودن چیقدیغدن جاملی قاینك کوروانوسی تره سی ساحه
 حقیقه دوشوردی . او ، بواشلای ایده مدیکی حقیقت
 حیاتدن شاشیرمدق یانده ، کند ی تضرکراتنه دالمش دوران
 ضیانی دورتدی :

— بزده کیده لم می ؟

قازینوتنها ایدی . بو ، تزیه ایچون هیچ حاضرا هیت
 اوله مازدی . فقط دیاپولر لوده یوقدی . کلک لری وقت
 یانلرینه اوتوره بیلمک ایچون پیاسه یه باشلادیلر . واپور
 اسکلکسی اوزرنده ، ماهانی سیرایدن برقاج قاینك ،
 ارککک آره سنده برکلوب قازینویه باقیورلردی . انجق
 برقاج ماصه اشغال ایدلمشدی . جاقومی یه دوغرو یورودی .
 تکرار کلدیار . ینه چیقدیلر . دوندیلر . حالا قیزلریوقدی .
 قازینوده پک تنه ایدی .

براز اولکی تخیلات ، قیزلرک کندیسنه . آشنالاق
 کوسترمش اولملری تزیه بواقشام اولملری کورمک ایچون
 برفکر ثابت ویرمشدی . ضیا :

— بوکیجه هرکس چالمقده در ، دیه تکرار

ایدیوردی .

تزیه صوردی :

— نیچون کیتیمورز ؟

— یایان کیدیله من .

بوجواب نزیهی برپارچه دوشوندیردی . فقط مادامک
انشتهسی یارین اقشام کله جاک نه ضرری وار ؟ برر اشک
طوتدیلر . یانلرینه چوجوقده آلدیلر . کندی کندیلرینه
کزمک ایستیورلردی . ابتدا « هوپلا ! » لرك تاثیریه
برازیول آلدیلر . فقط صوکرده یاواش یاواش چقمغه
مجبور اولدیلر . شیمدی چام آغاچلرینک سیوری یاپرا-
قلرندن سوزولوب کچن نورقیری رهبرایدینرک س-کوت
ایچنده کیدیورلردی . ضیاصاغ قولده ، موثر ، علوی بر
آیدینلق ایچنده ، اطرافلرنده کی کوچوک سرولرك تضاد
اسمراری آغوشده پارلایان بیاض صندوقلری کوستردرک :

— آیا خریستوس ، دیدی .

براز ایلریده اوفق برقهومنک اوکیده دورارق دوز
تپه اوزرنده چاملر آلتنه دیزلمش بوش صیرالره برانظر
مایوسانه عطف ایتدی :

— بورای ، دیدی ، بویوک چاملقدیر . کیمسه لر
یوق . فقط شیمدی آشاغیسی آتش ایچنده در . هپ
غایهلق اوراده در .

نزیه حیرتله صورتی :

— اسکله باشی می ؟

— خایر ، دیا-کیاوس ، کوچوک چاماق .

هوپلا ... مرگبارک ثبات معینله قارشی بو هوپالار
پاره ایتیم-وردی . حیوانچه-لر ، ایاریله مک اوزو-سینه
اوزوان ساقارینک استعجاله محافظه کارانه برعاده مغایله
ایدهرک نشوبق دیکله میورلردی . نهایت . نزیه :

— اولمایه جق ، دیدی ، بوقاره کوزک اش-کنی ده

چکدی ...

واینوب ، فوق سرنده درین براوغوتی ایله خیالی
اوقش-ایان چاملرک بیدینی سرینلک اینجده . یره سریش
منور نقشلی قالیچه اوزرندم-ایان یورومک ایستدی . فقط
یدکنده زورله چکیرک کوتورمکه چالش-دینی حیوان
گریلیور ، اصرار ایدیوردی . ینه بینمک ، اولک کیفه
کوره کیتمک لازم کلدی . نزیه ، برچامدن قوپاردانی
دال ایله حیوانی ایکنه-له مکدن خالی دکلدی . آرده ده
باغیریوردی .

بریاندن دیابولولر شو حالزی کورسه دیبه دوشونیور ،
صوکره بوتصادف حقیقه وقوع بولیورمش کبی محجوب
نظارلرینی اومستهزی کوزلرله تلاق ایتدیرمک ایچون
قالدیریوردی ؛ وبرز ایلریده بر وضع متوکلانه ایله

ایلریله ن ضیائی کور یوردی که شیمدی تیز بر غزادن
باشلا یه رق قابنده طوپلاندان حسیاته بر جریان حزین
ویرمشدی .

آز آشاغیده ، بویو که بر میدان کلدیلر ؛ قهوه یه
دوغرو ایلریله دیلر . بوراده ده کیمسه یوقدی . نزیه
ضیانک یوزینه باقدی . ضیا اوموزلرینی قالدیره رق اعتراف
ایتدی :

— شو آطه نك حائی آکلایه مادم کیتدی . اسـکله
باشندن باشقه بر یرده هیچ غایه لغی کورمه دم .

نزیه ، ایچ صیقنتیسیله صـوصدی . شیمدی نظام
جاده سی طرفدن ساکتانه عودت ایدیورلردی . اوکندن
کچدکاری کوشکلرده آرتق آیدیناق قلما مشدی . احتمالکه
دیابولولرده شیمدی بیاض تانتلر ، ظریف توللرله مزین ،
مطرا قاریولر ایچنده کیجه لک توالتریه ، پریشان و
جاذب ، اویویورلردی ... عجیبا آایس رؤیاده کیمی
کور یوردی ؟

بوکیجه نزیه چاق اویویه مادی ؛ کوزل آلیسنک
روح ویردیکی بر طاقم خوابلره دالهرق کندیسنی
اونوتیوردی .

صباحین ضیا ایله برلکده اوکلرنده کی دکز حمامنه

کیردیلر . اوزاقدن قدین حـامـنده غـابهـلق اولدیی
 کوزوکیوردی . نزیه بر دورلو صبر ایدمـدی . یاقیزلرده
 حـامـده ایسه ؟ . نهایت صاندالی ایندیرتوب حـامـک یانندن
 شوپله بر کچمکه قرار ویردیلر . نزیه دومنه اوتوردی ؛
 ضیا کورده کچکیوردی . صاندال حـامـک اوقدر یقینندن
 کچری که عودت ایتدکلری زمان ضیانک برادری :

— ماشاه ، بزم صاندال ریختمده کیدیور !

دیبه بر طاش آتدی . حـامـده آزادقلرینی کورده مه .
 مشلردی . ساعت آلتی یه قدر بالیق طوتمقله مشغول
 اولدیلر . نزیه اوزاقدن اسکله باشنده کی قازینویه کیتمکه
 جان آنه رق ضیایه متصل :

— عجباشیمدی قیزلر زرده در ؟ سـئـوالی تکرار

ایدیوردی .

— زرده اولدقلرینی بیایم ؛ فقط امینمکه اطمنک

ایچنده بریرده درلر . اسکله باشنه کیدم ، دیبه جکـکـ اما
 بووقت اوراده کیمسه بولونماز . نه حاجت ، ایشته اوزاقدن
 ده آکلاشیلیریا . اورانک غابهلق زمانی اقشام اوزرلری
 ایله کیجه در ، برده بازار صباحلری . آمان ، کچن بازار
 حسین بکله قازینوده آر قالدی بوغوله جقدق . اطرافره
 دولدیلرمی ، دولدیلر . نهایت قاچـدق . هپ غودوبت
 قادینلر ، کوزلار پک آز ...

اوکله یمکنی متعاقب دالدقلری او یقودن همان اقسام
اوزری او یاندقلری زمان نزیه ضیایه ینه پاره مسئله-نی
آچوردی . فقط بریکی هیچ بر شینه اهمیت ویرم-دیکنی
کوستره جک بر قید سزقله :

— یو ، یو ... بواقشام پدر مطلقا کلیر ، دییوردی .
— صانکه گلزسه ، دییورم ، یارین دکل او بر کون
پازارده ...

اواقشام ، اوکیجه دیاپولولری ینه کوردمدیلر . نزیه
اوزونتیدن نه یاپه جغنی شاشیرمشدی . نه اولدیلر ؟ نیچون
کوزو کمیورلر ؟ کنندیسندنمی چکینیورلر ؟

بوکیجه قیزلره عدم تصادفک آجیسنی چیقارمق ایچون
بشقه بر قیزله اشتغال ایتدیلر . بونی ضیا حکایه ایندیوردی .
اولکی هفته بوقیز کنندیسنه شویله باقشده ... صوکره
جاقومی اوتلنک اوکنده شویله راست گلشلرده ...

نزیه بواوزانوب کیدن « مشده ... » لره اهمیت
ویرمیه رک ذهننده ضیانک بوهر هفته دیکشن پرستیده قلبیه
کندی آلیسنی مقایسه ایدیور ، اوکوزل آلیسده بولدیغی
لطافت وجاذبه بی بوتومبول ، آبلای چهره لی بیاض کوزلده
بوله میوردی .

أوه ایرکن عودت ایتدیلر . ینه برر اسکمله آلهرق

دکز کنارینه اوتوردیلر . گوندوزین بیاض کم یونکرله
 سوسله ن دکز شیمدی بونلری سیاه عجمیه کیزله یوک
 استراحت ایدیوردی . آرده . ساحلک قوملندن .
 دکز حمامک دیرکلرندن بر آه درونی کبی کتوم برفیساتی
 ایشیدیلوردی . بر خیلی مدت سا گناه دوردیله .
 تزیه ایرتهسی کون انچون جبده یوز پاره قلش اولدیغی
 بردورلو اونوته میوردی . ضیائی ده بونی دوشونیور ظن
 ایدرک انشته سنک اواقشامده کله دیکفی اخطار انچون
 ساده جه :

— ای ؟ دیدی .

ضیا آکلادی :

— بن ده ، دیدی ، اونی دوشونیورم . پدر کدی .

یارین اقشام هیچ کلز . برادر دن صیقیلیرم ، قابل دکل
 ایسته یه مم .

— نه یاپه جغز ؟

— هیچ !

هیچمی ؟ .. خایر ، بوقابل اوله مازدی . هیچ ، او
 سوکیلی دیابولولرله بر آطه ده اولسونلر ، اونلر کلسین
 قازینوده اوتورسونلرده تزیه هیچ دیسین ! .. ضیا بر
 چاره تسویه کوستریوردی :

— یازین جمعه ایرتسی . ذاتا صبا حلین ، اوکله ن
 برشی یوق . کوردک یا غلبه لقی واپورلر کلدکدن صـ و کره
 باشایور . . دیمک ایسته یورم که ... یازین بن برادر ایله
 اینه یم . پاره بولور اقشامه کلیم . سن قازینوده اوتوررسنک .
 عبدالله صاندالی کتیرر . صانداله بینر دونرز ، اولمازمی ؟
 نزیه جواب ویرمدی . بویالک زاق پک ایشنه کلیوردی .
 صباح اولونجه بردها ای دوشونمک قرار ایله اوطه لرینه
 چکیلدیلر . نزیه اندیشـ ناک برحالد یاتاغنه کیردی . فقط
 سمای تخیلاتنده اوچوشان پریلرک رفاقت معززه سی اوکا
 یوسفیل حقیقتلری اونوتدیردی . اوقابنه نفوذایدن بوی
 محبتله سرمست ایکن بیتاب وجودی کندندن کچمش ،
 روح مفتونی ایسه آلیسنک آغوش حارندن آیرلماشدی .
 صبا حلین قالـ دینی زمان هرکس او یویوردی .
 طیشاری یه چیقدی . عبدالله کتیردیکی قهوه نی ایچرکن
 قارشى ساحلک بر مخموری صبح ایله کولومسه ن سطح
 مائی ، ذروه لری ، اوکنده کی آماده خروش دکز ،
 نزیه ده کی احتیاج محبتی آلوندیریوردی . سرتلشـ مکه
 باشلامش اولان صولر بوتون بوتون آزমে دن حمامه کیرمک
 ایسته دی . بوراده سوکیلی آلیس ایله برابر بولونیورکی
 دالهرق ، کندی کـ دیسنه اکلهرک چیرپینیوردی .

بوشاده ضیانك ، برادريله برلکده اودن چیقوب قرتال
 طرفدن دودوکی اوتدی . دك یاقلاغان واپوره یقشماک
 اچون استعجال ایتدکارینی کوردی . سسانماک قبل دماسی .
 دیمك ، یالکیز باشنه آطهده قایوردی . شیمدی
 نه یامالی ۰۰۹ . برقرار سزاق ، برجان صقنتیسی تزییهی دست
 تحکمه آلیوردی . عتمله ، برنجی قسمنی آطیه کلدن
 اول ترجمه ایدوب بیتردیکی رومان کلدی . برابر کتیردیکی
 چیزکیلی کاغد اوزرینه بسمله اشارتی متعاقب چیچکلنی
 حرفلرله « ایکنجی قسم ، سرلوحه سنی ترسیم ایتدی .
 بربالو توصیفندن باشلایان بوباب ، برنجی قسمه نسبتله
 کوچ کوزوکیوردی . تزیه ، قاموس فرانسه ینك صحیفه لرینی
 قاریش دیرمقدن ایسه برحس عظامته مغلوب اوله رق باب
 سرلوحه سنی تزیین اچون چیچکلر یایمق ، آراده دوروب
 اوکنده کی دکر پارچه سی اوزرنده بریا یکنلینك کپیشنی سیر
 ایتک ایسترن اصراروقت مجبوریتی اوننی ترجمه ده دوامه
 سوق ایدیوردی . بوایکی مختلف قوتک تحت تأثیرنده
 ساعت اوچه قدر ایکی صحیفه یازی آتجق یازه بیلدی .
 نهایت قورشون قلمنی شدتله الندن فیلاتوب کوروانولی
 برنفس آلدقدن صوکره آباغه قالقدی . تکرار بوجان
 صیقچی صحیفه لرله اشتغال ایتمکن قورقورمش کبی

کاغدلری علی العجله جنبه صوقدی ، طیشاری فیزلادی .
 بوغولیورم ظن ایدیوردی .

نزیه ، کیجه این یک اینی کورمه مش اولدینی آطه ده
 شویله برصباح جولانی یایمق ایسته دی . جاقومی اوتلنه
 قدر اولان یرلری برقاچ کره کورمش اولدیغدن بورالردن
 حیزله کچدکن صوکره باستوننه دایانه رق آغیر آغیر
 یوقوش چیقمنه باشلادی . بوکوزل کوشکلر ، باغچهلر
 اوکا اوقدر بویوک کوزوکیوردی که حسد ایده میوردی .
 یالیزلی کوشک دیسه شهرتی آطیه کله دن پک چوق
 اول ایشیتدیکی بنانک پارماقلغنه دایانه رق سیره طالدی .
 عرب طرز معماریسینک بو اوینجاقلیغیله پک قولای
 ائتلاف ایدن مخیله سی اوکا بواوکنده کی مذهب ، مزین
 کوشکده آلیسیله کچیریله جک برحیات عاشقانه احساسنه
 باشلادی . و آیاقدی ، بوهیچ بروقت تملک ایده میه جکی
 کوشکک قارشیسینده احتمالکه هیچ تملک ایده میه جکی
 برقلب ایله هیچ امرار ایده میه جکی برحیاتک لذتی
 روحنده حس ایدرک برخیلی قالدی . صوکره حقیقی
 برحیاتدن ، یاشانمش برعشقدن افتراقک ویره جکی عذاب
 تحسیرله بویابانجیسی اولدینی ظریف ، نازک کوشکک اوکندن
 ایچنی چکه رک آیرلادی . ایلریده برکوشکک فیزلدقلری

اگە نیر کی نزیهك كوزی اوگەدە دونیوردی . بر محبت
 حیاتی چکیرمك اینچون حاضر لائیش ظن اولونان قریه ناره
 نظر خسران عطف ایدە ایدە چون پاشانك کونشکە قدر
 یوردی . آرتق کوروله جك برشی قالماشدی : دونی .
 بوخوایا ، بو محبت عالمیله تماس ایندن حقیقت ، احتیاج
 عالمی اینچندن ، اسکی ، بویاسز ، حقیر خانار اوگەدن
 کچەرك اوه کادیکی وقت سەاعت هنوز دردی کچەکە
 ایدی .

او صانکه اوزرینه ییقلایور کی نزیه صیقیوردی .
 یمكنی یەرك رومانی آوب طیشاری فیرلادی زمان
 ساعت دها بش ایدی . شیمدی نیایمالیدی ؟ شـ وادی
 سؤال ، دائماً جوابسز قالان شو منجوس سـ سؤال ...
 واپور وقته ، ضیانك عودتنه آلتی شق ساعت واردی .
 بو یتیمه جك زمانی ناسل اولدیرمایدی ؟ ضیا اوچ
 ساعتده انکله تور ، پاپله بیله جکنی سوله مشدی .
 بو حالدە نزیه آغیر آغیر یوریه جك اولورسه ... اوت ،
 اقشامه قدر آطه نی کوزلجه دولاشق ممکن اوله جقدی .
 بو قراری ویردکن سوکره ، قیزلری کورده مەکن
 بوتون بوتون ماکدر اولان نزیه قاین بـ سـ توننه دایه نرق
 هیچ یورولماق عزم قضا یسیله یاولاشجه یوردی . برار

اولکی کوشکلری تکرار سیرایدرك ، بونلرك بریسنده
 امید ایتدیکی دیاپولولری کوره یلامك ایچون ایشیتدیکی
 برقادین سسنه همان باشنی چویردرك یورودی ، یورودی .
 ضیای شمسسه معروض یوللری کچدکدن صوکره چاملر
 باشلادی . بریسنك آلتنده اوتوردرق دیگنندی . قارشیسنده
 هکبه لی یوکسك ساحلرینی کورستیورودی . بویله برقاچ
 کره دیکله نرك دیاسکیلوسه چبقدی . کونش بوتون شرتی
 نزیهك شمسیه سز چهره سی اوزرنده تجربه ایتك ایستیور
 کبی ایدی . حتی چاملرك باپراقلرنندن صیزدرق کلوب
 اونی بولیورودی . کچریکی یوللر ، دیاسکیلوس کاملاً تنها
 ایدی . آیاورکی یه چیقماق ایسته ین نزیه ، برکیجه اول
 ضیایه :

— شو ، آیا یورکی یه می کیدر ؟

دیه کوس-تردرك « اوت » جوابنی آلدیغی بریوله
 کیردی . کندی کندینه :

— بس-بملی ، دیورودی ، طاغك اتکینی دولاشه
 دولاشه ذروه یه چیقماق جغز .

بورایه قدر ضیای شمسسه قارشنی چام آغاجلرینك
 حایه سایه دارندن بدرجه یه قدر محروم قالمامشدی . فقط
 بوبکی یول کندیسندن بولطفی دریغ ایتدی . یکی دیکیلمش

کوچوک بر ایکی آقاسیا آغاجی نزیی تشیع . الشجیع
ایچون توزلو یاپراقلارینی سالادی . نزیه . یورودجکه
آرتان حرارتک تأثیریه ترله یوردی . نهایت صول طرفده .
یالکیز چهره سنی کونشک نخریندن محافظه ایدم یله جک
قدر کوچوک برچام آغاجی کورنجه بوکا انجا ایستدی .
قارشیسنده کوزک نحممل ایدمه یه جکی برلمه ان ایله امتداد
ایدن دیکزک وضوح غیضدن تلذذ اتمه رک کوزلرینی
قپادی . دیکنلرینه یاسلاندینی بو طو پراغک اوستندده .
باشنی دایادینی آغاجک دینده عالم خیالک او نیم مظلم
جهتلرینه چکیلهرک معاشقه ذهنیه سنی یاشامغه باشلادی .
آطه نک اثر حیاندن محروم کورونن بوقورو ، یالچین
قسمنده ، یاقیچی برکونشک عذابلری آلتنده نزیه .
کنج . اما پرست قلبک بیک دورلو خواهاشلرینه وجود ،
حیات ویره رک اوراده ، یالکیز چهره سنی محافظه ایدم بیان
چام آغاجک کولکه سنده اونوته میه جنی برثانیه ، برحیات
کچیردی . بلا اختیار برشی میرلدانیوردی :

« نه ایچون کچمز عجب برکونم آزاد الم ؟ »

بواوکا اسکی بروقه نی اخطار ایدی یوردی . خنکار صوینده
برجمه ... چالنی طاقی برترکی سویلرکن برازوقدن بری

اك يوقاريكى قفس آرقه سنده نغز دقتنى جاب ايدن برقادين،
 حالا ايشته قويو رنك فراجه سى ، اوزون وسويلى
 چهره سيله كوزينك او كيه كلن برقادين ، بونى ايشيدير
 ايشيتمز هيچقرقلرله آغ-الايله رق يره قاپايوردى .
 كنديسندن بو قدر لذتلىر ، سعادتلر ايشته ديكمز بوحيات
 بويله هر كسه آجيارمى ويريور ، بويله هر كسى هيچقرقلرله
 آغلاتمغه مى چاليشيوردى ؟

اوح ! ايشته نزيه ، بوشيمدى يه قدر بيامدىكى آطه ده ،
 كنديسنه بوتون بوتون يابانچى برعالم كوسترن اومكلف ، اومطانطن
 كوشكار دن پك اوزاقده شو حقير ، شوطاش اوزرنده جياينز
 برحالده يوكسلهش چام آغاچنك آلتنده نه ايشى اولديغنى ،
 بوتنها ، بوحياتدن محروم يرلره كنديسنى نه سوق ايتديكى ،
 نچون سهوق ايتديكى بيله ميه نزيه بيله آغليور . فقط
 هيچقرقلرله دكل ، سببسز بر بكا كه كورولتيسى اولماديغى
 اچون مرارت بخش اولماديغنه حكيم ايديله مز .

نزيه ، بوكوچوك چام آغاچنك شه دتلى روزكارلره
 معروض سايه سى آلتنده حياتنك ، كمتيحه سس بر پارچه سنى
 بر اقدق دن صوكره ينه كونشلى يوللارده يورومكه باشلادى .
 تعقيب ايتديكى يول اميد ايتديكى كى تپه نك اطرافنده
 دونه رك يوكسله چكى يرده كاه آچله رق ، كاه آز يوكسله رك

افقی بر صورتده امتداد ایدیوردی. نزیه بورادن آیاورکی به
چقمیه جغی آکلادی. فقط تپه نك هنوز اتكندده
بولیوردی. بورادن دیکنه طرمانه جق اولورسه ؟

اوزاقدن بر چوجوق کوردی. یانسه کانجه آیاورکی
یوانی صورتدی. چوجوق، روجه قاریشیق بر تورکجه
ایله آیاورکی به کیتمک ایچون دباسکیلوسه دونمک، اورادن
باشقه بر یول تعقیب ایتمک لازم کلدیکنی آکلادی.
کچدیکی بوقوراق، بوصیه جاق یولاردن کری دونمکی بر
دورلو کوزه آلامیان نزیه ک چهره سنده کی علامت اضطراب
وترددی کورن چوجوق باشقه بر یول توصیه ایتدی.
شو آشاغیده کوزوکن قهوه نك یانندن ده آیاورکی به بر
یول وارمش اما ...

نزیه ایچون بوقددری کافی ایدی. بش آتی دقیقه
صوکره چوجوغک اشارت ایتدیکی بالاولیستایه کادی.
چارداغک آلتنده اعلا برکولکه، برقاق حصیر اسکمله
کورنجه کندیسنی ضبط ایدمدی. همان اسکمله لک برینه
آیلدی. بیکنک اوسبنده یاری اویوقلار بر حالدده یاتان
قهوه جی به :

— بر صوایله بر قهوه ! دییه سلندی.
بریارچه دیکلدکن صوکره قهوه جی ایله قونوشمه

باش-لامشدي . قهوه جي اوکا اڻهندي ٻوٽها ، بواسير
 کوشه سنده غائب اولان قهوهيه مهتاب کيجه لرنده بر جوق
 قامي-الرك ڪلديکني آکلاتيوردی . عجباً دباپولورده
 کليورلرمي ؟ عجباً دون کيجه بوراده مي ايديلر ؟ قهوجي يه
 قيزلري تعريف ايدهرك صوردي . فقط ايشنه يارايه جق
 بر خبر آله مادي . بوخفيف احتمال دون کيجه ضيا ايله
 بورايه قدر کله دکاري اڻچون ، کنديسني متحسر ايتدي .
 بوراده ده بر درلو وقت کچميوردی . قهوه جي-دن
 ايايورکي يه چيقان پاتيقيي اوکرنديکن صوکره راز قوت
 بولان باجاقلريله صعوده باشلادی . طرمانديغي يول ، بوتون
 بوصيرت کي اشجاردن محروم ايدي . يالکيز اوتده بريده
 قاره ديکنلر ، قاره قايلراوزرنده براکه کي کوزه چارپيوردی .
 نزيه ، چيقيجه ، اش-اغيدن پک يقين کورديکي آيايورکينک
 اوکندين قاچديغي حکمه باشلادی . کنديسني آئين
 قاهچيلر کي شاقولي شماعلريله ، قيزغين بر قايا اوزرنده
 ديکنمکه بيله ميدان ويرمه دن سوق ايدين شمسک بوتون
 آغرائي اوموزلرينه باصمش اولديغي حالده تراچنڊه ،
 خايجان اچنڊه ، نفس آله ميه رق ، صوسزلقدن يانه رق
 تپهيه چبقدي . بر آخاجک کولمکه سنده يوزيني ، کوزيني
 سيله رک مندياني ايصال تدقن صوکره نه ياپه جغني دوشونمکه
 باشلادی .

جینده کی یوز یا دنگ فرقی آسه اینده کی قهوه چوره
ویرمش اولدیغندن اسکله باشنده کی قارینوده چرا ایکی
غریزش اولماسنه کوره اقسام اوزری ضیانی بکله تجریه قدر
اوراده اوتوره مایه جقدی . او حالده بوراده ده بر آهوه
ایچمه کدن برشی چقمازدی . فقط یارمه سزلک ویردنیکی
شاشغینلقدن کلن بر احتیاط کندیسنه :

— نه اولور ، نه اولماز ! دیدیرتدی .

اوزمان تپنک دیگر طرفه کچهرک دیاسکیاوسه این
یولک کنارنده برچامک آتیه اوزاندی .

نزیه ، آیلورکی تپه سنی اوایله مدح اولوندیغی قدر
لطیف بولامیوردی . بر طرفده هکجه لی : اطرافده ،
کوپوکلر اینجده بر دکن ، دهها ایلریده کورلری کور
ایده جک قدر پارلاق بر صفحه آب : بری طرفده یته
اوبحر پرخروش ، چپلاق ، غیر مسکون صدف اطهسی ،
اوزاقلرده ده سیمسار اینجده طاغیر ، طاغیر ... بولارده
فوق العاده نه واردی ؟

نزیه دیکلده کدن صوکره یته صیقلمغه باشلادی . وقت
بردورلو کچمیوردی . نهایت او یومغه قرار میوردی . سیاه
ردنغوتیله چام دوکو تبارینک اوزرینه اوزانهرقی باشی بر
طاشه دیادیغی قوالک اوزرینه قویوب او یومق ایستدی .

بویله زمانلرده مخیله سنی همان اشغال ایدن آلیسنی بوکون
 پک دوشونه میوردی . پاره خصوصی اویله حقیقتلردندی که
 نزیهک هوالاتیق ایسته یین اجنحه خیالی بوکوب قیریوردی .
 ضیانک افشامه کله چکنه امنیتی واردی . طبیعی ، کندیسنگ
 اطده بر پاره سز قلدیغنی بیلیور . فقط یا کیزسه ، یارشی
 اولورده کله مزسه ؟ اطه ، تپه بائی باغچه سنه بکزه مزدی .
 مع مافیله بورادن قورتولمک ده اسکان واردی : ضیانک
 برادر یله بر لکده استانبوله اینجه طبیعی بیلتی او آلیردی .
 حلبوکه نزیه سوکلی دیپولولری ، باخصوص بوقدر بر
 اثر معارفه کوسه تردکدن صوکرده براقوب استانبوله ،
 او آراتق پک تنها بولدیغنی استانبوله اینکی هیچ ایسته -
 میوردی . اطده قالمق ، پاره بولمق ، قیزلری ، آلیسی
 کورمک لازمدی . بوايه افشام ضیا کیزسه ... اوت ،
 صحیح ، یا کیزسه ؟ .. نزیه آشاغیسنی دوشونمک
 ایسته میوردی .

بو معذب احتمالی خاطرندن چیقارمق ایچون
 خولایلرینه دالمقدن باشقه بر چاره یوقندی : نزیه شیمدی
 آند « دوت دوهان » اولدیغنی حالد او یویوردی . قیزلر
 قهقهه لرله یوقوشدن چیقارکن بریسی نزیه کوریور ،
 بوچام آتند او یویه قالان عاشقارینی همشیره لرینه کوستریور ،

هپ کولوشیورلر، گندی-نی بو حالد یك تخف بویورلر .
 هله النده کی کتابه صراف ایدرک ایلر یورلر . بوسره ده
 نزیه اوینه رق تلاش ایله آیاغه قالدیور ؛ اوستی سیدککک .
 بر طرفدن ده آککایه رک عرض معذرت ایدیور ؛ قیزلر
 بواعذارلر اولماقتی اونوته میه جفی روم شیوه سیله ترجه
 مقابله ایدیورلر . لاقردی یه دالهرق برلکده یوریورلر .
 نهایت آریله جقلری یره کلنجه نزیه اوچنک ده الماری
 کمال اشتیاقله صیقیر . قیزارده بر قهقهه ؛ آرتق احباب
 اولملردر ... آریدیورلر .

نزیه ، ایکی ایکی بچی ساعت قدر بوخیلر ایچنده ،
 اویقوی جبراً دعوت ایچون کوزلری قابلی . فقط
 اویویه میهرق طوپراق اوزرنده یتدی . نهایت وجودینک
 آغریسنه تحمل ایده میهرک دوشورلای . دها واپورک
 ورودینه ایجه وقت واردی . یوقوشدن اشاعی آغیر
 آغیر اینکک باشلادی . اوکندک بر ایکی ساعتی فصل
 کچیره جکفی دوشونیوردی . صول قولده کوزل ، بویوک
 بر چام آغاجی ، آلتنده ده لطیف برسایه ... ایشته نزیه
 بورایه اوتوره رق افشامی ایتک ایچون رومانی ایکنجی
 دفعه اوقومغه باشلادی .

بوراده ده ایچی صیقلدی . شیمدی چم آغچلرینک

جیایز لږغه دقت ایدمړك چاملر ، چاملر دیه اسراف ایدیان
ستایشلرك بوبزم قادیلرك بونی کچمه مین فداخوار ایچون
مصروف اولماسنه قیزیوردی .

آیاخوستوسه کلدیکی زمان الده کوکومیله برسونجی
کورودی . قارنی آجیقمشدی . هیچ دوشونه مرن همان
سساندی . صوکره جبنده کی پاردهك یاریسی -- ونجی به
ویردیکی وقت نادم اولدی . کندی کمدیسنه :

— های سوت یرینه زهر ایچمیدم ، دیووردی ،
شیمدی بونك نه لزومی واردی ؟

اسکله باشنده کی قزینوده ایچکیلرك الك اشاغی قرق
پاره اولسی مناسبتیه شوسوتی ایچدیکی ایچون بواقشام
اوراده اوتوردمیه جغنی ، تیزلری ده کوردمیه جگنی
دوشوندی . کیندجکه متزاید بر جان صیقتیدی ، بر
خشنودسزاق ایله یورودی .

واپور الان کله مشدی . آراتق پاره صرفندن
چکینمیه یرك اسقار پیلرینی بویاندی . تکرار جانومی اوتلنه
قدر چیقدی . واپورك هکبه لیدن مفارقتی کورنجه سرعتله
اسکله یه اینه یرك تاوجه قدر کتیدی . ضیانی بر آن اول ،
واپورك کوکرته سنده کورمك ایسته یوردی . اوراده ،
بوتون دقتیه واپوردن چبقیلان اسکله یه مربوط قاهره ق ،

امیدلرینی . ر برر آلوب کوتوردن یوللارنه باقدی . حتی قارتله کینمک اوزره اسکلهدن آریلان واپورک آرقه سندن ده بر خیلی مدت کوزینی آیره مادی . پاره مزلق ، یارینکی بازار ، دیابولولر ... ایشته بو اوچ مشغله ذهنی آلت اوست ایدیوردی . نه یایه جغفی بیلمز بر حالده اسکلهدن آریلدی .

اندکی کتانی آوه براقوب صوک واپورلری بکله مک ایچون تکرار اسکلهیه کله یی دوش-وندی . ضیایه نه عتابلر ایتیه جک ، فقط کله ... نزیه بر لاقیردی بیله سویله مکه مکه راضی ایدی . ذاتاً ده اامید کس-یله مزدی . ضیایه نك برادری ده بو واپورده چیتما مشدی . بایک برار کله جکلردی .

قازینونک اوکن-دن چکرکن متحسرانه باقدی . قیزلری کورمه دیکندن همان ممنون بر حالده یوروددی . آوه کله یکی زمان قاپینک اوکنده خاله زاده سنک کوچوک کریم سنی کوردی . چوجوق سوقاغه چیقاریله جق کبی کیدیرلمشدی . بردن بره نزیه برشی دوشوندی . محاکمه ایدرسه فراغت ایده جکدن قورقورمش کبی سرعتله چوجوغلک یانسه کیده رک قومرال صاحب لری اوقشادی .

— هایدی صفوت خانم ، دیدی . اسکلهیه کیده مده

بک بابا کی بکله یلم . کیت ایچری نه خبر ویر .

فقط نزیه سـاده بوقدر سـویله جـك دكـدی .
 سونجندن همان ایچری آتلمق ایسته یـن چوجوغی طوته رق
 یاش بر سـله :

— همده ، دیدی ، همده ... پاره آل .
 قیزارمش ، کوزلرینی یره ایندیرمش ، سسی تیتره-
 یوردی . چوجوق ایچری کیتـدکن صوکره نزیهـك
 فکرنده دهشتلی براوزوتی پـیدا اولدی . یا ایچریدن
 چوجوغه :

— یانکده نزیه بك واریا ، پارده ی نه باپه جقسـك ؟
 دیرلرده اوده :

— نزیه بك سویله دی .
 دیرسه ؟.. صفوتك ایکی اوچ دقیقه امتـداد ایدن
 غیوبتی نزیه اوکون کونشلی یوللرده کـچیردیکی بوتون
 صیقنتیلری ، عذابلری تمی ایتـدیره جـك بر تأثیر شـدید
 کوستردی . چوجوق کولهـك کلدی . نزیهده بلا اختیار
 قورو برتبهـم کوروندی . برشی صورمغه جسـارت
 ایده میوردی . صفوت کولهـك :
 — ایکی غروش آلم .

دیدی . بونی ناصل آلدیغنی نزیه صورده مادی .
 اسکله باشنه کلدکلری زمان دیاپولولرده گلش ، قازینونك

اوکسده ب ماصیه اوتورمشلردی . نزیه بانلارنده کی ماصیه
 انتخاب ایتدی . بویوک قیز صفوتی کوره ک آیه
 کوسه تردی . صوکرده کوچوک همشیره لاری ده باغدی .
 نزیه ایله باقیشدیلر ، کولوشدیلر .

فقط بوتیمه لار نه بویوک عذابلر مقابله سینده قازان-
 نیلیوردی .

بوصره ده غارصون چوجوغه نه ایسته دیکنی صور-
 ییوردی . صفوت برشی ایستنه مدی . نزیه الک اوجوز
 اولدینی ایخون برما-تیقه کتیرتدی . جینه ده کی یکر می
 پاره یی ویره رک صفوته برچیچک آلدی . ماستیقه دن قالان
 قرق پاره ایله ده چوجوغه دوندورمه یدیردی .

قزینوده اوتوردقلری مدخه آیلما نظاری برقاچ
 کره تقابل ایتدی . بونلر نزیه یی تیره تیور ، عقلمه و بو-
 حاکم متقابل اولور ، دیه بریردن ایشیتدیکی سه-وزی
 کتیره رک امیدلر ، شوقلر ویریوردی . بوتون اطرا-
 فلرنده کی غلبه لی اونک ایچون حکم-سز ، جالسز ایدی .
 صوک واپورلرک ایکیمی بردن کلادی . نزیه کیت-دیکجه
 متزلزل براعتاد ایله چیقانلره باقدی . قادی-نار ، ارککلر
 چوجوقلر ، هرکس ، هرکس چیقادی . حتی ضیانک براد-
 ری بهله چیقادی . فقط اوجانی چیقما-ی ضیا چیقما-دی .

واپورلرک ورودنی متعاقب قازینودن داغیلان غلبه‌لق
آره‌سنده دیابولولرک خانه‌لرینی اوکرنمک اوزره تعقیبه‌قرار
ویرمش اولان نزیه ، صفوتی پدرینک یانسه براقیرکن :

— ضیا بک ؟ دیبه‌صوردی .

— کورمدم .

نزیه ایچندن ضیایه مکمل برکفر ایتدکن صوکره
قیزلری تعقیبه‌باشلادی . جاقومی جاده‌سنه دوغروچیقیور-
لردی . نزیه ایجه‌دولاشه‌جقلرینه حکم ایدی‌یوردی . فقط
قیزلریان سوقاقلردن برینه صاپه‌رق ارقه جاده‌یه چیقیدیلر ،
اشاغی دوندیلر . نزیه قرق‌الای آسیم کریدن کلیوردی .
جاده پک غلبه‌لقدی . فارلرده ای تنویر ایده‌میور . دکان
اوکلرینک سرکیلری نظاری شانشیرتیوردی . اوزاقدن ،
قیزلردن برینک آچیق رنک فیستنه‌نشان قویه‌رق
یوری‌یوردی . بو آچیق رنک فیستنه‌نشان یاننده‌کیلرله برابر
ژنیو اوتلنه دوغرو س-وقغی آیقیریلادی . اوراده‌کی
دار یوله کیریدیلر . نزیه استعجال ایتدی . فقط کیمسه‌یی
کوره‌مدی . یالکزاوتلک منور مدخلی نظارینه چارپیوردی .
بورایه کیردکلرینه امین اوله‌رق اوه عودت ایتدی . آراتق
شدت انفعالدن باصدیفی یری کوره‌میه‌رک سنده‌لیوردی .

بوکیجه ، یارین صباح نه باپه‌جق ، یارین اقشامه قدر

نه ایله وقت کچیره چکدی ؛ بومتنوع سؤالارک جوایی متحده
ایدی ؛ اوده قاپانوب قالمق . احتمالکک باشقه وقت اولسه
نزیه ده بویله حرکت ایدردی . قیزلری کورمک ایچون
ماله پلره قدر کیتیمکی کوزه آلدیغی حله اولر دنیانک
اک کوزل برتصادفیله اطهده بولونسونار . نزیه التفات
ایتسینلر ، امید ویرسینلرده نزیه اوده قاپانوب قالسین ؛
ایشته بوکا تحمل ایده میوردی .

آده ، بومایوسانه تفکرلره ترك نفس ایتکدن ایسه
پاره بولمق چاره سنه باققی دوشونیوردی . فقط آطهده
پاردنی فصل بوله بیلیردی ؛ اوستنده صاته بیله چکی برشی ده
یوقدی . اولسه بیله شیمدی کیجه این کیمه صاته حقدی ؛
اوه کادیکی وقت هرشیندن امیدنی کسمشدی ، مأوسدی .
ضیانک برادريله سفرده اوتوردیلر . اوه شدتی برترلهیه
ضوتولمشدی ، عادتاً خسته ایدی . یمکی سسسزجه یدیلر .
یمکدن سوکره ذاتاً سسویله که حاجت اولمایان خسته لقی
مقام اعذارده کوسترهرک اوطه سنه چکایدی .

نزیه دکنر کنارنده یالکیز قالدی . باشی آتش == بی
یانیوردی . بحرك اوبی نهایه موجه لرینی صایار کی آیاقده ،
اللری بوش جیلرنده ، باشی روزکاره قارشی ، دوشونندی ؛
یوله یورورکن برپاره چاهله سی بولمقدن ، تنه یارده تصادف

ایده جکی بر کوچوک چو جوغک بویننده کی آلتونی قایمغه
 وارنجیه قدر اولمایه جق بیک دورلو شیلر دوشوندی .
 آرده بر نقرات کبی : « آه ملعون ضیا ! » کلملری
 آغزندن دوشیوردی .

بر آره اق صویونوب یاتمغی ، هرشیئه لغنت ایدهرک
 استراحت ایتکی تصور ایتدی . فقط اسکله باشنده کی
 قازینونک بر ماصه سی اطرافنه دیزلمش تخیل ایتدیکی اوج
 متبسم چه ره اون بواک معقول طریقدن چکدی ؛
 باستونی قانجه یورودی .

قازینو تنهاجه ایدی . پیاسه ایدن ده کورولمیوردی .
 نزیه بوراده ، سوقاق اورته سینده آیاقده دوره مازدی .
 پیاسه ایدیورکی اسکله نك اوزرینه یورودی . قارا کلقلر
 ایچنده بوکتوم ، مهمانپرور اسکله نك بر طرفنه ایلیشه رک
 دیکلندی . نزیه ظن ایدیوردی که جبنده پاره قالمادیغی
 آندن بری پک چاق یورولمقده در . هله هضم ایله مشغول
 معده سنک ویردیکی حرارت ناقابل تحمل برحاله کلیوردی .
 بر بارداق صو ایچمک ایچون اوده عودتدن باشقه چاره
 یوقدی . قازینونک اوکندن کچرکن قیزلری طیشاریده کی
 ماصه لرک برنده کوردی . یانلرنده اوزون صقاللی بری
 واردی ، بونی بابلری اولق اوزره تخمین ایتدی .

دقناه باقری ، باقری . فقط کندیسی کوسه ترمیدی .
 سو ایچندن صوکره یینه اوده دوره مادی . دها
 وقت ایرکیدی . هم بوتون آمالی ، جانی اسکله باشنده
 براقشیدی ؛ اولره قاووشمق لارمیدی . بویله جه درده ،
 بشه قدر کاه دولاشه رق ، کاه اسکله ده اوتوروب دیکله .
 نهرک ، کچرکن برکره آیسنگ یوزینی کورمکی بوچکریکی
 عذابار ایچون کافی برمکانات عدایده رک وقت کچیردی .
 نهایت شدتلی بر آغلامق احتیاجیله قطمیا دوندی .

بوکیجه نزیه ایچون اویودی دنیله من . براندیشه .
 برفیکر ثابت اونی قهر ایدی بوردی : پاره ... بوتون
 کیجه سی بودالغیلق ، بوشغولیت ایچنده کچدی . کاه بر
 یردن الله درت بش مجیدیله کلور ، کاه اطه ده برکنانجی
 پیدا اوله رق شوو باصلوب ده هیچ صاتیامایان کتابلرینی
 طوپدن اشترا ایله کندیسنه اون ایرا ویسیور . نزیده :
 — آز اما دار وقتمه تصادف ایدی ، نماییم !

دیهرک قبول ایدیور ، صوکره :

— اوخ ، ایشته بازار کوننی صاره جغم .

تسایسینی بولیوردی . حی اویاندیخی وقت بوتسایسک
 تأثیریه عادتاً مطمئن ایدی ، فقط چوق کچمهدن بویاتق ،
 بواوطه ، بوأو کندیسینی بوغمه باشلا ی . همان کینه رک
 طیشاری فیرلادی .

پازار ...

نه ياپه جغتى نزيه بو صباح ده دوشوندى . اوده قالاق
جهتى واردى ؛ فقط فكر ساييمك بوتلقىنى خياله غلبه
ايدميوردي . ضيانك بوكون ايركيدن كله بيلمهسى احتماليه
مبنى همان واپور اسكله سنه قوشىدى . اوراده واپورك
كلوب ده هر كسك داغليديغنى بيله دويجه — تخمينه كوره
خنجاجانچ اولماسى لازم كان قازينونك پك تنها اولديغنه
باقه رق — بوكا بر معنا ويره مدى . ضيانك باشقه برسوقاقدن
كیده بيلمش اولماسى ده مختمل اولديغدن در حال كرى
دوندى . ذاتاً دونمكده مجبور ايدى . كوندوزين ده كوشده
اسكله اوزرنده دورامازدى .

ضياكله مشدى . نزيه ساعتى اوكرنجه وقتك دها پك
ايركن اولديغنى دوشونهر ك قازينوده كى تنهانك سيني
آكلادى . شدتلى بر كون دوشروسى ، دكزى كندى
فكرى كى قاريش دير ييور ، جوش دير ييوردي . اكر
او آنده نزيهك تميلرى موقع فعله كمش اولسه يدى بو
كوپوكلو دكز يوكسه له يوكسه له تابولوطلره چيقه جق ،
اورادن باران بلا كى يرلره هجوم ايدجك ، بوكون
كيمسه بنى طيشه اري چيقارميه جقدى . فقط ايسه ته ديكي
بوفير طنه لر ، بوشمشكلر شوخندان بازار صباخنك نشئه سنى

بوزه چغه بیچاره کنجک یورغون دماغنی ازیور ، خراب
ایدیوردی .

بواضطراب تزیی برنده اوتورتمادی ، یینه اسکله یاشنه
سوق ایتدی . سو قاقده کورنلر ، برنی کوره بورکی
دالغین باقان کوزلرینه ، ذهنته بر آنداء محبوب ایدن دورلو
فیکرلرک چهره سنده تولبد ایتدیکی اشته رازلره دقت
ایتسeler بکده سلامت عقلمه حکم ایتزلردی . آرمده بر
دوره رق :

— عجبا چیلدیریورمییم ؟

دیسه کندیغی طویلار ، صوکره برتیسلمه کنیدی
کندیسنه امنیت ، جسارت ویره رک یوروردی . اسکله یه
کلدیکی زمان استانبولدن واپورده ککشدی . کلاری سیر
ایچون اورتیه یرده ایکی صیرالی بر غلبه لق تشکل ایتمه سندن
استفاده ایله قازینونک طیشنده اوتورور کوردیکی سوکلی
دیپولولرک قارشیسنده دوردی . بودفعه قیزلرک یاشنه
کنج آدملرده واردی . هپسی کولیورلر ، اکله نیورلردی .
قارشیلرنده تزیی ، کیندنلرینی ساده جه کورد بیامک ایچون
اوده اوتوره میان ، صیقنتیسندن کورنشارده طاع طاش
دولاشان بو زوالی کنجی هیچ دوشونمن آایسده ،
قاردهشلمریده یانلرنده کی ارک کارله عشوه بازاق ایتکده
قصور ایتیمورلردی .

آیس ، سورکلی برقهقه ایله ایجه وجودنی صار-
 صارکن نظری نزیهک نظرلریله تقابل ایتدی . احتمالکه
 نزیهک طورى ، خالی پک غریب ایدی . هر حالده ، بو
 قهقهه کسیلدی ؛ ایجه قاشلر خفیف برافادۀ تکدیر ایله
 چاتلدی . بو ، نزیه اولدیغی یرده محو اولمش کبی برافقه
 کفایت ایتدی . ضیانک کلوب کلدیکنه دقت بیله اتمه دن ،
 دولاشمغی عقلنه بیله کتیرمه دن دوندی . شیمدی کندی
 کندیسنه بویوک برعذابی واردی ؛ آیسى نیچون دارلمشدی ؟
 اوت ، دارلمشدی ؛ احتمالکه بردها هیچ کرلیه جک ،
 هیچ باقیه جقدی ؛ اوقدر دارلمشدی .

نزیه اوده کلاجه همان دکره کیردی . سرت دکره کندیسنه برپارچه
 سکونت ویردی . حمامدن چیقدن صوکره ، هتاییه اوتورده رق
 کوزلرخی هر آر دکیشن ، کندی امیدلری کبی قیریلوب طوپالانان ،
 صوکره چوغاوب داغیلان دالغهلر دیکوب دوشونیور ، هر یانده
 چاتیق قاشلری ، دارغین چهره سی ایله آیسى کور یوردی .
 ابدی برتسلی ، ابدی بر نسیان وعده ایدن صولرک بو-
 فیشاتیسی ، اوغولتوسی نه جاذب بر قوته مالیکدی که
 باشنک دونمکه باشلادیغنی حس ایدن نزیه ، کندیسنى
 جاغیررکی یاقلاشان بوسینه یه آتلمق ایچون مبهم آرزولر
 دویمغه باشلادی ... یمک وقتنه قدر اوراده قالدی . یمکده ،

هیچ برشیدن خبری اولایان ضیانك برادری اگله نیر
کبی صوریوردی :

— قازینوده ایدیگز ، دگلی ؟ پارار سیاحاری پك
غالبه اق اولور .

نزیه ده تصدیق ایدیوردی :

— اوت ، فوق الماده غالبه اق واردی ، عاده تصدیقدهم ،
اوتورامادم .

— ساعت یدیدن سکزدن صوکره چاملر ، آیاورکی
پك ای اولور . آرتق سز یالکاز کیدرسکاز . رجا ایدرم
قصورمه باقايگز . کوریوردسکاز یا خسته میم .

ضیانك برادری بوسوزی - ویلدکن صوکره بورتی
سیامك اینچون مندیانی یوزینه کوتورمش اولدیغدن نزیهك
دوداقلارنده کی آجی تبسمی کوردهدی .
کیتمك ... نه ایله ؟ ..

نزیه بر محرومیت قطعیتهك تحقیقندن متحصل توکی
مأیوسانه ایله قاپیدن چیقیدی . انده ینه رومانی واردی .
آیاورکی تپه سندن ایترکن اوتوردینی بویوک جام آتشی
پك بکشمشدی . واپور وقتنه قدر اوراده قالنی تصور
ایدیوردی . آرتق از برلدیکی یولاردن ، اطرافنه کی
کوشکلره هیچ بقعه دن کچهرک جامی بولدی . رومانی

اوقویه اوقویه جانی صیقیلدی . کوزینک اوکنه هپ
 دیپولولر کلیوردی . بوسفر اونلره لغنت ایتک ایسته دی .
 درحال پشیان اوله رق عفورل دیله دی . نهایت وقتک بویله
 حکمیه جگنی آکلادیغندن یولدن کورولمه مک ایچون برپارچه
 کری یه ، چالیلر ایچنه چکلدی . آرتق آیشدینی برطورله
 یرد اوزاندی . آرده آیاق سسنى ایشیتیرسه قیزلر اولوب
 اولمادیغنی آکلامق ایچون باشی قالدیروب باقیور ، نومید
 اوله رق ینه یاتیوردی .

ساعت اون بچمده چالیلرک آراسندن چیقهرق اوستنه
 پایشمش صاری طور اقلری سیکمک ایچون برخیلی
 اوغراشدقدن صوکره قازینوبه کلدی . واپور یکی
 یاناشیوردی . ضیانک ورودینی هیچ امید ایتدیکی حالده
 ینه اسکله نک اوجنه قدر یورودی . بوراسی تنه لاشنجه
 دونمکه مجبور اولدی . قیزلرک قازینوده اولماسی کندیسنى
 بر پارچه متسلى ایتدی . دیمک پاره سی اولسه ده ینه اونلری
 کوردمیه جگدی . فقط نیچون کوزو کیورلر ؟ یوقسه
 صباحکی حالنه قیزدیلرده ...

نزیه بو حال ایله اطه ده قالمیه جغنی آ کلیوردی .
 استانبوله اینمک لازمدی . فقط ضیانک برادری ده ایشته
 خسته لاش اولدیغندن اگر یارین ایشلمیه جک اولورسه

کسب غایت ایتمه نه انتظار اظهده بر پارسه دولا شمه
محکوم قه جقدی . اوده دوزکن بوراده کجریکی شو
اوج کونی درخاطر ایدرک چیلدیره جنی کایوردی . هله
یارین ، برقاج کون دها اظهده قالمق محبوری تحق ایدر سه
چیلدیره جغنده هیج شبهه ایتمیوردی .

بو ملاحظه لرله دالغین یورورکن اوکنده ، یوز ، یوز
اللی آدیم ایلریده ، اطنک ذاتاً تنها اولدینی حالمه شیمدی
بوس بوتون بوش اولان بوسوق غنده اوج قیزک یورودیکنی
کورددی . اللرنده برر بیاض سیله جک واردی . بویله
فیرطنه لی هوا ده بووقت دکنه کیرمک ایسته یین شوقیزلرک
کیم اوله بیله جکلرینی مراق ایتمیکندن یتشمک ایچون
آدیم لرینی صیقلاشدیردی . تنها سوقاقده عکس ایدن آیاق
سی قیزلردن برینه باشنی چویرتدی : آلیس ! تزیهک
مخیله سی بوتون شعر شبا بیله بو قدر برظرافت تصور
ایده بیلمکدن عاجزدی . اوچنک ده آرقه سنده غایت ایجه ،
قیصه برر پنبه فیستان واردی . صاحب ار برقورده لا ایله
اوموز حذا سندن بوغوله رق پریشان اوچلری ، بالارنده کی
قویو لاجورد کمرلرک اوزرینه دوغرو براقاشدی . هله
بر یورویشلری واردی که بوتون ظرافتارینه شوخ بر
چوجوقاق سرپیوردی .

نزییه کورنجه ، اوچی ده حاللرندن صیقیلماشار کبی
یولک لئنا رینه چکل دیلر . او آفاجان قاره کوزلورلی
آلیسک اؤموزلرینه دایانه رق کولبور ، بویوکاری ده لاریله
یوزینی قاپیوردی . اطراف کاملاً تنها ایدی .

نزییه ، کندیسنی زبون ایدن بوجیه عذابلری اونوتوق
ایسته یه رك اوده قیزلره قارشى قورو بر تبسم کوستردی .
آزیمچق دورور کبی اوله رق اوکارینه کچدی . یاواشجه
یوروکه باشلادی . شیمدی ساحله کلشلردی . قادینلر
حمامی اوتوز قرق ادیم کچنجه نه پاه جقلرینی سیر ایچون
دوندی . آلیس همشیره لرندن آریله رق حمامک دار
اسکله سندن صار صیله رق ایلریله دی ؛ قاپالی اولدیغنی آکلانجه
عودت ایتدی . بربرلریله شاقه لاشه رق ، قوغلاشهرق
دوندیلر . نزییه آرقه لرندن باقیوردی . کوشه یی قیوریه
جقلری زمان آلیس باشنی چویردی . نزییه ك حالا
کندیلرینه باققه ده اولدیغنی کورنجه همان یورودی ...
غائب اولدیلر . ایشته اوزمان نزییه شدتلی بر ندامت
حس ایتدی . بوفرصت بر دها اله کچه میه جکدی . اطرافک
تنه الغندن ، یانلرنده کیمسه اولمامسندن استفاده ایدهرک
بر کرد جک اولسون آلیسی اوپه مز مییدی ؟ هم بلکه
« بزم حمامه بیورک » دیسه قبول ایدرلردی ؟ قیزلر البته

اونك كندیلرینه تصادفا راست گلابیكنی آكلاماشار .
 تعقیب ایتدیكنه حكیم ایتشملردر . بوسالده قورقورق .
 هیچ برشی سویله میهرك یالاکز یوزلرینه بر کره جك ، بق
 ایچون تعقیب ایتدیكندن دولانی کیم یایر کندیله نه قدر
 اكلشمشلردر؟ بوندامت نزیهك یاسنی بوتون بوتون آتیردی .
 کندی کندیسنه : آه ، حیوان ! .. دییه سویلیدی .
 قوشه رق دینه جك قدر حیزلی آدیملرله اوه کلدی . اولمیه
 چكلمك ، تنها قاله رق فیزلری بوسولك کوردیکی تووالسه
 ایله خیالنده احیا ایتك ایستوردی .

اوکیجه بریره چیقادی . کندیسنه بوقدر قیزغین
 ایدی . صباحین اویاندی زمان یسه بویوك بر اندیشه
 باشلادی . بؤگون ده بوراده قلمغ محکومی اولاجقدی ؟
 ضیمانك برادرندن هیچ برسس ، خبر یوقلیدی . اون
 درت نومرولك قارتالدن مفارقتی کورنجه علی المعجله اودن
 چیقادی . اسکلایه کیده رك بیلتجینك آز بریسنده ، کللری
 سیر ایدیورمش کی دوردی . مهم بر امید قایلله رق
 بر بیلدیكه تصادف ایتك ، اونك آلهجی بیئلله واپورده
 بینمك فکرنده ایدی . فقط هیچ کیسه ، اوراده اوستی
 باشی تمیز بر کنجك ، شو ایکی آدیم اوتوده دیلنن بر
 فقیردن ده فقیر اوله رق کندیسنه بیلت آلهجی بر احبابه

منتظار بولوندیغنی حس ایتهدن بر چوق غلبه لاق کچدی .
 نزیه ، بر قاچ ککره بیانیچییه مراجعت ایدهرک بر بیات
 طلب ایتک فکرینه دوشدی . فقط بوقابا حریفارک
 کندیسنبجه محقق اولان رد و تحقیرینه عرض نفس ایده مدی .
 ضیانک برادرینی قاچیر مامق ایچون اوه عودت ایتدی .
 آرتق بالضروره بکلیوردی . نهایت او ایچریدن چیقدی .
 نزیه ده کتابلرینی آلهرق حاضر لاندی . بریکی ، اطهیه
 کله لی هنوز اوچ کون اولدیغنی سـویله یهرک آلیقویمق
 ایسته یوردی . نزیه یقینده یینه کله جکندن ، استانبولده بر مهم
 ایشی اولدیغندن بحث ایلدی . حتی شونلری ده علاوه ایتدی :
 — صباحلین ایرکندن آیدین ایله کیده جکدم ؛ فقط
 کتابلری بوراده اونو تمشم ، دونمکه مجبور اولدم ده واپوری
 قاچیردم .

کو پرویه چیقنبجه اطرافده کیلردن اوتانماسه پارماقلاری ،
 باصه مقاری اوپه جک ، یوزینی کوزینی تحت لره سوره جکدی .
 سراجیخانه باشنده کی او بکنمه دیکی اولری کوزینه جنت
 کبی کوروندی . هله اوطه سنه کیرنجه کندیسنی محبانه بر
 تکلیفسز لکله سالامالان دارمه داغنیق کبابلری ، غزته لری
 ایچنده ، اوح ، درین بر سعادت حس ایتدی .



نزیه آطه دن عودتدن سو کره بوتون بوتون دگیشمشدی .
 ذاتاً دقتله آینه یه باقچه کونشدن یانان چهره سنک
 بیله دگیشدیکنی کورمشدی . نزیه یانمش ، دریلری تناس
 اتمش بو سیمانک قارشیسینده شو حال ایله آرتق دیاپولولرک
 نظر تزییفندن باشقه بر شیئه نائل اوله میه جغنی دوشونه رک
 مضطرب اولدی . آطه نك بوتون او کوزل کینمش ، ظریف
 یاقیشقلی کینجلیرینی تخطر ایدنجه بر یأس حس ایتدی .
 بومقایسه لر آلتنده ازلمه مک ایچون اطمینی بردها کورمک
 ایسته میوردی . حتی عودتندن برکون سو کره سوققده

راست کلدیکی ضیایه ، چوقدن حاضر لادینی سرزنش لری
دو کدیکی صروده :

— بردها آطه می ، دیمش دی ، توبه لر توبه سی !

فی الحقیقه آطه می تخیل ایدنجه چکریکی صیقتی-لر ،
چکریکی او مضارب آنار ، دوشونجه لر هپ بردن ذهننه
هجوم ایدر ؛ بو قدر شیئه نصل تحمل ایدم بیلمش اولدیفنه
متعجب قالیردی . بوراده شیمدی کتابلرینک ، غزته لر-
ینک یاننده کیم بیلیر نه قدر مسعود اوله جقدی .

نزیه ایلک کونی امید ایتدیکی بوسه مادی بردورلو
بوله میوردی . آطه یه کیمه دن اول صباح لری ایرکن
قالقه رق چاقق بیتیرمک ایسته دیکی رومانی ترجمه یه باشلار ،
برخیلی یازاردی . شیمدی صباح لری یاتاغندن پک کچ
قالقیور ؛ برعصالت ، برجان صیقتیسی اوکا کتابی الندن
آتدیریوردی . کیمه طبع ایتدیره جگنی ، هایدی طبع
ایتدیرسه بیله بوندن نه چیه جغنی دوش-ونیور ، کندی
کندیسنه قالیوردی . وجودی دائمی بر قیر یقلق ایچنده
کی هیچ بروقت تام بر صحتک ویردیکی حظ جسمانی
دویمیوردی . صباح این ، طول مدت ترک ایتدیکی یاتاغنده
نه دوش-وندیکی صورولسه تعین ایدم مزدی . برشی
دوشونه میوردی ؛ ذهنی او قدر دولو ایدی .

اوکله یکنی ییز اوردن فیلا یه رقی کامله ک قرائت نهنه
 قوشار ، اوراده بوتون غنایاری بر حرف آلامه من
 ختم ایدردی . تعطیل وقتک بو اوزون کورلری بیهرمک
 ایچون مشغولیت ایجادینه مجبور دی . فقط غنایاری
 چاقی اوقونوردی . اوزمان وقتی اولدیرمک ایچون بزرگ
 مارکوزلرینک معاوتنه عرض افتار ایدر . بر قاروواله سی ،
 برماچه آسوسی انتظار یله زمانتی بکیرردی . بوتون وقتی
 وقلبنک احتراصی بویه دائما مهتر و موقوف طوتحق
 بر مشغله سی اولمادی زمانلر نزیه ، بر دقیقه قورتوله ادبی
 جان صیقلیتی استیلا ایداسه ، برماکنه یه تشبیه ایدیه .
 بیایردی . حیاتی بو قدر کلیدی کی قبول ایدیوردی .
 اقشاملری آوه کلوبده قنایه سنه اوزانجه خیالی .
 اسکیمی کی ، قومشونک قره کره میتلی دامندن آنه رقی
 مالتپاره اوچه جفی یرده یالکنز بر نقطه یه صاپلانیردی .
 بوتون قوه نخبانی قیزلری صوک دفعه ، حمامه کیدرلرکن ،
 کوردیکی قیافتده تکرار کورمک ایچون صرف ایدردی .
 فقط هر دقیقه بوشکلک بر خطی بوزولور ، بر نقطه سی
 یاییلوردی . و بوضورتله هر آن کورمک استدیکی لوجه
 بر بویا غلبه لانی حاله کیریوردی .

شیمدی کندیسنه بر تیتیزلک کلشدی . الک اوفق بر

شیدن بیله يك چابوق قیزاردی . اووقت ، بوتون یکی
شیلرك بویوك بردشمنی اولان بویوك پدرینك یانندن برشی
سویله یه مینلرده کوروان بوغوق بر حرتله قاچار ؛ حرصی
نهدن آله جغنی بیله میهرک برقرار سزاق ، اکلنجه سزلك
ایچنده مایوس ومضطرب یاناردی .

اطه دن عودتندن درت کون صوکرده بر جمعه ، افشامه
دوغرو ضیا کندیسینی کورمکه گمشدی . ضیایه قارشی
حدتی يك چابوق اونو تمش اولان نزیه آرتق یالکزمضحك
جهتدن طوتدیره رق آطه ده کچیردیکی عذابلری اوزون
اوزادی یه حکایه ایندی بوردی . بوسره ده نزیهك پدری
برشی ایچون او طه لرینه کیرمشدی ؛ چیقارکن لطیفه
ایتدی :

— بکلر ، بوجمه نزیه ؟ آطیه تشریف بویورلماش ؟
صحبیح ، نیچون آطیه کیتمسینلر ؟ هم بودفعه پاره یه
احتیاجلری ده یوق . ایشته نزیه حساب ایدیور ؛ او ،
یتیشیر ، چوق بیله ، ضیاده ده بوندن زیاده چیقئور ،
اوت ، آطه ، آطه ...

شیمدی نزیهك قلبی : بوراده نه دوریورسك ؟
دی بوردی ؛ فیزلر آطه ده ، غیبوتکه دورلو معنالر
ویریورلر ... قوش !

نزیه ساعته باقدی :

— اون واپورینه ، دیدی : فقط بر آز کوچ
یتیشه جگیز . عجله ایدم ، شورادن اون قپانه ، سوکره
واپوره قایقلا کیدرز .

ضیا موافقت ایدمه یوردی ، یاقه لغنی دون طاقش
ایمش ، آرقه سنده یکی ژا کتی یوقش ، نزیه خاله زاده-نی
بر دورلو اقناع ایدمه دی . اون بر واپوريله کیتمه قرار
ویردیلر . فقط ضیانک آینه قارش-یسنده بویون باغی
باغلا یوب سوکره بونی بکنمیه رک دکیشدیرمی ، صاحبی
طارامی ، سوسنمی او قدر امتداد ایتدی که صبقی
صبقیه کوپرویه کارکاری زمان صوک واپور سیاه
دومانلری اوچوره رق اسکهدن آچيامش کیدیوردی .
نزیه ضبطه قادر اوله مدیغی بر حرص ایله ضیانک یوزینه
باقدی :

— شیمدی ، دیدی ، بویون باغیگدن ، ژا ککدن
باشلا ییمی ؟ صانکه سوسک آزیجق اکسیک اولهیدی ...
لاقردینی اتمام ایتیه رک باشی صاللا دی . کوپرودن
آیرلغه بر دورلو راضی اوله میورلر ؛ اورادن اوزا فلاشوب
کیدن ، اوخ ! نه اعلا کیدن شاهینک آرقه سنندن بافیورلردی .
ضیا بر چاره بولدی :

— شیمدی حیدر پاشایه اون بر بچقده صوک واپور
قالقار . اونکاه مالتپیه کیدرز . اورادن قارشی قارشییه
بر صاندال ، هایدی آطه .

بو ، نزیهك پك خوشنه کیدیوردی . غریب سر
گذشتلره تمایلی بو طریق ، قیزلر ایچون اختیار ایده جکاری
بو فداکارانی کندیسنه سودیریوردی . مع مافیله شکلی
بر اعتراض اولمق اوزره :

— بویقینلرده ، دیدی ، صاندال قضالری پك چوق
اولیور . هم روز کاره باق ، نه شدتلی اسیور .
— بز مالتپیه کیدنجیه قدر کیجه اوله جق . روز کار
کیجه لری دینر .

نزیه آرتق ممانعت ایتدی . بر خیلی زمانلر خولیاالرینه
زمین اولان مالتپیه یی ، ولو کیجه اولسون ، بر کورمک
ایستدی .

کوکرته ده روز کاردن دورولیوردی . روز کار
تنته نك بر طرفی سوکوب پارچه لامش اولدیغندن اوتله
طرفلردن ده تنته لری قالدیر مشلردی . واپور پك تنه ایدی .
حیدر پاشایه یاناشدقلری زمان تشبثلرندن بر پارچه اور -
کمکه باشلادیلر . فقط یکدیگرینه قارشی بر حس اجتنابه
قایله رق جسارت بولیورلردی .

ساعت یاریمه دوغرو تومن حیدر پاشا-ادن حرکت
ایتدی . یانلرنده برده یابانچی واردی . ضیا بر گوشه-یه
یاصلاندی . نزیه آیاقدده دولا شهرق ، جاملرک آرقه-سندده ،
او کندن سرعته-له کچن آغاچلرک ، فدالارک بوکولوب
یاتیشنه اندیشناک بر نظرله باقوردی .

آراده ضیایه :

— روزکار کسلمیه جک !

دیور ، ضیانک کندی کمدیسنه امید ، جسارت
ویرمک ایچون تکرار ایتدیکی : « مراق اتمه ! » لرن
اهمیتسزلکنی بیلمکله برابر کثرت تکرریله غزمنی تقویه
ایتمک ایستوردی . لاقردیلرندن اطیه کچه جکلرینی
آکلایان یابانچی ذات یقینده عینی صورته اطیه کچایرکن
وقوعه کلن بر قضا-ادن بحث ایدرک بونیتلرندن فراغت
ایتملرینی ، مالتپه-ده بر اوتلده کیجه بی راحتجه کچیردکن
صوکره صباحین واپورله کیتمکی توصیه ایدیلوردی .
ارن کویندن صوکره حجره-ده بالکوز قالدیلر . روزکار
حالا کمال شدته ایستوردی . ضیا ایکیسینه قورقوتان
اندیشه-نی اونو تمق فکريله :

— بیلیورمیک ، دیدی ، کوزل قیزک آدی آلیس

دکیش .

بو قدر سوز تزییه بوتون دوشونجه لرینی اونوتدور مق
ایچون کافی ایدی . هان صورتی :

— یانه ایش ؟

— تحف بر اسم ، دور باقیم ... ایزمارو . کو -
چکارینک ده ماری . محمود بک سویله دی . بویوکارینک کئی
بیلمیور .

— تحف شی ، محمود بک بیلمدیکی ده اولیور مش .
مبارک یالاندن پک خوشلانیور . امانه آتیور !

بوستانچی ... بوراده یانلرینه برروم یولچی کلدی .
ضیا ایله تزیهک محاوره سی ینه صاندال مسئله سینه انتقال
ایتمشدی . روم ، پک طبیعی بولدیغی بر تکلیفسزلکله
سوزه قاریشه رق هیچ اجتناب ایتمه لرینی ، بو هوانک تام
صاندال هواسی اولدیغی ، کندیلرینک بویله هوالررد
شویله یاپدقلرینی ، بویله کزدکلرینی سویله دی . فقط آن
قطعی یاقلاشدجه ترددک غلبه سنی حس ایدن ایکی کینج
بولاقیرلدردن پک قوت بوله مادیلر .

مالته استاسیوننه چیققدقلری وقت روزکار اسکی
شدتیه آغاچلری بوکیور ، ضیانک او قدر اعتنا ایله
پوماطه لادیغی بیبقلرینی بوزویوردی . تمیزجه بر اوتل
آرامق فکرند ایدیلر . فقط حس ایتدکلری تهلکه نک

جاذبه‌سنه مغلوب اولدوق ، هله سویله بر کورمك فکریله
دکز کنارینه ایندیله . نزیه اطراف دقت ایتمک او نوتتمشدی .
ذاتاً پکده شایان دقت یرلردن کچمیورلردی .

ساحلده روزکار حس ایدلمیورلردی . جسارت بولدیله .
قارا کلقدده تفریق ایدمه‌دکلری غلبه‌لق آرمه‌نده بر قایق
کوردیله که ایچی قاوون ، قارپوز دولو ایدی . بوشالتمق
ایچون بر قاق کیشی چالیشمیورلردی . کندیلرینی آطه‌یه
کچیرمه‌لرینی تکلیف ایتدیله . بو ، بر ساعتدن اول ممکن
دکلدی ؛ قایغك بوشالمه‌سنی بکله‌مك لازم کلیورلردی .
قارشیدن آطه‌نك بوتون او آیدیناقلر ایچنده تترش‌دیکنی
کورن نزیه ایله ضیا قابل دکل بکلیه‌میورلردی . یانلرینه
صوقولان بر قاق روم قایقچینك تکلیفنه موافقت ایدرک
بویوک ، اگلی ، اوچ چفته بر بالق صاندالنه اتلادیله .
قوجه‌مان یلمکن آچیلدی . روزکار پک آز کلیورلردی .
صاندالجیلر ایلریده مساعد برهوا بواق امیدنده ایدیله .
فقط صوکره روزکارک دوش‌دیکنی آکلاینجه کورکاره
آصیلمغه مجبور اولدیله . ایشك بوندن اوته‌سی صبره
قالیورلردی .

نزیه ، مالتپه‌لی صاندالجیلردن قیزلر حقنده معلومات
آلمق ایستمیورلردی . درس آرالرنده اوقدر خواهمشله

دور ایتدیکی مونته پن ، غابوریو رومانلرینی خاطرندن
 چیره زك لاقردی بی دولاشدیرمغه باشلادی . صاندالچیلاردن ،
 ماتپه یه بو سنه چوق مسافر کلوب کلدیکنی ، یاز قیش
 اوتوران بولونوب بولونمادیغنی ، کیملرک کوشه کاری انی
 اولدیغنی صوریبوردی . بوسایدیردیغنی کوشه کار ایچنده
 بر دانه سی ده دیاپولولرد عائد ایدی . فقط صاندالچی بو
 دیاپولونک یاز قیش اوراده اوتوردیغنی سویله مشدی .
 بوایسه کنسیدی معلوماتیه تألیف قبول ایده میوردی .
 نهایت صوردی :

— بوهیچ استانبوله اینزمی ؟

— اینر ، صباح ؛ آقسامینه کلیر .

نزیه قطعی بر نتیجه یه واروق ایچون صوردی :

— شیمدی حالا بوراده می ؟

— یا ، مالیتا .

ایشته بو ، بوتون بوتون ترس کلیوردی . قیزلرک ،

آطه ده ، بابالری دییه یانلرنده بریسنی تخمین ایتشمیدی .

بو پدرلری اولماسه بیله اونک استانبولده اولدیغنی ایشتمیدی .

شو حالده بوراده کی دیاپولو کیم ؟ .. آراق صیقلمه نی بر طرف

ایتدی :

— تحف شی ، دیدی ، یاقیزلری اطه ده کزیور ؟

آلدیغی جواب مراقی ازاله ایتدی . بو قیزلرک
مالتهده کی دیاپولونک برادر زاده لری اولدقلرینی ، دیاپولور
اصل برقاچ قاردش اولوب بوراده کنک بانکر ، زنکین ،
اوته کی قاردشک زو کورت اولدیغی ، قیزلر عموجه لرینک
باقدیغی آکلادی . قیزلرک بواحتیاجی ایستمکله مبهم بر
حس سروره قاپلان تزیه کندی کندیسنه :

— شیمدی ، دیوردی ، هپ بر قوس-توله ، بر
حصیر شاپقه ایله کزمه لرینک حکمتی آکلاشیلادی !
آرتق محاوره یی کسدی . بوندن صوکره برانسانک
کندی اقرباسنه باقوب کوزتمسی نرؤمنه دائر صانداجی
طرفدن بسط ایدیلن مطالعات فلسفیه یی دیکله مکه احتیاجی
یوقدی .

شیمدی تزیه ، ارضی در آغوش ایتک ایستیور ظن
اولونه حق قدر آچمالش اولان براق سماده پراعتراز
بیکلرجه نجومک منکسر بر موجه اوزرنده داغیلوب یاییلان
انواریه ، کورده ک ضربه لرینک حاصل ایتدیکی مضی
کره جکلرله حیات بولان ساکن دیزی مطرد بر فشفشه
ایچنده یاردرق ایلریله یین آغیر صندالک بر کنارینه یامالاد
نمش ، قارشیدنده شن آیدینقلری قاینالشان هکبه ایدن ،
بو یوک آطه دن یوکسه ان هوئی فشنکلره باقورق ، بوتون

شو خندان کورونن اشباح محیطه دن متقطر نشئه صاف
ایله لبریز و ممنون ، برشی دوشونه میهرک ، فقط بوقیصه
دقیقه لرده حیاتنک اک مسعود زمانلرینی کچیردیکنی حس
ایده رک ، سکوت اییدیوردی ...

نزیه ایله ضیا آطه ده اؤه کیدنجه حیرتلرله استقبال
اولوندیلمر . نزیه ک داییمی ایله شکری ده اوراده ایدی .
نصل کادکلی آکلاشیانجه شکری کندیسینی طوته میهرق
حدتلندی :

— بزیه ، دیدی ، واپورله کلیرکن نه صیقتی چکدک .
چرخ بوزولدی ، باشقه واپورده اقطارمه ایتدک . نه فیرطنه ایدی
او ؟ صوکره سز صاندال ایله کلکیز . نه او بیلمم ، نه ایدی
اسملری ؟ دیاپولو آشفته لرینی کورمک ایچون ...

شکرینک بردن برده جوشان بو حدتی قهقهه لرده سبب اولدی .
قارنلرینی دو یوردقدن صکره نزیه شکرینک قولنه کیره رک :
— کل ، دیدی ، سنی قازینوینویه کوتورده ایمده حدتک
کچسین ... هم باق ، بن سنی ده ا نه قدر قیزدیره جغم .
بنم بوراده پاردسز قالدیغمی سویلر سویلر کولردیکز ،
ایله می ؟

او کیجه اسکله ده قیزلری کورده دیلر . ذاتاً وقتده
کچ ایدی ، عودت ایتدیلمر . نزیه ، پاردجه دوشونجه سی
اولیانلره مخصوص بر حضور قلب ایله اویودی .

ای ته می صباح شکری، یارین یینه گلت و عدسی ابله اوچ
 واپورینه بینه رک استانبوله ایندی . اسکله باشنده . یالکر
 قلان نزیه ایله ضیا ناصل وقت کچیره جکاربخی ییله میوردی .
 شیمدی ، صباحلین هر کس اوندی ایدی . یو کسک
 قازینوده بر طاوله اوینادیلر . کیم یترسه دیارلور اونک
 اوله جقه دی . نزیه قازاندی . صوکره بونک ویردی
 بر شوق ایله :

— هایدی ، دیدی ، بو کون برکوزل اکلنم .
 بیرالر تعدد ایتدیکه آلایلر زیاده شدی . کیتدیکه
 سربسته شن اسانلری قیزلر حقننده کی املارینی ترجمیه
 دها مساعد بولونیوردی . نزیه کچن سفر اطهده کی ،
 او شیمدی اونوتدینی صیقه تیلری ، بوتون بوتون
 تحفلاش دیرمغه چالیشه رق ، یینه حکایه ایدیور ؛ ضیا
 کورولتولی قهقهه سیله حاریار تاباقلارینی صارصیوردی .

اقشام اوزری ساعت اون بر بچقه تکرار قازینویه
 کلدکاری زمان نزیه ، فرانسز اوپردت قوم پانیه سنک او
 کیجه ایچون یاپیشدیرمش اولدینی بویوک اعلانلردن برینی
 او قومقله مشغول ضیایه :

— ایسترسه ک ، دییوردی ، قیزلر ژانیواوتانده اوتو -

ریورلر ، اورایه قرر کیدوب بر باش اوردلمده ینه
کلیرز .

ضیا موافقت ایتدی . تومبول ، بیاض بر قیز
کوستردک :

— اوف ، دیدی . بورادن آیرلایهلم الله عشقنه ! اوتله
کیدوبده نه یاپه جغز ؟

نزیه بوکا اعتراض ایتدی :

— سن بویله یاقه لاق دکشیرر کبی سهودکلرکی ده
ایکی کونده بر دکشیرر جکمیسک ؟ بر پارچه ثبات
لازم ، هله محبتده . فقط صحیحاً لطیف شی . کچن سفر
بونو بورالرده هیج کورمدمدی . بر اوتلده مسافر
اولمالی .

— اویله کبی ... مژده ، اونلرده کلیرور .

فی الحقیقه ، یانلرند ینه او اختیارجه قادیناه ،
کلیرلردی . اوتل ده زترانژدک او کبدن کچه جکلری
صیرده اوتلک قنایه سنه یا صلاشمس بر اختیار ، طوپالایه رق
آیاغه قالدی ؛ قیزلری اوزون بر لاقیردی یه طوتدی . ضیانک
نزهتیه واپورنده نزیه کوستردیکی حصیر شابقه لی کنج آدمده
بونلره التحاق ایتدی . بیتیمه جک کبی کورونن ،
نزیه صبر سزاقدن پاتلاتان بو محاورده ، لزومندن فضله امتداد

ایدیوردی . نزیه ، قیزلری قهقهه دن بوقدر قیزار نه حق
درجه ده تحف لاقیر دیلرک نه اوله بیله چکنی ذهنده بر دورلو
بوله میوردی . نهایت دیاپولولر بو چنگل دن قور توله رق قاری بوده
اوزاچه بر ماصیه اوتوردیلر . اسکه له سنی مناسب بر موقعه
یرلشدیرن نزیه ، اوکنده کی ماصه ده بیاض ترا کنلی بر
قادین ایله یوشاق شایقه لی بر ارککک آراسندن باقیچه
کندیلرینی کوزلجه کوره بیلیوردی .

چوق کچمه دن قیزلرک ماصه سی دولدی . نزیه ،
کیتدجه متزاید بر غبطه ایله او ماصه ده بولمق ایچون تخیلاره
قایلمیوردی . ضیا ایله ، دارغین ایمشار کی ، هیج بر شی
قونوش میورلردی . ایکسی ده کندی دوش و نجه لرینه
دالمش لردی . نزیه ، هیج یوررلیمان ، نومید اولمان ،
هر آن یکی ، خوش بر صورت ایجاد ایدن غیله سنده
سوکلی ایزماروسی ایله یاشایوردی . آرده کوزل
ایزماروسنک بر خطابنه مظهر اوله بیله چکندن امیدنی
کسر کی اولور ، فقط یاشامق ایستین بر کنجلمکک
بوتون نیکی ناکیه در حال « کیم بیلیر ؟ » دییوردی ...

صوک واپورلر کلش ، هر کس داغیلغه باشلامشدی .

نزیه :

— ضیا ، دیدی ، یزه قیزلری تعقیب ایدلم . باقم
 اوتله می کیره جکار ؟ بنم بونده شبهه وار .

نزهتک بو شبهه ده حقلی اولدینی قیزلرک ژه نیو اوتلی
 خذاسنی کچرکلی زمان آکلاشیلیدی . ضیا ، بو عجمی
 معقب ایله آلائی ایتکه باشلادی .

— شیمیدی ، دیدی ، ایسترمیسک او قویه یم اوفله یم ده
 قیزلری بزه قومشو کتیریم ؟ باقسک آ ، اوتل زده
 قالدی ، متصل اشاغی دوغرو کیدیورز ؛ عجبا دونه -
 نجکارمی ، دیرسک ؟

دوئمدیلر . جاده ک ایکی یه آرلدینی یره کلنجه صول
 طرفده کی دار یولی تعقیب ایدمک یورودیلر ؛ براز
 کیتدکن صوکره صاغ قولده بایاغیجه برأوه کیردیلر .
 زیه ایله ضیا ، آچیق براقیلان قاپیدن خانه داخانی
 کوره بیلیوردی . آرتق بوأوده اوتوردقلری آکلاشیلیوردی .
 کوندوزینه ده بولابیلیمک ایچون اطرافه نشان قویهرق
 اورادن آرلدیلر .

یمکدن صوکره زیه ضیا یه صوریبوردی :

— ای ، « اونقل سهله ستهن » ه کیده جکر دگلی ؟

— باقم .

— باقم ، دیمه . کیده رز . چونکه قیزلر صبر ایدمزلر .

مطلقا کایرلر . غایه ااق اولدقلرندن . هم کیسه جنابلرینشده
 بک مساعده سی اولمادیغندن ... ایشتمدگی ، صدایلی
 نه دیوردی ؟ اوتوردقاری اویده کوردکیا ... بر
 عجیدیه ویروب برنجی موقعه کیده مزلر . طبعی ایکنجی .
 ددرلر . بزده اورایه اوتورورز .

ضیا بوتکلیفه هییچ کلدی ، عظمتله :

— یودیدی ، یاهمم دوغروسی . ایکنجیدیه اوتورهم .

نزیه اقناعه چالیشدی :

— جانم نه اهتمیتی وار ؟ پاره من یوقده اورایه کیده جک

دکار آ . تیاتروییه کیتمکدن مقصد اونلری کورمک ،

دکلی ؟ اونلرایکنجیدیه ایکن بزبرنجیدیه بولونمک
 نه لذتی اولور ؟

ضیا موافقت ایدیه میوری :

— بن کیده مم ، دیدی ، بنم حینتم وار . بن بوکون

برقلم افندیسیم .

نزیه بونک اصل جو ابخی ایچندن ویردکدن سوکره

اصرار ایتدی :

— بوراده سنی کیم طمانیر ؟ او یون بوزاناق ایتمه .

شکری بک عکسیلکی سکامی قالدی ؟ قیزلر هانکی موقعده

ایسه اورایه کیده لم . هم بامکه برنجییه کیورلر ؟ یا خود

ایسترسه سن برنجییه کیت ، بن اونلرک یانده ایکنجیدیه قالدیم .

ضیاینه قطعی برجواب ویرمدی :

— هله اورایه کیده لمده باقارز ، دیدی .

قازینویه کیدنجه ، نزیه قاپیدن باقهرق قیزلری ایکنجی
موقعده کوردی . طیشاریده بکله یین ضیایه تکلیفلرینی
تکرار ایتدی . فقط ضیاییکی صورته ده راضی اولیوردی .
— بنی بوراده قادینلر طانیر ، دییوردی ، ایکنجی
موقعه کیده م . بربر مزدن آیرملق ده عیب اولور .

نزیهك آرتق جانی صیقلدی :

— سنك نه حالك وارسه کور ، دیدی ؛ بن بیات

آلیورم .

تیاترویه تحویل ایدلمش قازینو تنه ایدی . هله
ایکنجی موقعده دباپولردن باشقه همان کیمسه یوق دینیه .
بیایردی . ذاتاً نزیه ایچون قازینوده اونلردن باشقه قادین ،
انسان یوقدی . نزیه کوزل برکیجه کچیرمك خواهشیه ،
آرتق اجتنابی ترك ایدرک ، تا آرقه لرینه کیدوب اوتوردی .
بوحرکتك قیزلرجه برجان صیقنتیسنه باعث اولماسندن
قورقورددی . فقط اونلر آلدیرمیور کوروندیلر . غلبه لاق
کیتدکجه تزايد ایتدی . نزیهك یاننه برآنا اوغل کاندی .
بونلرک قیزلرله معارفه سی وار ایدی . قادین یانارینه کچدی ،
اوغلی نزیهك یاننده قالدی .

نزیه قیزلره دقت ایتمیورگی کوروئمگه میدی . اسکله سنی
 سوکیلی ایزماروسنک — غیبا بواجم دوغرومی ایدی —
 اسکله سنک او قدر یاقلاش ایرمشدی که دیزلرینی آرنجیق
 اوزاتسه ...

قاپدن کیرنلرک چوغی ایکنجی موقعت تا اولک سیرمه نده
 قیزلری کوروئمگه برشتاب متبسمله سالامیورلر . لاری
 صیقیورلر ، براز قونوشدقدن ، کولوشدکن صوکره
 آریلیورلردی . بونلرک یرنده اولق ایچون نزیه نه فدا
 کارلرده بولونمایه جقدی ! بوصیراده ، اولجه نزیه رجب
 بکک اوغلی اولق اوزره کوستردکاری برکنج ، یاننده بر
 چوجوقله قیزلره دوغرو کلدی ؛ هپسنک لارینی صیقه رق
 قونوشمغه باشلادی . نزیه قیزلرک بو محاورده کمال شوق
 ایله اشتراک ایتدکارینی فرق ایدیورددی . حالبوکه رجب
 بکک اوغلانده اوزرنده کی اثوابلردن ، باندی قوردوندن
 باشقه نظر دقتی جالب ایدمک بر شی کورده یوردی .
 اوحالده بومسارعت ، بو ابدال ایدیان تبسمار شهمسز
 اوجسیم ثروته قارشى تملقکارانه بر حرمتدن عبارت
 اوله جقدی ؟ حتی ، قدیفه اثوابلر انجمنده بوتون بوتون
 بوتون کوچولمش کورونن جیابز چوجوق بیله بر پارچه
 کورولتولی بر محبت ابراینه وسایله اولورددی . ماری

چو جوغك ياناقلريني صقيش-ديره رق مكرراً اوپه-ور ،
صوكره بويوك همشيره لری چكيور . ايزمارودد بر طرفدن
اوقشيوردی .

نزیه قیزلرله ينه يالليكز قالديغی زمان اوفاق ، مبهم بر
راحتسزلق دويمش-دی . احتمالكه بو ، قیزلرده زنكيين
برازدواج صیدی حقن-ده بر آرزو بولونديغی فرق ايدر
کي اولمسندن ايلری کليوردی . فقط نزیه بوقاره فکری
همان تبعيد ايت-دی . دياپولولرك شوق مقارنتيله اوقدر
محظوظ ایدی که خیالنده متبسم احتماللردن باشقه برشی
انکشاف ایده ميوردی : قیزلر نزيهك ، ايجلرندن برینی سوديکني
البته اکلامشالردر . عجبا کي می سوديکني بيليورلرمی ؟
نزیه کیدی حسنه مارينك مقابله کوستره بيلمسی احتمالی
دوشونهرک بو حالده نه يايه جغنی بأمل ایدیوردی . اوت ،
ماري ده کوزلدی . اوقديفه کي حریری ، پارلاق نظارلرينك ،
دعوتلر ايدر کي باقان قاره کوزلرين-ك اویله برکولوشی
واردی که ... نزیه بويوك قيزايچون بو قدر تهيجه قاپلایمور-
دی . فقط قیزلرك هپسینی بریرده کورمك ، لطيفه لشم-لرینی
سير ايتمك ذهنتده اوقدر يرلشمش-دی که اونلری بربرندن
آیرمه مقتدر اوله ميوردی . اوته کي قاردشلی اولمادن
ايزمارويي تخيل ايدنجه ينه کوزل ، ينه ظريف بولمقله

برابر هپ بریرده وجوده کئیردکاری لوجمک مغاومسوز
جاذبه سنی ، حالی کوره میوردی ...
پرده آچیلدی .

نزیه ذاتاً آلیسماش اولدنی فرانسوزجه نی سله
اورگستره نك آه کی آره سندن هیچ آ کلایه میوردی .
آ کلاسه بيله ایزماروسنك آر آچیق ا کسه سی ، دیزاریه
تماس ایدن بلی اوحاری پریشان بر اقلمش فو صرال
صاچاری کندی سی ایچون صحنه ده کی ساندردنك قیسه
بویندن زیاده شایان اشتغال ایدی . ایزماروسنك کوچون
بر قسم جلدنی ، دوداقلرینی جذب ایدیور ظن ایتدیکی
او اینك کی یوشاق ا کسه سی تماشا تریهی هیچ ریور غوناق
حسن ایتدن ساعتلرجه متلذذ ایده بیلیردی .

نزیه یالکیز صوسزلقدن مضطرب ایدی . اطرافنه
باقندی . بر سوراهی کوره مدی . پردنك قایانسنه انتظار آ
صبر ایدیوردی . یانلرینه کلن اختیار قالدین ده صوصلمش
اولمالی که اوغانه برشیلر سویله دی ، غار صونی اوزافدن
اشارتیه چاغیره رق صوکتیرتدیلر . غار صون بارداغی
دولدوروب شیشه یی آر اوتده بر ماصه نك اوزرینه قویدی .
بارداغی ویره رك چکیلدی . اختیار قالدین صونی ایچدکن
صوکره بارداغی اوغانه اعاده ایتدی . اوده غار صونی

آرقه ده حالا بکلیور ظنیه باشی چویرمه دن اوزاتدی .
 صوینی کورنجه صوسزلغنی بوتون بوتون حس ایتمش اولان
 نزیه بارداغی آلمق ایسته دی . فقط اوته کی ، بونی قاعده
 نزا کته رعایه یاپلمش بر حرکت قیاسیله محجوب اوله رق ،
 ویرمدی . نزیه بر آن اول صویه قاووشمق ایچون بارداغی
 چکدی . بو حرکتی ده افراط نزا کنه حمل اولوندیغندن
 بارداق یینه ویرلمدی . نزیه قیزلرک کندیلرینه ، بویله
 بارداغی چکیشمه لرینه دقت ایتدکارینی یان کوزله کوریوردی .
 صیقیلدی . ذهننده ترتیب ایتدیکی فرانسرجه نی اونوته رق :
 — بنده کزده ایچه جکم ، دیدی .

قیزلرک آراق قهقهه لرینی ضبط ایدمه دکاری آکلاشیله
 آکلاشیله ایچیان بوصو پک آجی ایدی . یرینه عودت
 ایتدیکی زمان قهقهه حالا دوام ایدیوردی . اوده کولمکدن
 باشقه بر چاره بولمادی . دیاپولولرک یانارنده کی قادین —
 مامان دییه چاغیرلمسندن نزیه بونک والدلری اولدیغنی
 آکلامه شدی — یان کوزله نزیه کلدیکی اشوت
 ایدهرک صوصمارینی اخطار ایدیوردی . فقط بریکیلر
 اوینونه کولدکارینی سویلیهرک آلالیرینی بوزمادیلر .

برنجی پرده نك بتمه سنی — بومشکل ، بومناستمنز
 موقعدن قورتوله جنی ایچون — نزیه ممنونیتله تالق ایتدی .

قیزلر طیشاری حقیق ایچون قالقدیلر . نزیه صاندالیه-نی
همان چکدرک یول ویردی . کندیلرینه قارشنی کورستان
بومسارعت محبانه پک طبیعی ایمش کی قیزلر برده مهری ! ه
یاخود بر « پاردون ! » دیمکه لزوم کورمه دن . حالا کوله رک ،
کندیلرینی زورله ضبط ایدم رک کچدیلر . نزیه ده اوتورده مادی .
قارشنی قازینوده غازوزبارداغیله مصاحبه ایدن ضیایه و تمهینی
حکایه ایدم رک کورلنولی برقهقهقه یه سبب اولدی . یانارنده کی
قادینک والده لری اولدیغنی ده سویله دی .

ایکنجی پرده ده هرکس یینه اویونی سیر ایله مشغول
ایکن نزیه اسکمله سینه یاصلاشمش ، بوتون دقتی قیزلری
تماشایه حصر ایدم رک خولیا اکیز ترناتیله روحنی تهزیر
ایدن موسیقینک ویردیکی حظ لطیف ایچنده ارضدن ،
حقیقتمدن تباعد ایدیوردی . بر آره اق تااوکننده اوتوران
ایزمارو ؛ یاواشجه باشنی چویردی . نزیه ک الحق ایشیده -
بیله جکی برسسه تورکجه اوله رق :

— صوص به ! دیدی .

اوح ! نزیه بولطیف شیوعینی قابل دکل اونوتامیه جقدی .
بردن بره ذهنی قاریشدی . بوتنبیه اواسه اواسه تا آرقده
قازینونک ریخنمی اوزرنده کورولتو ایدن روم چو حو فلرینه
عائد اولایا ایددی . بو حالده یوکسک سسله روجیه یاخود

فرانسزجه « صوص ! » دییه چکی یرده بونی تورکجه و
 یالیکز نزیهک ایشیده بیله چکی قدر خفیف بر سسایه
 سویله مەسی نه دن ایجاب ایدیوردی ؟ نزیهک مخیله سی
 بونی او آنده حل ایتدی : برنجی پرده ده کی بارداق وقعه سی
 کندیسینک فرانسزجه بیلمدیکنی قیزلره افهام ایدیور ؛
 اولرده ، از جمله ایشته سوکیلی ایزماروده نزیهک فرانسزجه
 بیلمدیکنی ایچون چوقدن آکلادینی محبتنی اعلان
 ایدم دیکنه حکم ایلور ؛ بو حالد کندیسنک تورکجه بیلمدیکنی
 نزیه آکلاتمق فکریله یاواشجه « صوص » دیور . دیمک
 عرض حسیاته مساعد و یریبور . بومساعد نیچون ؟
 حسن تاقییه حاضر اولدینی ایچونمی ؟

احتمال بونقطه یه کلدکن صوکره نزیهک مخیله سی
 اونی یک قولای توسیع ایدم یلردی : شیمدی بوتون
 محبتی اعلان ایدلمش ، قبول اولونمش ، عینی محبتله مقابله
 کوسترلمشدی . آراق بو حیات عاشقانه ایچون مناسب بریر
 آرامق لازم کلیوردی . نزیه بومعاشقه کاهی ده بولدی .
 بورانک بوتون احجار واشجاری کندیسکی بر عاشق
 نالندهنک اک حریصانه امیدلرندن ، نور قردن مخلوق
 ایدی . هر طرف شرقه مخصوص خیالات شاعرانه نکه اک
 دقیق اهتمامات عاشقانه سیله مزین ایدی . جوش و خروش

قابلی تخیل ایدر کی بشیل بوضوئو قایلر آراسندن
 اویلا شوق جریان ایدن براق صولر ، و اشقیاق بر عاشق
 آواز بوسه سنی تخیل ایدر زمزمه لرله بر شوق بر سلسیل
 حالده آقوردی که هر قصه آتک سقوطندن حسلی اولان
 موجات هوا یه بوتون سعادت ، نشاط ایله مشبوع ایدی .
 هر طرفه محبت و امیددن نبعان ایدن طاقی بر بوی سرمدی
 ایزماروسنی سینه سنده صیقان تزیهک حسیات رقیقه سنی
 اوقشیور . اک افق بر حرکت هر یرده بر غمغه مسرت
 اویاندر پیوردی . تزیه زردیه باقسه ضیای شمسک اک پارلاق
 زماننده کی رونق یله وجوده کتیرلمش ، بر لوحه طالع
 اک نظر فریب رنجه تذهیب ایدلمش عشق کله لرینی
 گوریوردی . غیر مرئی بر طائر قدسی پروازک رفرف
 جناحی اولره « سوشکز ! » دیوردی . و سوشیورلر .
 دی ، سوشیورلردی ...

ایکنجی پرده آراسنده تزیه طیشاری چیتجه یوزینه
 چاربان سرین هوا کندیسنی درین بر اویقودن اویاندر پیور
 کی اولدی . حالا او غازوز بارداغنه بوتون اسرار عاشقانه سنی
 تودیع ایده ایده بیتیره مهین ضیایه ایزمارونک « صوص به ! »
 دیدیکنی آکلاته رق بوندن نه معنا چیتجه بیله چکنی
 سوریوردی . ضیانه معنا چیتجه جفنی دوشونمادی . یالاکز ،
 کوله رک :

— سنده ، دیدی ، الکه اغزکی قاپایوب « ایشته
صو صدم ! » دیمایدک .

— آلائی براق ، الله عشقنه ؛ بن نه امیدلره قاپیلیوم ،
بیلسهک !

اوچنجی پرده ده نزیه یرنده اوتورامیه رق آیاقده ، بر
النی ایزماروسنک صاندالیه سنه دایامش ، اویون سیرایدیور
کوزو کریکی حالد نازک اگسه ده قیوریلهرق قالمش ایخه ،
عنادجی بعض صاچلرک غاز ضیالریله ملاطفه سنه باقیور ؛
صو کره یوقاریدن نیم کوردیکی کردنک جاذب خط منورینه
ترک خیال ایده رک اینیوردی . ونظرک روحه ویردیکی
بوتلنذله او قدر دالمشدی که ایشته شیمدی یالکز باشنه
یا تاغنده بر دورلو اویویه میان نزیه اویونک ناصل بیتدیکنی ،
ناصل آرلدقلرخی بر دورلو درخاطر ایده میور ؛ یالکز
قیویرجق ، قاباریق قومرال صاچلرله ، تازه ، پنبه بر
چهره ، یوشاق ، حریری صاچلرله اوقشانان صاریشین
بر اگسه ، منور بر کردن صو کره خیالنده معطر بر
سینه دن باشقه برشی کوره میوردی .

اویویامیه جغتی آکلادی . کوروانو ایتمکدن احترازاً
یاواشجه طیشارییه ، دکز کنارینه چیقدی . سما صولوق

بررنك آلمشدى . بریتاب محبتله مست کورونن نجومك
 باغین خیالری غنوده دکر اوزرینه خوابا آمیز برردای
 حزین چکمشدى . اوزاقده طاعنر سیلر ایچنده کی
 فوق العاده یوکساش دوریوردی . ماتپده ، قارتالا
 محتضر بر قاق آیدیناق نیم ظامت ایچنده تیره شیوردی .
 ونزیه انسانی ، قلبیله هم آهنگ کوردیکی بو طبیعت محیطه
 ایله یکوجود ایدن اویوشدیریحی برتخیل ایچنده تپه باشی
 باغچه سنده دیاپولولره ایلک تصادفدن بری تحت تأثیرنده
 قالدیغی حسیات مختلفه ایله تکرار متحسس اولیوردی .
 تپه باشی باغچه سنده دوامه آیشیرکن اونی بویله کیجه لری
 اویقوسندن — صباحه قدر بلا انقطاع دوام ایدن ،
 اضطراب ویریحی رؤیالردن خالی بر اویقودن — محروم
 ایده جک ، هر اقصام بر محکوم کی ، باغچه سائق
 یوقوشلردن ، یوللاردن چمکه مجبور ایلیه جک ، صوکره
 اطه لرده کونشلرده صوسز ، پاره سز دولاشدیره جق بر
 ابتلایه ترك وجود اتمکده اولدیغی فرق اتمه مشدی .
 ایلک کونی پک مکمل ، پک فوق العاده بولدیغی اوقوجه
 باغچه ، پک محتشم کوردیکی غایه لاق ، اورکستره ، چوجوقلر
 نهایت هر شی ده کندیسنه دیاپولولر قدر تأثیر اتمشدى .
 نزیه ذاتاً انی هضم ایده مدیکی فنا کتابلردن فنا مؤسس

بر محاکمه ایله ذهنأ پیدا ایتدیکی کولنج بر مسلكه ،
تجربه سز ، کنج بر قابلك ویردیکی کور بر اعتماد ایله
اینانه رق کندیسنی ناصل قایجی بر طریقه ترك ایتمش
اولدیغنی شمدی آکلیوردی . بو طریق اوزرنده راست
کلدیکی اکلنجه لر ، قلمبده ایلک قوتیله جانلاناں احتیاج
محبت تکمیل شدت میلانی جلبه سبب اولمشدی . نزیه ،
فنا بر تجربه نك عموم قادینلر حقنده ایلک دفعه اوله رق
قابله ویردیکی حس استکراهه استناد ایله ، اولجه هر
ایسته دیکی زمان هر قادینه قارشی تکرار ایدیه جکندن
امین اولدیغی « سنك ده ماهیتکی بیلیورم ! »
جمله سنی ایسته شیمدی دیابولولرد ، ایزمارویه قارشی
سویله یه میوردی . برایکی آباق ملازمت عاشقانه اوکاقیزلرده
امید ایتدیکی بر نزاht فرق ایتدیرمش ، محبتك صرف مادی
بر نقطه نظاردن تقدیر ایدیه میه جکی اوکرتمشدی .
کونلر کچدکجه بوملازمت ، بوابتلا دیابولولرد انحصار
ایتمشدی . تپه باشی یاغچه سنه آلیش دقچه اوراده باله دیکی
چهره لردن برینه سوقاقده تصادف ایدرسه یابانجی بر مملکتده
همشهری کورمش کبی سوینن نزیه ، بوسوینجك قیزلری
یاده کتیرمه که بروسيله تشکیل ایتمه لرندن ایلری کلدیکنی
آرتق فرق ایدیوردی . هله بوتیا ترو کیجه سنده ، نزیه

او کنده آجیلان نه راه امیددی، مسعودی مزهر، کورد کدن
 صوکره بومیلک او قدر درینا شیرینی حسن ایدیوردی که
 ایزماروسنک خندان چهره سنی هر طرفه منعکس بوله رقی
 مغلوبیتی، نهایت ایشه عاشق اولدیغنی اعتراف ایدیوردی.
 انکار ایچون، عکسنی اثبات ایچون او قدر چالیشدی .
 بو عشق نه ساحر بر قوته مالکدی که شیمدی، احتمال
 بوتون اطهده هر کس او یقوده ایکن، شو تنها ساحاک
 تنها بر نقطه سنده مغلوبیتی اعتراف ایله شدت تحسنتی
 آلتده ازلمش کی دوران کینجه اصل حیاتی بودقیقه لرده
 یاشادیغنی احساس ایدیوردی.

آرتق قطعیاً عاشق اولدیغنی کندی محسوس
 قارشیسنده تسلیم ایدن تزیه بوندن صوکره قیزلری ساده
 کورمه کله، اوزاقدن گولوشمکله اکتفا ایده بیله جکلی
 دوشونیوردی. حسن قبول ایدیه جکی اکلاشیلان افاده
 حالی تأخیر اتمه ماییدی. فقط نه صورتله؟ قیزلر باقم
 تورکجه نی اینی بیلورلرمیدی؟ کندیسی فرانسه زجه نی
 آکلار، فقط سهویله یه مزدی. مع مافیسه بونک ایچون
 او قدر اندیشه اتمیدی. اصل مشکلات ایزمارو نی
 همشیره لرندن آیری، یالکیز بوله یامکده ایدی.

دائماً مهبای پرواز اولان خیالی آراده مغلوب

حقیقت ایدن محاکمه سی شیمدی اوکا بو مسعود عشقک
 صوکنی احساس ایله الم ویرمه که باشلادی . ایزماروده
 کندی محبتنه مقابله کوستردکن صوکره نه اولاجقدی ؟
 نزهتک مخیله سی شیمدی یه قدر بو نقطه دن ایلری یه
 کچمه مشدی . ایزماروسنک محبتی ، حسن مقابله کوسترمسی
 او قدر فوق المأمول ایدی که یالکیز بوکا حائل اولان مواعی
 ازاله ایچون چالیشم مشدی . فی الحقیقه ، ایزماروده
 کندیسنی سودیکنی آکلاتیرسه نه بابه جقدی ؟ بوتون
 طاتلی امللرینی ، رؤیالرینی توقیف ایدن بوسد غنیفدن
 آشق ایچون نزه خیالنه همرو اولق ایسته یوردی .
 فقط بری طرفده حقیقت قلبی او قدر آجی بر تضیق
 ایله صیغیوردی که قیزلرک اطرافنی احاطه ایدن بو قدر
 کنجلی دوشونمه که مقتدر اوله میوردی . بونزه ایچون
 پک آجی بر تفکر ایدی . او ، تا ابد دلری ودادی
 قیصقانمشدی . — اوخ ، بونه عیب ایدی ! نزه او وقتلر
 وداده او یون ایتک آرزوسیه یاپیورم ظن ایتدیکی بو
 حرکتک هانکی سببدن ایلری کلدیکنی آرتق اوتانه رق
 اعتراف ایدیوردی . — اصل قیصقانیله جق اولانلر ،
 قیزلر ایچون بو قدر اثر تمایل کوسترن بوتون بر طاقم
 ارککلردی که نزه بونلرک ایچنده ثروتجه ، ظرافتجه ،

کندینك رقبت ایله دینه چکی پك چوققلری گویا یو دمی .
 اووقت ، قیزلرك فغیر اولدقلری . رجب بکك اوغله
 قارشى ناصیل خواهشکرانه بر تراکت ، بر عشوه
 کوه تردکاری نغسلر ایدی . ازدواج آرقه سندن قوشان
 بو قیزلرك کیدی سندن هیچ بر شی آله میله چقلری .
 کندینی بوتون او صافدرواغله ، تجربه سزلکله ،
 شدت مجلوبیتله اکلایه جك بر چوققدن باشقه بر شی
 اوله رق تاقی اتمیه چقلری دوشه وندی . او زمان ، هر
 تماسده یکیدن قاناق اوزره جریحه دار اولان عظمت
 نفسی هنوز حکم حیاته مقاد اولانی اوکرمهش کیچ ،
 لاپرواز قلبی بر حس طغیان ایله قبارتدی . نیچون
 کندیسیده زنگین ، بو قیزلره رجب بکك اوغلی کی
 کوشکر ، استیمبو طلر ، آرابلر ، الماسلر صاتون آله حق
 قدر زنگین دکدی ؟ قیزلرك احتمالک قارشیلریده مجبوری
 کولمک ایچون کیدیلری زورلادقلری او کنجلر حقیقت
 حالده نزیه دن فضله بر مزیت می مالک دیار ؟ او ، بو شدت
 محبتله برابر نیچون اولرک مادوننده ، بواسته دیکی سعادت دن
 محروم قالسین ؟ نیچون قیزلر اونك مصاحبه سنده خواهشکار
 اولما یئلر ؟ آه ، اولرله تیه باشی باغچه سنده قول قوله کر مک ،
 آطه ده چاملر آلتنده آرابلر ایچنده برلکله دولاشمه ق

نه طاتلی اوله جقدی... نزیه بومیلان شیدیک کدی
 استقبالی نزه لره سور و کله یه جگنی مبهم بر صورتده حس
 ایتدیکی حالده ینه بو طاتلی احتماللره ترك خیال ایتدی .
 کوزینک اوکنده شفاف تواتلرله کنیدیسی چاغیران
 ایزماروسنک آرقه سندن قوشارکن ظن ایدیوردی که
 درین ، پک درین بر اوچورومه دوش-یوردی ؛ و بوندن
 ممنون ایدی .

ایرتسی صباح نزیه ایله ضیا ایرکندن اسکله باشنه
 ایندیله . کوشلی ، حرکتلی بر بازار صباحی ایدی .
 فقط قیزلر هنوز کلمه مشلردی . نزیه تکلیف ایتدی :

— باقلم ، اولرینی بولابیلیرمی یز ؟

قازینودن آیرلیدیلر ؛ محله آرارلندن کچهرک بر اقشام
 اول نشان قویدقلری اولک اوکنه چیقیدیلر . نزیه پنجره ده
 قیزلردن برینی کوره بیلیمک امیدیه باشی قالدیرمش ایدی .
 اطهده اکسیک اولمایان روزکار بو صیراده آچیق پنجره نك
 بیاض پرده سی شیشیره رک قالدیردی . پنجره نك باننده
 ایزمارو ، کیجه لک ده قولته بیاض کوملکیله صاحیلرینی
 دوزلتیوردی . نزیه هیچ امید ایتدیکی بر زمانده مفتون
 نظرلری اوکنه آچیلان بولوحه نك تأثیریه اوافق بر آوازه

تعجب اظهار ایتدی . ضیاده باشنی قالدیوردی . شیمهردی
بیاض پاتیسقه پردنك حسود . مستهزی تموجلرندن
باشقه برشی کورولیوردی .

اسکلهیه عودتلرنده بوش بولدقلری اوچ ماصهردن
اورتهده کنی انتخاب ایدهرک دیابولولرک ورودلرینه منتظر
اولدیلر . فقط ماصهله اشغال ایدلدی . نزیه ایله ضیاده
بالضروره اولاردن اوزاقده قالدیلر ، نزیه اسکلهسنك
یرینی نه قدر دکیشدیرسه ایزماروسنی کورمکه موفق
اولمیسور ، آیغه قالمق لازم کلیوردی .

آیدین واپوریه شکری کلدی . ماصهرك اوزرنده
بوزلو بیرلری کورنجه کولهرك نزیه ایله ضیانك یانلرینه
چوکلدی . بازار صباحرینك اومعتنا غلبهانی قازینوی ،
سوقاغی استیلا ایتشدی . نزیه کچن هفته کی راحتسزایله
بوگونکی استراحتی دوشونهرک کرملکدن کیدیسنی منع
ایده میوردی . شکریده قیزاجق بر وسیله بوله مادیغندن
پك شن ایدی ؛ اطرافده کی اختیار ، همان همان صاقلالی
بعض قادیلره کوز قیرپیوردی . نزیه ، اوزاقده قالدیغنه
مأسفلر ایدهرک آراده آیغه قالقوب ایزماروسنی کورمکه
چالیشیوردی . دیابولولرک ماصهله رینه غلبه ایددی . رجب
بلك اوغانی ینه اوراده کورن نزیه قیزلرک بویله دائمی

کوله لرینه ، سویله یین هر سوزی تحف بولمالرینه بوتون بوتون
قیزیوردی . آه لندن کلسه یدی ... فقط زوالدینک لندن
کندی کنديسنی مضطرب ایتمکدن باشقه برشی گئیوردی .

نزیه اوصباح اسـکله پاشندن مغیر آیرلدی . یمکدن
صوکره ، اشـکـلـرله بر کز مه یاپغی ، آیاورکی یه چیقمنی
ایسته یین ضیا ایله شـکـرینک تکلیفلرینی جانی ایسته مه یرک
قبول ایتدی . یالکیز ، مرکبلره بینهرک « هوپلا ! »
لرک تأثیریه ایجه صارصلماغه باشلادقلری زمان شکرینک
دوشمک ایسته تیور کبی ایکی یانه صاللانماسنی پک تحف
بولارق بومبهم کرینی اونوتیوردی . یالیزلی کوشـکک
اوکنه کلدکلری زمان آرقه لرینه برروم چوجنی طاقیله رق
اشـکـلـری دکنکله مکّه باشلادی . نزیه ، برازدها کیدرلرسه
حیوانلرک بوتون بوتون یورومیه جگنی بیلدیکندن سس
چیقارما مشدی . شیمدی کاه یاریش ایدهرک کاه هپ بریره
طوپلانوب چارپیشه رق ، ممون ، لطیفه کو ، کیدیورلردی .
دیا سکیلوسدن صوکره آیاورکیک دیک یوقوشنه طرمانمغه
باشـلـادـقلری زمان حالا اشکلری صوپالامقدن ببقمایان
چوجق نزیه ، بجره مدیکی بر تورکجه ایله :

— باقشیش پابه جقسک ، اشکجی قاچه جقسک ، دییوردی .

تپه یه کلدیله . اشـکـلـری چوجوغه براقدیله . نزیه

تنبيه ایتدی :

— اوتوره جقسك ، باقشیش یاه جغز !

ایکی طرفی ده کورده بیلیر بریر بولق اوزره ایلر یله یه .
 رك تنها بر چارداغك آلتنده اوتوردیلر . بوراده یاه جق
 هیچ برشی یوقدی . در حال جالری صیقلمدی . نومه
 کیتسه لر بوسیقنتی محققدی . ضیا ، بو بازار قیزلرك بورایه
 کله بیلیمه سی پك محتمل اولدیغنی ، کیم بیلیر نه یه استاد
 ایدمرك ، بلكه کوردیکی رؤایه کووه نرك ادعا ایدیور ،
 بکله مکی توصیه ایلوردی . نزه بوش دوراجغه و داده
 ایجه قابنی دوكمك ، تعطیله مملکتیه کیدن دائمك
 مکتوبنه ده جواب ویرمك ایستایوردی . شکری ایله
 ضیاده طاوله اوینامغه قرار ویردیلر . نزه مکتوبنی
 بتیرمدی . یازدجقه اوزایوردی . هله عاشق اولدیغنی
 اعتراف اتمك ، و دادكده اسکی اعتقادده پایدار قالدیغنی
 بیلدیکی ایچون کندیسنه پك کوچ کلیور ، بونی سوسله مکه
 اوغراشیوردی . نهایت واز کچدی ؛ طاوله دن بیقه رق ،
 اوتوده صالحه جاقده قولان اوران ضیا ایله شکرینك
 یانلرینه کیتدی . شیمدی تحتیه یی حیزله چکرك شدتله
 ایتیوردی . ممنون اولان ضیا ده ها غیرته آسیایور ،
 تحمل ایدمه یین شکری آوازی چیقدیغنی قدر :

— یامایك ، دوشه جکم ! دیه باغریوردی .

کندیلری یورولونجه یه قدر شکری نی اوچوردیلر .
 بیچاره ایندیکی زمان پر حدت ایدی . دوغروسی شاقه نك
 بو دورلوسی اولمازمش ، دوشه یمش نه اوله جقمش ؟
 هیچ لامی جیمی یوق قافاسی ، ناه شویله ، پاتالارمش .
 شاقه اولورمش اما ...

نزیه باغیردی :

— هایدی ، هایدی چوق سویلنمه . باق بن دها
 سکا ، هله ضیا بك افندی یه نه لر یاپه جغم . هله بو ضیایه .
 بنی بوراده براقیردی کز ها . بن فسارمزی ،
 باستونلرمزی آله یم . سزده اشکلك یانسه کیدیکز ،
 کلیورم .

نزیه اوزاق دن ، ضیانك کورولتولی قهقهه سی
 آراسنده شکرینك حدتلی سسفی ایشیدیوردی :

— نزیه اشکالر یوق !

نزیه اینانمادی .

— بنی زور آلداتیرسکز ! ... دییوردی .

فی الحقیقه اشکالر میدانده دکلدی . نزیه اینانمادی .
 شکرینك یوزینه باقهرق :

— دوغرو سویله يك ، دیدی .

ذاتاً قیزغین بولنان شکری دها زیاده آلولندی :

— اشکری یمدم یا !

ضیا نه اولدیغنی آکلاتدی :

— چوجوق بزی بکله مش بکله مش ، آراق قیه جک
ظن ایدهرک آلمش کوتور مشدر .

اوتهدن بر چوجوق ضیائی تصدیق ایتدی . چلبیلر
کیه جک دیسه چوجوق اشکری کوتور مش . یوقوش
یاواش یاواش اینکه باشلادیلر ، شکری صرف ایتدیکی
غلیظ کفرلر آراسنده :

— های حنریر پیچ ! پشمزه طاقله من اولهیدی ...
تمیسنی بر نقرات کی تکرار ایدیوردی . ضیا
روغلی اینجه اسقار پینلرینه باقهرق سویلنیوردی .

— بو قدر یولی نصل یوروپه جکم !

نزیهک هیچ امورنده دکادی . او ، آلیشمشدی .
— اوخ ، دییوردی ، سزده بر پارچه بیان
دولاشکزده آکلایکز ، باقهیم . فقط نه یاپهیم که هپ
یوقوش آشاغی اینجکز .

شکری کوزلرینی چویرهک نزیه حدتله باقدی :

— او پیچ قوروسنه بزمله برابر کل دین سنسک .

دکلی ؟

نزیه ضیایی آرقه سندن ایتەرك :

— یورو ! دیدی . صوکره شکر ییه جواب

ویردی :

— های ، های !

نزیه ، آلتەده اوتوردینی چام آغاچنك یانەندن
کچرلرکن دوردی . بر وضع مراسمه پروانه ایله آرقداشلرینه
دونهرك :

— بککلی ، شوراده « باد هوا » قازینوسەندە
اوتورمغه دعوت ایدرم . طاشدن کوزل قانابه لر ، چام
یاپراقلرندن اعلا دیکنلی یاصدیقلر ، سەدیرلر واردر .
خوایاده ایچیان باجمله بوزلو مشروبات مجانآدر ...

و آشاغیلره دوغرو برر برر وقفه کاهلری کوسترهرك :

— بورالرده کوزل نفس آایر ، دییوردی .

نزیهك لطیفه سی شکرینك حدتی ازاله ایتدی ، اسکله یه
کلەکلری زمان هپسی کولیـوردی . قیزلرک یانەندە یـ
بوله مادیلر . ینه اوزاقده قالمشلردی . نزیه ایزماروسەنی
کورمک ایچون ینه آراده بر آیاغه قالممغه مجبور اولیوردی .
وهراقلیشەده الیم برنحسەله اسکله سنک اوزرینه دوشر
کبی اوتورییوردی . رجب بکک ، او آرتق تنفر ایتدیکی

اوغلی ینه یانلر نده ایدی . بو ، تزیه ایچون چکلمز براتکنجیه
حاله کایوردی . نهایت قازینوده اوتورده مادی .

— قالقک ، دیدی ، رجایدرم ، بورادن کیده لم ...
آریجق ده معدن یولی طرفی کزه لم . اوراسنی کورمده .
تزیه ، معدن طرفنده ده اکلنه مدی ، غریبدن سوکره
برمعنای حزین ایله قلوب نمیده نی متحسس ایدن اشباح اوکا
صانکه برزهر خند انفعال کوسه تریوردی . آغا جلرده ،
اوتلرده ، دکزلرده هپ کسیدی اغبراری ، کندی یاسی
مشهود اولیور ظنده ایدی . قیصقا نمده ، ایزمارویه
دارلمده کندی حقلی بولیوردی . اوتده تزیه برنگاهنی ،
برسوزنی بوتون چکدیکی عذابلری اونو تمق ایچون کافی
برمکافات عدایده رک اونک تحسریله مضطرب بولونیور .
اونی سویورکن ، کندیسیده سودیکنی افهام ایدیورکن
نیچون باشقه لرینه ، اوخوشلانمادیغی رقیبنه التفات ایدیور ،
نیچون کولیور ، نیچون بوتون ظرافتلرینی اونک ثروتی
تسخیره صرف ایلیوردی ؟ آه ، محبتلرینه صداقت
کوسترمین بوقادینلر !

تزیه اوکیجه قازینویه عادتاً قورقه رق کیتیدی .
اسکمله سنک اوزرنده حرکتسز ، برسوز سویله یه مکه
محکوم بولونورکن کوزلرینک اوکنده بر طاقم حریفلرک

کنندی سوکیایسیله او قدر لایالایانه، او قدر عشوه جویانه
قونوشمه لرینه تحمل ایده میوردی . کیدیسنی بویله آری
طوتان قوته قارشى شدت طغیانی واردی .

شکری ، نزیهك چوجوقلغى نامنى ویردیكى بو
حاللردن واز کچمه سی ایچون دیکلنمه یه جك بر طاقم
نصیحتلر ویردیكى صیراده ضیا نزیهه دوندی ، دیدی که :

— بهجت مارى نی سویورمش .

نزیه بردنبره درخاطر ایده مدی :

— بهجت کیم ؟ دییه صورتی .

— برادرک آرقداشلرندن ، عمجه بهجت . هانی

مکتبده عمجه دییه لقب طاقشلر . شیمدی طیش-اریده

ایمش ، بیلهك یا ؟ ایشته او ، مارى یه عاشقمش .

سویله مکی اونو تدم . هم مارى ده کیدیسنی بیلورمش .

نزیهك نظر دقتی آچلدى : — یا ؟

— مکتوب یازوب ویریورمش ، جواب آلیورمش ،

اولکی هفته برادرک ، حسین بك سویله دی ایدی .

نزیه شیمدی ایچندن بهجته غبطه ایدیوردی . سوکرده

زوالینک تابعداده اولدیغی دوشونه رك آجیدی . فقط هیچ

اولمازسه او ، کوزلری اوکنده بو عذاب انکیز منظره لردن ،

سوکیایسنی باشقه لرله محرمانه ، اشتیاق پرورانه الفت ایدر

کورمکدن مصون ایدی . حاجبوکه کندیدی بو کاشمکوم ایدی .
 قیزلری هر کورمک ایسته ییشنده یا نلرنده کی اونفرتار ویرن
 چهره لری کورمکه ، بوتماک ایدیله میه جاک حقمسز و تیرک
 خسروانی آلتنده ازلیمکه ، سبی آ کلاشما یان کور بر قوت
 النده قالدیغنی حس ایتیمکه تحمل ایتیمی لازم کایوردی .
 بو تحمل ایده مدی . یالکیزجه مضطرب اولق دها
 اهون کایوردی . ضیائی ده اقناع ایدهرک شکری اینه
 برابر ایرتیمی کون استانبوله عودت ایتدی .



نزیه آطه دن عودتله آرتق خاطرات ماضیه بی تکرار
یا شامق مجبوریتنی حس ایدنجه حسیاتی ، دوکار کبی بر حال
کسب ایتدی . دائمی براوغولنویه مستغرق ذهنی تهاجم حسیات
ایله او قدر شاشیرمشدی که سویله ن لا قیردیلردن بیکلرجه
فرسخ اوتله لرده ، مبهم ، خیالی بر عالم ایچنده دولاشان
فکری نه سـ ویلندیکنی آ کلامق ایچون ، بردن بره پک
یا بانجی کلان بولا قیردیلر اوزرنده اوزونجه دوشـ ونمکه
احتیاج کوروردی . آراده ، آطه عقلنه کلنجه بوسکونت
غسیبه در حال هرج و مرج اولیویریوردی . آطه ، بونی

نزیه اونوته مازدی . اورایه کیسه دن اول واقعا قیزل
 حقنده شدید بر حس میلانی واردی . اکن بری
 طرفده عشقنه بر امید کوره مدیکندن آلآن قیرمالیان بر
 طاقم رابطه درده هوز موجود ایلی که ایشته آلمده
 بونلری تحقیر ایدرک بوتون موجودیتی صارسان بر
 تحول صمیمی ایله خیالک الدعلوی طبعه لرینه یوگساش .
 صوکره بونک عاقبتی دوران محاکمه نی نه اوله حق
 ایسه او اولور ، قضا پرستانه کله اسکات ایدرک خیال ایله
 حقیقت آره سنده طاتلی ، جاذب بر حسه ترک نفس
 ایتشدی . آرقق کیدی کیدیسنی آلامه چایسه یوردی .
 عاشق اولمشدی . بونی قورقه دن ، چکینه دن سویله دی .
 فقط ینه او آله نزیه یو کیدی کیدی بولکندن یوگسادی
 نقطه نظاردن — که اوراده مانعه شکن بر رؤیتله هر
 شیئی پنبه کورویوردی — شو اوزرنده سوروندیکمز
 ارضه ایندیرمش ، اوکا کوسترمشدی که بی دنیا انچون
 تخیل ایتدیکی سعادتلردن کیدیسنه او قدر قولای نصیب
 یوقدی . ای ، بونه انچوندی ؟ بر رجب بکک اوغلی
 اولمادینی انچون ، دکلی !

نزیه کیج قلینده او آنه قدر مجهول بر طاقم حسیاتک
 تولد ایتکه باشلادیغنی حس ایدی یوردی . شیمدی اونک

ایچنده بوغوق برطاقم کینلر قایناشیوردی . بر حقسنز اغه
 دوچار اولمش اولدیغنه امین ایدی . فقط بو حقسنز انك نه
 اولدیغنی قطعاً تعین ایده میوردی . اونك ایچون بویله بر
 امنیتدن متولد حرص و غرضنك نزمیه ، کیسه مصروف
 اولاجنی مبهم قالیوردی .

هر حالده حیاتك بوايلك صدمه حقیقی اوکا بر بدینلک
 ویرمشدی . بو بدینلک ایچنده آرتق حیات اوکا مکتب
 پنجره لری آراسندن ، تنفس زمانلرینك آلایلری پائناسنده
 کوردیکی کبی واسع بر صحنه سعادت و عدالت حائده
 کورونمیوردی . ایملک البته مکافات بولور ، لیاقت و مزیت
 دائماً نائل ترجیح و موفقیت اولورطن ایدردی . حالبوکه
 نزیه بونلرک ظن ایتدیکی قدر اهمیتی اولمادیغنی ، اصل
 اهمیتی اشتغاله تنزل ایدلمز ، دوشونومسی عادیلکه ، بایاغیله ،
 خستاست طبعه حمل اولونور باشقه شیلرک ، اك زیاده
 پارهنك اشغال ایتدیکنی آکلایور ، بوانتقال الیم تجر به سز
 ذهننی قارمه قاریشیق ایدیور ، اوکا بولوتلر ایچنده نیم
 عیسان برطاقم حقیقتلر کوسه تریوردی . فقط اوبوراده
 دها واضح کوره بیلیمك ایچون بر چوق صدمات حیات ایله
 محاکمه سی صار صیلمغه محتاج ایدی . یالکز اوزمانه قدر
 کمال اعتماد ایله یورونه بیلیر ظن ایتدیکی زمینك بر چوق

یرلری مستور بر باق اولدینی آکلایورد . بو قاراش بلاق
ایچنده حقیقی ایچ کوره مەمەك اوکا قورقور ، شەپە ،
یأس و یییه ردی . آرتق ماضیده مکتبه دعو ایدن بری
کچن سەیلرک ، شهادتنامە آنجەیه قدر دها کندیسنی
بکلهین غیرتلی ، مشقتارک ، آراده قلبه برامل ساق مەرت
ویرن تخیلات محبتک مطلقا انسانی مسعود ایدە چکە
امینی قالمامشدی . شیمیدین آکلایوردی که بونلر آجی ،
لایغیر بر حقیقە چارپاجق ، قیریلەجق ، اقتدار و مزیتە
عشقە یارەنی ترجیح ایدن ، یارەنک غلبەسنی تأمین ایدن
برحقسزلق الەدە ایکیە چکەدی . تزیە شەمشک سەرعیلە
محاکمەسەدە پارلایوب زئیل اوایویرن حیاتک بو حقیقی
لوحیة رؤیتنی متفرانە بر طغیان نجب ایله قهر ایتەک
ایستەدی . هنوز هیچ بر شیلە چارپاشدیر مادینی ایچون
قوتنە مطمئن اولدانی بر اعتماد شباب ایله اونده بو حقسزلقارە
قارشى اوغراشمق ، حیاتی بویله نجیب براملی استحصالە
حصر ایله کچیرمک آرزولری اوایویردی . اوت ، تزیە
هیچ ، بر چارە سزلیکک اوکنده سندنەلەمیه چک ، هپسنی
ازدە چک ونه ایتندە بو کچیردیکی حیات مساعی یە باقدیچە
اوراده هپ قیرلمش مانعەلر ، تعمیر اولونمش حقسزلقار ،
ایفایدمش وظیفەلر کوره چکدی . حیات بویله اولمالیدی .

ایشته اوده بویله پاپه جقدی . نزیهك ایدینی قیزلردن
آیری طوتان بو حقه سزغه ، قیرمق ایسته دیکی مایه لره
شوخلیٰ خصوصیسینه قارشى ایلک غایبه سی دیاپولورله
بر چاره ملاقات بولدنی زمارا حراز ایدمش اولاجقدی .
اونك ایچون بر طاقم آمال نجیبه اوغورنده بر مجادله
دائیدن عبارت اولاجق حیاته برنجی خطوه نی بویله
بر غایبه ایله آتمق ایستور ، دیاپولورله بر چاره ملاقات بولنی
دوشونیوردی .

فقط بوملاقته ناصل تحمل ایتلی که نزیه اونلری
تا اوزاقدن کورنجه قابنده خاجانلر حس ایدرک یوزینک
قیزاردیغنی فرق ایدر ، شایرردی . کیدیغنی اونلره کیم
تقریم ایده بیلیردی ؟ تقریم اولوندقدن صوکرده ، ائی
بجره میه جکی فرانسزجه ایله ناصل ونه وقت بوتون عشقنی
اونازك ، اوخفیف ، اومستهنزی قابه دوکه جکدی ؟ ده
یکی صارصلمش بر نیکیینلک نزیه ، بو قدر محالات قارشیسنده
بر امنیت قطعیه ویریوردی : اولاجقدی ، مطابقا
اولاجقدی . بر شیشی بو قدر شدتله ایسته دکن صوکرده
موفق اولماق قابلمیدر ؟

استانبوله کلدیکنک ایکنجی کیجه سی نزیه هر زمانکی
دالغیناغیله ییمکده بوتون امیدسزلیکلری محو ایچون

دوشونورکن ، برادری ایله داییمی آراسنده بختن بر
مخاوره ، ابتدا مهم ، تأثیردن باشلاپه رق یاواش یاواش
نظر دقنی جاب ایدی . داییمی دییوردی که :

— توکلی ، قوجه عمجه بروسیدن دونمدی ایدی .

عمجه ، بوکیم ؟ بو اسمی تریه بیله جکدی . بردن

برده :

— ای ، نه اولمش ؟ دیدی .

-- هیچ ، نه اولاجق ، سزک اوچلر ایچون دونمش .

تریه آکلیوردی ، عمجه دییه عشاقه بلدییه طبیی

تعین اولوندی حالد انجق بروسه یه قدر کیده یلوب

اوراده استعفا ایله همان دونن بهجتدن بحث اولونیوردی .

بهجت ، اوچلر .. شیمدی بوکلرلر تریه بر تأثیر

غریب کوستریوردی . اونک ذهنی آلت اوست ایشلاردی ،

آلیق کبی برشی س-ویله یه میور ، تریه باقدیغک فرقد

دکل ؛ حتی کمال دقتله تفتیش ایدیور کوروندیکی طوزانی

بیله فرق ایتیور ؛ قولاقلرنده بر اوغوانو ، کوزلری

اوکنده دونن برعالم ...

تریه یمکن قالقار قالقماز اوطه سینه قاجدی . غاز

یقه دن ، قارا کلقده ، کورولتودن اوزاقده ، یالکاز

قلغی ایستیوردی . بو قارا کلق اوکا کچیردیکی حیاته هم

حال کلیوردی . نه ایستدیکنی ، نه دوشوندیکنی بیلمه دن
وحشی بر اجتناب ، بر آرزوی تجرد ایله اوراده مضطرب
اولیوردی . آراده :

— بهجت ! بهجت ! دیبوردی ، اومسعود !

بو بحر ان هروقت تجده باشلادی . بوتون بوغلیان
شدیدنی ضبط ایدرک برشی بایمه دن بوش دور مق اونی
سنه لرحه اوغراشمش قدر یوریور ، قلبنی اختیارلا -
تیوردی . اوت ، برشی ، برشی بایمایدی . فقط نه ایدی
اوشی ، ای لیل صامت که بوتون عالمی بر پوشیده نوم
واستراحتہ صاردیغک حالده کیزلی سسلرکله قلبنده کی
غلیانلری آتیردیغک بوکنج سنک شوالم ساعتلرکده
اونی بوله میوردی ؟ بو اوزون تفکرلر آراسینده نزیه
برکیجه بردن بره تیرمیدی . بوتون عذابلرینی تسکین
ایچون بر چاره واردی که شیمدی یه قدر دوشونه مدیکنه
تعجب ایدیوردی . یاز موسمی البته بیک ییل دوام
ایتمزدی ؛ قیش کایجه دیابولولر بک اوغلنه عودت
ایده جکلر ، مطلقا فرانسز تیاتروسنه کله جکلر دره . اوراده
کندیلمرینه بر مکتوب ویر یله مز میدی ؟ اعلان عشق ایچون
بوندن ساده بر چاره وارمیدی ؟ نزیه بومکتوبی آطه ده
ویرمکی دوشوندی . فقط آطه مکتوب ویرمک ایچون

برتیاترو صالونی قدر سهوات عرض ایتدیکی کبی اوراده
قیزلرک اطرافنه برطاقم چهره لر طویلانمشدی که نزیه
اوناری کورمه که ، آطهنک او احتشام محقری آلتنده
ازلمکه تحمل ایده میوردی .

نزیه بوقراری ویردکن صوکره ، اجرا ایچون بر
قاج آی انتظار لازم اولماسنه اهمیت ویرمدی . بونی
متانتنه ، جسارتله بکله یه بیایردی . چونکه آرتقنه یاپه جغنی
بیلیوردی . و بو بیاییش کندیسنه درین براطمشان وامید
ویرمه که کافی ایدی ...

آطه دن کله لی اون کون اولمشدی . براقشام شهزاده
باشنده ضایه راست کلدی . ضیا کیمدن بحث ایتدیکنی
تعیینه حاجت کورمه دن :
— کیشلر !

• ژده سنی ویردی . نزیه اینانه میوردی .
— کیشلرمی ؟

— اوت ، هم بزم استانبوله ایندی کمز کون . او
اقشام باغچه یه کیتمشدم . اوراده قارشیمه چیقدی لر .
شاشیردم قالدیم .

— بسبلای بزم حسرت مزه دایانه مادیلرده آرقه مزدن
قالقوب کلدیلر !

نزیه بونی اكلهرك سويايوردی . فقط قلبی کوزلجه
تدقیق ایتسه عجباً قطعاً لطیفه اولدیغنی تأمین ایدمه ییرمیدی ؟
تصویری ضیایه ده آچدی :

— ایزمارویه سنی سویورم دییه بر مکتوب ویرمک
ایستیورم . قیشین تیار وده ویرمکی قورمشدم اما ، شیمدی
مادامکه گلشله ، باغچیده ویریرم . ماری ایله آرقه طرفده
دولاشمیورلرمی ، یانلرینه صوقولور ، ویریرم .

نزیه ، قیزلری کندیسيله برلکده استانبوله کتیرن
تصادفدن استقبال ایچون پک خیرلی تفللرده بولونه رق ،
ممنون و مسعود ، اوه کادی . جوشش مسرتی ضبط
ایده میوردی . بوتون عالم خندان ، مسعود ایدی .
هر شیئی سومک ، هر کسی در آغوش اتمک ایستیوردی .
صباحلین ، هان مکنوبی یازمق تشبیهده بولوندی .
اوت ، عجله بر مکتوب ؛ بونی بر دقیقه ناخیر اتمه ملی
ایدی . مسودینی ببله کوزل بر کاغده یازمق مراقبه
کاغذ آرامق ایچون برادرینک یازیخانه سنی قاریشدرکن
کوزینه تمهلی ، آچیق بر مکتوب ظریفی ایایشیدی .
اوزرنده « بهجت بک — بغدادن ، گلعلری ماوی
مرکبله یازمش ایدی . نزیه ینه کندیسینی شایردی .
بهجت ! بو اسم بر آز زماندن بری کندیسینی تمقیب

ایدی-یوردی . ماری بی سون . ماری به مکتوبار باروب
 جوابار آلان بهجتک بوراده آجق ظرف ایشا مدمدان
 مکتوبنده البته قیزلره دایر معلومات . بر جهوق معلومات
 بولونه حقدی . بو معلومات او قدر جاذبیدی که نزیه .
 بر تجاوزده بولیدیفنی خاطر لایمغه لزوم کورممدن ظرفی
 آلدی . آلتده بر قاچ دانه دهسا واردی . هپسی ده
 بهجتک ایدی . شیمدی نزیه بونلری کوزیله سوزدرک
 « دیابولولر » کلمه سینه تصادف ایتم ایستایوردی .

بهجتک ۲۵ مایس تاریخی اگ اسیکی مکتوبنده
 قیزلره عائد شو سطرلر کورولیوردی :

« ... افشام اوزری تپه باشی باغچه سینه کیسیور .
 میسکیز ؟ تصادفاً بزم « امور » راست کلیرسه کز ،
 رجا ایدرم مفتعلاتن دن اوکا باقمه رق ایکی سطر بر شی
 باروب بکا « کوندر کز . هیچ اولمازسه خیالیله وقت
 کچیرهیم . آه او جانم باغچه ، او لطیف هوا ! شو دقیقه
 صیرصیقلام تر ایچریسندهیم . هله او موزیقنک آهسته
 تر نیمله پیاسه ایدن ماداملر ، مادموازلرلر ... هیچ
 کوزمک اوکندن کیتدیکی یوق . والله جلدیرمق ایشدن
 بیله دکل ، مونشر . ناصلسه عقلمه بر دیزکین ایتدک .
 الله انجایمزی خیر ایلیمه ... »

بہجت ۲۹ مایسده تحسیرینی دهازیاده آکلاتیوردی:

«... لکن کرک اشنای راهده ، کرک بغدادده

اولسون ، بازار کونی ساعت اونه کلدیمی تپه باشی
 باغچہ می کوزمک اوکنده در . بو هر دائم بویله . بعضاً
 او قدر جانم صیقلیورکه عظم زیوانه دن همان چیقماق
 ایستیور . آه اونلر نه کونلر ایدی ! نه عالم کچیردک
 دکلی مونشر ؟ یا أمور ؟ نه یاپیم ، واقعا اونک بزم
 خولیالردن احتمالکه خبری اولمایه بیلیر . لکن عالم امکانده
 استحاله یوقدر . بعضاً او یله ده اولور دیرلر ، بعضاً ده ...
 خولیا بویا ، هر شی اولاغندر ، او یله ده اولور بویله ده .
 ممکن امکان بولور .

«بو کون نظرمدہ حیاتک ذره جه هیتی یوقدر .
 ذاتاً حیات او یله ظن ایدرمکه ، بر غفلت ، بو غفلت
 ایچنده امید ایلہ صبردن باشقه بر شی دکدر . امید
 اولماسه انسان ایچون قفاسنه بر قورشون صیقوبده
 کبروب کیتمک ایشدن بیلہ دکل !...»

«ایشته انسان کوزینه بر کون بویله مستکره
 کورونن و حیات دنیلن مشقتی ایرتہ سی کون بیک جان
 ایلہ تمنی ایدر دورور . بشریت بویا ! حالبوکه زواللی ،
 صوک نفسنه قدر بونک الندن چکه چکی زحمتی ، مشقتی

هیچ دوشونمز . اما بمضایری بوندن بیك دورلو ذوق ،
 بیك دورلو لذت آیرلر ایش ؛ تأسف اولونور . ذوق
 ذوق ایله لذت ده بونا ملر آلتنه کیزلش عین و مشقتدن
 عبارت دکل ده ندر ؟

« موتا یاراشیر وار ایسه راحت دوشکنده

« اقدام و تحمل كرك ارباب حیاته !

« نه قدر دوغرو بر سوز ، دکل ؛ واقعا سزه قارشی
 بویه نهایی مفتعلان لره وارده حق بخنلر ایله مکن عاجز
 اولدیغمی معترفم . لیکن آیشمیان بر آدم ایچون یازین
 بونفاد دوزخ آبادده بر دقیقه کچیرمك نه قدر تحمل .
 کداز اولدیغی بیلسه کز بکا بر از حق ویرسکزر ظن
 ایدرم . نه ایسه ، بورالره داثر تفصیلات ویریه جکئی
 عرض ایلمشدم . کله لم ینه تپه باشی باغچه سنه . کچن
 بازار کونی سرور بك برادر مزله باغچه ده بنم آموری
كورمشکزر . بو تعمیرمه اعتراض اتمهك . قیامت
 قوپسه ینه امور دیمکدن واز کچم . انی که خاطر مه
 کلدی . مکتوب بکزده « کچن بازار سنك آمورلری تقسیم
 باغچه سنده سرور بك ایله کوردك ، دیورسکزر . شیمدی
 تقسیم باغچه سنه می رغبت ایدیلور ؟ یوقسه ینه تپه باشی
 باغچه سنه می کیدیورسکزر ؟ عموجه حسرتلری بو امور

آقتیسینه کندی قاپدی رملی بش سنه یی متجاوزدر . ایلک دفعه بو ملکه تقسیم باغچه سنده تصادف ایلدم . او وقت جمیل بک ایله جمعه و بازارلری تقسیم باغچه سینه دوام ایدردک . بو مینی مینی ملک کندی کبی بر قاج ملکه برابر باغچه یه کلیر . همده نه زمان ؟ ساعت یدیدن صوکرده . باغچه او زمان هنوز تنهادر . آشاغی یوقاری بر قاج پیاسه دن صوکرده بر ماصه باشنه اوتوررلر ؛ کندیلرینه مخصوص بر اسقامبیل اویونیله اکلنمهک باشلارلر . چوجوق بولونقلری ایچون بزده بلا پروا یانلرینه صوقولوردق . بر زمان اولدی که بز یانلرینه کلنجه ، کندیلری ده بر از ترجه بیلیرلر ، یکدیگریله ترجه کوروشورلردی . آه او عللر نه ایدی !

« یابونلرک مربیه لری او قدر لطیف بر شیدی که مدد ... ایشته ده ا و زمان بن بیلدیککز آموری ، جمیل بکده همشیره سی بولونان صاریشین کوزلی انتخاب ایلک ایدی .

« شو دقیقه بوتون حسیات شاعرانه م اویاندی . لیکن نه فائده ایکی سطر بر شی تنظیمنه اقتدار یوق که حسیاتمی عرض ایلیم . وقنیه سزه چراق ایتدیکمه شیمدی حقیقه نام و متأسف اولدم . یالکز ندامت

یوگامی یا؟ فرانسهزجه تکلام ایلمه مدیکدن نملر زبان ایتدم.
بیلیر، یسکیز؟

« هر شیدن زیاده آمورله سر بستیجه اداره افکار
ایده، مکت یوقی! البت، الی ماشا اده بو کون کادی
بتشدی، اولکی چوجوق طبیعاری کجیدی، حال
لطا فاشدی؛ طور جدیداشدی؛ بزم قادیسارک تمیرنجه
قوجه خانم قیز اولدی. آرتق همان موامک اکثری
مندفع اولدی. حسایاتی سر بستیجه سوبامکه کندی
اقتدرینی حس ایتدی ده، نیم فرانسهزجه بیلمدیکمی بیلدیکی
ایچون تعریف ایلمه یه جگم لطیف بر ترکجه لسان ایله
ینه لطیفی دریغ ایتزدی. نیم ترک اولدیفمی بیلدیکندن
بلکه انظار دقتی جلب ایدرم خوفله او یاشنده تصور
ایدیله مین بر فطرتله ایتدیکی تمکیمارینی بیله متحیر ایدردی.
آه فرانسهزجه بیلمه یدم، تپه باشنده قول اوله پیاسه
ایتمک ایشدن بیله دکاردی. لسان ایچون قونخیارلقدور،
دکلی؟ حابوکه بو لسان بیلمه مکت بکا ککاک کی چالی
دیبارینی قوالا تیردی. حتی کچن سینه، قربان یارامندن
بر ایکی کون صوکره ایدی ظن ایدرم، بر اقشام اوزری
بک اوغلانده دوغره یولده شکرلنجهی دکانات بر آز
آشاغیسنده بو ماکه رفیق، لریله برابر راست کلام.

معلوم یا ، عموجه حسرتلری ساعت دوقوزدن صوکره
 بك اوغلی قالدیر مارینی آرش-ونلامغه کیدردی . آراده
 اوتوز آدیم مسافه براقه رق بو مذکی تعقیب ایله مکدن
 باشقه بر ایشی یوقدی . تاؤلرینه عودت ایلدکلری حالد
 بيله بك اوغلنده کی زانی اجزاخانه سنک یاننده کی سوقاغنت
 باشنه قدر بوکا حقم واردی . زیرا اورادن صاپارکن
 حیرانی قالدیم لطیف بر تبسمه باش اکمکن عبارت
 اولان آدیوسنه مظهر اولی-وردیم . او افشام یانمندن
 کچرکن او لطیف صداسیله بنی تبریک ایلدی . مکر بو ،
 بایرام اولدبنی ایچ-ون ایمش . بونک اوزرینه کچدیکم
 تونلری صورمایکز . بر آزی ده بکا قالسین . ده نلر
 نلر... اما بونلر آتی سنلک بر امک مقابایدر . باقلم ،
 بو ثباتک صوکی نرديه وارده حق ؟ شوراسی ده وار که
 هر بر لزومندن زیاده محضا بو مایکله ، ممکن اولورسه
 کوروشه بیامک امیدیه وار قوتی بازویه ویره رک فرانسه زجه
 او کر نمکه سهی ایده جکم . ان شاء جناب حق جمله منی
 موفق ایدر . هیچ دکلسه بغدادده بونکله وقت کچیرمکه
 قرار ویردم . بوراده فرانسه زجه بیانلر چوقدر . معلوم یا ،
 بز استانبولدن چیقارکن بغداددن آوروپا طریقله عودت
 ایلمک خولایر یله چیققدق . باقلم ، فلک مساعدده ایدرمی ؟

« شورانی سز دن رجا ایدرمکه بزم آموری باغچه ده
 کوردیکه کز زمان اوکا باقه رق مفتعلاتن دن ایچی - سطر
 بر شی تنظیم ایدوب بکا کوندر کز که کوکم بر ار فرج
 بولسون . زیرا عموجه حسرتاری وحشت ایچنده قلدی .
 بوندن دولانی پک مضطربدر . سز حکیم - سکر . بکاده
 بو صورتله بر رچته یازار - سکر قیامت قوپماز یا ! »
 ۵ حزیران تاریخی مکتوب - بنده بهجتینه قیزلردن
 بحث ایدیوردی :

« ... برکت ویر - سین که امداده یتیشن بر خیال
 لطیف عقامی بنمه کتیر . که سبب اولدی . زیرا او یله
 بر تونله دالمشدم که دیقه کتیر - سین . بو خیال کیمدی
 بیایر میسکیز؟ بن ، رسم المده تونل کچمکده و آفاق آلیق
 دوشونمکده ایدم . او آفاق قارشیمده بر خیال
 وجودینی حس ایدم . بو خیال صانکه بنم هر حالی
 تفتیش ایدیور کی بر وضعیت آلمش ، بیایم نهدن
 قاشلرینی چاتمش ، نظارینی تا اعماق قابله قدر تمیدایلمش ،
 مستهزی بر تبسمه دور مقدمه ایدی . ایشه بو خیال
 لطیف آمورک خیال ما کانه سی ایدی . همان تالاشله رسمی
 المدن آتدم و طباب عفو ایچون آفاقارینه قاپانمق اوزرد
 اوکا دوشرو قوشدم . لیکن نه کزر ! عفو دیلیه بیایمک

ممکنی ؟ بن اوکا تقرب ایتدجکه او بنیدن متنفـرانه
اوزاقلاشـمـقـده . نهایت او یله بر محله کلدی که دورمغه
مجبـور اولدی . بن ده آئیـده آباغنه قابانوب بر طرفدن
اعتراف قصور ایله دیگر طرفدن :

« او طاش یورك یاقیشیری بونوردن بدنه ؟ »

« ديه نياز ایدیوردم . سنك شو مصراعكك اوزرینه
اولکی متهـور حالی یاواش یاواش زائل اوله رق غایت
لطیف بر تبهـمـله مینی مینی الی اوزاتدی . ایشته بو
اوزاتیلان ال عفو اولندیغمك بر دلیل علنسی ایدی .
سویجمدن نه یاپه جفمی شاشیردم ، بر طرفدن ده ایتدیکم
قباحتدن دولانی [کیم بیلیر اوکا قارشى ائده کی ویوله نك رسمى
قاج کرد اوپشمدر] حجابدن یوزینه بقمه جـسـارت
ایده میهرک صیقم . حتی دود قلمه قدر کوتورمکلیکمه ده
ممانعت ایله مدی . بر مدت سکوتدن صوکرده هیچ برشی
سویله میهرک او یله بر صـورتده وداع ایتدی که الآن
اونوته مام . یالکیز کیدرکن شو شوزلری قولاغمه
کلیوردی :

« — یاد ایت بنی غملى غملى یاد ایت ! »

« واقعا بزم او یله مفتعلاتن لره یاقلاشـمـغه حدمن

یوقسهده . بنده کیدیجه دییه بیایرم . عالم بویا ! ... »
 بهجت ۱۳ حزیرانده یازدینی مکتوبده نزیه
 ایچون شایان اهمیت بر شی یوقدی . یالکز شوسطارلری
 اوقودی :

« ... ناسل ، آرتق استانبولک بوغاز ایچی عالملریده
 باشلادی دگلی ؟ اوت ، سزده نیم کبی ال زیاده تپه باشی عالمندن
 خوشلانیر سکز ، بیایرم . تپه باشک شیمدی زمانیدر ، دگلی ؟ »
 یکریمی اوچ حزیران تاریخیلی مکتوبده قیزلره عئد
 آجق دوت بش سطر واردی :

« ... تپه باشی عالملری کیم بیایر نه قدر لطیفاشدی .
 کیتدیکنز وقت عموجه بی ده خاطر کزک بر گوشه سنده
 بولوندر کز . سرور بک بوخصوصده سزه اعلا بر رفیقدر .
 آموری کوردیککنز زمان بکا یازه جغکنز مفتعلاتن لری
 اونوتمایکنز . کیم بیایر شیمدی آمور نه قدر کوزللاشمشدر ؟
 ذاتاً اونک حسنی ، دکل هر سنه بلکه هر ثانیه آرتقمقده در .
 بوندن باشقه حالی ، اطواری ، اداسی ، شیوه کارلانی !
 کل ده مفتون اولما باقیم . بوکا انسان دایانه بیلیرمی ؟ دنیا
 بویا ! کیم بیایر نتیجه نهیه منجر اولور ، خویا بویا ! »

بهجت ۲۳ تموز تاریخیلی صوک مکتوبنده آجی بر
 اعتراف ایله بوتون خیاللرینه بر خط بطلان چکیوردی :

«... آموره دائر هپ بیلدکرمی سویله مەمی ایستور-
سکیز. اکر سویله مزەم بنی بوس بوتون جزایه محکوم
ایده جکسکیز، اویله می؟ پک اعلا، ایشته بن ده بیلدکرمک
جمله سنی سویله یورم... آمور ایله ماجرا بوتون عمو جه-
حسرتلرینک تونلرندن متشکلدر. یوقسه مادی برشیلر
دکلدر. نه حاجت، بونی سزده بیلیور و کوریور دیکیز.
بزده او طالع یاور نه کزر؟ خلاصه سی بر خیال ایله
وقت کچیرمکدن باشقه بر شی دکل. عمو جه ده او طالع
اولمش اولسه یدی هر شیدن فضله بودوزخ آباءه
دوشرمیدی؟»

بوتون دقتنی طو پالایه رق، خلیج-انله، صبر سزلقله
مکتوبلری او قویوب بیتیرن نزیه، شیمدی دالغین بر حالده
قارشى دیواره ایله شیرلمش بر فوطوغرافی لوحه-سندن
صاری بییقلى، حزین، متفکر نظارلى برکنجک یاواش
یاواش آریله رق حیات بولدیغنى، او جهنمی صیجاقلر
انجمنده بیک درلو اضطرابات معنویهنک تأثیریه زبون،
حاکمه قلبینک انظار حیات بخشى کوره بیلمکدن نومید،
نامتناهی سمانره کوزلرینی یأسله قالیدیردیغنى حس ایدیوردی.
بوکنج، آراتق مکتوبلرله اسکی معلوماتی برلشهرک بوتون
فاجعه حیاتى آکلادیغنى، اونکله شیمدی قابلاً برابر

یاشا-ی بی بهجت ایدی . قیزلرک تچو جفاغده یاشا-ایان
 بو محبت ، سناار کچدکجه یاشا-لانمرق ، قورتا-لرک بهجتک
 بوتون قوای متفکره-سنی مص ایله اوندن تغدی ایتک
 باشلاور . صوکره کج آدم استانبوله قالدجه ، برشی
 یاه مدقه هبا اولان استقبالی قورتارمق فکریله اوزرنده کی
 خفیف ، اوت خفیف ، لکن قیرماز علاقه لری آتمق
 ایستور ؛ فقط بر دفعه-سند ، طلب مأموریت ایچون
 ویردیکی عرسلی ایرتسی کون کری آلیور . ایکنجی
 دفعه-سند مجله مأموریتی اجرا ایدلیدی کون استغفانی
 ویریور . اوچنجیده آنجق بروسه یه قدر کیدیور ؛
 اوراده ، برته باشی خاطره-سی ، همان استغفایله استانبوله
 دوئمسی ایچون کافی . نزیه قضیاً امیزک بهجت بروسه دن
 عودت-ه کیدیسنه لوملر ، اعتلر ایدرک ، فقط دایانه میهرق
 استانبوله ابتدا بک اوغله اونلری ، اود عوتلر ایدیور
 کبی باقان قاره کوزلری کورمه کینمشد . لکن بوقاره
 کوزلر ، بو اوزاقدن انسانی چکن ، فقط یقیندن سعادت
 ویرمه ن قاره کوزلر صوکره اونی قولای عودت
 ایدیله میه جک یرلره ، بغداده ، اوصیجاق مملکته یوالایور .
 کیم بیلیر بو افتراق ، بو اغتراب اختیاری قلب ایله نه مجادلر
 نتیجه سی اولهرق قبول اولونمشدی ؟ واپوردن ، ایلک

اسکله دن همان کری دونولمه ملک ایچون کوستریان مقاومت
 کیم بیلر نه قدر کوز یا شلریله بسانمشدی ؟ شیمدی تزیه
 بوقطعی افتراقک او تنها فردالرنده کی یأس جامدی تخیل
 ایدرک تتره یوردی . بهجت بونی کتم ایدمه یور . دهـ
 ایلک مکتوبنده چیلدی مهنک ایشدن اونار یغندن بحث
 ایتمش . صوکره ایکنجی مکتوب قارمه قاریشـیق ،
 او مایوس و نالان فلسفه سیله روحنک برحالی کوستریورکه
 نه یاپه جغنده ، نه دوشـونه جکندده کندیسـی ده متردد در .
 اوافق بر سکس العمل ؛ ایکی مکتوبده براز سکون ، نهایت
 ینه تحسـر لر ، ینه او تپه باشی عالمـرینک تخیلاتی ، بوخولیای
 سعادت ، نه یه منجر اوله حقی بیلنه مین نتیجه ... فقط بونلر
 هپ خیال . «آمور» ینه دائر تکمیل بیلدکاری نی سویله ملک
 لازم کلنجه ، برنوحه خسـران ، برشـکایت طالع که تزیه
 آکلایه مدافعی بوقوت الـده کندیسـنک ده بر بازیچه اولدیغنی
 مرارته حس ایدیور . بوزواللی بهجت ، بوزواللی انسانلر !
 تزیه ایلک تأثیری کچنجه مکتوب یازمق نیتندده اولدیغنی
 تخطر ایتدی . براعتنای مخصوص ایله قلمنی حاضر لایه رق
 حقه یه باتیردی . فقط ، بوتون سویله یه جکـلری قلمـک
 اوجندن حقهـنک سیاه مرکبـه آقـش کـی ، کاغـده
 دیزه جـک برکـله بولـه یوردی . بویله بر مکتوبی ایلک دفعه

یازمه جقدی . انک زیاده اجتناب ایتدیگی نقطه کولونج اولمق
جهتی ایدی . قادیلارک ، کولونج بولدقاری بر آدمی هیچ
بر وقت سوده میه جکارینه اعتقادی واردی . فقط نه
یازمالیدی ؟ بوانی بیله مدیکی فرانسه زجه ایله مقصدینی
کوزلجه ناصل آکلاتمالیدی ؟

نزیه ، ابتدا القابده برخیلی تردد ایتدی . « عزیزم »
دیمکی ایلمک بر مکتوب ایچون پک تکلیفسز بولموردی .
ساده جه « مادموازل » خطابی بر عشق مکتوبنه یاقیشد .
یرمیوردی . « آثر » کلمه سنی پک سوردی . بونک ایچون
« مالکم » دیدی ؛ سوکره باشنه برادات ندا ، نهایتنه بر
عفت کتیردی : ای ملک عفت = O ange de chasteté
اولدی . مکتوب بویله تورکجه ، فرانسه زجه دوام
ایده میوردی . ابتدا تورکجه سنی یازدی ، سوکره فرانسه
جهیه ترجمه ایچون خیلی اوغراشدی . ذاتاً تورکجه نی
فرانسه زجه سنی دوشونوب . عقلنه کلن اغتیاره اویدیره رق
ترتیب ایتمشکن ترجمه مجبوریته یاده برخیلی دکیشدیردی .
فرانسه زجه سی عیناً ترجمه ایدلمک لازم کلمه ایدی شویله
اولوردی :

« ای ملک عفت ،

« اولاً ، سزه یازمق جرأتنده بولوندیغم ایچون
عفو کزی طلب ایدرم . سزه قلبی آچه جق ، تپه باشی

باغچه سنده کی ایلک تصادفزدن بری حس ایتدیکم تحسسانی
تقدیم ایده جکم . او تصادفی بلکه در خاطر ایدر سکنز .
نه ضعیف امید ! او کرن نه قدر جاذبه لی ، نه قدر متبسم
ایدیکنز .

• سزی کوروبده جمال سماویکنزه مقتون اولماق
ممکنمیدر ؟ خیال دلبرکز هیچ بروقت کوزمک اوکنندن
آرلمادی . سزک کی لطیف تبسملی بر کوزل مخلوقک
ظالم بر قلبه مالک اولمی تصور اولونه بیایرمی ؟ مادموازل
سزی سویورم . خایر ، سزه پرستش ایدیورم . سزی
کورمه دن اول روحسز بر جسد حالنده ایدم . بکا حیات
بخش ایدن شی کوزل کوزلر کزدن انتشار ایدن شعله
شباب و محبتدر . شیمدی سز بنم ایچون هر شیمسکنز .
یابن سزک ایچون نه اوله دغم ؟ هیسات ، اغلب احتمالکه
هیچ !

• بوگونه قدر سزه اولان محبتی اعترافه جسارت
ایده میوردیم . چونکه پک مستهزیسکنز . استهزالرکز
ایسه سکوئدن زیاده عذاب انکیز اولوردی . سزدن
قاصق ایسته دم . فوق الطبیعه بر قوت قابمی آیاقلرکزک
آلتنه سور وکله دی . دیزچوکه رک بردها اعتراف ایدیورم .
سزی سویورم . بو عشق صافی بی قبول ایدیکنز .

« سوکیم ، سزدن یازمغه مساعده دن باشقه برشی
ایستهئم . بی یالکز یازمق متلی ایدیهیلیر . اکر جواب
ویرسه کز برقاب جریحه داری قورتاررسکیز . بومکتوبده
بر چوق غربب جملهلر . بر چوق خطالر بوله جقسکیز .
بو غرابی فرانسزجه ده کی وقوف جزیمه باغیش لایکیز .
آه حسیاتمی حقیله افاده یه مقتدر اوله یاسه یدم ، یمین
ایدرم که متأثر اولوردیکیز .

« سزدن باشقه برشی دهر جالیده جکم . بی تردده براقیکیز ؛
نافله یره امیدده دوشورمیکیز . اکر برینی سویبورسه کز
(قیزارمیک ، چونکه محبتسز چکن زمانلر ضایعدر)
بو عشقی زوالی قلبمده اخفایه سهی ایدهرک سزک مسعود
بر حیاته نائلیتکزی تمنی ایدرم . سزک ایچون دائماً بر محبت
برادرانه یه مالک اوله جنم . بر عاشقانی صیقمقدن اجتناب
ایدرسه کز بر برادر ککنی قبول ایتزمیسکیز ؟

« ملکم هر حالده بوکاجواب ویرمک غایتنده بولونکیز .
باغچه نك تنها یوللارندن برنده یره دوش-وره جککیز کاغدی
آلهرق حیانتک نهایتنه قدر طالعمی تعین ایده جک اولان
اومکتوبی حفظ ایده جکم . اکر بوجواب هم برنجی هم
صوکچی اوله جقسه بنم ایچون مقدس و حزین بر یادکارده
اوله جقدر .

تزیه بومسوده بی بلکه ایچنده کی املا یا کاش-لرینک
 مقـدارنجـه او قودقـدن صوکره تبییضه باشـلادی . کاغـد
 اتخـابی ده کـندیسنی یوردی . چیزکیسنز ، کوزل
 مکتوبلق کاغـدلرک برنجیسنی ، سطرلرک ایگری کیتیمی
 مناسـبتیلـه ییرتدی ، دکیـشـدیـردی . یازیـلری اویدیره
 میوردی . کی میسنده ده سـطرلرک کله لری ، جـسـامـتـجـه
 مساوی اولمیوردی . نهایت عادی بر چیزکیلی کاغـداوزرینه
 راست کله یازمقدن باشقه بر چاره بوله مادی ؛ یازدی ؛
 ظرفه قویدی ؛ قاپادی ؛ جنبه آتدی ؛ آرتق بوتون امید
 سعادت بونده ایدی .



یا لکنز مکتوب یازمقله هر دورلو مشکلات ازاله
 ایدلن اولیوردی . اگ ابتدا ، نزیهی مکتوبک صورت
 تقدیمی دوشوندیردی . ناصل ویرملی ؟ بونی یا کسیدی
 ویرر ، یا باشقه سی ایله یوللایه بیایردی . فقط کی مکه وزده
 یوللامالی ؟ طبعی قیزلر مر بیه لر یله برابر او تورورکن
 غارص-ونه ویروبده کوندره مزدی . اولرینه یوللامق
 هیچ قابل دکلدی . باخص-وص بونلر ایچون بر چاره
 تسویه بولونسه بیله ایزمارو مکتوبی یا بانجی برالدن آلمجه
 کیمدن کلدیکنی بیله میه جکدی . بو حالد نزیه کندی ایله
 ویرمکه مجبور اولدیغنی حس ایدیوردی . شیمدی .

تپه باشی باغچه سنده ایمشده مکتوبی همان ویره جگمش
 کبی دوشونیوردی . خایر ، جسارت ایدهمیه جگدی .
 مطلقا بش آتی بیرانک معاونت خیرخواهانه سنه احتیاجی
 اوله جقدی . نزیه بوجرأتی بیرالردن آله جغه امین
 اولدقدن صوکره طرز تقدیمی سوسله مکه چالیشدی .
 مخیله سی بونک ایچون کندیسنی یورمادی . بوقولایدی :
 ماری ایله ایزمارو آشاغیده ، آرقه یوللرده پیاسه
 ایدرلرکن ... کندیلرینی اوزاقدن تعقیب ایدن نزیه
 اطرافده کیمسه اولمادیغنی کوروخجه یاواش یاواش یانلرینه
 یاقلاشه جق ، کمال احترامله برده وهرانس یاپه جقدی .
 سویله یه جکی فرانسه زجه لری بیله تعین ایدیوردی . ابتدا
 بر « پاردون مادموازل ! » ، صوکره معیندار بر تبسمله :
 — الکیزی اوزاتیرمیس-کیز ، مادموازل ؟ ایشته
 سنزه بر مکتوب .

ومکتوبی آلان کنج قیز کیمدن اولدیغنی سورونجه
 ینه اکیلهرک :

— قولکزدن !

دییه جک ، نهایت ، اوح نهایت ، خلج جانلر ، مسرتلر
 ایچنده اوزاقللاشه جق ؛ کوشه دن صاپه جفی زمان باشی

چویرنجبه ماری ایله ایزمارونك مکتوبی کوله کیره
 او قودقارینی کوره چکری . شیمیدی یاتاغك ایچ
 وقته قدر بو خولیا لره . ملذذ اولان نزیه . بومکتوبی
 کوله رك او قویان کنج قیزلری صحیحاً کوریوردی .

مکتوبی تقدیمه تشبیدن اول دباپولولرك استانبولده
 اولوب اولما دقارینی قطعاً او کرئمك لازم کلیوردی . بونك
 ایچون نزیه بر کره تپه باشی باغچه سینه کینمکه مجبور دی .
 حاضر بازار کرنی اقشام اوزری تپه باشنده او پرت قو .
 میانیه سی بوقاس اوینایه جقه دی : هم باغچه یه کیدر . کچ
 وقته قدر قیزلری سیر ایدر ، همده صو کره او یونی . شو
 محمود بلك قولجه مادام ساندرونك پك مشهور اولان
 بوقاسنی کوروردی . احتمالکه یان یانه تصادف ایدرلردی .
 احتمالکه ... احتمالکه ... بهجت نه دوغرو سوبایوردی :
 — دنیا بویا ! نزیه ده شیمیدی « تصادف بویا ! »

دیوردی .

بازار کرنی باغچه یه کچ کیندی . باغچه براسکی آتسا
 کی کیدیسنه کولومسیوردی . اولدقجه ده غلبه لوق واردی .
 نزیه بر کره دولاشدی : کندی یرلری بوشدی . اوتور-
 دی . فقط قیزلرك ماصه سی طایمادیفی ایکی اختیار قادین
 طرفندن اشغال اولونمشدی . باغچه کیندکجه غلبه لقلاشدی .

دیاپولولر کورونمادی . عجباینه آطیه می کیندیلر ؟ ایکی
 اوچ آی انتظاره راضی ایکن کوردیکی برامید اوزرینه
 شیمدی طلبکارلی آتمشدی . صبرسنزقله قالدی ، هر
 طرفی دولاشدی . کیمسه یوقدی . آرتق مأیوس ،
 عودت ایدیوردی ، بردن بره ، قاپدن کیردکلرینی کور-
 دی . قیزلر باغچه یی دولاشمغه باشلادیلر . نزیه تعقیب
 ایتدی . فقط قای ایری ، بطی ضربه لرله کوکسنی راحتسنز
 ایدیوردی . بر ایکی کره دولاشدیلر . صوکره قیزلر
 تیاترونک اوکیده آرقیه دوغرو بوش برماصه بوله رق
 اوتوردیلر . نزیه ده بورادن آریله مادی . چوق کچمه دن
 یانلرینه والدلر یله پدرلرینک کلرینی کوردی . بونلرک
 یوزی کندیسنه قارشى اولدینی حانده ایزماروسنی یالکز
 آرقه سندن کوره بیلوردی . نزیه بوقربیتدن اوقدر مست
 حظوظ ایدی که ساده جه بونازک اگسه لری سیر ایده بیلیمک
 کندیمی ایچون کافی بر سعادت کبی کلیوردی . کئولک
 ویردیکی بر حفظ موقت سعادتنی بوتون بوتون تزیید
 ایدیوردی . یاصالاندینی اسکمله نک اوزرندن بوتون
 باغچه یه حاکم بر نظرله باقیور ، بوراده ، مسعود و پرخولیا ،
 بوتون انسانیت ایچون قلبنده بویوک بر محبت بولیوردی .
 شیمدی باغچه نک غازلری یانمشدی . غروبک یادکار

براق دینی محضر ، باغین ضبار آره آنده بولمه لر بر حزمه
 نشاط کی انتشار ایدمك تا باغچمك آسماغبارینه دوغرو
 نیم ظلمت ایچنده تموج ایدن شایقه لر ، قورساتلر اوزرینه
 بر ديك زرین سرپوردی . باغچه آرق پك زیاده دولمشدی .
 صوك بر پیاسه آرزوسی هر کی اودار ، متحرک حلقه لك
 آغوش جاذبه آتیوردی . تزیه کوزی اوکدن بوتون بر
 حیات کی منور و سیاه رنگلرله قاریشیق . کوزل . چرکین
 کچن بوغابه لی آرق آیری آیری تفریق ایدمك . نیم
 قارا کلقلری ایچنده پراحتشام بر هیئت کسب ایدن باغچمك
 سویله آیری برکوشه سنده ، یالک زلفی حس ایتمدن .
 مسعود اولوردی . قای ، برانکشاف نیک بینانه ایله
 عشقی ، المارینی سویله جهك بر محرم اسرار آتیوردی .
 ویا لکن ، آغاچلره ، یوللره ، قوملره ، فادرلره اعتدال
 سمادت ایدمك بو طبیعت محیطه قاریشور ، باغچمك
 هر ذره سنه حیاتندن ، قلبندن بر پارچه اشريك ایدیوردی .
 دالغینا قندن قور تولدینی زمان قیزلرک یرلرندن قالمش
 اولدقلرینی کوردی . بو ، بویوک بر مصیبت ایدی . چون
 کنه دیلرینی تمقیب ایدمه مش ایدی ؟ بوقارا کلقده ، بو
 قارغه شه نقده باکجه بر فرصت دوشردی . اوت بلکجه ایز-
 ماروسنك قولی صیقه بیایردی ! قیزلری باغچه ده بولاق

ایستدی . فقط بوقدر غلبه‌لق ، قارا کلق ایچنده بوقابل
دکلدی . باغچه دن چیقمش اولمالری احتماله مبنی آرقه .
لرندن یتیشه بیلمک امیدیه کندیسنه غنیف بر صورتده
یول آچهرق تالاشله طیشاری چیقدی . غلطه سرانی ،
بیوک پاسته‌جی ، حلب چارشوسى ... نزیه بورالردن
سرعتله کچور ، کوزی قالدیریم اوزرندکی غلبه‌لقد
ایزماروسنی بولغنه خواهشکر ، دائما ایلریایوردی . اغا
جامی ، نهایت زانی اجزاخانه‌سی ... ینه کیمسایه تصادف
ایدمدی . اشغییه دوغرو اینن سوقاق‌ده تنها ایدنی .
بو حالده دیا پولولرک هنوز عودت ایتدکلرینه حکم ایتدی ،
ممکن اولدیغی قدر اوزاق‌ده تصادف ایله تعقیب لدتی تمئید
ایچون ینه سرعتله دوندی . سیتیه دو پرانک اوکیده قیزلرک
کلدکلرینی کوردی . کمال مسارعتله یول ویردی . جسارت
ایدوب ده کوزلرینی قالدیره مامشدی . فقط کندیسنک
یول ویرمکده کی بو استعجالنه ، حالنک پریش‌انلغنه دقت
ایتمه‌مش کی داوراندقلرینی حس ایتشدی . مع مافییه هیچ
تردد ایتدی . اقشام غلبه لغنک حمایه مساحه کارانه‌سینه
التجا ایدهرک درت بش آدیم کریدن تعقیب ایدیوردی .
قابل اولسه اوقدر یاقلاشه‌جق ، سوکیلی ایزماروسنه اوقدر
یاقلاشه‌جقدی که اونک او مر حمتسنز قلبنه کیره‌رک کندیسى

ایچون ، زوالی نزیه ایچون اوقابی خاچانه کتیره چکلی .
 شیمدی نزیهک باغچه ده کی شطارتی یاواش یاواش ملانی
 بر حزنه انقلاب ایدیوردی . یوقاریدن کلن غلبه افه چار-
 پهرق کچه بیان البسه لرك رفرقه منبرینه ، آراق او غنارچی
 قیوریق ایپکری فرق ایدلمین صاریشین آگه-نك .
 قومرال صاچارك هوای صمیمیتنه دالهرق ایلری یوردی .
 اجزاخانه یاننده کی سوقاقلک باشنده قیزلر بریلدی که تصادف
 ایله دور دیلر . بوراسی باندیبه تنها ایدی . نزیه غارمه-نك
 دائرة تنویرنده یاپه یالکز دورمه-قدن احتراز آبراز کری
 چکلمدی . دایندیغی دیوار دیدن : آزاوته ده کولوشن ،
 بر چوق لاقیر دیلر بولان قیزلری ، ایزم-اروشنی سیر
 ایدیوردی . بو اوزایان تمانا آره-سندده بهجتی درخاطر
 ایدی-ور ، احتمالکه اونك ده شیمدی شو دور دینی
 نقطه ده کندیزی کی بر نکاهه ، بر تبسمه عرض افقار
 ایدرک بکله مش ، کونارجه ، کججه لرجه بکله مش
 اولدیغی ، احتمالکه شیمدی ده بغدادده بوقاره کوزلرك
 بر نکاه تسلیمتی خیالنده احیا ایدم-یلمك امیدله متحسر
 قالدیغی دوشونوردی . بهجت بو نکاهه ، بو تبسمه
 نائل اولمش ، اوکا لطافتنه دیوله-می-حق بر تبسمه
 آدیو دینلمش ایدی . حالوکه نزیه ، او هیچ بر شینه

نائل اولیوردی . حتی تیاتروده اسکله سنی چکرکن ،
 حتی سوقاقده کمال استعجال ایله یول ویررکن بر مرسی
 دینلمیوردی ؛ قاش چایلیور ، تکدیر ایدیلیوردی . او
 حالده التفاتلریله ، تبسملریله انسانی مسعود ایدمهین ،
 فراره مجبور ایلهین بو قیزلر ، بو خفیف ، مذهب
 کلبلر کنديسینی نه یایمیه جقلردی ؟ احتمالکه بهجتی آرتق
 عقلنه بیله کتیرمه دن ، زواللی بر حیاته نه قدر منحوس
 بر تأثیر اجرا ایتدیکنی دوشونمده دن ، کنديسی ایچون
 آلتی سنه لك بر ملازمت عاشقانه ایله بوتون ترقی ، تفیض
 امیدلرینی فدا ایدن ، نهایت قاچان او کنجه آجیمیه رق
 شوراده ، شو سوقاق باشنده راست کلدیکی آدم لرله
 کولوشن ، دمنجك باغچه ده بر کون اول اطه لرده
 اکلنن ماری ، اوکا ، بوراده یول کنارنده بر دیلنجی
 کبی ، کوزو کمه که جسارت ایدمه یه رك ، عائله سنك او
 صیجاق سینئه محرمیتدن اوزاقلرده بکلهین نزیهه ایزما -
 رونك ده عاقبت التفاتی آکلاتیوردی ؟

نزیه اورادن پك مایوس آیرلدی . شیمدی کنديسینی
 بوغه جق کبی هر طرفدن هجوم ایدن غلبه لق ، قارا کلق ،
 دکانلردن فیرلایان آیدینلق آرمه سنده هر بری ، بر ایشه ،
 بر مقصده کیدن پزامل و امید آدم لر ایچنده الیم ، درین

بر یالکیزاق دویهرق ، بوتون کوردیکی یالنجی چهره لرده
 بر معنای خصومت ، بر برودت حس ایدمك كندیسنی
 جریانہ ترك ایتشدی . قارتی اوجوزجه دویوره جق تمیز
 بر لوقظه آزارکن نزیه ، کندینی سراجخانه باشنده کی
 اولرینك اوشطارتلی سفره سندن بویله آیری براقان
 احتیاجی دوشونیور ، ایزمارو کندیسنه بر اثر ارتباط
 کوسترمدکن ، ایشه شیمدی یه قدر قطعی هیچ برشی
 یامادقـدن صوکره بورالرده نه ایشی اولدیغی کندیدی
 کندیسنه صوریوردی .

نزیه تیاتروده بر دورلو راحت ایدممدی . گله لری
 محتمل اولان قیزلری کورمك امیدیه اوچ درت دقیقه ده
 بر آرقه سنه دونیور ، فقط نومید اولیوردی . شوتصادف
 کندیسنه هیچ یاردیم ایتیه جکمیدی ؟ آه ، بورالرده بویله
 قرق یلمده برککله برشی حاصل اولامازدی . هراقشام
 تیاترولرده ککلی ، هر زمان اطه لرده ، بوغاز اینچلرند .
 ماله لرده کزملی ، کزه یلملی . اووقت شبه سز دیاپولولره
 صیق صیق تصادف ایدر ، یزه بوتصادف اولارك آراسنده
 بروسيله معارفه پیدا ایلمه یایردی . فقط برکیجه تیاترویه
 کیده بیاك انچون پدرندن مساعده آلمه مجبور بولونهرق ،
 اك اوفاق بر مصرفده بیه اقصادی دوشونهرك کچره چکی

حیات ایلہ قیزلرہ البتہ چوق تصادف ایدہ من ، البتہ
اونلرک محبتلرندن محروم قالیردی . فقط نچون ؟ باشقہلری
بول بول یارہ خرج ایدہ بیایرلر ، ایستدکلری کبی کزیرلرکن
نزیه نچون بونلردن محروم اولاجقدی ؟ نچون ؟

پردہ آراسنده ضعیف برامید ایلہ باغچہنی دولاشمغه
قالقدی . دیاپولولر یوققدی . بر حس قبل الوقوع
کندیسنی آرقہ یوللرہ سوق ایدیوردی . اورادہ تصادف
محقق ایمش کبی مسرتلہ همان یوریدی . اوزاقدن ایشتیکی
چنغراغک دعوتنه سرعتلہ اجابت ایتدیکی صیرادہ بو
یورغونلق ، بو بوشہ چیقان امید کندیسنه : — عجبا ،
دیدیرتیوردی ، ہپ بویلہ واہی امیدلرلہ می کندیمی
آلداتیورم ؟

ایرتہسی کون آغوستوسک اون یدیسی ایدی . بو
حالدہ مکتوبی چارشنبہ دن اول ویرمک لازم کلیوردی .
چونکہ دوتنہ کونی قیزلرک باغچہیہ کلہملری پک محتمل
اولدینگی کبی ایرتہسی کون دہ بلسکہ یورغونلق مناسبیتلہ
ینہ کلہملریدی . فقط نزیه تشبہہ قطعی برقرار ویرمک
لازم کلنجه ترددلرہ قایل یوردی . حتی بوپازار آفشامنک ،
تیا ترو کیجہ سنک محزون تفکرلری ایلک کونلرک اعتماد
قویسنہ برضربہ اورمشدی . بوتردد ایچندہ بازار ایرتہسی

کونی کجای . انکن صالی کونی نریه تحمل ایدمیدی .
مکتوب ویرمک برچوق عذابلردن ، تداکیرلردن سوکره
بولونمیش یکانه برامید ایدی . بوندن وارنیکلک بوتون
عشقندن نومید اولمق دیمکدی . هم قورقه حق . چکیمه حاک
نه واردی ؟ تنهاده قیزلرک بانه صوقولمق کوچ برشیمیدی ؟
ایسه لیلر زورله طوتوب اوپدکن صوکره !

نریه قیزلرک کچ کادکلرینی بیلدیکی ایچون باغچه یه برار کچ
کیندی . ارالر کاجیه قدر برایکی بیرا ایچمک . ده
زیاده قوت ، جسارت بولمق ایستایوردی . فی الحقیقه ،
ابتدا آتش و یق ایدوب ده تام وقتنده براقوب قاجیه برن
لافزن آرقاشلر کی بیرالر ، تعدد ایتدیکجه ویردکاری
نصیحتلرله نریه ایچجه جسارتلاندیریوردی . نریه توزلو
مرمر ماضیه دیرسکفی ، الهده باشنی دابایه رق بوتنها
باغچه دن اوزاقلاشیوردی . خیالی کمدیسنی اویله شن ،
جاذب یرلرده دولاشدیردی که بوتون قورقولرینی ، یأسلرینی
بوراده براقهرق ، قیزلر کلدیکی زمان امیدپرور و مسعود
بولیوردی . فقط قابنده برأزیکلک کی حس ایتدیکی
بواضطراب ، دقیقه لر کچدیکجه ، قیزلری قارشیمسناه
کورده کجه زویدینی بوعدم خشنودی نهدن نشأت ایدییه ردی ؟
مکتوب ویرمک زمانی تقرب ایتدیکده ایدی . حالوکه

تزيهڪ بوتون اعتماد لري، جسارت لري برر برر ڦيريل يوردي.
اوح، قارشيدسندہ آراده قاش چاته رق ڪولوشن، اڪلهن
بوقيزلر او قدر خفيف، او قدر مستهزي ايديلر ڪه بونلره
جدي بر عشق دن بحث ايتمك، همده ناصل بحث ايتمك
يارني! اويله برمكتوب ايله ڪه... نزيه شيمدي ژا ڪتنمك
قاي اوزرينه تصادف ايدن چينده، ڪو ڪسنمك ضربانيه
صاللان مکتوبندن، اويڪانه اميدندن اوتانيوردي.
عجبا نصلي تاق ايديله جڪدي؟ باقم، آلهه جقمي؟ يوقسه
پارچه پارچه ايديلوب... نزيه آشاغي سني دوشونميور،
ڪنديسنه جسارت ويرمك ايس تيوردي. قيزلر خفيف
اولمقله عشق دن بي نصيب اولمالريمي ايجاب ايدردی؟
بونلڪه برابر نزيه سوه بيليرلرميدي؟ بوقدر زنڪين،
شيق، ظريف ڪيجلرله ڪوروشورلر ڪن اولري سوميه.
جڪلرده قارشيلرنده بدلا ڪي باقمقن باشقه برشي بيلمهين
شومكتبلي، اولرجه شورچو جو غيمي سوه جڪلردی؟
فقط نيچون اوبويله عادي، ڪولونچ برموقعده قالپور؛
نيچون باشقهلري برموقع ممتاز ومستأاجراز ايد بيليور.
لردی؟ نزيه ڪنديسني برموقعده بولونديران قوته لعنلر
ايديبور، باشقهلرندن آشغي بولونديغني اعتراف ايتمك
ڪنجا ڪنك بالا پرواز خولالريله پك آجي بر تضاد وجوده

کتیر یوردی . آرادہ بوضعتدن اوتانیردی . بوقدر
 کوچوک برشیده بو حویپا ، بوهر کسک بیلدیکی ، اکادیکی
 قیزلره بر مکتوب ویرمک ایچون — کیم بیلیر اونلر
 شیمدی یه قدر نه قدر مکتوب آلمشلردی — جسارت
 بوله مازسه حیاته کورستره جکی مردانکک نه اهمیتی قاله قدری ؟
 اودها نه مشککاری استخفاف ایدم جکاری . بو مختلف
 دوشونجهلر آراسنده نزه قیزلرک پیاسه یه قالقملرینی
 عادتاتمنی ایتیمه جک بر حله کلدی . مع مافیه کندی
 کندیسینی اوتانیروب جسارتلاندیرمک ایچون عادت
 یوکسک سسله :

— آه ، بر کره پیاسه یه قالقسه لرده ...

دیوردی .

دیابولولر نزهک مقصدینی آکلامشیلر کی اختیار
 مریه لرینک لذت مصاحبته دن آریلامیورلردی . ساعت
 اون بر بوچوق اولمشدی . نزه عودت وقتک کلدیکنی
 کورو یوردی . فقط بوکون مستثنا ایدی ، آزیجق دها
 صبر ایدم جکدی براز صوکره ماری ایله بویوک همشیره سی
 دولاشمغه قالقدیلر . ایزمارو یرنده اوتورو یوردی .
 هر زمان ماری ایله ایزمارو پیاسه ایدرلرکن بوکون
 نیچون بویله اولمشدی ؟ یوقسه ایزمارو نزهک ایرکن

عودت ایدە جەڭنى بىلەۋوردى دە كەندىسىنى مۇسكەن اولدىنى
 قدر چوق كوسترمك اىچوننى مەربەسەنك يەندە قالدى؟
 سەتەنك ازانە تەقربى كىرەن نەزە ھەن مەنۇنەنە عودت
 ايتىدى. كەندىسەنك نەزەندە بويۇك بىر يۈكەن قورتۇلمىدى.
 اويلە يا، تەسەدۇف ياردىم ايتسە ايدى مەكتۇبى اومۇلۇقا
 وىرە جەڭدى. فقط بوقۇل اولمىشى ايدى؟

نەزە، نەسەنە عودت ايدىن بىلەنمەن ايلە نەنە امىد
 بولدى؛ ايكەنچى مەكتۇبەدە نەلەر يەزدە جەڭنى دوشۇنمەككە
 باشلادى. اوقۇر كۈزۈل شەيلىر بولدى كە... آرتق
 ازمەرو سەنە نەلەر سويلەيە جەڭ. اونك اىچون كىچەلەرى
 نە قدر اويۇقسىز قالدىغى، كەندىسىنى بىر كەڭ جەڭ كۈرەمك
 اىچون آتەدە نەسل نەزەلاشەنغى. باغچەندە عودت ايتەكەن
 صەكەرە جەنەملىر اىچىندە قالدىغى آ كلاتە جەڭ... ھە،
 اوت، نە اعلە فەكر، بويۇك زەمانلۇردە مەدار تەسەيىت
 اولۇق، اونك اوقارە يەنە بىر نەزە بىر نەزە نەشە ايتەك
 اوزەدە بىر فۇتۇغرافىسىنى ايسەتەيە جەڭدى. بونى آلتەنچە
 ھەن كەندىسى دە بىر دانە تەقدىم ايدە جەڭ.... فقط ھەنكى
 رەسەننى؟

كۈچۈك، رەنكى قەدىرلە تەزىن ايدىن بون، مەشەنك
 جەنەننى سىر ايدەكەن نەزە بونى دوشۇنمە ھەن بىر رەسە

چیقارتمق نزمی حس ایندی . سوکیلی ایزماروسنک
طابنی یکی چیقمش رسم یوقدر کی سوغوق برسیله
طیبی رد ایده مزیدی . در حال سیاح فوطوغرافخانه
دوغره دوندی . ایزماروسی رسمی ویرمه سیله
فوطوغرافی اقباع ایده رک اوردده چبقاردقلرینی مقود
بکدن ایشدیکی رسمی آلابیلردی .

اوبره قنبک قارشیسنه قانبک بوتون نعلان امیدیه
کچن نزیه بوقیسه نایه لرده کندیسنه پارلاق نظریله باقن
ماکنهک برعالم حقیقت کوسته ریز کی آچیلان کوزی
آلاندن بوراده نایجه ، نه همان قویه جق برامیده
مربوط اولارق دوردیغی کوروخچه کندیسنی کولونج بولدی .
حقیقته آچیلان او مستهزی نظر شیعدی سیاه بر اورتو
ایله قپانمشدی . نزیه بوفر ق ایدر کی اولدیغی حقیقتدن
ینه مهجور قاهره ، پرخیال و امید ، طیشاری چبقدی .
ایرتسی کون نزیه قیزلری بولاجفنه پک امین
اولمادیغدن تپه باشنه کیتمه مشدی . اوکیجه ضیا کادی .
یمکده لاقیردی دونما تفصیلاتنه دآر ایدی . ضیا بوغز
ایچنک تزیناتی آکلاتیور ، نزیهک دایسی نشان طاشنده
مسافر کیتدیکی قوناقدی کی اکلنجی حکایه ایدیوردی .
بردن بره لاقیردی کی کسه رک نزیه دوندی :

— سزك ، اوچلرده اوراده ایدی .

دیدى ، نزیه اینانمادی :

— تحنف ، دیدى ؛ اوراده نه آریورلر ؟ یا کلهش .

کورمشسکزدرد .

— یا کلهشمی ؟ لاقیردی بیله ایتدک . خانه صاحبک

اوغلاری کندیلرینی یوقاری آلمشلردی . کورنجه « او ،

خوش کلدیکز ! » دیبه یانلرینه کیتدم . برءلا قونوشدق ،

ایچه اوتوردیلر .

نزیه شاشیرمشدی ، نه سویلهیه جکئی بیلمیوردی .

صوردی که :

— آرابه لری ، آشاغیده بکله دیمی ؟

— بکله دی یا ! حتی هیچ یانلرندن آیرمادی .

صالونه قدر کلدی . آرابه نرده ، یایان ! دهاده نه قدریر

دولاشه جقلمش .

نزیه اونازک ، اوکبار آیاقلرک بوتدر زحمته تحمل

ایده بیلمه لرینی بمکن کورمیه رک :

— تقسیمدن اورایه قدر قدر یایان ، ها ! دیدی .

بوسوزینه اوقدر دقت اولونمادی . شیمدی لاقیردی

دها ایلریلیور ، دایسی دوام ایدیوردی :

— اک کوچوکلری وار بردانه ، نه اویناق شی ،

هپسی اولایا زاناً ؛ باشنده کی صاحبی چکاسنک آلتدن
آغزینه قدر کتیردی . آغزی ایله طوته رق اوجارینی
ایکیه آیردی . صوکره بیق کی قیویره رق :

— اشته ، دیدی . بنده ارککم . سزدن فرقم وار ؟
ضیا ، بو فرقی قولانچ ، کوستره یله چک بر چاره
بولدیغنه سوزیورمش کی کولدرک نزیهک یوزینه باقدی .
فقط نزیه یاقیچی بر ندامت ایله کندی کندی کندیسنه اوم
ایدیوردی . دایسی اوکا برابر کیتمکی تکلیف اتمه .
مشمیدی ؟ دیمک کیتمهیدی ... اشته بوینه قاجیردیغی
فرصتک آجیسی اونک کوكسنی دارالتیور ، بوغوق بر
نفس آلدیرتیوردی . نزیه یالکاز بوندامت ایله مضطرب
دکادی . شیمدی قیصقاچاق ده اونی قهر ایدیوردی .
نزیه اونلرک برتبسمنه هرشیئ فدا ایتک ایسته دیکی حالد
بودیغ اولونورکن اوتوده باشقلرینه ، زدنکیلرک اوغلرینه
بوتبسم کمال مسارعتله بذل ایدلمشدی . کیم بیلیر اوکمنجلار
قیزلرله نه قدر اکلنمشلر ، ناصل شاقه لاشمشلر ، نه قدر
تند ایتمشلردر ؟ احتمالک قیزلرک بر امید ازدواجه
قابله رق کندیلرینی تسخیر ایچون دورلو عشوه ازلقلرده
بولونوشلرینی قلاباً استخفاف ایدلرک اونلری ، نزیهک
تقدیس ایتدیکی اوسوکیلرینی یالکاز براز کولو شمکه ،

وقت کچبر، که یارار بر اکلانجه کی تاقی ایتشلر، صوکره
آرقه لرندن بر عدم تنزل طوری ایله :

— پك چنكانه ، پك اویناق شیر !

دیمشلردی . نه ایدی اوکنجیلرده کی بوامتیاز وقوت که
کمدیلرینی ، نزیهك دنیا ده مافوق الامل بولدینی قیزلری
استخفاف ایده جك بر مرتبه یه اصعاد ایده بیایوردی ؛
ونزیه بوندن محروم ایدی ؟ اونلر قیزلره جزئی برالتفات ،
برتمایل کوسترسه لر کیم بیلیر ناصل مقابله کوره جکلردی ؟
بو حالده بو قدر قوتلی ، جاذب رقیبلره قارشى اوغراشمق ،
او قیزلرک محبتی ، قلبی کنديسنه حصر ایده بیلمک بو
مکتبلینک ، بوزواللی نزیهك حدیمی ایدی ؟ اونک بوتون
قابیله مشتاق اولدینی بونعمتلر باشقه لرینک نصیبی ایدی ؛
نزیه بونلردن بر حصه آله مایه جقدی . بر رجب بکک ، بر
زنکینک اوغلی اولارق دوغما دینی ایچون ، اوت یالکیز بونک
ایچون — چونکه مدار رجیحان اولق اوزره محبت ،
کنجلك ، یاقیشیق لیلق آرامایورلردی — حیاتی ابدی بر
محرومیت ایچنده کچه جك ایدی . بو حیاتک بوتون ذوقلری
باشقه لرینک آياقلری آلتیه سریله جك ، کنديسنک حصه سنه
ایسه بودنیاده بر خسران ، ابدی ، یاقیجی ، قهر ایدیجی
بر خسران دوشه جکدی !

ضیا ایله نزیه اوکیجه بر چوق دردلاشدیلر . ایکسی ده
 کندی دوشونجهری آکلاتمق هوسنده ایدی . بربرار
 پک طاتلی ، پک دقتلی دیکهدیلر . بربرلینه جسامت .
 امید ویردیلر ، نزیه اهمیتی برشی اولورسه همان ضیای
 کوروب خبر ویرمکی وعدایتدی . اوده مکتوب ویرمکدن
 هیچ اجتناب ایتمهسنی توصیه ایلهدی .

ایرتهسی کون صبرسنزلقدن ساعت دو قوز بوچوقده
 نه باشنه چیقان نزیه ، باغچه نك کوشه سنی دوزکن سوقاغی
 خنجاخنچ بولدی . بر غلبه اق یولی قاپاوردی . هر کسده
 برتلاش واردی . هر کس برشی آکلاتمق ، او کرنامت
 احتیاجیله یئنده کیه بر چوق شیر سویلیور ، سوریوردی .
 فقط نه واردی ؟ هیچ ، نزیهجه برشی یوقدی . یالکاز
 غزتلر ایچون « تپه باشی قضای فجی » سرلوحه سنه مدار
 مقال اوله جق بر حاشه ، دردست آتام بر بنانک بردن بره
 چوکسی ، ارن ، ارنش کشیک انقاض آلتنده ازمسی ...
 نزیه یوای قاپان بو غلبه لغه قیزارق مشکلات ایله آراسندن
 کچه بیلدی .

باغچه حقیقه تنه ایدی . چالنی آرتق بوکون پک
 مناسبه سنز تاقی ایدیله رک تعطیل اولونمشدی . روم غارصونلر
 الماریله ، باشلریله اشارتلر باهرق ، تالاشلی حائلرله قضای

ینه بر برلرینه حکایه ایدیورلردی . نزیه بواقشام کیمسه نك
 رغبت ایتدیکی باغچه ده یالکیز ، مأیوس ، دولاشیرکن
 یوروجی ، اوزوجی امیدلر آرقه سنده قوشمه قدن ایسه بویله
 بر آنده ییقیلان بر بنانك آلتنده قالمه نك ، ازلمه نك دهایی
 اولابیله جکئی دوشونیوردی .

اون بر بوچوغه قدر بکله دی . دیاپولولرک بوغابه لقمه
 یول بولوب ده کچه بیله جککاری نی امید ایتدیکندن عودت
 ایتک اوزره ایکن قانی طرفنده والده لریله پدرلرینی کوردی .
 ایکی ساعتدی بری طویلانان آرزوی رؤیتک بردن بره
 فوراندن متولد بر استعجال ایله تیاترونك آرقه سنه کچدی ،
 حوض باشنه ایندی . قیزلره بوراده تصادف امیدینه
 قاپلمشدی . فقط بوکون بالقلر حوضه یالکیز ، مأیوس ،
 دیکله نیورلردی . نزیه شدتلی بر حرص بکا ایله ، آزیحق
 دیکله نوب دونمک ایچون یرینه کلدی . اوزمان دیاپولولرک
 قاپیدن کیردکاری نی کوردی . باغچه نك تنهائی ایچنده
 شطارتلری بوتون بوتون آرتمش کبی ، فقط دیشاریکی
 حادثه ایله بر پارچه مشغول ، کلیدلر ؛ نزیه بوتون بو
 چکدیکی اوزونتیلرک ، بهوده عذابلرک ویردیکی حرص
 ایله ایزمارونك یوزینه باقدی . ینه بر چین اغبرار ...
 اوشیمدی بو حرصک تاثیریه وحشی بر آرزوی مجادلهیه

قایاوردی . مغلوب اولماق . بامکس بو آلاچی . بو
 خفیف قیزی مغلوب ایتک . اوکا عشقک بوتون اشکنجه
 لرینی چکدیرمک ایستیوردی . اونه قدر قاش چاتارسه
 چانسین ، نه قدر تکدیر ایدرسه ایتسین مکتوبی ویره جک ،
 بریسندن فائده کورمنسه بر دانه ، بیک دانه ده
 ویره جک ، اوت نهایت موفق اوله جقدی . دییاده بر
 چوق حقسنز قوتلر اونی بر چوق محرومیتلر اینجده
 بولوندورورکن تزیه بوتون بو محرومیتلرله برابر کندیسنک
 شدت عزمی ، متاتی . ثباتی سایه سنده موفق اولاجق
 و اووقت بحق غلبه چالیدی بو حقسنزاق علمه بر نظر
 غرور و افخارله باقه جق ، انتقامی آلمش اوله جقدی .
 ساعت اون ایکیه قدر کچن دقیقه لر تزیهک بونیتلرینی
 برر برر محو ایتدی . اذانی بش کجه ، ینه مکتوبی
 ویرمهکه فرصت بوله مادن ، آرتق عودته راضی اولورکن
 ایزماروسنه قارشى بو طغیانندن ندامت ایلیوردی .
 شیمدی قاپیدن چیقارکن باشی چویره رک ایزماروسنک
 آرقه سندن باقدیغنی کورسه بو تصادف اوکا بوتون مقاومت ،
 غلبه آرزولرینی ترک ایتدی . جکسی . لیکن ایزمارو
 کندیسنک قالقوب کینه دیکنی فرق بیه ایتمه شدی ،
 قاردهشلرله آلاینه دوام ایلیور ایدی . امید ایتدی

بوانر تمایلی کزده مین نزیهك قلی اوزمان بوصمیمی نظر
التفاتیه احتمالهکه هیچ بر وقت نائل اولامیه جغنی ، بوتون
او کنه دیسی ایچون تاقی ایتدیکی آثار محبتك هپ
تصادفی ، طبیعی شیلر اولاییله جکنی دوشونهرک جریحه دار
اولدی .

ایرتهنی کون نزیه تپه باشنه کینمك ایچون پاه
بوله میوردی . آطه سیاحتی ، احتیاطه رعایهٔ پشین
ویردیکی فوطوغراف مصرفی کنه دیسی آیشیق بولوندی
قرائخانه دن آریله مامغه مجبور ایدیوردی . او کونی
بویوک بر اشکنجه ایچنده کچردی . بزیك مارکوزلری
کنه دیسیله اکلیورکی معنیدار بر چیتدی ایله قاپایوردی .
هله بکله دیکی ماچه قیزلری مستهزی بر کوز قیرپیشه
قارشیسنده کنه قاچهرق اورادن ، قارو واله لرینك
آغوشندن کولیورلردی .

نزیه یارینکی بازار کوتنی ده بویله قرائخانه ده کچیرمه
محمکوم اولدیغنی دوشونهرک بر قات دهه مضطرب
اولیوردی . بو اوزونتو ، بو هر کون باغچه ده دوام
مجبوریتی اولماسهیدی شیمدی شوراده نه راحت راحت
اوتورده جق ایدی . تپه باشی باغچه سینه بویله هر کون
ساده جه بردوام بیله کنه دیسی ایچون بو یولده بر

فداکاراق تشکیل ایدرکن بوکا مقابل نهیه نائل اولیور .
دی ؟ باقیه . قیزلر بونلری سادده چه بر تقدیر بیه
ایدیورلرمیدی ؟ فقط اراکوچوک ظرفی ایچنده صبر-زافله
تیرمهین مکتوب اونو بو ملاحظه لر دن آیرارق باشی-یه
کینمک آرزوسنی ویریوردی .

پازار سکونی غلبه لته-دم ذاتاً بر شی بایه مبه جغنی
بیلدیکندن ، کیده مدیکی ایچون نزیه او قدر اوزولمادی .
فقط بازار ایرتسی ایچون بر چاره بولمق لازمیدی . او
اقشام تصادف ایتدیکی ضیا بوچا دی بر مجیدییه صورتنده
تدارک ایتدی .

نزیه ایرته سی کون بر بارچه کجکدیکی اویوندن قورتولانجه
وفادن اون قباننه اینه جکی زمان یاقه لغنک کیرلی اولدیغنی
تخطر ایتدی . بو کیرلی یاقه لقله می بک اوغلنک ، استانبولک
بوتون کبار ، شایق کنجاری طرفدن او قدر هو-سارله
سویان بر قیزی ، ایزماروی مفتون ایده جکدی ؛ دکی شیرمک
ایچون اوه قوشدی . فقط یاقه لقلر ده بوکون قولاجییه
کیتمشیدی . او وقت بردن بره حرت ایتدی . فصل ،
بزده هیچ بر او قادینی کورولمیه جکمیدی ؟ ایچون بونلر
وقتیله دوشونامیور ، وقتیله قولاجییه کوندولموردی ؟
حرصندن تیرمه یه رک ، قارشیسنده کباری تذلیل ایچون

ایسته دیکي قدر شدتلی برکله بوله میه رق او طه سنه چکیلدی .
 اوت ، نه سویله سه حقی واردی . کندییی بوقدر اهامل
 اولنلیمیدی ؟ اؤک ایچنده بوقدر فضیله می کایوردی که
 کندیسنه هیچ دقت ایدلمیور ، باقلمیوردی ؟

بو آن حدت چوق کچمه دن زائل اولدی . اووقت ،
 بو عکس العمل اثناسنده ، تپه باشی باغچه سنده ، سودیکی
 بر قیزه اکتوب ویره جک نزیهک بر کون اول طاقدینی
 یاقه لنگه کیرندن محجوب اوله جغنی دوشونه مه مک کبی
 بویوک بر قباحته بولونان والدسی و همشیره سی ایچون
 روا کوردیکی سوزلردن اوتاندی . آراده ، جان صیقچی
 بروضوح ایله لمعان ایدن برضیای حقیقت بردن بره کوزی
 اوکنده برقاج آیلق ماضی یی و بر قاج کون صوکره کی
 استقبالی تنویر ایتدی ، کیدی کندیسنه :

— صوکی نه اوله جق ؟

دیه صوردی . اوت ، صوکی نه اولاجقدی ؟
 تابغدادک جهنملر کبی محرق صیجاقلری ایچنده قاورولمش
 بر خیال نزار ، اوزهنندن هیچ چیقاره مادینی بهجت ،
 بو استقبالی نزیه سه ویلیوردی . بو استقباله و داد کبی
 صنفدن دونملر ، محرومیتلر ، اوزاق یرلره کیده رک صوکره
 دونوب کله لر ، بو کونکی کبی اک محترم شفقتلری رنجیده

ایتمه لر ، هرشی ، بکله دیکی ، امید ایتدیکی سعادتلردن باشقه
 هرشی واردی . ایشته بهجت کوچوکلانکندن بری ماری نی
 سومش ، کوزی اوکنده بویودیکنی کورمش ، اونکله او قدر ،
 بایرامنی تبریک ایتدیرد جک قدرده معارفه پیدا اتمش
 ایکن ینه مسعود اوله مامشدی . حالبوکه نزیهده هپ حسن
 تأویل ایتدیکی بوش ، قورو ، اهمیتسز تصادفلردن باشقه
 نه واردی ؟ اک اهمیتایی ایزمارونک اطه تیا تروسندن
 « صوص به ! » دیمسی دگییدی ؟ حالبوکه بونک نزیه ایچون
 سویلندیکی تسلیم ایداسده ایزمارونک شوخشر بایکندن ،
 آلاخیلغندن باشقه برشیته حمل اولمق امکانی یوقدی . بوندن
 باشقه نه واردی ؟ بریسی بوقدر یورغوناق نتیجه سنده
 نه به نائل اولدیغنی صورسه نه جواب ویره بیلیردی ؟ فلان
 کون برکره قاش چاتمیش ... بونلر همان هرکون اولابیلیردی .
 اکر ایزماروده نزیه ایچون جدی بر محبت بولونسه ،
 کیدرکن آرقه سندن بقازمی ایدی ؟ حالبوکه نزیه مفارقتک
 هیچ حائر اهمیت اولمادیغنی ده اچن اقشام یکی تجربه
 ایتمشدی .

عمرینک صوکنه قدر محافظه ، مدافعه ایدجکنی
 ادعا ایلدیکی اومسلاک نرده قالمشیدی ؟ ایزمارو کوزینک
 اوکندن غائب اولونجه قابندن ، خیالندن ده غائب اولمور ؛

اورادا بوتون بر شدت صمیمیت ایله یاشیوردی. هم او قدر
 یاشیوردی که تزیهدها باشلامادنی بو حیات مشترکه عاشقانه
 اوزاقدن، خیالندن یاشامش، هر دورلو احتمالیله یاشامش،
 قلبنی اختیار لایتمشدی. بوضعف شیمدی مسلکندن واز
 کچمک، حقیقت بیلدیکی، او یله مدافعه ایتدیکی بر فکرده
 خاف ایتمک کی عظمت نفسنه دوقونان بر احتمال ایله
 اوغراشه میوردی؛ اوغراشه جق قدر جاذب، محاکمه فریب
 اوله میوردی. و بو آن وضوح ایچنده تزیه او قدر عطف
 اهمیت ایتدیکی مکتوب مسئله سنک حقیقتنی ده کورویوردی.
 بر کره، قطعاً جسارت ایدوب ویره بیله جکنده شبهه
 ایدیوردی. قیزلردن اوزاقدن، مکتوب ویرمک احتمالی
 اولیان بر موقعده بولوندجه هیچ مشکلات کورمن،
 کوردیکی موانعی ده خیالیله ازاله ایدردی. شیمدی اونلرک
 قارشیسنده بولنوب ده مکتوب ویرمک زماننک زده ایسه
 حلول ایدیویره جکنی حس ایتدجه بوتون اعتمادلی
 ییقیلهرق اقتحام ایتدیکی مانعه لرک تکرار یوکسملدیکی
 کورمش، فقط بونی کندیسنه اولان اعتمادیله قابل تألیف
 بوله میهرق کورمک ایسته مه مشدی. ایسته دوغروسی بوایدی.
 نیچون کتبه، ستره مجبور اولاجقدی؟ جسارت ایده میور،
 بو جسارتی بیراقد حلرندن ده استعاره ایده میوردی. بونی.

بولسه بیله ، نزیه شیمدی کیدی کیدیسنی قیپ قیرمزی
 کیشیمش چهره سیله ، قیزلرک قارشیسینده بوتون بوتون
 کیکله یین دیلایلر برشی بجره میهرک ، برشی سویله میهرک
 مکتوب النده اورتی برده قاله قالدیغنی ، قیزلرک محقرانه قاش
 چتوب یانندن آیرلدقلرینی تصور ایدیور ، یه کچمک ایستیه
 بر ندامتله بوزولان ، متأذی اولان بوزواللی کنجی خیالنده
 ونخا کور یوردی ؛ بو حالنک اینجای ایتدیکی قهقهه لریده
 ایشید یوردی . ایزمارو مکنوبنی آلسه بیلر ایچنی اوقویجه
 نزیه ایله اکنمیه جگمیدی ؟ نزیه اوشدت محبتله تیتیه
 قلبنک استرحام نالانی یالان یا کلش ترجمه ایدن اوسط لر ،
 بر قهقهه قدر خفیف اولان اوکنیج فیزده اوزون بر قهقهه
 ده ها حصوله کتیرمکن باشقه نه یه خدمت ایده جگدی ؟
 کولو نچ اولمقدن بو قدر قورقان نزیه بوتون سرکنشتنی
 نخطیر ایدرک اوزمانه قدر کولو نچ اولمقدن باشقه بر شیئه
 چالیشماش اولدیغنی کور یوردی . عاجز بر مکتبلی ایکن ،
 قیزلری کورمک ایچون ، آرارلنده بویوک بر آچیقلق ،
 بر اوچوروم اولدیغنی فرق ایتهدن هر کون تیه باشنه دوامه
 باشلامش ، اوراده پارسز قالمش ، آطیه کیمش ، ینه
 پارسز قالمش ایدی . بو ، صوکره حکایه اتمک ، مخاطبنی
 کولدرمه یارایه جق بر وقعه ایدی . فقط حقیقت حالده

اوکا دوچار اولان ایچون باعث شرف بر حال دکلدی .
 او یورغوناقلر ، ایچکی ایچمه لر ، ترلر ایچنده یوقوشلردن
 طیرمانمه لر ، آطه ده کونش-لرده کز مه لر ، همده برهیچ
 ایچون ، کچجی ، موهوم ، بر تبسم ، بر التفات ایچون .
 یاجدی بر تمایل کورسه نه لر یایمه جقدی ؟ حالوکه آیری
 بر محیط ایچنده تولدینک نتیجه ضروریه سی اوله رق ، قابده کی
 بوتون بواسطه عدالده قارشى اولردن محروم قاله جقدی .
 بو حس محرومیت ، بو حس عجز ، بر قاج کره نزهتک شهبال
 خیالنی قیرمشدی . آطه ده ، بک اوغلنده ، یوکسک اکله نجه
 عالم رنده دولاشمق ایچون او قهرشیلرده احتیاجی واردی که بونی
 کورمه دن اولره اوزنمک ، دائما موفق اولمه چالیشه رق ،
 فقط دائما موفق اوله میه رق کریدن باقمق آریایغیلق دکلدی .
 قیزلرله کوروشمسی بو کون قابل اولسه نه یاپه جقدی ؟ اولره
 ایکی کله جک سـویله مک اقتدارندن عاجز ایدی . اولره
 بر طاقم ظریف نکته لری نردن بولوب فرانسه زجه اوله رق
 ناصل سویله جکری ؟ نزهتک قارشى ، نفسنک بونی-
 نصیلدکینه قارشى بوتون بوتون قیزارق اونی بوتون بوتون
 تذلیل اتمک ایچون عجز لرینی بر شدت منتقمانه یله صایبوردی .
 و صایدقچه بوتون حیاتنک ، حیات حقنده تجربه سزکنجه لکدنک
 قوردیغی بنای آمالک صارصیلدیغنی ، ییقلدیغنی حس ایدیور ،

بوم ترزل عالم ایچنده بر استناد گاه بولامیور . میوس
 ومقهور قالیوردی . هله مکتوبی عقابسه گاه کجه بوندن
 آراق کندیسیدی اوتانیوردی . کیم بیایر بوم مکتوبی ناصل
 بر استهزا ایله او قویه جقار ، شو ... هانی شو چو جوق ،
 دیبه كوز قیرپه رق قار دشلرینه ، احبابلرینه ، بوتون
 بیلدکلرینه ، فرانسه والره ، رجب بکک ، ده-ا کیم بیایر
 کیملرک اوغللرینه ، هر کسه حکایه ایده جکک ، نزهی هر کس
 نظرند مسخره حاله کتیره جکلردی . صوکره نزه بردها
 تپه باشی باغچه سینه ناصل کیده جک ، بک اوغانه ناصل
 کجه جکدی ؟ باغچه ده کیمک یوزنده بر تبسم کورسه بونی
 کندیدی اوزرینه آتمایه جقمیدی ؟ او حالده بو قدر حقارتلره ،
 عذابلره عرض نفس اتمک نیچون ؟ کندیسینی بکلهین او
 جامد ، بارد ، نتیجه سز بر استقباب مخوف ایچونمی ؟
 اوت ، مکتوبی ویرمه سه ... اوت ، هیچ کیتمه سه ،
 بک اوغلانک ، آطه لرک بوتون بوتوسرلر ویرن ، قابه کیرلر ،
 غرضلر القایدن عالملرینه ، تام او عالملره یاقیشان . اورالرده
 دائما خندان ، دائما ظریف بولونمغه ، فقر حالارینی ستر
 اتمک محکوم اولان اوساخته قیزلرده ، ایزمارویه لغتیلر
 ایتسه ، اوللردن واز کچسه ، کندیسینی مستریخ ، غیور
 بر حیات ایله اصل وظائفی ایفایه چالسه ؟ .. صحیح ،
 نیچون بوقابل اولماسین ؟ شیمدی تزیهک قای بویوک بر

قرار ، بر تشبث احتیاجیله قاپاریور ؛ کندیسنده بوتون
دنیا ایله اوغراشه جق نامته هی بر متانت ، بر قوت حس
ایدیوردی . بویله اوفق سفیل شیرله اوغراشه مق ،
آغلامق ، نومید اولمق ، والد سنه ، همشیره سنه آجی سوزلر
سویله مک کندینی نظرندہ اصعاد ایتدیکی موقعک علویتنه
قارشى نه قدر عادى قالیوردی . ایشته بوفراغت ، قیزلردن
صغومق ایچون بوجبر نفس اونى نظرندہ برقات دهااعلا
ایده جکدی ... وَ واز کچدی .

اوکیجه پک چوقرن بری محروم قالدیغی بر سکوت ،
بر استراحت قلب ایله اویودی . اک شدتله خواهشکر
بولوندیغی برامله نائل اولمش کبی بر فرح ، بر مسرت حس
ایدیوردی ، هپ اوده کیلرک بویذه صاریله رق :
— بن ینه اسکی تزیه اولدم !

دیمک ایستیوردی . ایرته سی صباح قلبنده برانشراح
اولدیغی حاده اویاندی . یرنده دورامیوردی . کندیسنه
بر آرزوی انبساط کیشدی . بر آرز باغچه یه چیقدی .
آغاچلر ، چیچکلر هپ کولیوردی . تزیه ، اوزرندن بویوک
بریوک قالمش کبی حقیف ، شن ایدی . درین ، راحت
بر نفس آلهرق :

— اوح ، دیدی ، آرتق آزادهیم !



نزیه او کون قرائتخانه ده بڑیک ماصه سنک باشندن
آیرلمادی. صوک پارتی بیدیکی زمان کوزینی ساعته قلدیروبده
اون بر بوچوق اولدیغی کورونجه شاشیردی. وقتک بو قدر
چابق کچه بیله جکنه ، تپه باشی باغچمسی زمانی کلامیکی حالده
هیچ معذب اولمادن قرائتخانه ده قلابیله جکنه احتمال
ویره مه مشدی . دیمک ابدیا بستمیه جکنی ظن ایتدیکی
محببتدن قور تولق بو قدر ساده ایدی ؟

برقاچ کون بو صورتله مرور ایتدی . نزیه بوتون
شدت میلانیله بڑیک اویوننه حصر نفس ایدیوردی . قابلیک
بر شیشه وقف حرکات ایتمکه اولان استعدادی یالکیز

موضوعی دیکشدرمشدی . نزیه شیمدی بزیک اویوننه عاشق اولمش دنیله بیلیردی . اودرجاده که یمکدن صوکرده اوده بش دقیقه فضله اوتورایلمسی غیر قابل برحاله گلش ، کیجه لری اویقوسنک ایچنده اویون کاغدلری اوچوشمغه باشلامشدی . فقط بوابتلاده ، شدتی نسبتنده چاباق منطقی اولدی . اوچ درت کون کچمه دن نزیه اویوندن بیقمشدی . شیمدی یاواش یاواش عکس العمل باشلیور ، محل صرف بوله میان خواهش تمایلی نفسی مضطرب ایدیوردی . نزیه کیدیسنی بریوقلق ایچنده بولیوردی . هرشی نظرنده لذتی ، سبب وجودینی غائب ایتمشدی . قیزلری دوشونمه مک ایستیوردی . فقط اوچ آیه یقین بر زماندن بری هپ عینی نقطه اوزرنده مشغول اولان مخیله سنه شیمدی اواسکی مشغولیتی آراتیمه جق درجه ده جاذب بر دوشونجه بولامیور ، اوزون کونلر ، درین بر ملال وعطالت ایچنده کچیوردی . نزیه ک بوتون امللری ، استقبال ملاحظه لری هپ لطافت شعریه لرینی غائب ایتمشدی . هیچ بریمی مخیله سنی اشغال ایده بیله جک بر اهمیت عرض ایتیوردی . بویله خیالمنز ، مشغله سمنز ، برشیئه تشبثدن عاجز کچن زمانلرک روحنده آچدیغی جوف یأس ، کیتدکجه کثیف بر جان صقنتیسی ایله دولیوردی . یرنده

اوتورده میور ، آچدیغی بر کتانی اوقویه میهرق اندن
 فیلاتیوردی . صباحین قالمق ، اوکله یماکی بکله مک ،
 قارن دویورمق ، سوکره قرائخانهیه کینمک ، اقسامه قدر
 بزیك اوینامق ، سوکره اوه کلوبینه یماک یماک ، اویومق ،
 ایرتهسی سکون قالدیجه یه بوبکنسق ، بوبدلا حیاتی
 یاشامق ... بونده نه واردی ؟ وبو هپ بویله کیده جکدی .
 استقبال ایچون ، استقبالی بکلانمک ایچون نریه هیج بر
 غایه کوره میوردی . بوقهر ایدیجی اطراد ایچنده یاشامق
 ایچونمی اسکی خولایلرندن ، اوهر آن دولو ، پر سبب
 حیاتندن واز کچمشدی ؟

وقت کچیرمکیاریم ایدر فکر یله *Dette de haine* ،
 ترجمه سنی اکال اتمکه نیتاندی . فقط کوزینک اوکنده
 کله لر ، هیج بیلمدیکی بر لسانک شیفره سی ایمش کی برشی
 سویله میوردی . یالکز ، بوکناک کندیسنه اطهره رفقت
 ایتدیکنی دوشونجه غمناک بر تفکر ایچنده اوراده کچیردیکی
 محرومیت دقیقه لرینی تکرار یاشار ، اوبیک دورلو آجیلر ،
 محرومیتلر آراسنده هیج بیتمین ، دائماً قوت بولان بر
 امید ایله نیکیلنمکه مقابل شیمدی بوتون موجودیتینی
 قابایلان عطالت ولاییدی ایله جان صیقتیسینی مقایسه
 ایدمک :

— آه او وقتلر نه مسعود ایشم ! دیردی .

نزیه اوسعادتی شیمدی تقدیر ایدیوردی . او وقتلر ،
یالکیز قالدقچه ، کیجه یاتاغنه یاتدقچه اطرافنی احاطه ایدن
ایال کشفه نك قارا کلقلری یوکسکدن کلن بر شعاع محبتله
داغیاير ؛ او ، کندندن ، مادیتندن کچهرک بوکلکون شعاعلر
ایچنده خیابان محبت وسعادتی دولاشیردی . فقط شیمدی
اطرافنده کی ظلمت بریکمش ، بریکمش ، هریانی قاپلامش ؛
بوتون اطرافنی آمال و مخیلاتنک انقاضیله مستور ؛ قارا کلقلردن ،
بوقورقونج بوشلقلردن دائماً مستهزی بر و هیچ ! «
فریادی ، مشوم ونالان ، انعکاس ایدیوردی . بو مظلوم
فکرلر شدتله هجوم ایدنجه ، نزیه بعضاً بوغیجی بر بحرانه
قاپلیردی . بو بحران آراسنده سوقاغه فیرلامق ، بک اوغلنه
قوشمق ، اوراده ، اولرک قاپیسی اوکونده یرلره یاتهرق
آغلامق ، زار و حقیر ، سورونمک ایستردی . آراده
کندیسنی طوپلایهرق بوهرکون اکسیان منانتنی تقویه
ایچون دوشونوردی :

— کندیکه کل ، قورتولدیغک چاه فلا کته یینه

دوشویورسک . هم بودفعه امید خلاصده یوق .

امید خلاص ... بونه بوش بر خیال ایدی ؛ نهیه
یاراردی ؟ ایسته شیمدی قورتولمشدی . آراتق باغچه یه

کېنمبور ، یوروولپور ، فضله پاره خرج ایتپوردی . فقط
عجبا اسکیندن بختیارمی ایدی ؟ حقیقت حیات بو قدر
یککنسق ، بو قدر ط-اسمز ، نهایت هب بوش ، هب بر
غفلتدن عبارت اولدقن صوکره ، بزی بوجان صیقنایلرندن
قور تاراجق ، بزه آیاقلر من آلمنده کی حفره عامیتی کوستر-
میه جک خیاللاره ، چیاغیلقلره نیچون ترک نفس ایتمه ماییدی ؟

ایلولک ایلمک جمعه می نزیه ، رسملرینی آلمق ایچون
بک اوغلنه کچپوردی . تونلده محمود بکه راست کلدی .
قیزلردن بحث ایتمک وسيله آرایان نزیه ایچون بو ، بویوک بر
ورست ایدی . محمود بکه همان قیزلرک دوتما کیجه سنده کی
حائلرینی حکایه ایتدی . محمود بک هیچ شاش-یرمهدن
تفصیلات ویرمهک باشلادی :

— اوت ، دیدی ، اوکون بنده کندیلرینی کورددم .
روسیه سفارنخانه سنک اوکنده ایدیلر . یول پک غایبه لقدی .
اوموز اوموز کچلیوردی . اونلرده تام اوگنده ایتمش .
آلیسک ...

نزیه حیرتله سوزینی کسدی :

— آلیسمی ؟ ایزمارو دکلای ایش ؟

— ها ، اوت ، ایزمارو : فقط آلیس ده-

کوزلده ... آایسک اتکندن طوتم ، چکدم . آرقه سنه
دوندی . فرانسه زجه « براقکز موسیو » دیدی . خنزیر
قوجه قاری ده بر چوق شیر سویله دی ...

نزیه ، کستاخ سیوری بیدقار یله بو حالی ، پرافتخار ،
آکلاتان محمود بکک یوزینه باقورق ، بو بایاغیلقاری
دیگه دیکندن ، قیزلردن بحث ایدلیدیکی دویمق ایچون
او خوشلانمادیغی کنجک یالانلرینه تحمله کندیسینی مجبور
بولوندریغندن اوتاندی . بونده افتخار ایدیله جک ، باشقه
بر آدمه حکایه ایدیله جک نه واردی ؟ - سواقده بر قیزه
تعرض ، اوندن تکدیر ، صوکره بویوک بر معرفت یامش
کبی افتخار ! نزیه کندینک اسکی حالارینی دوشوندجکه
اونلری ده بو آن استکرا هک ویردیکی نافذ نظرله بویله بر
ضیای عامیت آلتده کوردی ، وایکرندی .

عودت ایتدیکی زمان ، بش آتی کوندر کندیسینی
صوک درجه ده معذب ایدن طوفان احتساساتی قورومش ،
بالنسبه سکون بولمشدی . حیات یومیه نك جریان ساکتی
یاواش یاواش بو سکونی قوتلندیردی . نزیه نك تألم
واحتساسنده اسکی کسکینلک قالمامشدی . بونک یرینه
طبیعی بر حزن ، بر توکل ملول قائم اولیوردی . بو
اطرافنده هیچ بیتیمیه جک کبی کوردیکی عالم نیستیدن

قور تولق ایچون اسکی خیالانه آتامق ایستدیکی حالد
اونلارده اولکی شمعنه املفری غائب ایتمش اولدقلرینی
آکایوردی . شیمدی قیزلرک ، ایزمارونک خیالیلده
اکلنه میور ، اکلنه جک ، دوشونه جک باشقه برشی ده
بوله میور ، مؤلم بریوقلق ایچنده ، امید تساییدن محروم ،
ساکن ومغموم ، یاشیوردی .

کیتدجه کوکله شن بومتانته اعتماد ایدرک قیزلرک
کندیسنده نه تاثیر حصوله کتیره جکلرینی کورمک ایچون
نزیه بر قاچ کون صوکرده باغچه یه کیتدی . بونده ابتدا
تردد ایتشدی . فقط نهیه تردد ایتلیدی ؟ بو آرزوی
قیزلری کورمک احتیاجندن می ایلری کایوردی ؟ مقصدی
قوتی ، متانتی تجربه اتمک ، بوندن ذوقیاب اولماق
دکلیدی ؟

نزیه کندی کندینسی آلداتماق ایستهدیکی بو تشبیه
موفق اولامادی . بوکون ، یکی کورویورکی بر حفظ
بولدینی باغچرده اون بر بوچوغه قدر ، کیتدجه ، متزاید
برانتظار ایله قیزلری بکله دیکی حالد ، کورده مدن عودت
ایتدی . زیرک یوقوشنی چیقارکن دویدینی یورغوناق
آره سنده بوکونکی حرکتهک سبب حقیقینسی آراتق
کندی نظرنده کتیه چایش-میور ، کورده مدیکم دها اینی

اولدی دیبوردی . او کیجه مههم بر راحتسزاق حس
ایده رک قیزمق ، هر شیئی سیاه کورمک ایچون سبیلر
آرادی .

ایکی اوچ کون صکره ، جمعه کونی ، نزیه ضیا وشکری
ایله برابر بک اوغلنه کچمشدی . صرف مراق سائقه سیله
دولاشدقلری مردار سوقاقلرده یورولمشلر ، دیکلنمک
ایچون قافه رووایله دوشمشلردی . شکری ، کویا بو
یورغونلق قیما کنديسنک تشویقندزده نشأت ایتمه مش
کبی اوته کیلره حدت ایده رک ، سویلنه رک پیکه نک اوزرینه
باغداش قوردی . ضیا ، رسمی غزته لرده بر کوزل
قادین چهره سی کورمک ایچون پاراقلری چویریور ،
نزیه غارصونک کتیردیکی بر کون اولکی مونیتوری
یابانچی بر ال ایله قاریش دیریوردی . حوادث یومیسه
صیراسنده کوزینه بردن بره مالتیه کلمه سی ایلیشدی .
قیزلره عائد اک اوفاق شیئه بر علاقه مخصوصه کوستر-
یوردی . مالتیه ده نه اولدیغنی مراق ایده رک او قودی .
بلاختیار آغزندن فیrlایان :

— او !

ندای تعجبی اوزرینه شکری باشنی چویردی ؛ ضیا
یانه کلدی . صوریورلردی :

— نه او؟.. نه وار؟

تزیه کوزلرینی غزته دن آیرامیه رقی جواب ویردی :

— قیزلر ، قیزلر ... مالتهپه ده نیکاح اولمش .

ضیاده مراق ایتدی :

— هانکیسی ؟ دیوردی ، مطلقاً بویوک قارداشلاردی .

تزیه ده غزته دن برشی آکلایه میوردی .

— باق ، دیدی ، برشی آکلاش-امیور ، ویاواش

یاواش ترجمه ایتدی : « اولکی کون مالتهپه ده موسیو

ژوزف دیاپولونک خانه سنده بر چوق مدعوین حاضر

بولوندیغی حالده موسیو ژ . ماورو قورداتو ایله موسیو

دیاپولونک یکنی ماده وازل قاتینا م . قاتینا کینک رسم

ازدواجلری اجرا ایدلمشدر . « صوکره ضیانک یوزینه

باقدی : — بونه دیمک اوله جق ؟ هر حالده بزم قیزلردن

بری اولدیغنده شبهه یوق . صاندالجیدن اوکرتمه مشیمی

ایدک ، عموجه لری مالتهپه ده . دیمک اونک اوندو کون

اولمش . فقط مادموازل قاتینا کیم ؟ عجبا اک بویوکلریمی ؟

یوقسه ... ذاتاً بیلدیکمز اسملرله باقلم دوغرو می که ...

قرار ویره مدیلر . بلکه برشی آکلایه بیلیمک امیدیه ،

اولرینک اوکندن کچمکی تکلیف ایتدی . یرنده پک

راحت ایدن شکری بر دورلو راضی اولمیوردی ؛ فقط

نهایت اوده قبوله مجبور اولدی . قاپنك اوکندن کچرکن
 « کراق خانه » لوحه‌سی اوقودیلر . بوکا بوتون بوتون
 معنا ویره میورلردی . بوصیراده یوقاریکی قاتدن بر قادین ،
 اوزرلرینه دوغرو سیغاره طابله‌لری سیلکیوردی . شکری
 بوتربیه سزاکه حدتله‌رک باشنی قالدیروب کفره باشلادی ؛
 نزیه ایله ضیانك قهقهه‌لرندن بوتون بوتون قیزدی :
 — ذاتا ، دیدی ، سزك عقلکیزه اویوبده بورایه
 کلن بدلادر !

نزیه ایله ضیا بوحدته اهمیت ویرمیورلر ، پنجره‌ده‌کی
 قادنك کیم اولدیغنی مراق ایدیورلردی . ضیا ، خدمتیجی
 قیز ، دیبوردی . فقط نزیه ایستیوردی که ایزمارو
 اولسون . شکری :

— ایکینك ده ، دیدی ، الله بلانی ویرسون !
 یورودیلر ؛ تقسیم باغچه‌سینه قدر چیقیدیلر . آراق
 اطرافه دقت ایتمیورلردی . قیزلره ، کچمشلری قونوشمه‌قله
 مشغول ایدیلر . عودتده ، شکری‌یه بر چوق رجالر
 ایدهرک ینه دیاپولولرک اولری اوکندن کچدیلر . نزیه
 کوزی « کراق خانه » لوحه‌سی اوزرندن آریله میوردی .
 دوردی ، ایله اعلانی کوستره‌رک :

— اوحالده ، دیدی ، بزمده کیروب کرکه حقمز
 واردر . هایدی قاپی‌ی چاللم .

شکری بینه قیزمشدی :

— بئم قوغولمغه وقتم یوق ! دییوردی .

ضیا صیقلدی . نزیدهد ائیکسی بردن انصاع موافق

اولامدی .

منانت فرارینی تجربه ایچون تپه باغی انجمنه کیتدیکندن
بری بینه تیز بر راحتمزک حس ایتمکه باشلايان نزیه
بوگونکی حوادث ایله بوتون بوتون مرافقه دوشمشدی .
او کیجه فیزلردن هانکیسنک قوجیه وارمش اوله جغنی
تسین ایچون او یقوسز قاهره بو مسئله ایله آرتق نیچون
اشتغال ایتدیکنی دوشونجه کندی کیدیسنی بر قباح
ایشارکن طومش کی محجوب اولدی . بونک اوکا آرتق
هیچ تعاقی اولامازدی . نزیه بویه بر محاکمه ایله اندیشه لری
ازاله ایتمکه چالیشیرکن دیگر طرفدن تصادفک بر حیاطده
نه بویوک تأثیرلر اجرا ایدم بیلدیکنی کمال حیرتله دوشو .
نیوردی . فی الحقیقه او کون پاسته جیه اوتور میوبده
قاهره و وایله کیدیشه لری ، هیچ معنادی دکل ایکن
فرانسزجه غزته ایسته می ، صوکره ، تورکجه غزته یه
بیله کوز کزد بر یایرکن بر چوق حوادثلر نظردن قاچه .
بیلدیکی حالده مونیتور قدر قوجامان بر غزته ده بوکوچوک
فقره نی کوروشی ، بوتون بونلر نظر اعماله محکوم ایدیان

بر طاقم تصادفلر نتیجه سی ایدی . حالبوکه نزیه بو
تصادف اوزرینه کندیسینی ضبط ایدمه سه ده قیزلری کورمه
قالقیشسه ، اونلری کورنجه ینه اسکی ملازمتی باشلاسه ...
دیمک که او قدر قوت قلب ایله ، درین محاکمه لرله ویردیکی
بر قرار ، صوکره بویله اولدن دوش-ونوله مه یین ، منع
ایدلمه سی قابل اولمایان اهمییتسز ، کوچوک بر قاق سببک
کیفی ایچون بوزولاجق ، او دورلو دورلو بویوک فیکر لرله
او شدتی آرزو لرله تهیه اولونان استقبال بویله کچجی ،
حقیر تصادفلر النده اویونجاق اولوب قالا جقدی ؟

نزیهک سلسله تفکراتی برکره بو طریق تعقیبه
باشلا یجه تانه ایته قدر کیمکه استعداد کوسه تردی .
یا کندیسنه بو قدر اجرای تأثیر ایدن دیپولولری کورمه سی ده
بر اثر تصادف دکیدی ؟ قیزلری ته باشی باغچه سنده
طانیسه دی . باغچه یه کیمسه نه سبب ضیا ایدی . اوکون
خاله زاده سنه کیمسه ییدی دیپولولری کورمه جک ،
وصوکره هر کوردجه بر قاق درجه قوتله نن عشقه کرتار
اولمه جقدی . نزیه اوکون خاله زاده سنه کیمکه کندیسینی
سوق ایدن سببی دوشوندی . بو ، ایکی کون صوکره کی
عقائد امتحانی پک قولای بولمقدن ایلری گلشدی . حال
بوکه بو عقائد امتحاننک ایکی کون صوکره اجراسنی کیم

تسلیب ایتمیشدی ؟ مکتب اداره سی . مکتب اداره سی
او امتحانی نیچون بو تارینخده قرار گیر ایتمیشدی ؟ معلم
اوسنه نیچون آز درس او قوتمیشدی ده نزیه چایسیرکی
اونی بک قولای بولمیشدی ؟ نزیه باشایچه سبیلر کی
بولدینی بو بر چوق سبیلر آراسنده دها بیکارجه گرفت ،
مغلق ، مشوش ، کوچک سبیلرک بولوندینی اکلا یه رق
بردن بره پیش محاکمه سنده آخیلان بوافق نامتساهیده
غائب اولاجی کی بر توحش حس ایدیوردی . اونک
شیمدی یه قدر کور کورینه بلاتدقیق قبول ایتدیکی عالم
وقایع آلتنده بویله غیر مرئی ، متحرک ، مظلم بر عالم
اسباب ، بر عالم تصادف بولونمسی واک بویوک قرارلرک ،
اک نیمه نیان تشبیلرک بواغما فوتلر بیلنده بر تعلق تصادفی
ایله وجود بولارق ، ینه اونلرک غیر احتیاری بر انحالایله
محو اولماسی نزیهک کائنات حقه ده کی صووک نظارنی
قاماشدیره جق قدر اوکا یکی کایوردی . نزیه بو محاکمه نک
آجی لذتیه دالهرق حیات عاشقانه سنده تصادفک تاثیرنی
کورمک ایچون ماضی نی تخطر ایدیوردی . ماضی ...
فقط حقیقته بر ماضی وارمیدی ؟ نزیهک بوتون افعال
و حرکاتی کندی النده اولمایان بر طاقم سبیلرک ضروری
بر نتیجه سی اولدقدن صوکره بونده اوکا عائد نه قالیردی ؟

قیزلرک آطه یه کیدیشلری، ضیانک برادرینک اوسنه آطه ده
 کوشک طوتمسی صوکره نزیهک محبتی آله ولدین حالار :
 قیزلره دکر همانه کیدرلرکن راست کلمسی، اوپورت
 قومپانیاسنک آطه ده او یون ویرمسی، ایرتمسی صباح
 اولرینک اوکندن ضیا ایله کچرلرکن پرده نک روزگار دن
 آچیلماسی؛ بوتون بونلر هپ ماقبلنه مربوط، هر آن
 دکیسه بیایرکن دکیشمه مش، قاریشیق، او قدرکه حلی
 ناقابل برطاقم تصادفلر دکیدی؟

شیمدی نزیه اک بویوک کوردیکی بوشیلر بویله بر
 نتیجه تصادف اولدقدن صوکره اوکندیسنی کونلرجه
 امید وار ایدن، مسعود ایدن، دلی ایدن تبسملرک،
 قاش چاتمئلرک ناصل اهمیتسز برر تصادف اوله جغی
 دوش-ونهرک وقتیه بونلره ربط حیات ایده جک قدر
 اهمیت ویردیکه کولور، اوتانیوردی. یا او واز کچمک
 ایچون ویردیکی، منانت نفسنه، شدت اختیار واراده سنه
 اینانقی ایچون او قدر قوتلی بردایل کبی تلقی ایتدیکی
 معهود قرار... شیمدی بوده نظرنده قیمتی غائب
 ایدیوردی. اوکون اوده دوندیکی زمان تمیز یاقه لق
 بولونسهیدی بو قرارک وجودی اولاجقمیدی؟ حالبوکه
 ده اول، مکتوبی ویرمک نیتیه باغچه کیندیکی کونلر

ایزمارو دولاشمه قالمیسهیدی ده کوتوروب مکنونی
ویرسهیدی یینه ترارندن اثر بولونمیه قادی . یقینک
کیرلی اولدینگه حکم ایتمهیدی بوناجه یینه دیکشه جکسی .
یاقه اغنی کیرلی بوناسی کندیسنک قارشوسنده برچوق
زنکین ، شایق رقیبلر بولونماسندن نشأت ایتمهیدی ؛
بورقیبلری تپه باشنده ، اطهره کوروش ، اوزمان کرار
خاطرلامهیدی . . دیمککه بوال اوفاق ، اک طبیعی عد
ایتدیکی برملاحظه بیه بویه اولدن حاضرلانا ، هیچ
کیمسه بیلمدیکی حاله کور کورینه مطلقا حاضرلانا
برچوق سبیلرک برمنتهای طبیعیسی ایدی . نزیه ، کندیسنی
چیلدیرته جق قدر برنامتاهیلک ، ثابت ایدلر براطراد -
سزاق کوسترین بوجموعه اسباب ایچنده شاشیرارق ،
نه دوشوندیکنی بیله میهرک ، قولاقلرنده بر اوغواتو ،
دالیوردی . و دالجه ، بیلمدیکی حالده دماغنی حقیقتک
بو باتاققلرندن یوکسه ان کثیف بربخار صاریور ، اوراده
متین ، قوی نه وارسه هپسی بوسحاب آلتنده تیترو
کورونه رک درین برشبه وجود بولور ، آرتق هرشیدن
شبه ایدیوردی .



بوكون صنف ، سنه درسيه ابتدائيه مخصوص
 بر تنهالقله ساكت ايدى . برنجى دفعه اوله رق تاسيس
 ايتدكلى اعدادى درونجى سنه سنه هنوز بر مبصر
 كتييله مديكندن ديكر صنف مبصر لرندن برينك ورودينه
 ميدان ويرمه مك ايچون ذاتا احتياط ايديورلردى . برقاج
 كشي آرفه صيرالره چكيله رك يكي ضم اولونان فضله ايكي
 سنه مدت تحصيلك يورغونلغى شيميدن چكيورلر كي ،
 بي تاب وعاطل ، اويوقليور ، شوراده بوراده تشكل ايدن
 برقاج كومه ، تعطيل كونلرينك حكايله ليله مشغول .
 آراده بونلرك ايچندن برى آريله رق باشقه برفقره دويمق

ایچون دیکر لرینک یاننه کیدیور : ايام تعطاییه بو اوچ
 سنه لک ماضی مشترکله برایشن آرقداشلرده صافکه
 بریابانجیاق پیدا اتمش . آلایلر . نشئه لر برپارچه ساکت .
 بری برلرینه برچوق سویلده جکلری اولانلرده کوروان
 بر لافیردی بوله مامزلقله محسوره هپ هوئی . یالکیز
 کرسی تدریسک اطرافنده برپارچه غلبه لاق ، برفه ایت وار .
 ایچارندن بری ، فرید ، بونمارشده دن آلدینی بر دسسته
 قال کاغذینی کنیرمش ، معلم موقعه قورلمش ، رفیق لرینک
 ظلام استقبالی پرده پرده آچور . خیری نی قاپینک
 یاننه نوبتجی دیکمشار . بو ، کجیکن معلمک کادیکنی
 کورونجه هرکسه خبر ویره جک . فرید یاننه کیمسه
 قبول ایتیمور . یالکیز فالنه بقعه تنزل ایتدیکی بختیار ،
 کرسی یه قدر کیده بیایور . فریدک پک موفق اولدینی
 فالجی تقلیدینی سیر اتمک ایسته ینلراوت صیرالر بریکمشار .
 بعضاً صامت بر مراق ایله سکوت ایدن ارقداش لری
 آرمسند فریدک برشیوه لسانی چاقی باصدی ریلان برقهقهه
 صاغناغی قوپاریور . برکره آلا ی باشلا نیجه ، اسکی
 سکوت اعاده اولونجه یه قدر بحث بیایور ؛ آرقداش لردن
 برینک پک اوزون بیقلری بر قاق کره چکیایور . نهایت
 بر قاق صبرسنز « صوص .. صوص به ! » خطاری اورته لعه
 برپارچه سکونت کتیررکن نوبتجینک :

— مبصر کلیور !

آوازه سی عمومی بر تلاشه سبب اولیور . فرید ،
 علی العجله طویلادیغی کاغدلری جنبه صوقیشدیرارق
 یرینه آتایرکن بونک شاقه اولدیغی آکلاشه یلیور .
 عجول الار ایله موقتاً آچیلان کتابلرینه صیرانک کوزلرینه
 طیقیلیور . نوبتجی یه برقاچ کفر صاورولمق خصوصی
 اصلا اهل ایدلمیه رکینه محاوره لر ، اینجه دن ایجه یه
 تورکیلر باشلیور ، و بودفمه فرید اوکننده کی کاغدلر
 اوزرنده برطور واقفانه ایله نزیهک طالعی ، استقبالی
 او قویوردی :

نزیهک بر سودیکی واردی ... بوسودیکی یاباشقه
 بریله اولمش ، یا اوانه جک ، یانزیهه و اراجقدی ...
 ایسته اینانمازسه نشانه ازدواج اولان حلقه باش اوچنده
 دورییور . فقط شوتیلکی بی کوریور میدی ؟ بو ، ایشک
 ایچنده برچوق رقیبلر ، مشکلر بولوندیغی سویلیوردی .
 شو بریده کی آیده توکلی احتیاط توصیه ایتمیوردی .
 فقط ایش حقیقه پک قاریشیق ایدی . برکت ویرسین که
 صول طرفده چاپرازلامه کلن کونش بر پارچه امید
 ویریوردی . بوده اولماسه ...

آرتق نزیه دیکله میوردی . آلایدن باشقه برشی

اولمادیغنه امین بولوندیغی بوسوزلردن عارتا قورقوریدی .
 تا اعماق روحنده اسرار آلود ، غریب ، فرق الملیعه
 شیاره — قطعیت عامیه نك هنوز کاملاً انحا ایدمه دیگی —
 بر انجذاب واردی . بواویونی تام کسیدی حاله موافق
 بواوور . فریدك سوزلر ایسته جنی کایوردی . دنیاده
 هر حادثه غریب ، عقل ایرمز بر تصادفدن عبارت اولورسه
 بوفال كاغدلرینك دوغرو سویله بیلمسی محتمل
 اولماز میدی ؟ ذاتاً بوا احتمال نایدده ایدیوردی . ایشك
 ایچنده رقیبار ، مشكلار بولوندیغنی فرید نره دن آکلايه
 جقدی ؟ او حالده بونلر دوغرو اولدقدن سوکره تأهلده
 دوغرو اوله بایردی . فقط بوقطعیاً کسیدیر یله میوردی .
 یا اولمش ، یا اؤلنه چك ، یا زییه وارده جقمش ... نزیهك
 روحی ناکهانی بر صدمه یه اوغرامش کی بردن بره
 صاصیلدی . نزییه وارده جق ؟ آه ، بوحییح اولسه ...
 ایزمارو کندیسنك زوجیه سی اولسه میدی ؟ .. نزیه بویله
 بوش برامباه بردن بره قایلمقدن محجوب اوله برق بو
 خیالغریب احتمالدن قاجدی .


تشرین اولك یاغمورلی کونلری باشلامشدی ،
 کیتدکجه شدتی غائب ایدن بوصقه تالی زمان ایچنده نزیه

قیزلردن قوجیه وارانی حقه‌ده قطعی بر معلوماته
 دسترس اولاماقله برابر آراده گاه ضعیفدن دیاپولولری
 بك اوغلانده کوردیکنه دائر بر تبشیر آهرق ، گاه مکتب
 رفیقارندن سعیدك قیزلره مقری کوینده تصادف ایتدیکنه
 دائر ویردیکی برخبره باقهرق مونیتورده او قودینی حواده
 نه معنا ویره جکئی شاشیرمشدی . برکون ضیا ، ایزمارویه
 بونمارشده یاپه یالکز راست کادیکئی سویله دیکندن نزیه
 بویله بر تصادفك کندیسینه وقوعی احتمالی دوشونهرک
 معهود مکتوبی ینه یاننده طاشیمغه باشلامشدی . فقط
 بومکتوبه اسکسی قدر اهمیت ویرمیوردی . اونی شیمدی
 صرف بر آلائی اولمق ایچون تقدیم ایده جکئی . ایزمارو
 یوز ویررسه کار صایه جق ، ویرمزره نه غائب ایده جکئی؟
 مع مافیله نزیه ایزماروسنك کندیسینه عطف اهمیت
 ایتمه مسندن متأثر اولیه جق بر حاله هوز گله مشدی . بوتون
 توکلی عدم امکانی آ کلامقندن نشأت ایدیور ، غیرقابل
 برشی آرقه مسندن قوشمق کولونجلاکندن نفسی تخلیص
 ایچون محرومیته قانلانیوردی . اوافق بر امکان اونك
 مهای پرواز اولان مخیله سنی بوجان صقیجی ، بوبوش
 عالمزدن قورتاره بیله جکئی .

برکیجه ، کندی کندیسینه ، بوتون بوتون صمیمی

اولدوق یالکاز قانق ایچون دها اویقوسی یوق ایکن یاتاغنه
 کیرمشدی . آیاق اوجنه اصابت ایدن پنجره دن کوریه بیان
 قسم سما اوزرنده قمر ، اورتیلری پک قویو لاجورد ،
 کیدارلری صولوق بر آلتونله تخته لکش بولوطارک آغوشنه
 کاه آتیلارق ، کاه او آغوشدن قورتولارق متبسم نظریله
 نزیه-ه باقیوردی . آچیق مائی سما اوزرنده خفیف ،
 شفاف ، پارلاق بولونجقلر ابدی بر ملاقات عاشقانه یه
 شتابان اولویور کبی . سریع وشادان ، کچورلر : نزیهک
 مخیله سنه آرقه لرندن قوشمق ایچون آرزولر ویریورلردی .
 نزیه صوک بهارک بوصاف وخذندان سمانی سیره دالده
 اورادن قبنه برخواش حیات ، برخواش آلی تقطار
 ایتدیکنی حس ایلیوردی . وفرقنده اولمادیعی حیده
 مخیله سی کمدینه امیدبخش ، امانواز بر موضوع ، برمشغله
 آریوردی : بر آی صوکره نزیه برپرومیس آلیوردی ...
 قرعنهک کمدینه اصابت اتمه سی او قدر محال برشیمشدی ؟
 نزیه بویوک ا کرامیه نک کمدینه اصابت ایده جکمه کسب
 امنیت ایتدکن سوکره بوغیر منتظر ثروتی ناصیل
 استعمال ایده جکنی دوشوندی . قارشیشنده کی منور سما
 فکرینه منور برامید ویردی : ایزمارو ایله ازدواج .
 اون آتی بیک لیرایه مالک اولونجه ، موسیو دیابولو

قیزی البته کندیسنه ویریدی. نزیه شمند و فرک چیقدیغنی
کورور کورمن دوغرو موسیو دیپولویه قوشه جق ، ثروتی
خبر ویره جک ، اور تانجه کریمه سی مادموازل ایزمارونک
دست ازدواجنی ایسته یه جکدی . احتمالکه پدر ایزمارو
اسمنی طایبه جق ، اووقت نزیه ایسته شوماری کوزایسی ...
کوزل ، ایپک کبی قومرال صاچلری وار دیبه جک ،
أوت اونازلی ، اوظریف ایرماروسنی قلبنک بوتون
صفوت اشته یاقیله تعریف ایده جک ... پدر در حال
موافقت ایدیور ؛ بر کون صوکره نزیه دیپولو عائله سنه
تقدیم اولونیور ، آرتق او رجب بککک ، فلانلرک
اوغلارینه کوستریان التفاتدن کندیسنه ده بویوک بر حصه
چیقیور . فقط بو ، پاره سی ایچون دکدر . ایسته شیمدی
برر برر او طه دن چکیان ارکان عائله نک نزیه ایله یالکیز
براقدقلری ایزمارو بونی نازک تبسمار یله سویلیور .
ایزمارو نزیه ته باشی باغچه سنده کوردیکی کوندن بری
دقت ایدرمش ، حتی آطیه ده کندیلری ، کندیسینی
ایچون کلریکنی بیلیورمش ... بوراده ایزمارو قیزارده رق ،
ناصل سویله یه جکنی بیله میهرک محجوب اولیور ، اوکنه
باقیور ، اوت اوده نزیه سی ... نزیه آشاغیسنی بکله میور ،
سوکلیسنک اوکنده دیز چوکه رک کوچوک الی آلیور ؛

بوتون محرومیتلرینک بریکدیوردیکی ، شدت محبت ایله
 اوچور ، اعلان محبت ایدیور . اوپوشیورلر ... بوشنه
 اوقدر طائی که نزیه دها ایلری به کچمئور . بونی برقیچ
 کره کارار ، بعضی تفصیلاتی تبدیل ایدیور . بودقه لری
 تکرار یاشایوردی . نهایت مطلق برضیافت ایله بوتون
 اوبک اوغلانک نزیه استخفاف ایتش کینجلیری ایمرند .
 یرده جک ، اولاره نزیهک حس ایتدیکی غبطه لری ویره جک
 برشمشه انجمنه نکاحلری اجرا ایدیایور . نزیه دوکونی
 برایکی سنه سوکرده تعایق ایدرک نخصیاتی اکل انچون
 آوروپایه کیدیوردی . اولدکدن سوکرده آرتق تحصیل
 حیاته خاتمه ویرلمسی طبیعی ایدی . حالبوکه نزیه تأهل
 انچون کیدیسنی هم هنوز کوچوک بولیور . هم آروپاده
 اکل تحصیل فکرینی فدا ایدمئوردی . فقط بوافترقی ،
 تعطیل زمانلرنده تلافی یدلمه جکمیدی ؟ نزیهک آطده
 یاخود بوغاز انجمنه بریالیدی اولاجقدی . بویالینک اوکنده
 کوزل ، بیاض بویالی ، آلتون زینخی بر استمبوطلری
 دورده جقدی . مهتاب کیجه لری نزیه ، عائله سنک بوتون
 کینجلیری ، زوجمسنی ، بالدیزلری — بالدیز ... کیم
 بیایر  کوچوک ماری بوکله یی نه تحف بوله جقدی !
 — بواستمبوطه آله جق ، قمر منحصراً کیدی شطارتلرینه

خادم اولق ایچون خلق اولونمش کبی نزهیه کیدر لر سه
 اوکارینه برقالیچه منور یایه جق ، استمبوط مطارد بر فشفشه
 ایچنده آقه جق ؛ آراده کوزل برسسله برغرل ، بررومانس ،
 شاد و محترز ، قانادلانه جق ؛ صوکره هپسنه برجسارت ،
 بر نشئه کله جک ؛ هپ بردن سهویله یه جکار ، چانخی
 چاله جقلر ؛ بونغمه لر ، استمبوطک باشندن آتیلان هوائی
 فشنگلرک رنگارنگ قندیلاری کبی کاه بردن بره داغیلهرق
 کاه برمشی متردد ایله صالینه رق ، کاه برسقوط سریع ایله
 دوشهرک امتداد ایده جک ، نهایت بیته جک ... اووقت
 قهقهه لر ، لطیفه لر ، جویلتیلر باشلایه جق ... و بونلر ،
 بولیال تنزه ییتیمیه جکدی ...

• بوتاهل فکری ابتدا صرف بر اکلنجه دن ، خولیادن
 عبارت اولدینی حالد کیتدکجه جدیت پیدا ایتدی . نزهیه
 شمندوفر قرعه سنک کندیسنه اصابتی استبعاد دن
 اوزاقلاشدکجه بوخیاله تقرب ایدیوردی . حتی عائله سنک
 محتمل اولان اعتراضلارینه بیله جواب حاضرلامش ،
 اوممانعت صحنه لرینی ذهناً تصور ایدرک شو سوزده شو
 جوابی ویرمکی دوشونمشدی .

تشرین اولک نهایتلرینه دوغرو بر جمعه نزهیه ضیایه
 کیتیمشدی . هیچ بر موضوع اولمازدی که نزهیه اونده دیاپو -

لؤلرک لاقیردینسی آچه جق بر مناسبت بولماسین . قیزلردن
 بحث ایتکه بوقدر مجبوریتنک کندیسید فرقنده ایدی .
 فقط بویتمه یین محاوره اوقدر طاتلی ایدی که قارشیسنده
 کینک جانلی صیقوب صیقما دیغنی دوش-ونمزدی . بوکون
 یینه دیابولولرک ظرافتدن ، عشوه بازافتدن بحث ایدیور-
 لردی . ضیا یکی برحوادث ویردی :

— . زده ، دیدی ، قیزلری ایسته یینه ویریورلر مش .

نزیه لطیفه ظن ایتدی :

— اوله ایسه نه دورویورز ، دیدی ، برر دانه

آلهلم . عجبا اوقه سی قاچه ؟

— جدی سویابورم ، آلایه بوزمه . بکاده یمنی بک

سویله دی . یاننده برخرستیان احبابی وارمش . دیابولولره

سوقاقده راست کیشلر . یمنی بک نه کوزل قیزلر ، فلان

دیه جک اولمش ؛ حریف ایسترسه کز ، دیمش ، بابالرینه

سویله ییم ؛ بن اقربالرندیم ، تورکده ویررلر . بنده کچن

کون یمنی بکه کوزلاکلرندن بحث ایدی-وردم . حریفک

لاقیردینسی بکا سویلیدی ، ایسترسه ک برینسی آل دیدی .

بابالرینک کندیلرینی بوقدر سربست براقیشی جه-ازلری

اولمادیغندن بررعاشق قوجه بولسونلر دییه ایمش .

نزیه همان ، بلااختیار جواب ویردی :

— عاشق چوق ، فقط قوجه ... بو ، یوق .
 نزیه یالکیز قالدینی زمان بوجوانی کندی کیدیسنه
 تکرار ایده جکدی . اوت ، عاشق چوق ، فقط قوجه
 یوق ... شیمدی بوتفکر اوکا ، پیش نظرند تیسملر آلنه
 صاقلانان بر فاجعه حیات بوتون آجیانی ، بوتون سـفـالـتی
 ایله احسـاس ایدیوردی . قیزلرک هر کیندکاری یرده ،
 تپه باشنده ، آطهده ، بر چوق کیمجلر طرفـندـن احاطه
 ایدلکاری دوشونیور ؛ بوشـطارتلی مجسـلرک ماهیتنی
 فقط شیمدی آکلایه بیلوردی . ارککلر ، قیزلرک
 یالکیز جاذبه شبـانـدن ، طراوت حسـنـدن براز استفاده
 ایتک ، سـاده جه طاتلی ، مهیج بر زمان کچیرمک ایچون
 یورایه شتابان اولیورلر ؛ اکله نه جکاری قدر اکله نیورلردی .
 فقط قارشیلرنده قیزلر ، تکراریدن بر نظرد بر معنای وعد
 بولمق ، بعضیسنده فرق ایدرکی اولدقلری بوامید ازدواجی
 قاجیر مامق ایچون دائماً خلیجان ایچنده ، دائماً تسخیر قلوب
 قومدییی ایچـنـده ، اطرافنده کیلری اوصاندر مق قورـ
 قوسيله هر کون یکی بر جاذبه ، مصرفسز بر توالـت اختراعنده
 مضطر بولونورکن ظاهر آشن ، لاقید ، بی پروا دور مغه
 مجبور ایدیلر . هر آن ، قاجیر دقلری بر زنکین ازدواجک
 ماتمیله قایماً کریان ، سنه لرجه بویله اوزانوب کیتمک احتمالی

کوس-ترن زوج آویلاغندن یورغون ، مشکوک و مظالم
استقبالدن متدهش ، فقط ینه بللی اتمیه رک ، ینه بر دقیقه
دالغین ، دورغون کورونمیه رک هر دقیقه کوزل ، هر دقیقه
شادان کوزوکه جکلاردی . حالوکه اوتہ طرفده بو آچیق
لطیفه لر ، شاقه لرله آرزولرینی تسکین ایدن کنجیلر کیم بیلمیر
قیزلر حقنده نه غیر متزلزله فکیرلرله آریلایورلر ، اونلری
ناموسلی بر آدمک زوجه لکنه غیر لایق کوریورلر ،
لاقیردیلری آچیلدینی زمان محقرانه دوداق بوکهرک :
— آدم سن ده ! دیورلردی .

بودوش-وخیلر تزیهک مفکره سی تنویر ایدیور .
ازدواج ایچون ویردیکی قرارکده بوتون اولکی دوشونجه .
لری کی خیال اوستنه ، هپ خیال اوستنه مؤسس اولدیغنی
آکلایوردی . فی الحقیقه ، تزیه اون آلتی بیک ایرایه مالک
اولدقدن سوکره ایزمارو ایله یالکیز تأهلی دوشونمش ،
اونیکین رومانجیلر کی حیاتنه بو ازدواج ایله نهایت
ویرمشدی . فقط ، بعض رومان صحیفه لرینه خاتمه بند اولان
تأهلی حیات حقیقه ایچون ده بویله بر منتهامی ایدی ؟ تزیه
آرتق بر محبتک ، عقیب ازدواجده کی آلتین هوسلرک
ابدیاً امتداد ایدمیله جکنه امین اولمایه حق قدر تجربه دیدم

ایدی . بو حالده ، هر شیئی کوزل ، هر شیئی موافق ، معقول
 کوسترن بوشدت ابتلا سکون بولدقدن صکره نه اولاجغنی
 دوشونمک اقتضا ایتزمیدی ؟ نزیه یکی پیدا ایتمکه باشلادیغنی
 فکر تحلیلیک یکیدکننده کی شدت جاذبه سنه مفتون اولارق
 مکتبده ساعتلرجه اوغراشدقلری هندسه ، جبر مسئله لری
 کی کندی حائی قطعی ، واضح دستورلره ارجاع ایتمک ،
 محاکمه سنی هر وقت مغلوب ایدن خیالندن بو وضوح ایله
 قوتورمق ایسته دی . تأهلاک ایلک چیلغینلقلری کچدکدن
 صوکره ، هر کسده اولدینگی کی ، کندیسنده شوایکی حسدن
 برینک وجود بولایلیمسی ضروری ایدی : یا ایزماروسنه
 قارشی دوستانه بر محبت بسله یه جکدی ، یابو ازدواجدن
 ندامت ایده جکدی . ندامت ... نزیه شیمدی بونی ، ناقابل
 تعمیر بر حرکتک ویره جکی بومرارت شهیدیدی حس
 ایدیوردی . اوکا بوتون حیاتی ، هله شودرت بش آیلق
 صوک دوره سی ، ابدی ظن اولونان علوی حسلرک ، بویوک
 تشبثلرک ، عالی قرارلرک قیمتی آکلاتمشدی . اوچ درت
 آی اول بایدینگی شیلری بو کون استخفاف ایتمش ،
 اولری چوجو قجه ، دلیجه بولمش ، حالبوکه اودرت آی
 اولکی زمانده ده ماضی یه عینی نظر تربیفله باقمش اولدینگی
 کوردجه بو کونکی امللرینک ، امیدلرینک ، حسلرینک

استقبالده عینی شدتده ، عینی حالده قلاجقنه آرتق
 ناسل امین اوله بیلیردی ؟ ایشته نزیه حقیقه اولور کی
 حس ایدیورکه ایزمارو ایله ازدوجدن بر ایکی سنه
 صوکرده — بانه او قدر بيله کچمه دن — بو ایکی حالاری
 دوش-وندکجه « غیبا بونلری یاپان بنی ایدم ؟ » دیمکن
 باشلایه رق « نه چوجو قجه شیلر ! » دیمکه قدر و اراجق ؛
 ابتدا ، اوزاقده بولونورکن هر حرکتی برهاله شعر
 و ظرافتله محط کوردیکی زوجه سنک طبیعی ، ضروری
 اوله رق بوتون نقایصنه یاواش یاواش واقف اولدقجه ،
 یاخود شدت انتظارینه توافقی ایمین حالاتی برر نقیصه ،
 برر قباحت عدایتدکجه « بو قدر دایملر هپ بو قادین
 ایچونمی ایدی ، هپ بونک ایچونمی ؟ ایشته بونکده
 اوته کیاردن فرقی یوق ! » دییه جک . واقعا بونی دوشونور-
 کن اوتانه جق ، دوشونمه مک ایسته یه جک ؛ فقط کونلر
 کچدکجه بو ، بر فکر ثابت اوله جق ؛ هر آن نزیهی مضطرب
 ایده جک ، ایزمارو سنک حیاتلر ویرن حضوری آرتق
 بر منبع عذاب وجوده کتیره جک . قاچق ایسته دیکی
 حالده قاچه میه جق ... صوکرده کیزلیجه بی سبب بر دور
 بکا باشلایه جق ... اولجه تقدیس ایدیان قادینه قارشى
 کونلر کچدکجه کواکله شن بر خصومت آرتق اونک اواسکی

معبوده نك قالقیشنده ، اوتوروشنده ، سوز سویه یاشنده
 بیک قباحه ، بیک بایاغلیق کوستره جک ، وحیات نزیهک
 کندیمی ایچون کندی ایله حاضرلادیغی بر جهنم
 اولاجق ...

نزیه قلبنده بو ایکی احتمالدن هانکیسینک وجود
 بولایله چکنی دوشوندی . کندی نظرنده صمیمیتی
 محافظه ایتک ایسترسه بوتون استعدادیه بو ایکنجی شقه
 میال اولدیغی آسایم لازم کله چکنه حکم ایتدی . حالبوکه
 دیگر بر نقطه نظاردنده نزیه بو ازدواج ایچون بر چوق
 آجیلر کوریهوردی . قیزلری بک اوغلانده بیلمه ین هان
 یوق ایدی . باخصوص بر تورک ایله بریسینک تأهلی البته
 نظر دقتی جاب ایده جک ؛ بو ، هیچ شبهه سز بر چوق
 کشیلر ایچون کونلرجه سرمایه مقال اوله جقدی . کیم
 بیایر ، آرا یرده نه مصالحلر اختراع ایدیله جکدی . دیاپولولره
 ملازمت عاشقانه ده بولمنش کجابر بری برلربنه تصادف
 ایتدجه معنیدار بر کوز قیریشله :

— سنکیکی دیبه جکلردی ، برتورک ایله اولمنش ،

یاغلی بر بڈلایه چاتمش !

سنکیکی ... اوت ، اونک ایزماروسنه بویله دیه -

جکلردی . نزیه ایزماروسنی هاکلردن صاف ومقدس

عدايتىدىكى خالده او بو چاقىن آغىزلارده « — سىلكى »
 ايتاسىلە تحقىر اولۇنە حق ، قىزلارك بويوك بىر فداكارلغە
 دكرى اولمادىغى اعدادە حق قازانمش بىض امتىيازلىر ،
 — ياربى ، عجباً بونار پك چوقىدى ؟ — نزيهك بوتون
 قايىلە نفرت ايتىدىكى بو حريفلاركال اعداىلارندن اوكا آجىهرق :
 — زواللى ! دىيەجىكلر .

زواللى ... صحىح نزيه بر زواللى مى اولاجقىدى ؟
 ايزمارو كىندىسنى بوقدر آجىنە حق بر حالمى كىنرە جىكى ؟
 يا اوخفيف ، او هواى مشرب كىنج قىز بويىكى حىياتى
 ناصل تاقى ايدە جىكى ؟ نزيه اونى اسكىسى كى كىسەدن
 قاچىرمىهرق ، سربست ياشاتە مەجنى آ كلىوردى .
 قىسقا بىجانبى بوكا مساعده ايتىزدى . ايزمارويه ايچىندە
 بويودىكى جمعيتى آراتماق ، آرامغە وقت بر ئامق ايچون
 اونى دائى بر دغدغە ايچىندە ياشاتماق لازم كە جىكى .
 حالبو كە اون آتى بىك لىرا بوقدر يە كفايت ايتىزدى .
 بركون كلوب ايزمارونك تپە باشى باغچە سىندە قارداشلىرىلە
 برابر اوتوردىغى ماصەبى ، اطرافىدە كى عاشقلىرى ،
 اووقت بىلە دىكى اميد ازدواجى آرامىه جنى ، بوچىن
 زمانك اعادەسى محال اولدىغىنە باقهرق اوزمان ايچون بر
 آە تحسەر چكىمىه جكى نە دن معلوم ايدى ؟ بوتىسلىرك ،

زیادہ اشہ زیادہ اشہ آرہ لرنده ناقابل املا بر اوچوروم
 آچہ جغنه ، صداقت زوجیہ ایله برابر ناموس عائله نك
 بو اوچورومہ دوشمیہ جگنہ نزیہ ناصل امین اولاییایردی ؟
 ای ، او یله ایسه ؟ ایزمارو ایله کندی آراسنده تاسیسه
 چالیشدیغی بوتون اورا بطه لر ، اولدقچه جدی برحاکمه
 نتیجه سننده هپ بویله هیچه منجر اولیورسه بو هیچنر ،
 بو بوش شیلر آرقه سننده قوشه رق نیچون یورولمالی ، نیچون
 هر آئیمده هر شیدن بر جریحه آلمالی ایدی ؟



ایزمارو ایله بوسوک امکان ارتباطكدهینه هیچه
 منجر اولاجغنی آکلادقدن سوکره ، نزیه بوتون دهشت
 مشوشه ومظامه سیله محاکمه سی اوزرینه تأثیرینی حس
 ایتدیکی حکم حیاته اطاعت آیشمغه باشلایوردی . آرتق
 اولسکی کبی ، اکلنه بیلمك ، مسعود اولق ایچون اوج
 همشیره نك وجوده کتیردکاری لوحه ظریفه نی هر آن
 مخیله سنده احیایه حاجت کورمیوردی . اولوحه نی اوقدر
 تماشا ایتمش ، تماشا ایتدکجه نظری اوقدر الفت واستیناس
 پیدا ایلمشدی که نهایت اوراده دویمایان آمالیه تألیفی
 ناقابل کولکله لر بیله فرق اتمشدی .

شیمدی حیات یومیه نزیهك اوزرنده نفوذنی اجرایه .
 دقت و اهمیتنی ضبطه موفق اولیوردی . مع . افیه بوتون
 امللری ، امیدلری بوقدر ضربه لرله قیرلدقن صوکره
 قیزلری برکزه بویکی کوزلریله کورمك ایسته دی . فقط
 بوناصل قابل اولاییلیدی ؟ آرتق تپه باشی باغچه سی
 قاپانمشدی . سوقاقدہ تصادف احتماله قاپیلهرق کوندوزلری
 مکتبی ترك ایله بك اوغانده دولاشمغنی بوقدر عاقلانه
 مطالعه لر دن ، قرارلردن صوکره بك بایاغی ، بك کولونج
 بولیوردی . بونك ایچون یالکاز بر احتمال قالمشدی :
 قیشین بازار کونی اوپرت قومپانیاسنه کیدرده کوره -
 بیایرسه ...

تشرین ثانیك اون اوچی اولمشدی . بهار مختصر
 صوك بر شوخی مریضانه ایله بومستشا جمعه کوننه صولوق
 تبسملر سرپیوردی . اقشامه دوغرو زیه اوده دوره -
 مادی . جهانہ مستولی کوردیکی بر حسن سیال و جاذب
 اوکا کوزل چهره لر کورمك احتیاجنی ویره رك کنیدیسنی
 بك اوغلانه سوق ایدیوردی . هرکس ، بوفوق انامول
 مساعده نك بخش ایتدیکی شوق و کشایشله بشوش ، سوقاغه
 آتلمشدی . چهره لر ، طورلر ، حرکتلر ، بیایلمق
 ایسته یین برنشئه درونینك تأثیریه هپ متبسم ایدی .

نزیه ، هر طرفده بر شطارت کوردهرك ممنون بر حالده
 غلطه سرانی او ~~کنه~~ قدر چیقمشدی . صول طرف
 قالدیریمی اوزرنده کی آقتی یه قاپلهرق ایلرلرکن برقاج
 صیره یوقاریده کیدن اوچ قادینی دیاپولولره بکرتدیکی ایچون
 بردن بره تتره دی . بوگون طیبی قیزلرده اوده اوتورا-
 مازلردی . عجبا بونلر اولماسین ؟ اوکنده یورین شو اوچ
 قالدینک چهره لرینی کورمک احتیاجیله بیقرار اولان نزیه
 غلبه لاق آراسنده یتشمک قابل اولمایه جغنی کورونجه اکیلرک
 آیاقلرینه باقدی . قوجه لاستیکلر ایچنده سورونن بو آیاقلر
 دیاپولولرده اولدینی کبی کوزل صاچلرک ، باشلرک هر زمان
 اوافق ، نازک اسقارپنلرله طاشینادیغنی اوکا آکلاتدی .
 یوقاری یه دوغرو غلبه لاق انقسام ایدیوردی . نزیه
 زانی اجزاخانه سینه قدر چیقهرق آشانی اینن سه وقاغه
 بر بقمق نیتده ایدی . لوکسمبورغک اوکنده اوچ درت
 آنیم مسافه دن قیزلره بردن بره راست کلدی . نه پاه جغنی
 در حال شایر مشدی . ایزماروینی ایجه ، دویه دویه کورمک
 ایچون اولدینی یرده توقف ایتدیکی حالده بونلر کچوب
 کیدرکن کنیدیسنه بر اثر آشنائی کوستروب کوسترمدکلر-
 ینک ، باقوب باقم اقلرینک فرقنده بیله دکلدی . یالکیز
 قولاقلرنده شدتلی براوغولتو ایشیدیور ، یوزینک آتش

کبی یانماسندن بوتون قاننك باشنه هجومی آکایور ، قای
شدته چیرپینوردی . بو قدر هیجانی ، بو قدر شاشقینلی
حالا وجوده کتیره بیلیمك ایچون بو قیزلر کمدیسنده نه
عمیق بر تاثیر حاصل ایتمش اولمالیدیلر !

آغستوسك یکر می برنجی کونندن بری نزیه دباپولولری
کور میوردی . بو کون تام سکسان درت کون اولمشدی .
ایشته بوسکسان درت سکونك اعتدال دم ایله ویریلان
قرارلری ، امیدسزلک لری شیمدی شو تصادف ایله هپ
اونوتولمش کبی ، نزیه ایلمك پریشانلقدن قورتولونجه همان
کری دونه رك پك حیزلی یوروین قیزلره یتشمك ایچون
عادتاً قوشمغه باشلادی . اوزاقدن شاپقه لرینه اشارت
قویمشدی . بو خندان وعشود باز شاپقه لرك موزون بر
آهنکله سالانیشنی سیر ایتکی ، اونلرك آرقه سندن
— هیچ برشی دوشونمیه رك — قوشمغی شو دقیقه ده
اقتصادی امل بیان نزیه ، آلدینی امره اطاعت ایدن
بر نفره بکزیوردی . و بو حرکتی محاکمه ایتکی بی لزوم
بولیوردی .

مکتب سلطانی اوکنده آرایه تراموای ایله بر قاج
آرابه نك کیریشی نزیه اوزاقدن براقدی . قیزلر دوغرو
یول جهتده ایلیله مشلر ، کوزدن غائب اولمشلردی .

غلبه‌لق آراسنده یول بولوب کچمکه اوغراشیرکن بر آز
 کیدیسنی طوپالایه بیلمشیدی. دوردی، ای نه او یوردی؟
 بو بادیفی نه ایدی؟ نه یه قوشیور، یول بولوق اینچون
 نه یه تلاش ایدیوردی؟

نزیاً عادتاً محجوب اولارق کری دوندی. شیمدی
 متفکر بر حالد پاسته جیه اوتورمش، سوقغک غلبه لغی
 سیر ایدیوردی. لکن اونک بو غلبه لقمه آرتق علاقوسی
 قالمامشدی. او بونلره بر نظر خسرانله بقعه محکوم ایدی.
 بو صیراده دیارلورلار لارنده بر مغازه دن آلمش
 اولد قدری پاکت لره عودت ایدیورلردی. نزیه کیدیسنک
 غصب اولونان بر حق مشروعی، حق محبتی تمقیب
 ایدیورمش کبی شدته طیشاری فیرلادی. عادتاً حربه
 قارشیق بر حمله تا آرقه لرنده یوریوردی. قویولا جورده
 باغی برالده کیمشلردی. شاپقه لری عادی، اسقارینلری
 اسکی ایدی. شن، بی پروا، آایلرینه دالمشیلر.
 نزیه، اهمیت ویرمیدن، آرقه لرندن قوشدیریورلردی.
 جامعک آلتنده کی سوقاقدن صایدیلر. نزیه گوشه باشنده
 دورارق باقیوردی. قیزلر بر قاپیدن کیرنجیه قدر
 اوراره بکله دی، حتی میدانده کیمسه قالمادینی حالدهینه
 یرندن آیرلیوردی. نهایت انتقام آیرجه سنه بر تأسفله:

— حالارنده کی او فوق العاده لك قالماش !

دیدى واهمیت ویريله جك بر اضطراب حس ائمه دن

يورودى .

نزیه آرتق دیاپولولرک تأثیر شدیدندن قطعاً قورتولمش
عد اولونه بیایردى . سکسان درت کون دوام ایدن بر
حسرتك نتیجه سنده ايلك تصادفی بویله بالنسبه بر سکونت
قلب ايله کچیررسه بوندن صـ و کره بوکبی تجربه لره پك
قولای مقاومت ایده جکی ، ذاتاً آیری بر مجرا داخلنده
آقغه محکوم اولان حیاتلرینك ایلریده کنـ دیلرینی
بوتون بوتون آیراجـغی محقق ایدی . اوچ درت آی
سورن شو معاشقه خیالیه کیت کیده نزیه ده طاتلی بر
خاطره بر اقیوردی . سفالت حیاتیه لرینه واقف اولدیغی
زوالمی دیاپولولر حقنده بر شفقت متأثرانه حس ائتمک
باشلامشـدی . حقیقت حیاته ، احتیاجات مادییه بیکانه
قالغه او قدر لایق اولان بونازك ، بوسـ و یلی قیزلرک
اولدقلرندن یوکسك کورونـك ایچـون نه محرومیتله
قاتلاندقلرینی ، یکی بر شایقه آلتی ، بر بازار سیره کیده ـ
بیلمك ایچـون نه قدر اوزولدکلرینی دوشـ و نـد کجه بو
مذهب احتیاجلره قارشى درین بر مرحمت دویـ و ردى .
حیاتده کیم یلیر دهـ نه قدر آجیلر واردی که هپ بویله

تېسملر ، عشوه‌لر ، ممنونیتلر آلتنده ستر اولونیوردی !

رمضان گله‌دی . اوپرا مراقیدن حالا واز کچه‌مه‌مش
اولان سعید نزیهی برقاج کیجه وردی یه قدر کوتوردی .
نزیه اویوندن زیاده دباپولوری کورمه‌که خواهشکر ایدی .
طول مدت کورولمه‌ین بر احباب تحسیری حس ایدیوردی .
بر بازار کونی ینه اویوندن عودت ایدرکن لوبونک اوکیده
اونلره راست کله‌دی . بودغه شایریمه‌رق اوپانه چهره‌لری
کمال لذتله سیر ایدیوردی . اونلر ینه آلدیرمادیلر . بر
قاج آدییم اوزاقلاشه‌دقلری زمان آرفه‌لرندن باقدی .
تعقیب ایتک انچون اوفاق بر آرزو حس ایدیوردی .
فقط چوق تردد اتمه‌دن :

— نافله ، دیدی ، بوش یره یورولاچغم .

ایزماروسی انچون اطه‌ده کوشملر آلتنده بیك
مشقت ، بیك اضطراب ایله دولاشتمی وقتیه سمدات
بیان نزیه شیعه‌دی متناسب انداملرینه ، کوزل اگسه‌لرینه
باقه‌رق قیزلری بش اون دقیقه تعقیب ایتکی بوش یره
یورولمق عدا ایدیوردی .

بایرامی تعقیب ایدن جمعه کونی ، بهار کندیتی
سودیرمک ایسته‌ین برقادین کبی ، بوتون شعله‌ طراوتی

یایمشدی . نزیه شیشلییه چیقماق اوزره کوپرویه ایندی .
اوراده بش اون آدیم قارشیدن برینی کورنجه ترده
قایلدی . بو ، بهجت نه قدر بکزیوردی . یان یانه کچه جکلری
زمان ترددی زائل اولدی . ذاتاً بهجت ده نزیه کورمش ،
النی طوتمق ایسته میشدی . نزیه حیرته :

— لکن نه قدر دکشمشسکز ! دیمکدن کندیسنی

منع ایده مدی .

— بغداد بو !

شیمدی نزیه سویله یه جک بر شی بولامیه رق بهجتک
یوزینه باقیور ، نیچون ، نه وقت کلدیکنی صورامیوردی .
بونی صورمه ذاتاً حاجت وارمیدی ؟ صیج-اقدن ،
مشقتدن ، اضطرابدن بوزولان ، سیاهلانیان ، چرکینه ن
بو چهره اوکا هر سؤالک جوابی پک واضح اوله رق
ویریوردی . دیاپولولر اوفاق بر تلمیح اولق اوزره :
— هانی ، دیدی ، آوروپا طریقه-له عودت ایده .
جکدیکز ؟

بهجت مغموم نظریله مخاطبینه باقهرق باشنی صالادی :
— اولمادی ، دیدی .

اوگون شیشلیده مارینک قهقهه لرینه ، شطارتلرینه
باقان نزیه ، یانمش ، بوزولمش ، کیکلری چیقمش چهره سیله

بهجتی در خاطر ایتمکدن کندیسنی منع ایددمدی . بوکنج
قهقهه لر قولاغنه مشئوم بر انعکاس ایله چارپدی . قلبنده
بوتون قادیلره ، بدبخت ایدن قادیلغنه قارشلی بر غیظ
حس ایدیوردی .

نیمسانک اوتوزنجی جمعه کونی بک اوغلندن دوزلرکن
ضیا ، شکری ، نزیه تپه باشی باغچه سنک اوکندن کچیورلردی .
بواقشام اوکستره نزیه بک قولاغنه پک امل بخش بر طاتایلقله
انعکاس ایدیوردی .

— عجبا ، دیدی ، قیزلر ایچریدمی ؟

قیزمق ایچون هنوز بر سبب بوله مامش اولان شکری :
— آل ایشته ، دیدی ونظریله ایچریده پیاسه ایدن
دیابولولری کوستردی .

استشاره یه حاجت قالمه دن اوچی ده کری دوندیله ،
باغچه یه کیردیله . نزیه یدی آبی متجـاوز بر زماندن بری
بورایه کلمه مشدی . آیقـلری آلتـنده چـتر داتـدیغی قومـلر
بوتون خاطرات ماضیه نی ، یالکـز لطیف وجاذب جهتلرندن
احیا ایدیوردی . دیابولولره همان همان مفتونانه بر نظر عطف
ایتدی . کندیسنی کورونجه ایزمارونک یوزنده بر پنبه لک
حاصل اولدی ظننه بـیله قایلدی . ایکـنجی دفـعه اوله رق
اوکلرندن کچرکن نزیه بک بوکون بوش دوران اسکی موقعی

بوتون اوتوزلی اسکمله لری ، توزلی آغاچ یاپراق لریله
 کندیسنه بر نظر سرزنش یولایور . نه یه اوتور میورسک ؟
 دیوردی . نزیه ، رفیق لری نیک ممانعتی ایستر بر طور ایله
 تکلیف ایتدی :

— اوتور میه جقمی یز ؟

شکری قیزدی :

— ینه می باشلادک ؟ دیدی . سز آبدال سکز ،
 بونلردن آدمه فائده کلز . بونلر سزی آلیق یرینه قورلر ،
 اکلیرلر !..

نزیه مقصدینک بو قدر غنیف بر صورتده کشف
 وردایدلمسهنده هم قیزارق ، هم اوتانه رق کندیلرینه التحاق
 ایتمش اولان محمود بکدن تفصیلات آلیوردی . بریکی
 متصل سویلیوردی :

— آلا فرانغه بش بچقده کلیورلر . ساعت اوندن
 بری بوراده بکلیورم . کلایلر ، « مونتهانی روس » ه
 بینلری برچوق سیر ایتدیلر اما کندیلری بینمدیلر .
 فقط برکون البته یینه جکلر . بن آرقه لرینه اوطوره جغم .
 اوزر لرینه دوغرو او یله بردوشه جگم که ...

نزیه بواقشام باغچه دن دوزکن ماهیتی تحلیل ایدمه مدیکی
 بر حسسک تحت تاثیرنده بولونیوردی . باغچه دن آیرلق

ایسته...مش ، قالمقده آرزو ایتمه مشدی . شیمدی بر
 آغلامق احتیاجیه مضطرب ایدی . قابنده نرینه مصروف
 اوله جغنی بیلمدیکی عدم ممنونیتار ، تخریب آرزولری ،
 بر فناءلق ایتمک حرصلری فرق ایدیور ، در حال نادم
 اولیور ؛ کندیسینی پک بدبخت بولمقدن ایلری کلن بر
 تأمله سببی مجهول بر حزنک امتزاجندن متوالد بر عظالت
 حیات ، بر نفرت حس ایلیوردی . فقط نیچون بو ؛ بر
 قدینک بر نظری ، اوفاجق بر مواجهه سی قابمزرده ،
 موجودیت مزرده نهدن بویله فیرطنه لر قوپاریبور ؟

نرینه شیمدی اوده قاروشمینی بویوک بر نعمت عد
 ایدرک عادتاقوشیوردی . همان کیدوب اوطه سنه قاپانه جق ،
 اوزون اوزون آغلایه جق ، صوکره قابنده کی بوهیجانلری
 یازده جقدی . حتی بونک ایچون ، ضیانک تسکلیف ایتدیکی
 مسافرتی رد ایتدی . اوده کلدیکی زمان اوشدید احتیاج
 بکا زائل اولمشدی . کیجه این ، کوندوزکی تحسیناتی تصویر
 ایچون قلمی حقه یه باطیردینی زمان یازده جق بر کلمه
 بوله مادی .

— آدم سنده !

دیدي ، وکاغدی فیرلاتدق راحتجه اویودی .



صیغیه کیده جك عائله لرك تپه باشی باغچه سندن اینی بر
خاطره صاقلامه لری مقصدیله مایسك اوتوزنجی بازار
کونی باغچه بایراق لرله دوناتلمش ، کیجه شنلك اجرا
ایدیله جکی اعلان اولونمشدی . نزیه اوکون مکتب
رفیقلرندن سعید ایله برابر باغچه ده ایدی . ینه اسکی یره
اوتورمشلر ، بازار لره مخصوص برفعالیت ایله تمیز ایدن
غایه لق آراسنده کوزل چهره لر آرایورلردی . نزیه ،
کندیسنه آشنالق ایدهرک برماصیه اوتوران ایکی کینج
آدمدن برینی سعیده کوستردی .

— شونی کوردکی، دیدی، هانی - کا آ کلامشدم، بهجت؟ ایشه او.

— بغداد سیاحتک هیچ حکمی اولامش دیمک؟
— اولیه اولاجق.

نزیه، مقاومت قبول ایتمز بر قوت قارشیسنده بولنیور کبی اوموزلرینی قالدیره رق اظهار عجز ایله بو جوانی ویررکن نه اهمیتسنز شیرلنده اویونجاق حالنده بولونان حیاتمک دکر سنز لکنی شدله حس ایدیوردی. اوت، اوشیمدی بهجتک بوشدت ابتلاسی تحف، غیر معقول، شایان استخفاف بولیوردی. جدی بر محبت ایله ربط قلب ایتمکدن اوزاق، مستهزی، خفیف مشرب برقاج قیزک هر کسه ابدال ایتدکری برقاج تبسمه، برقاج نظر تشبیحه آلدانه رق حیاتی، دنیایی بوندن عبارت ظن ایتک، هر شیئی بو هیچر ایچون فدا ایتک حقیقتده بردلیک دکیدی؟ لکن نزیه بوانصافسنز فکرده چوق ثبات ایده میهرک بر سنه لک ماضیسینی در خاطر ایدیور، شیمدی بویله بارد بر قلب ایله محاکمه نتیجه سنده ویره جکی حکمک بهجت ایچون هیچ دوغرو اولامیه جغفی آ کلیوردی. کیم بیلیر، اوزواللی قلب محکوم بوتون بو چاغینلقلرده نه قدر منطق، نه قدر لذت بولیور، هیچ

شبهه سز غایه حیاتی آنحق بویله برسر گذشت ایله آکلايه-
 بیلوردی ؟ نزیه ایچونده بویله اولماش-میدی ؟ نزیه
 یرنده باشقه بری ده اولسه اولیه اولمایه جقمیدی ؟ بو حالده
 حقیقت نروده قالیوردی ؟

بزم اختیار ومفکره من احتراصات قابیه مزك ،
 تمایلاتمك تحت تسخیرنده قاله رق بوتون عالمه بو طرفیکیر
 کوزلك آلتندن باقارسه ق حقیقتی ، معقولیتی هپ کندی
 طرفزده کورمه مك ، فکر مزه توافق ایتمینلری محض-ا
 بوندن دولایی رد ایتمه مك نصل قابل اولوردی ؟ حیاتمزه
 بزی ناصل ، هانکی بر اساس بواجتناب ایدیه جك
 نقطه لردن ، اوچوروملردن اوزاقلاشدیره جق ، بیک دورلو
 صاپه ، چیقماز یولار آراسندن شهره سلیمه سوق
 ایدیه جك ؛ بوتون بو قارا ککقلر ایچنده بر مشعله هدايت
 کزديره زك بزه رهبر اولاجقدی ؟ بومعمای حیاتی کیم
 حل ایدیه جکدی ؟ کیم ؟ شو ، پرشوق وهوس ، اطرافدن
 آقان غلبه لقمی ؟

شیمدی نزیه موجودیت حقیر دسنی تپه باشی باغچه سنك
 اوتوزلو ماصه سی باشنده براقه رق باغچه بی دولدوران
 بو قادین ، ارکک غلبه لنگ هویت مظالمه لرینه حاکم اولان
 غافل ، بی خبر ، اعما قوتلرک اسرارینه نفوذ ایتش کی

بوتون بو بیچاره انسانلردن کی میسنک شوراده بواقشامش
اون بارداق ببرا ایچمهکن ، کی میسنک دوت کوزل قارین
کورمکدن ، کی میسنک بوراده درلاشدقارینی باشقه لرینه
حکایه ایتمکدن باشقه برشی دوشونمکدکارینی ، پمضارینک
یکی توالتلرینی کوسترمکدن ، بعضیلرینک دارلمش برعاشقی
قیصه قاندرمقندن ، بعضیلرینک اوفاق بر فرصت تالاق بولمقندن
باشقه بر شیئه خواهشکر اولماق لرینی ، هپسنک بو حرصلرینه ،
هوسلرینه کومولهرک ، بوتون موجودیتلرله بواملر آرقه سندن
تیردیهرک ، مشغول و غافل ، متعجب و متهاک ، پنجه لشوب
دیدیشدکارینی ، چاریدشوب آیرلدقلرینی فرق ایدیور ؛
کوزل قوستوملر ، منتظم محاوردلر ، نزاکتلی طورلرله
اوینان مضحکه حیاتی صحنه نك ایچندن بوقوقلالرک بوتون
چپلاقلغنی ، بوتون جماعتنی ، وحشت و غلظتی آکلایه رق ،
کوره رک سیر ایلوردی ...

وغلبه لاق کیتدکجه آرتهرق باغچهنک هر طرفه بابایوردی .
رنکارنک بایراقلرک تموجلرله برچوق قادینلرک تازه ،
اعتسالی توالتلری بر برینه قاریشه رق نظرربا بر آهنگ الوان
وجوده کلیور ، اورکستره نك خفیف والس لری هر کسه
صانکه بر رفتار رقصان بخش ایدیوردی .

سعيد قانی طرفی نظریله اشارت ایدرک :

— قیزلر کلیور ، دیدی . باقم نه بایه جقلر ؟ بوش
ماصه یوق ، شویانم زده کی ماصه ده کیلر اسکملهلرینی قاپوب
کیتدیلمر . شیمدی قیزلر کایر ده بورایه اوتور لر سه صاحب لری
کلنجه تحف اولاجق .

دیاپولور ، یانلرنده نزهت یکی بر مربیه دییه تلیق
ایتدیکی یاشلیجه بر قادین ایله ، اکلهرک کلدیلمر . بوش
یر قالماش اولدیغنی کورنجه بر از تر ددن صوکره یولدن ایچری
کیردیلمر . اسکملهلری ترسنه قپالی ماصه نك اوکنده دور یورلر ،
صاحب لری بکلین یاریم بیر اقد حلرندن قورقور کی اوتور مغه
جسارت ایده میور لر دی . نزه ایله سعید بواجتنانی
لزو مسز بولهرق کولیورلر ، دیاپولورده محجوب اولماق
ایچون عینی صورتده مقابله ایدیور لر دی . نهایت قرار
ویردیلمر : یالکز اسکملهلری آلارق نزه ایله سعیدک
ماصه سنه کلدیلمر . بونارینه کولهرک یر ویر مشلردی . اختیار
مربیه سعیدک ، اسمنی بیله مدکلری بویوک قیز نزهت یانسه
اوتور دی . ماری ایله ایزماری بونلرک اورته سنده قلمش لردی .
بر ماصه نك باشنده بر حلقه تشکیل ایدیلهرک ، مجبوری
بر مقارنتله احباب کی بر لیکه اوتورولان بو مجلسده ایلمک
قهقهه لردن صوکره بر صیقنتی پیدا اولمشدی . نه قیزلر
لاقیردی سویله یورلر ، نه سعید ایله نزه سهکوتی اخلال

ایده بیایورلردی. نهایت دیاپولولر صبر ایدهمدیار، آلمانجه
قونوشمغه باشلادیلار. سعید ایشک بویله اولدن هیچ
تخمین ایدهمدیکی بر صورت دوندیکی کورنجه بقله یی
آغزندن چیقاردی. نزیه قاشلریله اشارت ایدهرک رفیقنه.
پک عیب ایتدیکى آکلامق ایستیوردی. سعید قهقهه سنی
صالیویره رک:

— بیایرسک یا، تورکجه در ... آکلامازلر!

آرتق هر ایکی طرف کندى صحبتلریله مشغول
کورونیه-وردی. بر آراق نزیه قیزلرک قونوشمه لرینه
باقارق اولرکده کندیلرینک نه سويله دکارینه قولاق
ویردکاری حس ایتدی. سعیده دوشرواوازاندی، یاواشیجه:

— شو آلمانجه نك، دیدی. انتقامی آله لم. تورکجه

بیایورلر عد ایده رک کندیلرندن بحث ایده لم.

بو قدری سعیدک معذبلیکنی دعوت ایچون کافی ایدی.
دیاپولولرک یوزینه متجسس بر نظر عطف ایده رک بر
طرفندن نزیه لاقیردی سويلیوردی:

— اکن شوصارباشینک دوداقلری پک ایجه ...

نزیه مقابله ایدیوردی:

— یاسن بنم یانمده کنک قولاغنک آرقه سنده قالان

پودره یی کورسه ک ...

بویوک قیز ، بوش بولوندیغنی کوس-تر بر استعجال
ایله همان پارماغنی قولاغنه کوتوردرک اوغوش-دیردی .
مارى ، بو حرکتی کورن س-عیدک بر قهقهه قوپارماق
ایچون نصل جبر نفس ایتدیکنه باقنجه نزیهک بر حیلہ سنی
اکلایه رقی بی پروا کولمکه باشلادی . سعید دوام ایتدی :
— لکن قره کوزلیرى ، بهجتک سوکیلیسی هپسندن
کوزل . هله کوزلره باق ، قدیفه کبی .

نزیه لطیفه ایتدی :

— یانکده کی مربیه یی اونوتیورس-ک غالباً . اويله
لطیف بوروشوق یوزى ، آغارمش صاچلری وارکه ...
دیاپولر آلمانجه یی بوتون بوتون شاشیرمش-لردی .
تورکجه بیلمدیکی آکلاشیلان مربیه سویدکلری سوزلر
آغزلرندن دوکول-وردی . نزیه ایله س-عید اکلنجه یه
پک مساعد بولدقلری بوزمین محاوره اوزرنده کولوشه رک
دوام ایدیورلردی .

براز صوکره نزیهک یاننده کی بویوک قیز احبابلرندن
بر عائله نک یاننه کیتمک اوزره قالقدیغندن پیاسه ایدلرندن
بری همان اسکمله س-نه صاریله رق آلدی کوتوردی .
نزیه ده یاواش یاواش کیتمک ایچون سعیددن آیرلشدی .
بر دور یاپدقدن صوکره کچرکن اسکمله س-نه بویوک قیزک

اوتورمش اولدیغی کورنجه بر آلاي چبقاره ق اوزره
سعيدك اوکنده توقف ايتدی :

— هانی اسکملهم ؟

تزيهك آياقده قالیشنی پك تحف بولان دیاپولولر
اوزون برقهقهیه باشلامشردی . سعيد اعذار ایدیوردی :
— نه باپیم ، مادموازل آياقده قالمشدی ... آرتق
اسکملیه برابرمی اوتورورسکمز ، نه یاپارسکمز ، نصل
اویوشورسکمز ، بیلمم !

سعيدك بوسوزلری دیاپولولری دهها زیاده ممنون
ایدیور ، دهها زیاده کولدیریوردی . نهایت تزيه آرلدی ؛
شن ، ممنون بر حالده باغچه دن چیقیدی .

أوت ، دیاپولولر ایشته بویله کولوشمکه ، اکلنمکه
یاراردی . فقط تزيه بونی آ کلانمغه نه تجربه لردن صوکره
موفق اولمشدی ! شیمدی تزيه تراموای جاده نی آغیر
آغیر تعقیب ایدوب کیدرکن شوکچن عشقنک بوتون
خاطرانی برر هیکل ذیروح حالنده یولی اوزرینه
دیکلیمش کبی هر کوردیکی بناده ، دکانده ، سوقاقد
ماضی نی تخطر ایچون بر وسیله بولارق حالدن اوزاقللا -
شیور ، پرفسون بر آن ایچنده صانکه ایام ماضیه سی
حیات بولیور ، بوتون او تفصیلات تکرار جانلانیوردی .

بر سینه اول نزیه یینه بویله بر امتحان آراسنده ، یینه
 بویله بر بازار کوننده حقیقت حیادتین پک غافل ،
 غفلتندرنده بی خبر بر مکتبلی ایکن بو باغچه کیش ، حیات
 ایله ایلک مصادمه یه بوراده معروض اولمشدی . اووقت
 اونکده کندیسنجه سلاخاری ، مساکلی ، فیکری واردی .
 فقط بونلر اوج همشیردنک نگاه عشوه سی آلتنده اریبوب
 محو اولمش ، نزیه کینج ، یکی ، پر آمال قلبنک بوتون
 ابتلا ی شدیدیله کندیسینی بو سطح مئل هوسات
 اوزرینه فی رلا تمشدی . اوج ، بو ایلک اوان مفتونیت
 نه لذت ، نه مستی بخش ، نه حیات افرا ایدی ! اووقت
 دها نزیه تپه باشی باغچه سی نی نیچون بو قدر سودیکنی ،
 اورایه کیدرکن یوقوشلری نیچون بو قدر سرعتله
 حقیق دیغنی ، باغچه نک پارما قلغنی اوزاقدن کورنجه نیچون
 او قدر صبر سزلق کوستردیکنی بیامزدی . یالکزدین
 بر احتیاج کندیسینی اورایه س-وق ایدر ، کینجلیکنک
 تنفس ایده بیله چکی هوایی اوراده بولوردی . صوکره
 ایسته شود کالرد ، بنالرد ، سهاره باقهرق محزونانه عودت
 ایتک ، بوتون قابده ، فیکرده ، روحده درونی بر زمزمه
 اشتها نک انعکاس مدیدینی طاشیمق ، هریرده بو عالم لری
 تعقیب ایتک ، دوش-ونمک ، یاش-امق واردی . و بونلر
 نه قدر یکی ، نه قدر سحر ایدی !

صوکره ، یاواش یارش نزیه بوکندیسنی جذب ، ایدن
 قوتک نه اولدیغدن شهبه ایتمهک باشلامشدی . بونک اوزرینه ،
 جبر نفس انجون مجادلات قبییه دوشمش ، کندیسنی
 آلامق ایسته مش ، نهایت او ماوی کوزلی صاریشین
 ایزماروسی اوغورنده جهنم عذابری کچیردکن ، دلی
 ایده جک راحت سزاقده گرفتار اولدقدن صوکره آطه ده
 برکیجه ، برتیاترو کیجه سی ، صباحه قارشى ساکت ،
 غنوده امکاسات اجرام ایله متبور بردکز قرشیسنده
 بوتون نجوم دورا دور بوکسکده کی عالمردن ازلی برپام
 محبت کتیررکن نزیه کائنات محیطه نک جسارت بخش
 تبریکری آلتده عشقی کندی کندیسنه اعتراف ایتمش ،
 بوغرام باکیزه نک ویردیکی حق ایله ایزماروسنده عینی
 محبتی آرامغه قاقمشدی . ایسته بوراده نزیه کندی
 کندیسنه بنا ایتدیکی سراچه امیدک ییقلدیغنی ، کندی
 کندیسنی امداد ایتدیکی موقعک چو کریکنی حس ایتمش ،
 بوتون بو خرابه لردن ماتم انکیز ، آجی ، عداوت بخش
 برامید سزلك ، برنی نصیبک خائن برحشره کی جانلانه رق
 قابنک نجیب ، عالیجواب حسلرینی ، حیات ، عالم حقنده کی
 فکرلرینی زهرلهمکه باشلامشدی . واو وقت کندیسنی
 بو خواشکر بولوندیغی عالمردن اوزاق ، محروم طوتان ،

بو حقی الندن چالهرق هیج بر سبب رجحان کوزتمدن
راست کله اوتیه بریه توزیع ایدن ، بذل ایدن قوته ،
امتیازلی زمره اغنیایه قارشى طغیان ایتش ، اولردن نفرت
ایلمشدی .

صوکره ، بو خطرناک میملدن چکیلهرک او یله بوش
عشقلر آرقه سندن یوکسک عالملرده قوشمق ایسته یوبده
جریحه لر آلمقدن ، کیندکجه کوکله جهك بر خصومت
درونینک هر آن قوصه جنى بر زهر محرق ایله بویاره لری
آلوندیرمکدن ایسه بویوک بر متانت کوسه تره رک بونلری
اونو تمق ، حیاتی برکنج آدمک مملکتنه مدیون اولدیغی
مقدس وظائفه ، خدماته حصر ایتک ودها عالی ، ده
اصلی برغایه اولمق اوزره بتون انسانیت ایچون چالیشمق
لازم کلدیکنه حکم ایتش ، بویولده بر عهد قویده
بولونمشدی . هیات که تجربه ، حیاتدن کوره جکی ممانعتلره ،
خیانتلره ، مشکلره قارشى متین بر استنادگاه تشکیلی
ایده جک اولان بواعتماد قویدنده کندیسنى محروم
براقش ، بوتون حادثاتک بر نتیجه تصادف اولدیغی اوکا
احساس ایتمشدی . فی الحقیقه نزیه بر چوق تشبثی ، بر
چوق حرکتی ، آرادن براز وقت کچنجه طفلانه ،
کولونج بولمشدی . بونی کوروب دوررکن آرتق ناصل

اولورده ، حاله ، استقباله اعتماد ایدر ، بوگونگی
 تشبیهلرینکده یارین مقرون سقالت اولمایه جغنه ، یارین
 اولاریده بوش ، بی اساس بولمایه جغنه آرتق ناصل اولورده
 امنیت ایلردی ؟ تزیه بودهشت بدینانه سیله قابنی صیقان
 قانون طبیعت آلتنده بوغولمقدن قورقور کی درین ،
 کنیش نفسلر آلهرق :

— خایر ، دیوردی ، حیات البته بر مجموعه نصادف
 دکدر ، اوله ماز !

لکن زهدن بیایوردی ؟ بونی کندیسنه هانکی شی
 تأمین ایدیوردی ؟ بویله اولمادیغنی کیم اثبات ایایوردی ؟
 آرتق تزیه ساده برسوزنه ، دلیلسز لاقردیلره اولکی کی
 صافرونانه امنیت ایدمزدی . آد قابل اولسه ، او
 شبهه دن عاری اولکی دور اعتماد اتاده ایدیله بیاسه ایدی !
 او وقتلر ، اولدن ، حتی دیاپولولرک آرقه سندن متحسرانه
 دولاشیرک بیلله تزیه نه قدر مسعود ایدی . شیمدی
 قلبنی یاقان بودورلو ترده ، بونوع قرارسزغه او وقت
 بیکانه ایدی .

ماضیه تحسر ، استقباله عدم اعتماد ... تزیه
 حیاتی دایما بویکی کرداب آرمسندمی ، تهییج و مضطرب
 اولاجقدی ؟ فقط مادام که حالی ، استقبالی بکنم یور ،

یا بو دقیقه لرده برر برر کریده قاله رق کمنندن اوزاقلا -
شدجه اولرک نه سینه تحسر ایده جکدی ؟ هیچ بروقت
حالدن ممنون اولمشیمیدی ؟ او یله ایسه هپ بکنلمه یین
حاللارین ترکیب ایدن ماضی ناصل بر پرده فسون آلتنده
قالیورده دائما حسرت مزی ، توجه مزی جلب ایدیوردی ؟
نزه شیمدی تراموای جاده سی ترک ایدرک اسکی
کوپرویه دوغره ایدیوردی . صانکه بر طور بادن
بوشالتیلهرق بر بری اوزرینه بیغلمش کی کورونن اولرک
نهایتنده ، قالینجه بر دومان آلتنده نیم مستور استانبول
افقنک تاتپه سنده فتح جامعی ، شمس غاربک قیزیلقلری ،
آلهولری ایچنده متعدد قورشون قبه لریله ، فوق بشریته
چقمق ایستاتور کی فرلایان بیاض ، اینجه مناره لریله
بوتون بو عالمده حاکم کورونیوردی . نزه یوقوش آشغی
هر آدیم آتیشنده بو عظمتلی لوحه نک یوکسلدیکنی کوریور ،
آلتنده صانکه ازلییوردی . استانبولک منظور اولان
قسمی دومان آلتنده ، بر هیولا کی جامد و ساکت
دوررکن قارشیسند بوقیر مزی آلهولر آراسنده یوکسه لن
قبه لره ، مناره لره ، علملره علوی بر حیات کلیور ،
بوتون اوده شتلی کتله بر معنای بلیغ ایله تیترده رک
فوق الطبیعه ، لاهوتی ، خارقه نما بر طبیعت عیان ایدیوردی .

ونزیه قابی ، فکری صیقان بواندیشه لر آراسنده
 شیمدی خیاله حاکم اولان بو عظامنا منظره علویه دن
 بوتون بوتون متبج ، متحسس اولدوق تکمیل هویتی
 لرزان بر حالده ، داغین ، سرسم ، عادتا قوشیور ،
 اورایه ، او دریای خونین ایچنده صوک انکاسات شمس
 ایله پارلایان هلاله وارمق ایستیوردی ...

دماغی بو قدر یوکی طاشیمقدن اظهار عجز ایدیور
 کبی نزیه کوپرونک اورته یرنده ، بی تاب ، پارماقلغه
 دایندی . صاغ طرفده بک اوغلنک قات قات بویوک ،
 اسلوبسز ، چرکین بنالریله ، قوی وفعال ، یوکسلیدیکنی ؛
 قارشیسنده خایجی دولهیران زرهلیر اوزرندن تانهایتمده
 ایوب مزارلغنک قویو بر خط ممات چیزن سیاه سرولرینک
 کسلان اخرویسندن تحاشی ایدن نظری استانبوله معطوف
 اولونجه اوقوجه شهرک درین بر غشاوه عجز و سکون
 ایچنده دیکلندیکنی ، پرسکوت و خواب آلود ، جانلارمق
 ایچون بر تفخیه منتظر ، بکله دیکنی کوریوردی .

وبونفخه فوق آسمانه فیلامق ایستین بر تهالکله
 آتلمش بیاض ، نارین مناره لردن سیلان ایدیور کبی
 بوتون خلیج آوازه توحید ایله بردن بره غمغمه چین
 اولمغه باشلاخجه براز اول اولو کورونن شهر شیمدی متین

بر عصبيت ايمان ايله صارصیلیور ، جانلانیور ، غلطیه ،
 بك اوغلنه حاكم اولان یانغین قله سنك كوزلرنده شمس غاربك
 انعطاف شعاعيله صوك بر نظر آنشین پارلایوب سونیوردی .
 نزیه بوتون بوتون دالهرق ، هیچ بر شی کورمیور
 کبی کئندن کچهرک خیالره ، رؤیالره کومولیور ؛ بر
 طرفدن یوکسهلن آوازۀ توحید ايله دیگر طرفدن کلیور
 ظن ایتدیکی فریاد ناقوس طاغلرده ، تپلرده ، سمالرده
 بر انعکاس مهیب ايله تشدد ایدیه ایدیه دماغی صارصدقچه
 پیش رؤیتی کشف بردومان قاپلیور ؛ بو دومان آراسنده
 بر برلریله چارپیشمق ایستر کبی صبرسنزلقله یرلرندن
 قیملدادقلرینی کوردیکی ایکی قطعه نك ، هلال و صلیبک
 اورته سنده کندی ، ترددلی ، کندی دوشونجه لریله ،
 بی چاره و متروک ، ازیلیوردی و آیاقلرینك آلتنده
 یشیل ، قراکلی ، قورقونج دالغه جقلر ، حل ایدیله مین
 برمعمانك مستهزی تمثالاری کبی برر خط استفهام تشکیل
 ایدهرک اوزاقلره ، تا اوزاقلره قوشیورلردی ...







